

3

EXCURSIO

IN LIBRUM CUIUS INSCRIPTIO EST:

D E

CANONICORUM CATHEDRALIUM

JURIBUS, AC MUNERIBUS.



NEAPOLI 1798.

*Domini Curati sunt in Ecclesia minores Præ-
lati, & Hierarchæ ex primaria institutione
Christi.*

Gerfon de Poteft. Eccl. Confid. XII.

iii
EXCELLENTISS. AC REVERENDISS. ANTISTITI

D. AUGUSTINO GERVASIO
ARCHIEPISCOPO CAPUANO

&c. &c. &c.



*Um tot , tantaque sint tuæ
argumenta virtutis , tuarum-
que laudum monumenta sem-
piterna , frustra ut futurus esse videatur
eloquentissimus licet quisque , qui ad ea
a 2 ora-*

oratione quovis pacto persequenda animum
 adicere non dubitet , nã ego in hac inge-
 nii mei vix mediocritate aliqua , stultitiã ,
 impudentiãque notam non effugero , si ea
 nunc vel celebranda , vel etiam percensenda ,
 numerandave suscipiam . Quæ cum ita se se
 habeant , & cum tuæ mihi laudes necessaria
 sint : eam ob causam prætereundæ , ne eas
 ingenii culpa , dicendo potius imminutum ,
 ac detritum eam , illud certe non omittam ,
 ut primum Ecclesiasticæ rei , in qua scilicet
 administranda tantopere non tam gradu , quam
 prudentia , diligentiaque emines singulari ,
 suam felicitatem & gratuler , & quam diu-
 tissimam adprecer , deinde TIBI profitear
 me eum esse , qui TUI , tanti scilicet , ta-
 lisque viri memoriam , qua nihil mihi gra-
 tius , sanctiusque , & admiratione , & be-
 nevolentia , quanta fieri potest maxima , nuli-
 lo

v

lo unquam tempore colere , atque complecti
desistam . Verum de his satis . Ad me enim
veniam , totamque ab initio consilii mei ra-
tionem exponam , quamobrem factum sit , ut
in animum induxerim lucubrationem .hanc
paucos intra dies exaratam TIBI sistere , tuo-
que præcipue Nomini inscribere . Diu jam
est cum egregiis ego animi tui dotibus ca-
ptus aliquem litterarium laborem (& non
paucos variorum argumentorum Commentarios
in forulis delitescentes domi habebam) mea
erga TE voluntatis testem publice extare
perbonorificum mihi fore duxi , idque perfi-
ciendi opportunum ut aliquod incid. ret tem-
pus votis omnibus optare , atque expetere
cæpi . Nuper vero cum Aversanæ Cathedra-
lis Theologus Opus DE CANONICORUM CATHE-
DRALIUM JURIBUS evulgasset , equidem &
veritatis tuendæ studio , & amicorum es-

*flagitationibus permotus facile ad id me ad-
 duci passus sum, ut quid ea de re, quam
 Theologus pertractandam aggressus fuerat,
 sentiendum foret, nulla ceteroquin ex par-
 te, mea erga hominem observantia imminu-
 ta, ingenue aperirem, scriptoque mandarem.
 Id autem consilii vix ut cepi, sensi illico
 justam tandem diuturnum meum desiderium
 explendi occasionem fuisse oblatam. Qua in
 re non tam illud vereor, ne in TE per has
 ineptias interpellando audaciæ nomine sim
 reprehendendus, quam futurum spero, ut a
 justis rerum aestimatoribus magnam iudicii,
 prudentiaque laudem sim consecuturus, quod
 suscepti a me laboris huiusmodi patronum,
 ac veluti vindicem, neminem præ TE alium
 optare in mentem venerit, præ TE inquam,
 qui & ad verum internoscendum tam acris
 iudicio, tantaque polles intelligendi facul-
 tate,*

tate, & ad illud defendendum partim ab insuperabili quodam innato animi tui impetu duceris, partim a persona illa, quam tanta cum dignitate sustines, non admoneri TE solum, sed plane adstringi intelligis. Sed finis sit; a pluribus enim consulto supersedeo, ne si longius in hanc sententiam disseram, in eam partem a quoquam mea accipiat oratio, quasi id ego existimem, TE ad recte, vereque de rebus judicandum, & pro veritate decertandum vel mea, vel alterius cujuscumque opera excitari debere. Illud jam restat, ut postquam TIBI bonorum omnium voluntatem erga TE indicavero, eorumque pro tua salute, atque incolumitate vota aperuero; TE denique orem, atque obtester, ut TU, quod jam facere cœpisti, nunquam illos vicissim luculentissimis tuæ benevolentiae signis demereri, eorumque jus-

viii
*friffimis veritatis vindicandæ defideriis ve-
lificari intermittas : Datum Aversa Idibus
Julii 1798.*

Excellentiæ Tuæ Reverendiss.

*Addiffimus, & obsequentiſſimus
Antonius Malvaſius.*

ix

CRESCENTIUS CORVINO PAROCHUS

A D

ANTONIUM MALVASIUM
PAROCHUM.



Quæcumque, ANTONI, chartis illeveris hisce,
Attento percurri oculo, trutinaque severa
Pensavi, primos versus meditatus ad imos,
Difficile & dictu est quantum scripta omnia recto
Stent talo, & quantas laudes mereantur utroque
Pollice. Lectori sit quidnam displiciturum?
Ordo fortassis? conaris callidus arte,
Quæque locata suis in sedibus ut jaceat res:
Eloquium? Latii loqueris sermone meraco:
Lingua loquax? clarus simul, & brevis esse laboras:
Quid tandem? Canonum ne inscitia? nominis audis
Vir multi, interpretes Canonum, fidusque magister.
Hoc opus ergo tuum quo puncto digner? ad hæc si
Jungam ea præsertim, quibus hoc mage nobile fiat;
Nimirum quibus amissas reparare queas res,
Erigere, & Parochos alioqui dispereuntes.
Doctus enim doctam promissis de jure querelam, &
Causaris partem nostri abstraxisse peculi.
Hactenus intacti, propriamque petisse sui ceu
Mancupi factam Scriptorem nempe libelli;
Quem petis *excurrent*, ut quod rapuit, repetas mox
Prolatis tabulis, & certis testibus usus;
Atque agitas adeo causam, litemque peroras,
Rursus

Rursus ut integro videamur jure potiri .
 Tanta opus, o bene, cælasti ingeniosius arte . Hinc
 Maeste tua virtute omnes iteramus ovantes ,
 Vindictis latis ut victorum genus . Atqui
 Addemus potiora etiam præconia laudum
 Dum te suspicimus, qui contra dicta refellis
 Totus in hoc, restent obstantia nequa Paroecis .
 Unde innutritus studiis, ac mente sagaci, &
 Præceptis sophiæ multis, magnisque madenti
 Rimaris rerum monimenta arcana volutans,
 Ac veri vindex convincis crimine falsi
 Argumenta forent quæcumque infarta libello .
 Quid scriptor? rejectus abivit non aliter, quam
 Sorte sua haud contenta, atque ambiciosa volucris;
 Hæc est, quæ plumas pavonibus abstulit; in spem
 Hanc arrepsit enim spectacula pandere raptò,
 Qualia nequaquam proprii potuere colores .
 Quorsum at consilium malefanum mentis iniquæ?
 Novit ubi custos, rigidusque satelles honoris
 Grex avium, insurrexit atrox, petiitque dolosam, &
 Decevit rostris *alienum restituiri* .
 Sic male mulcata effugit cornicula, & exspes:
 Hæc ab eo vero non multum abludit imago,
 Qui jura, & decora, & nostros tentavit honores;
 Quamvis hic autem discessit amicus, atque
 Comiter exceptus, neque verbo captus ab ullo;
 Obsequio grassaris enim, non verberare linguæ;
 Accedat quo major honos operique, tibi que,
 Qui non invidia, sed veri scribis amore.

I N D E X xi

L ECTORI SI QUIS ERIT.	pag. 3
SCOPUS HUIUS OPUSCULI.	9
<u>DISCUTITUR PRÆFATIO CLARISSIMI</u>	
<u>THEOLOGI NOSTRI.</u>	11
<u>In Primam Partem Libri ejusdem Theologi.</u>	00
§. I. Theologus noster dum Canonice cau-	
sam agit, illam prodit. 2. Parochi confla-	
runt Presbyterium illud, pro quo ipse pu-	
gnat. 3. An Episcopi & Presbyteri cogno-	
mines olim fuerint. 4. Solvitur objectio	
ex Epist. ad Philipp. 5. Item ex Actibus	
App.	17
§. II. Inanis protestatio Theologi nostri. 2.	
Bona fide, & nolens Episcopalem potesta-	
tem enervat. 3. Quomodo accipiendi qui	
formam Presbyterii ex Judaicorum Rituum	
instituti deducunt dicunt. 4. Germana	
Episcopalis dignitatis imago.	27
§. III. Theologus noster innoxius Bullæ Pii	
VI. violator. 2. Nunquam Ecclesia pas-	
sa est simplices Presbyteros affidere cum E-	
piscopis in Generalibus Conciliis controver-	
siarum Fidei iudices. 3. Nec ipsi Presby-	
teri opinati sunt unquam sibi jus illud adesse.	
4. Ex Tridentini facto confirmatur hoc	
ipsum. 5. Frustra Theologus noster contra	
pugnat exemplo Concilii Hierosolymita-	
ni.	33
§. IV. Ex electione S. Mathiæ causæ suæ præ-	
sidium quærens Theologus noster difficilem	
incidit in nodum. 2. Refellitur ejus senten-	
	tia

ria de Sortibus ibi commemoratis. 3. Diaconorum inauguratio nihil ejus causæ roboris addit. 38

§. V. Excommunicatio in incestuosum Corinthium non arguit jus illud quod pro Presbyterio urget Theologus noster. 2. Neque illius absolutio. 3. Multo minus Eleemosynarum Collectores, & Distributores. 43

§. VI. Primi subsellii Doctorem se prodit Theologus noster disputans de potestate divinitus Presbyteris collata. 2. Feliciter Adversarios refellit. 3. At gravia momenta nos ejus doctrinæ prorsus acquiescere non sinunt. Inaniter argumentatur ex Hierarchia Tridentini auctoritate constabilita. 46

§. VII. Frustra in susceptæ causæ patrocinium Traditionem advocat Theologus noster. 2. Ignatii Martyr. sensus aperitur. 52

§. VIII. His quæ contra hæctenus posita ex Ignatio Theologus noster opponit, satisfacit ex eodem Ignatio. 56

§. IX. Polycarpus, & Irenæus quos objicit Theologus noster non sunt nobis contrarii. 2. Insignis Epistola Ecclesiarum Viennensis, & Lugdunensis Theologo nostro non suffragatur. 3. Nec Justinus, & Tertullianus. 4. Clemens Alex. & Origenes sententiæ nostræ non adversantur. 62

§. X. A Canonibus App. sententia nostra non metuit. 2. Non mediocriter tamen illi incommodant Theologo nostro. 3. Antiquissimorum in quibus hic versamur temporum usus, & praxis, Ecclesiæ Theologo nostro repugnant. 69

§. XI.

- §. XI. Neque ex verbis, neque ex factis Cypriani oppositæ sententiæ robur conciliatur. 2. Qualcunque honoris significationes Clero suo SS. Martyr exhibuit, non jus imperavit, sed singularis illius caritas, & animi demissio postularunt. 3. Ex his quæ habet Cyprianus in causa Lapsorum nihil contra nos. 4. Refelluntur quæ Theologus noster contra superius posita declamat. 73
- §. XII. Contestatio Cleri Rom. cum Carthaginienſi nihil pro asserto a Theologo nostro Presbyterorum jure evincit. 2. In condemnatione Samosatæni ut Antiochenorum zelum Presbyterorum suspicimus, & prædicamus, sic nullam horum jurisdictionem, refragante Theologo nostro, agnoscimus. 85
- §. XIII. Solvuntur quæ ex Ephesina Synodo Theologus noster pro suscepta causa deducit. 2. Item quæ ex duobus Eusebii Cæsar. monumentis. 3. Theologus noster eo quo non debet, progreditur. 4. Neque Hilarius, neque magnus Basilius ei suffragantur. 89
- §. XIV. Ex Chrysostomo, & Hieronymo non invictum pro assertis Presbyterorum juribus argumentum depromitur. 97
- §. XV. Ambros., & Augustin. non adstipulantur sententiæ Theologi nostri. 2. Frustra hic nititur in suas partes trahere Auctorem QQ. Vet. ac Nov. Testam. 3. Nullum ex Opulc. de 7. Grad. ejus causæ robur accedit. 107
- §. XVI. Leo M. Gregorius item M. sententiæ nostræ non adversantur. De sensu egregii D. Isidori Hispal. 3. De ceteris testibus a Theo-

Theologo nostro conglobatim productis. 111

§. XVII. Concilia ex quibus momenta pro suscepta causa Theologus noster depromit, nobis non adversantur. 2. De Con. Eliberritano. 3. Tum de Arelatenſi. 4. Exponitur ſenſus Synodi Laodicenſis. 117

§. XVIII. Magnam Nicænam Synodum frustra in ſuas partes trahere conatur Theologus noster. 2. Judicium Alexandrini Conc. Nicæna Synodus probans, non probat ſententiam Theologi noſtri. 3. Occaſione Alexandrini Conc. agitur de forma veterum Conciliorum, & iterum oſtenditur nunquam ſimplices Presbyteros in his fuiſſe iudices controverſiarum Fidei. 4. Diluuntur quæ Theologus noster aſſert ex Conc. Chalcedonenſi. 123

§. XIX. Antiocheni Canones indigni qui videntur in ſubſidium a Theologo noſtro. 2. Quomodo dicantur probati a Chalcedonenſi. 3. Indignamur Theologo noſtro commentarium edenti in quartum Satanici illius Conventiculi Canonem. 133

§. XX. Rurſus de Magno Nicæno Concilio. 2. Theologi noſtri non ſerenda hallucinatio. 3. Senſus Sardicenſis Conc. 4. An jure exultet Noſter in Africanis Conciliis. 5. An recte ex Chalcedon. argumentetur. 136

§. XXI. Monumenta ab Eccleſia Rom. depromta Theologo noſtro non ſuffragantur. 2. De judicio Syricii Papæ contra Jovinianum. 3. Quo ſenſu Felix Papa dixerit Apoſtolicum Thronum teneri a ſe, & ab his qui ſecum erant. 4. Acclamationes in ſequoribus

ris ævi Conciliis usurpatæ nil oppositæ nobis sententiæ roboris addunt . 5. Discutitur Anastasii narratiuncula de vi pene illata Eugenio I. 145

§. XXII. Turonensis Synodi infaniam perperam invocatur Theologus noster . 2. Parisiensis IV. Imbecillitas quoad idipsum . 3. De Conc. Vernensi , Brachar. I. & Tolet. IV. Demonstratur hoc ultimum ad rem nostram facere , & ex hoc amplius patere quomodo Œcumenica Concilia Presbyteros admiserint . 4. De Presbyteris in partes Episcopi absentis, vel mortui vocatis . 156

IN SECUNDAM PARTEM LIBRI THEOLOGI NOSTRI.

§. I. Theologus noster egregie candidus jactat fundamenta Parochialis dignitatis . 2. Solo nomine a nobis discrepat . 3. Ejus dexteritas in vetustis perquirendis Monumentis . 4. Omnia quæ colligit in Parochorum amplitudinem quadrant . 5. Pauca quædam de Parochorum dignitate . 161

§II. A recta, in quam se dederat, via incipit deflectere Theologus noster . 2. Dignitas Capitulorum, quibus Animarum cura adnexa est . 3. Injustissimam causam suscipit propugnandam Theologus noster . 4. Nonnulla hanc in rem . 172

§. III. Inquiritur in illa Collegia, seu Capitula tempore communionis initæ , & distractæ , in quæ Theologus noster vetusti Presbyterii jura contendit transfusa . 2. Quænam Cleri con-

- conjunctio cum Episcopo Presbyterium constituerit. 181
- §. IV. Discutitur horrenda propositio Theologi nostri. 2. Opponitur illa omni juri. 189
- §. V. Infirma sunt, quæ ex Hincmaro Rhemenfi profert Theologus noster. 2. Ex Aldrici Episcopi Senon. & Gerardi Cadur. factis inaniter argumentatur Theologus noster. 192
- §. VI. Quæ Theologus noster urget ex Episcopis agentibus cum Congregatione Cleri, Parochorum causam juvant. 2. Episcopi qui intar Monasteriorum Diocesim gubernabant, hic non incommodant. 3. Quæcumque ex parte in antiqui, vel medii ævi monumenta oculos conjicias, semper victrix Parochorum causa. 199
- §. VII. Theologus noster ducibus, ut ipse arbitratur, Paschale II. & Callixto II. in quæstionis arcem invadit. 2. Maximum in Alexandrina Constit. sibi præsidium constituit. 3. Evertitur ab imo præsidium illud. 4. Paschale II. & Callixti II. germanus sensus. 208
- §. VIII. Burdigalensis Con. sanctio non confirmat sententiam Theologi nostri. 2. Pientissimi Card. Poli judicium quomodo, & de quibus Canonicis intelligendum. 213
- §. IX. An Capitulo sit aliquod jus in præmiorum largitione. 2. Justissime deventum ad Praxim quæ nunc obtinet. 3. Mira confidentia Theologi nostri, dum in collatione Beneficiorum quibus Animarum cura est annexa, Capituli urget potestatem. 217
- §. X.

- §. X. Perperam Theologus noster Clerum, quo in inflictione pœnarum jura meminere, ad solos Canonicos coarctat. 2. Rursus ex spiritu Ecclesiæ, & ineluctabili ratione evincitur Parochos longe eminere supra Canonicos. 3. Præscriptionibus inter se pugnantes Episcopi, & Canonici satis declarant quantum fuerit a pristina caritate discessum, & quanta exinde Parochorum gloria. 224
- §. XI. Quæcumque splendida, & magna de Canonicis prædicat Theologus noster, Tridentini auctoritate exsufflantur. 2. Luculentius Parochorum dignitas hic se prodit. 231
- §. XII. Theologus noster egregius sui ipsius confutator. 2. Occasione Synodorum, de quibus late hic Theologus noster, demonstratur quanta se circumvenerint censura Canonici, dum Animarum curam abjecerunt; idque ratione, & Tridentini auctoritate evidentissime evincitur. Quanta Parochis horum consideratione dignitatis accessio. 236
- §. XIII. Injuncta Vicarii Capitularis mentione, inquiritur an ex hac electione, decantata illa Capitulorum jura firmentur. Adimitur larva, & sola dominabitur bilthri. 243
- §. XIV. Canones qui Theologo nostro meminisse sunt visi de consensu, vel consilio Canonicorum in Ecclesiastico regimine, non id intendunt quod ipse contendit. 247
- §. XV. Castigatur licentia cujusdam Veteratoris indignis modis Assisios excipientis. 2. Injustissime his aditum ad Canonicatum præcludi. 3. Demonstratur omni momentorum genere, hos ceteris paribus, præferendos

xviii

in ascensu ad Canonicatum, 4. Florentissimus hodie Assisiorum Cathedralis Aversanæ status s. R. D. Bernardi Carobene Assisii elogium.

256

IN TERTIAM PARTEM LIBRI
THEOLOGI NOSTRI

Lugubris lamentatio, fletusque mærens super constitutione, ac statu RR. Capituli Aversani.

177

Excitatorium ad Parochos Urbanos.

297

Responsiones ad Appendicem Theologi nostri.

399

LECTORI

LECTORI SI QUIS ERIT.



Tſi fama de Canonico Theologo Cathedralis Aversaſanæ Eccleſiæ D. VINCENTIO PESCE propter & ejus egregiam doctrinam, qua præſtat univerſos, & ſingularem probitatem, cujus edidit luculentiffimas ſignifica-

tiones, & pietatem maximam, & præclarum ſtudium, & religionem admirandam in Re Catholica propugnanda longe lateque diſfuſa percrebuerit; Is tamen editione illius Opuſculi, in quo Canonicoꝝ Cathedralium jura, ac munera purioris Latinitatis elegantiâ mirifice recenſet, effecit illud proſecto, ut ſibi non mediocriter detraxerit, & quod mihi maximopere diſplicet, apud omnem Clerum non parum offendiſſe videatur. Ecquis enim non videat quantum exinde præſidii magnus ille Vir deſperatæ Janſeniſtarum cauſæ conciliet, qua vi diſjectæ illorum molitiones revivifcant, & quantum Eccleſiæ ex tam diuturno bello reſpiranti certamen integratſcat? Res nulli ignotas invadimus. Propoſitum fuit perduellibus illis omne Eccleſiæ regimen evertere; hoc ut aſſequerentur callidiſſimi veteratores, Pontificiam poteſtatem cum Episcopali commiſerunt; hanc inde per objecta jura Preſbyteroꝝ ſecundi ordinis (Parochos vocant) veluti per cuniculos quorſdam labefactare ſtuduerunt.

Id aggreſſus eſt in primis anno 1676. inſignis

A 2

Jan-

4
Jansenii propugnator Jacobus Boileau Doct. Sorbonicus edito Opere sub larvato Claudii Fonteji nomine DE ANTIQUO JURE PRESBYTERORUM. (Utinam virulentum illud Opusculum in manus Theologi nostri non incidisset!) Magnus exinde animus Jansenianis. Saxum hoc strenue volvere identidem non destirere. Quid consilii ceperint in tenebrosis illis suis conventibus cui nostrum latet? Acerrime pugnatum est. Jansenistas innumeris undique editis voluminibus Catholici obruere. Asserta illa jura omnino commentitia, & ab conscelerata mente procusa, manifesto falsi crimine notata sunt. Pontificiæ Majestatis robur accessit, & luculentissima Pii VI. Bulla AUCTOREM FIDEI anno 1794. num. X. tumultuoso negotio finem imposuit; Presbyteros illos in ordinem redegit; hinc etiam atque etiam admiramur doctissimum Nostrum illo proclinata jam re progressum, qua etiam integra, progrediendum illi non fuisset.

Sed quorsum hæc omnia? Fortassis ego credam Clarissimum Scriptorem ita male animatum, ut ierit in alia omnia a Christiana Catholica veritate, aut partes teneat heterodoxas? Nequaquam. Is enim non sum perditissimus, qui talem personam velim impositam viro pientissimo, quique suspicer hunc pravum animum illum ad scribendum attulisse. Absit quam longissime a tanto Theologo injustissima hujusmodi criminatio. Discrucior tamen animi, & acerbissime afflictor hoc illum arripuisse argumentum ex quo non male fortasse pertractato, sed perperam potius intellecto, rudioribus, atque imperitioribus nostri ævi hominibus ansa præberetur non adeo recte

recte, quod ad quasdam Theologicas veritates
attinet, opinandi.

Sed fuerit is fortasse suspiciosi, & prave ti-
mentis animi mei motus. Nihil in publica com-
moda deriveretur incommodi ex iis sapientissimi
Theologi nostri lucubrationibus. Age tamen, e-
re fuit in his quisquiliis, & ad nauseam usque
fastidiosam laboriosam operam collocare? Pro in-
genium illud immortalitate dignissimum! memo-
riam tam multiplici pulcherrimarum cognitio-
num ubertate refertam in argumento levidensi,
& quod satius fuisset indictum omnino relinqui,
tanto molimine fatigari! Quam gratiam, quam
utilitatem ex hoc labore est collecturus? Profe-
cto occentares illud: *cui bono hoc Opus?* Ni-
mirum liberrime dicam: defuit sane spei, & ex-
pectationi nostræ doctissimus Theologus, nec sur-
famæ satis consuluisse videtur, dum coloribus al-
iorum, licet penicillo suo, odiosam, sed muta-
ta facie, nobis imaginem expingit.

Parochos, ut Episcoporum infringere pote-
statem Jansenistæ, ad cælum usque extulerant;
his sacratiora jura illorum fecerant communia,
adeo ut Episcopos, & Parochos pares quodam-
modo esse arbitrarentur. Id vero quo consilio
factum sit, nemo unus ignorat. At aliquam sal-
tem justitiæ speciem injustissimæ contentioni apud
imperitam plebeculam afferre videbatur non vul-
garis Parochorum auctoritas. Clamabatur ad ra-
viam usque, hos in sollicitudinis Pastoralis partem
vocatos; egregia 72. Discipulorum institutione
commendatos; doctores in Israel constitutos;
quibus invidendo decore, & sacræ doctrinæ de-
positum, & Sacramentorum administratio fuerint

concredita. Ast de Canonicis tum apud plebem, tum apud Jansenii symmystas altum silentium. Sane perſentiscunt omnes ipsum Canonicatus beneficium, tamquam simplex, Canonicos præ Parochis duplici beneficio potitis, longissime diminuerē. Scilicet perſentiscunt omnes ea, quæ Theologus noster noluit perſentiscere.

Hic ecce novo ſententiæ commento, tristi in Parochos inflicta censura, hos Canonicis ſubjicit. Quid enim aliud ſibi vult, dum conſtanter affirmat: *vetuſti Presbyterii jura in ſolos Cathedralis Eccleſiæ Canonicos tranſfuſa, & hos licet* (ſunt ejus verba) *animarum curandarum onere peculiari levati fuerint, adhuc tamen Paræciarum totius Diœceſeos eminenti quadam, ac generali ſollicitudine, ac regimine, eo nimirum, quo Episcopus ipſe tenetur, una cum eo ex vi ſui miniſterii obſtrictos, devinctosque eſſe.*

Multa peccat Theologus noster: Primo Eccleſiaſtici regiminis formam ſtrenue per Italos præſertim Scriptores propugnatam evertit. Præterea injurioſum ſe Episcopali exhibet auctoritati, hanc inertibus, & deſidioſis Canonicorum cancellis circumſcribens. Deinde crudele ſervitium Parochis indicit; & tandem ut, quod ſentio, libere expromam, nescio quomodo ab illius Opusculi lætatione fervor ille caritatis, qua in noſtros Præpoſitos flagrare debemus, deferbeat; diſſidentię quidam torpor obrepat, ut quamvis ſubmiſſius ſe gerant, qui Superiores ſunt, non facile pacatum ad eos animum afferamus.

Verum hæc ii, quorum intereſt, videant. Nihil exiguitate mea Episcopis opus eſt. Parochorum me excitat cauſa, quam Opusculo illo non
me.

7
mediocriter vulneratam graviter fero, & debitum
erga Confratres meos officii munus, quæve pro
illis stat summa ratio, me in tanto eorum di-
scrimine tacere non sinunt. Brevitati tamen stu-
debo, ne Lectorum, si qui erunt, patientia vi-
dear abuti; chartæ quoque, ac atramenti, quo-
rum ingens nunc pretium, ne multa sit jactura;
neque piperis, vel salsamentorum involvendo-
rum officinis, ampla per meas chartas copia sup-
peditetur.

1. The first part of the paper is devoted to a general discussion of the problem.

2. The second part is devoted to a detailed analysis of the case of a single particle.

3. The third part is devoted to a detailed analysis of the case of a system of particles.

4. The fourth part is devoted to a detailed analysis of the case of a system of particles.

5. The fifth part is devoted to a detailed analysis of the case of a system of particles.

6. The sixth part is devoted to a detailed analysis of the case of a system of particles.

7. The seventh part is devoted to a detailed analysis of the case of a system of particles.

8. The eighth part is devoted to a detailed analysis of the case of a system of particles.

9. The ninth part is devoted to a detailed analysis of the case of a system of particles.

10. The tenth part is devoted to a detailed analysis of the case of a system of particles.

11. The eleventh part is devoted to a detailed analysis of the case of a system of particles.

12. The twelfth part is devoted to a detailed analysis of the case of a system of particles.

13. The thirteenth part is devoted to a detailed analysis of the case of a system of particles.

14. The fourteenth part is devoted to a detailed analysis of the case of a system of particles.

15. The fifteenth part is devoted to a detailed analysis of the case of a system of particles.

SCOPUS

HUIUS OPUSCULI.

NUnquam affirmaverim Episcopum quantavis prudentia polleat, & scientiam habeat sicut Angelus Domini, in arduo suo munere nullius egere consilio. Is non ferendus superbiæ tumor errare sinet illum, & in abrupta quævis miserrime dejiciet. Nunquam inficiabor fieri posse, ut inter Cathedralis Ecclesiæ Canonicos deprehendantur quamplures purissimi consilii Sacerdotes, quos cum necessitas ingruit, vel implicatius aliquod urget negotium, non consulere, summum esset in Episcopo nefas. Quod quæritur, est: An Canonici vi gradus sui decantatum illud consient Presbyterium, penes quod sit celeberrimum jus una cum Episcopo pascendi gregem: omniumque Ecclesiarum, quæ in Episcopali Diocesi continentur, una cum Episcopo curam gerendi: non libere, sed necessario hi debeant Episcopo a consiliis adesse, ut nihil sine horum oraculo Episcopus aggredi possit: ne quid iste suscipiat, nisi observator mirificus exploret, quid tinniant illi. Hæc toto Opusculo propugnat Theologus noster.

A quo tamen nos in aliam sententiam discedentes, ut Parochos & munere, & dignitate Canonicis antecellere autumamus, ita quicquid affert ille, & Capitulis affingit Cathedralibus, proprio jure Parochis, & vindicamus, & adscribimus, & adjudicamus. Imo si vetusti illius Presbyterii jura, debita tamen moderatione accepta, ~~tata~~ velimus haberi, hæc in Parochos urbanos trans-

transfusa contendimus. Tamquam quid monstri horremus ineptum illum Theologastrum, qui Parochos sub Canonorum censura constringit, vel quid juris in illos Canonicis tribuit. Arbitramur Episcopum, si sapere velit, a Parochis potius, quam a Canonicis consilia in suæ Diœcesis regimine exquirere debere, cum firma juris, & de jure præsumptio pro Parochis pugnet, quos eadem Pastoralis sollicitudo, & longo usu comparata impeditissimæ illius Provinciæ, scilicet animarum curæ cognitio, aptos reddit, qui Episcopo utilem operam in tot, tantisque ambagibus queant navare.

Hæc ita sunt profecto, atque ita esse, luce clarius ostendam. Interim Lectorem oro, ne commodiorem desideret ordinem in hac elucubratiuncula. Cogor enim vestigiis ejus insistere, qui me ad scribendum impulit. Quamobrem, ut parcat, oro, si non videbor interdum a confusione remotus, vel scrupulosius, & pressius minuta quædam, magna vero strictim, & prope-rante calamo persequar; necesse est mihi, ut Magistrum, & Doctorem meum Canonicum tanquam pedissequus adjunctus æquis passibus affecter. Optassem, ut Capitibus, Numeris, & Paragraphis doctissimus Vir suum Opus distinxisset, nec in obcæcatum splendore eloquentiæ suæ Lectorem toto simul agmine irruiisset. At hoc si in illo laudabile, in me certe non ferendum; nam inconditus, & illiberalis stylus, vilis, & confusa eruditio mea aliud consilium me cogunt ini-re. Indicabo quoque paginas, ut nostra cum suis facile queant conferri.

DISCUTITUR PRÆFATIO

CLARISSIMI THEOLOGI NOSTRI.

Elegantiarum plenissima Theologi nostri Præfatio veritatis amatoribus esset fortasse minus gravis, si Canonicis (ut Canonici sunt) longe remotis, in Presbyteris, vel saltem Parochis jura illa se persequuturum ediceret. Quod enim ibi Noster maledictum vehemens existimat, Canoniorum scilicet munia, angustissimis Odei, quo, divinas celebraturi laudes conveniunt, finibus definiri, id maxime verum justis rerum aestimatores arbitrantur, qui Canoniorum nullas alias partes agnoscunt, nisi divinam psalmodiam. Fatentur autem, idque exploratissimum est, Ecclesiasticum Ordinem non otii locum esse, sed operis, sed laboris. In aliorum commodum, in Populi utilitatem, ac salutem incumbere, non sibi vivere oportere, qui Ecclesiasticæ militiæ semel nomen dederit, & Sacrorum Librorum auctoritas, veneranda Traditio, ac Sacerdotii natura disertissime clamant.

Hæc Theologus noster ad Canonicos, ut Canonici sunt, detorquens, mirum est, quantum a scopo aberraret; & quod magis mirandum, obstupescit verbis Guillelmi Parisiensis, quasi excelsi quid & longe supra cuncta Sacerdotii decora, quid eximii attulisset ille dicens: *Canonicus nomen est, Officii, Operis, & Militiæ Clericalis*. Nunquid Psalter, Ostiarius, Lector non est nomen Officii, Operis, & Militiæ Clericalis? An nihil omnino laboris, & operis in illo publico Ho-

Horarum penso? Vel aurigas, tonfores, coquos in Chorum compellemus, ut dici exinde nequeat Canonicatum Militiæ Clericalis nomen esse?

Quid si clarissimus Scriptor in hac prima, quam versamus, pagella, his mirifice consentientia intermiscet? Queritur multos ea scientia, iisque dotibus, quibus esse debent instructi, qui ad Canonicatum evehuntur, destitutos, inhiare Canonicatibus, cursitare per Regia Tribunalia &c. Et ad calamitatis cumulum addit: *Alterum* (incommodum) *nec minus grave, quod si quis forte ea Sapientia, quæ Ecclesiæ desiderio respondeat præditus, in Collegium adsciscatur, nihil aliud ab se expeti demum præter Domini Officii recitationem putans, ignavam, ac prorsus desidiosam vitæ rationem instituat.*

Dic sodes, si præditus ea scientia, quæ Ecclesiæ desiderio respondeat, Canonicatu potitur, quomodo putare poterit nil aliud a se expeti præter Divini Officii recitationem? *Αδύνατος* error, cum scientia ab Ecclesia requisita ab illo amandet hunc errorem, & Canonicum illum muneris sui faciat certiores. Peccat ergo non ignorantia scilicet *putans*, sed malitia, dum sciens ea, quæ muneris sui sunt, desidiosus omittit, ac negligit.

Quamobrem hac in re dicerem, quod vis ipsa veritatis manum duxerit Scriptoris, ipso fortasse non advertente; sitque firmissime tenendum scientiam, quæ respondeat desiderio Ecclesiæ, requisitam in illo, qui ad Canonicatum evehitur, id tantum poscere ab eo, ut putet se, ut Canonicum (non loquor hic de Sacerdote) vi Canonicatus ad aliud non teneri, nisi ad Divini Officii recitationem.

13

nem. Idipsum celeberrimo Canonistæ Van-Espen, qui tam multa pro Canonicis scriptitaverat, contigisse infra videbimus. Vide quanti sit veritas!

At hanc tantam veritatem Canonicalium Jurium vindex audacissimus non agnovit; immo illam dissimulavit; atque hoc suum propositum, quo facilius assequeretur, causam statuit speciosam faciendam per verba phalerata; nimirum in ipso exordio gloriatus est Canonorum cœtum frequentissime *Senatum* Episcopi nominari: quod perhonorifico nomine, tenquam præjudicata quædam sententia, victricem tenuit causam Canonorum.

Hem! Quid ad tanti nominis claritatem misselli Parochi poterunt hiscere? Si Canonici *Senatum* conflant, scribe eos inter capite censos, aut inter lixas, calones, non tamen inter proletarios, & immortalem gratiam habebunt.

Verum quo digredior? Præsertim cum tanta dignitas *Senatus* non sinat, ut evager animo, atque illam obliviscar. Augusta vox illa. Nil mirum si tantum de illa sibi placeat Tractator noster. Invaluit illa jam dudum non solum apud primi subsellii Doctores, sed & Oecumenici Concilii, & Summorum Pontificum est auctoritate probata.

Dicimus & ipsi Canonicos Episcopi *Senatum*. Sed qualis sit hic *Senatus*, dispiciamus oportet. Nec menti obversetur imperiosa illa prisci *Senatus* flante Republica florentis conditio, quem vel projectæ adulationis vitio, vel ex animi sensu cœtum *Regum* quidam dicere non dubitavit. Novimus qualem Roma habuerit extincta libertate *Senatum*, cum Triumviri primum, Impe-

ra-

ratores deinde, postremo Reges, & Tyranni positi sunt rerum. Tunc magni nominis umbra Senatus. In ipso labefactata per civiles discordias libertatis exordio, *mancipiorum gregem* Senatum dixit Cato. An non ludibrium Senatus cum non rogarentur Patres sententiam magnifica illa formula VELITIS, JUBEATIS, sed tristibus illis verbis, VELITIS, NOLITIS, jussa accipiebant?

Equidem dum video Senatores juribus omnibus per Imperatores spoliatos, novis tamen insignibus auctos, dum virgatas, vel acu pictas vestes, secures quoque lauro decoras cerno, menti occurrit Capitaliorum quorundam animarum cura privatorum conditio. Vidi huc transmeantes agrestes, & montanos quosdam Canonicos vultu quidem horridulos; ast papæ! Quantum splendidus erat illis corporis ornatus! Pileati purpureo prægrandi flocco spectabiles, sericati, majoris pondera gemmæ digitis aptabant; vidi tibialia plurimo candenti minio rubentia. Apparitoribus præfectorum Urbis nostræ invidisse eos putavi. Vidi auratas in calceis fibulas gregariorum more militum. Hos si salutatum venisset Varro, *bellos homines* jure nuncupasset.

Hæc ipse cernens totus ferebar in admirationem, & præconia Canonicorum Cathedralis nostræ Averfanæ, ac simul etiam gratias immortales agebam Deo nostro, qui talem illis publico bono mentem indiderit. Horum modestia, ut edicit Apostolus, Deo nota est, & hominibus. Hi, ut virtutum omnium exemplo cunctis prælucent, sic habitus honestate, ac decentia consonam sacris Canonibus, & Synodalibus constitutionibus in cultu, & vestitu Clero universo egregiam formam

mam indicunt. Nec nisi ingrato silentio prætereunda est ipsorum humanitas, & effusa in Parocos honoris, comitatus, & benevolentiae specimina, ut mirum non sit, si Parochi non desinant omnibus officiis illos colere, revereri, diligere, & permagni aestimare.

Verum his omissis, dicimus iterum Canonicos esse Senatum Episcopi. Quærimus solum naturæ suæ, an Episcopi indulgentia? Si hoc postremum, nihil ad rem: quandoquidem poterit Episcopus alios Sacerdotes non Canonicos in consilium sibi adsciscere. Si primum cur Bonifacius VIII. cap. NON EST 3. de Consuet. in 6. decernit: *NON ESSE reprobendam consuetudinem, quam allegat Episcopus, quod in inquirendis, puniendis, & corrigendis subditorum excessibus consilium sui Capituli requirere minime teneatur?*

Audisti ne verba Bonifaciana? Ex quibus quid colligam? Nonne illud? Ex indulgentia, vel (ut minus latine dicam) ex beneplacito Episcoporum in consilium Canonicos adhiberi? Itaut consuescere possint, cum non teneantur Episcopi, Canonicos in consilium non adhibere, quæ tamen consuetudo non improbat a textu, tamquam corruptela; at reprobaretur, ut corruptela, si sacris institutis adversaretur; cuiusmodi consuetudines reprobantur in cap. CONSUETUDO, & seqq. Dist. II. Atque in cap. NON PUTAMUS idem Bonifacius reprobat *Consuetudinem quancumque tempore de facto servatam, quod ab Officiali Episcopi ad eundem Episcopum valeat appellari.* Cur quæso? Scilicet quod sit idem adiutorium utriusque. At quo jure hoc statutum? Canonico.

Ergo sic habe: Canonicos esse Senatum Episcopo-

scopi, quia optat Ecclesia non nisi probitate, & doctrina conspicuos in illud Collegium adlegi, ut eorum consiliis possit in arduo munere suo Episcopus uti, quod rationi, & utilitati quoque Populorum apprime consentaneum est; non autem quod sit aliquid juris ipsis cooptatione illa in album Capituli quæsitum; quod ex mente, & verbis ipsius Tridentini luculentissime suo loco demonstrabimus; ac proinde si inflatis buccis, & ad ravim usque Canonistæ, interque eos Van-Espen, urgent, & instant Canonicos esse Senatum Episcopi, id accipiendum eo, quem exposuimus, sensu, qui nihil susceptam causam juvat, præsertim cum SS. PP. & Concilia, Scriptoresque omnes eandem probitatem, & scientiam postulent ab omnibus, qui ad Sacerdotium sunt promovendi; & Canonici simpliciter ut Canonici, *ad hoc sunt instituti*, verba sunt ipsius Van Espen Par. III. De Inst. Canonic. Cap. II. *hocque eorum est officium, ut Hymnis, & Canticis Dei nomen reverenter, distinscte, devoteque laudent.* Sed molestum Senatum, in quo non pulcherrime stamus, tandem relinquamus.

Quod autem in fine Lectores monet, ac *sincere protestatur* clarissimus Auctor, non eo se consilio ad scriptionem animum appulisse, uti aliquid de Episcoporum dignitate, aut juribus detractum ulla ex parte velit, officiosissime quidem facit, illique sine juramento hæc asserenti boni Præsules fidem habebunt. Optamus, ne in furem aliquid incidat Prælatum, qui sibi his illudi minime patietur. At de præfatione satis, nunc rem ipsam, Deo bene juvante, aggrediamur.

Tres

Tres in Partes Opus suum distribuit
clarissimus Theologus noster.

P A R S P R I M A

I N S C R I B I T U R

MUNERA, AC JURA VETERIS PRESBYTERII.

§. I.

S U M M A R I U M.

1. *Theologus noster, dum Canonicorum causam agit, illam prodit.*
2. *Parochi constarunt Presbyterium illud, pro quo ipse pugnat.*
3. *An Episcopi, & Presbyteri cognomines olim fuerint.*
4. *Solvitur objectio ex epistola ad Philippen-
ses.*
5. *Item ex Act. App.*

A pag. 3. ad 6.

1. **V**El insignis bucco, imo stipes, lapis,
& quidvis aliud, quam homo ego sum,
qui nihil sapiam; vel egregius præ-
varicator est Theologus noster, qui Ca-
nonicorum, quam tuendam susceperat, causam pro-
dit in hac Prima Parte, quam Parochorum apolo-
giam jure inscribere posses. Profecto si mihi vires

B

ad

ad aliquid conandum pro Parochialis Gradus commendatione satis essent, libenter Plagiarius audirem, & hanc totam, quanta est, pauculis detractis, in meas chartas transferrem, certus firmiori, & altiori fundamento futurum ædificium non posse construi. Ecquis eorum, qui in Canonicatus fastigio (summus is vulgo honoris apex) collocatus oculos in Librum hunc intendens, novæ spei velificaturus animum non contrahet, seque mœrori non dabit, dum Theologum nostrum, qui acrius & studiosius Canonigorum, quales apud nos sunt, susceperat jura tractanda, deprehendet nil aliud revera tanto molimine agere, quam in Parochorum dignitatem augendam naviter ac diligenter incumbere.

Certe si ut ex his, quæ tractator egregius in toto suo Opusculo abunde congerit, apertissime colligitur in eo maxime versari Sacerdotii amplitudinem, ut Redemptionis opus per summum Sacerdotem feliciter confectum in animarum commodum utilitatemque derivet; ecquis inficiabitur inter secundi Ordinis Sacerdotes primum locum in tanto munere eos habere, qui in partem sollicitudinis vocati, summis Sacerdotibus manus porrigunt auxiliatrices? Qui custodientes vigilias noctis rationem de creditis ovibus reddituri, sacramentorum administratione, sacræ doctrinæ pabulo, omnibusque pietatis officiis, animarum saluti prospiciunt. Quique per asperrima quæque & difficillima viarum strenuitate maxima ingredientiæ numquam muneris suo satis factum putant, nisi animam suam pro tradito sibi grege libentissime posuerint.

His ita sese habentibus, dubitet sane, qui dubitare velit, ipse enim non modo non dubitem, sed

sed Parochorum magnitudinem in ipso disputationis vestibulo habeam exploratam. Contra ea rem minime e sententia fluere sentient Canonici nostri, seque concepta peropportuni subsidii spe frustratos vehementer indolescunt, gravissimeque de patrono conquerentur, qui datam non exolvat iis fidem, neque probet ea, quæ in fronte sui Libri liberrime inscripsit.

2. Quos vero multo magis queribundos audierim, cum ex hac veritate, quam modo proposui, viderint illud necessarium emergere consecrarium, nimirum Ecclesiasticos, quos Parochos dicimus, conflasse Presbyterium illud, de quo agimus, & de quibus Ignatius ad Trall. scribebat, esse *consiliarios Episcopi, illi assidere, & in Senatus Apostolici locum successisse*. Hinc Thomasin. Par. I. Lib. III. Cap. 7. num. 8. recensens discrimina antiquissimi illius Cleri, & hodiernorum Capitulorum, ait: *Non constabat Clerus ille, nisi Presbyteris, & Diaconis, sed hi Presbyteri, & Diaconi Parochi ipsi erant, & Pastores omnium civitatis Ecclesiarum, aut si necdum essent divulsæ a Cathedrali Parochiæ, in ea ipsi Parochorum omnia munia implebant*. Sed de hoc commodius infra redibit sermo, ubi evidentissime demonstrabimus eos, qui pro veteris Presbyterii juribus pugnant, pro Parochorum dignitate pugnare.

Quæ cum ita sint, optarem stare posse quæcumque in illius Presbyterii commendationem in hac Prima Parte Theologus noster, & diligenter colligit, & ingeniose confirmat. Quid enim optatius, quid jucundius mihi Parocho contingere posset, quam Parochorum jura tueri, illorumque infelissimam his temporibus conditionem hoc perop-

portuno auxilio relevare, & nativæ claritatis egregio de illis decore commemorato & asserto, ipsos a communi contemtionem, & despicientia vindicare? Auderem & nonnihil in hoc ipse. Video tamen magni nominis Theologos in alia omnia discedere. Hi commoda interpretatione quæcumque magna de Presbyteris illis Concilia, & Scriptores afferunt, ad voluntarias Episcoporum concessionem revocant. Video istos in illam caritatem, cujus glutino adolescentis Ecclesiæ temporibus Episcopis Presbyteri copulabantur, cuncta refundere, aliamque de Episcopatu efformare, & nobis exhibere imaginem.

Quamobrem sic statuo, nihil opus nos habere clarissima illa, quam non contemnendi Doctores in Parochis agnoverunt, primigenia divina origine, ut perveniamus, quo volumus, cum ipsa qualiscumque tandem sit Parochorum natura suo sibi hoc vindicet jure, ut sint illi Episcopis consiliorum si non auctores, at certe participes, at sollicitudinum focii, ac omni cogitatione conjuncti. Si hoc unum postulem, æquum postulare videbor.

Strenue ingreditur Theologus noster, & posita Episcopatus, & Presbyterii divina origine, & missione, subdit: *Utriusque Ordinis Sacerdotes ab ipsis Ecclesiæ incunabulis iisdem plane nominibus in Novi Testamenti paginis honestari, ut vicissim Presbyteri nomen Episcopis, & Episcopi Presbyteris passim adscribatur.*

3. Verum qui adversantur, concedunt Episcopos nomine Presbyterorum nuncupatos fuisse, idque extra dubitationis aleam positum. At Episcopi nomen fuisse Presbyteris tributum prorsus dene-
gant,

gant, adjiciuntque maximum hæc inter duo discrimen intercedere. Siquidem cum sunt variae species, seu partes, quæ uni subjiciuntur generi, omnium linguarum est usu receptum, ut nomen Generis evadat proprium illarum partium inferiorum sine detrimento tamen partium superiorum, quibus Genus ipsum aptatur. At neque usus, neque ratio patitur, ut nomen proprium speciei superioris inferiori aptetur. Exemplis res patebit. Sub nomine generali *Clericatus* intelliguntur etiam Sacerdotes. At eum, qui Clericus est, appellabis Sacerdotem? nullo modo. Adde: Duces, Tribuni, Imperatores exercitus magno sibi ducunt honori *Militum* se nomine nuncupare: *Commilitones enim suos, dum ad eos verba faciunt, summi Duces apud elegantissimos Historicos vocant ipsos gregarios milites; at feremus gregarium militem Imperatoris se nomine nuncupantem?* Ex his inferunt Adversarii nostri nil ad Presbyterorum excellentiam extundi ex eo, quod Episcopi Presbyterorum nomine inveniantur vocati.

At præfractæ negant Presbyteros quandoque nomine Episcoporum expressos. Præsentit id clarissimus Theologus noster, & sollerter occurrit. Nam profert duo Scripturarum testimonia, quibus nullum de assertionem suâ ambigendi locum confidit relinquendum. Etenim arripit Epistolam ad Philip. *cujus, inquit, ipsa inscriptio fidem faciet non licere impune aliter sentire. Ea autem sic se habet: Paullus, & Timotheus... omnibus Sanctis, qui sunt Philippis cum Episcopis, & Diaconibus. Quinam quæso hi Episcopi? Nunquid Philippen-sium Ecclesiæ fuerunt plures Episcopi contra Apostolicos, & Nicanos Canones?* Refellit deinde illos,

qui finitimarum Regionum Episcopos hñc *indicare* autumant. Tandem præcludit effugium agentibus id factum, quia vicinarum civitatum Episcopis epistola illa debebat communicari.

4. At advertere poterat Clarissimus Vir, Episcopos illos fuisse Presbyteros, Episcopali Ordine insignitos, quos & Apostolos, & Evangelistas nuncupatos legimus. Sic enim nascentis Ecclesiæ exordia postulabant. Cum enim Religio Christiana progressionem in dies faceret, perque civitates, & populos propagaretur, increbrescente multitudine opus fuit paratam esse copiam Episcoporum, qui ad Urbes, & Provincias Christiano partas nomini cum potestate mitterentur, ut ea, quæ ab solis Episcopis administrabantur, præstare possent, cujusmodi sunt Clericorum Ordinatio, Confirmationis Sacramentum, & alia quædam, quæ simplices Presbyteri non attingebant.

Hac de causa videntur plures in eadem Ecclesia, velut Ephesina, Episcopi fuisse, qui Apostolis tanquam majoris gradus Pontificibus, atque adeo summis obsequebantur. Sic Petavius Lib. I. Cap. II. de Episcoporum dignitate, cui consonat Thomassinus Par. I. Lib. I. Cap. I. *Apostolos*, sunt ejus verba, *aut semper, aut frequentissime, quibus Presbyteratus Ordinem largiebantur, eosdem Episcopalibus insignibus exornasse*. Pulcherrima sunt, quæ ipse in hanc sententiam adducit. Observat namque Apostolos non temere id factitasse; imitati sunt enim recentissima Christi exempla, qui simul, & semel Apostolatam contulerat illis, cui indivulsis nexibus, & Presbyterii, & Episcopatus tota potestas conferta erat; tum quoque quia Presbyteri illi zelo, spiritu, ac sanctimonia vèrè

Apo-

Apostolica fulgebant, ut mirandum non sit, si eorum ordinatio ordinationem Apostolorum propius æmularetur.

Et hoc brevissimo Compendio Apostoli Ecclesiæ fines latissime proferebant. Hinc consulto Paulus Tito præcipiebat *constitui per Civitates Presbyteros*, qui Presbyteri Episcopali clarebant ordine; nec erant præfigendi limites horum Presbyterorum potestati, & jurisdictioni, quorum zelus, & caritas ultra limites efferebatur. Vide Thom. ubi supra.

Hæc autem omnia tum simplices recens ortæ mores Ecclesiæ ferebant, nondum ambitione, & cupiditate, malisque ceteris artibus depravatis Christianorum animis. Posteaquam vero pristina illa caritas, & imitandi Christi, amplectendæque modestiæ & humilitatis retrixit amor, tum quod Hieronymus scribit, ad tollendas similitudines, & in Schismatis remedium placuit, ut unus aliquis e turba Presbyterorum eligeretur, qui præficeret reliquis, atque ita desiere pari non solum dignitate, sed etiam ordine, ac potestate plures creari, translata in unum tam honoris, quam functionis prærogativa.

Quamvis autem cumulatissime objectioni satisfactum putemus, ad majorem tamen explanationem eorum, quæ implexæ, ac perdifficilis hujus quæstionis occasione proponuntur, adverto, clari nominis Theologos opinari Apostolos in illis Ecclesiis, in quibus adhuc ipsi commorabantur, & in minoribus aliis subjectis alicui nobiliori, & in præcipuis urbibus constitutæ, Presbyteros tantum, & Diaconos ordinasse; siquidem munus Episcopi aut illi gerebant, aut Antistites amplioribus Ec-

clesiis præpositi, ut Timotheus Ecclesiæ Ephesiorum. Titus Cretensium. In Ecclesiis autem nobilioribus constituisse Episcopos, & Diaconos, atque ex horum numero, crescente postmodum Fidelium multitudine, ab ipsis Episcopis Presbyteros selectos, atque ordinatos fuisse. Igitur data opportunitate, nunc Episcopi, & Diaconi in Actibus & Epistolis Apostolicis commemorantur, nunc Diaconi, & Presbyteri, quoniam necessum non erat in eadem Ecclesia ab initio constitui & Diaconos, & Presbyteros, & Episcopos, ac multo minus easdem ad singulos istos dirigi exhortationes. Qui sic opinantur, magno se sponse tuentur Epiphania Hæresi 75.

5. Alterum argumentum Theologi nostri desumitur ex Actum App. textu, qui textus, ut ipse ait, sibi in deliciis est, tum quod Episcopalis nomenclaturæ Presbyteris communicatæ diserta ibi mentio habeatur, tum vel maxime, quod longe pulcherrima Presbyterii prærogativa ibidem *consignetur*. Nempe ibi Paulus a Mileto Ephesum mittens Majores natu (Græce ubique Presbyteros) convocat, qui Majores natu erant sine dubio secundi ordinis Sacerdotes; nam quominus Episcopi proprie dicti intelligantur, laudati Canones obstant, ne plures in una Ecclesia Episcopi ordinentur.

Præterea irridet eos, qui conterminarum urbium Episcopos hic obtrudunt, *nam non esset dictum Ecclesiæ, sed Ecclesiarum*. At dictum est Ecclesiæ, porro cuius nisi unius Ephesinæ? Accedit, quod Paulus prædicat fore ut ex illis ipsis, quos alloquebatur, exurgent viri perversa loquentes, discipulos post se abducturi. Neminem vero istorum Sectarium fuisse, qui instar lupi gregi non par-

parceret, ex vetustis constat monumentis. Dicit tandem se abstinere a PP. secum sentientibus, & subdit: *omitti sine piaculo nequit antiquissimus idemque gravissimus Irenæus.*

Sed vel alio Doctissimi nostri, dum hæc scribebat mens evolavit, vel ipse penitus desipio. Ille Irenæus *antiquissimus idemque gravissimus Irenæus*, qui sine piaculo nequit omitti hic illud affirmat, quod Theologus Noster irridet, convocatos scilicet Episcopos, & Presbyteros, *qui erant ab Epheso, & reliquis proximis civitatibus.* Imo omnes, qui tenent vicinarum civitatum Episcopos a Paulo hîc vocatos, Irenæi hoc nituntur testimonio. Vide Illustrissimum D. Martino hîc. Tirinus quoque in hunc locum sic: *Per Episcopos autem intelligit, vel Presbyteros primarios* (sunt illi Evangelistæ, de quibus nos supra) *vel etiam proprie dictos Episcopos non unius, sed plurium civitatum Provinciæ Ephesinæ;* ita Irenæus. Et nominat in eandem sententiam Gregor. in Pastor. & Chrys. Lib. I. de Sacer. Jure ergo oscitantem, & dormitantem sapientiam Nostri hîc non curamus.

Et quis in animum sibi inducet Apostolum regiones illas deserturum satis sibi duxisse unius urbis majoribus natis postremas suas tradere voluisse præceptiones? = At dicitur *Ecclesiæ* non *Ecclesiarum* = Satis fuit metropolim nominare, cujus variæ civitates, unius Ecclesiæ nomine optime exprimebantur. Ephesum autem misit, quia facilis inde ad subjectas minores urbes poterat vocationis fama pervenire.

Nec te commoveat, quod ait Theologus noster: *Neminem Episcoporum sive Ephesi, sive Ecclesiarum.*

fiarum, quæ Ephesine suberant, Sectarium fuisse. Meminerimus siquidem Apostolum hîc non solum ad Episcopos, sed & Presbyteros quoque fermocinari, & scimus ex Fidelibus ipsis Asiæ iniquitatis magistros prodiisse plurimos, ut Imenæum, & Alexandrum I. Tim. I. Figellum, & Hermogenen 2. Tim. I. Neque grammaticæ leges, neque usus loquendi nos adigunt, ut dicamus ex illis ipsis, coram quibus verba faciebat Apostolus prodire debuisse Sectarios, sed veritas sententiæ stat, ex si illa gente indicata monstra fuissent eruptura. Ut si diceremus: Ex vobis, Saxones, prodiit Lutherus, vestrum genus, Galli, est Calvinus.

Demum finge nullum ex illis erupisse Sectarium, numquid oppositus eventus fidem Apostoli dictis derogavit? An non dixit in hac eadem concione Paulus, quod hi, quos alloquebatur, *non essent amplius faciem suam visuri*, & tamen constat S. Apostolum iterum ad eos remeasse, ejusque faciem ab illis iisdem iterum visam? Enimvero non potuit tantus Apostolus suis precibus denunciata pestem avertere? Quis in comminatoriis, vel funestis vaticiniis non agnoscit oppositam ex adverso divinam potentiam, ut quod exitiale futurum est dictum, hoc inde Dei præpediente misericordia non eveniat?

Sed quid ego in re manifesta tantum tricer, & satietate defatigem Lectorem, cum certissimum sit Apostolum verba illa: *Attendite vobis &c.* ad Episcopos direxisse? Vin' alium testem, & hunc locupletissimum? Ecce tibi Cælestinum I. Is in Epistola ad Ephes. Synodum (quæ Epistola in Sancta Synodo recitata est, & cum summa vene-
ra-

ratione recepta) sic loquitur num. 4. *Respiciamus rursus etiam illa nostri verba Doctoris, quibus proprie APUD EPISCOPOS utitur ista prædicens: attendite vobis, & universo gregi &c.* Hæc ille, cujus & verba, & sensa ante oculos habuere PP. in comitiis Tridentinis, qui Sess. 23. Can. 4. Episcoporum supra Presbyteros excellentiam luculentissima Sanctione confirmarunt, ut etiam notatio in margine id evidenter ostendit.

§. II.

S U M M A R I U M .

1. *Inanis protestatio Theologi nostri.*
2. *Bona fide, & nolens Episcopalem potestatem enervat.*
3. *Quomodo accipiendi, qui formam Presbyterii ex Judaicorum rituum institutis deductam dicunt.*
4. *Expressa Episcopalis dignitatis imago.*

A pag. 6. ad 8.

1. **C**Larissimus Vir optime præsentiens, quo susceptæ causæ studium ipsum pertrahat, & quantum exinde periculum Episcopali dignitati creetur, opportune protestatur Episcopos supra Presbyteros longe eminere; anathema dicit Aerio, seque cum Catholica Ecclesia sentire profitetur, cum tuto, & Catholice dici possit Episcopus, & Presbyteros Ecclesiæ regimini præfectos, illos quidem sub Rom. Pontifice, istos sub singulis Ecclesiarum Pastoribus.

2. Cre-

2 Credimus . Ecquis tanti Viri ὀρθόδοξον in dubium vocabit? Videat tamen positus, quæ ponit, qualis supra Presbyteros Episcopis eminentia relinquatur . Si enim, ut ipse ait pag. 9. *Regimen univcrsum, siue Politia, his rebus concluditur, nimirum Controversiarum definitione, Legum promulgatione, Præmiorum distributione, & irrogatione pœnarum*; si hæc non in unius Episcopi potestate, ac imperio posita sunt, sed Episcopi potestas illa *Presbyterorum suorum consilio, & auctoritatis communionem definitur*; si Presbyterium illud ordinarium Ecclesiæ Tribunal dicendum, ubi causæ omnes Ecclesiasticæ discuti, ac definiri debent, ut non solum nihil gravioris momenti unquam geri debeat præter ejus auctoritatem, verum etiam si quid eo inconsulto fuerit attentatum, irritum prorsus habeatur pag. 8. *si Apostoli singulis fundatis Ecclesiis unum præfecerunt, non solitarium tamen, sed seniorum nonnullorum consilio, & auctoritati obnoxium quibuscum subiectos populos communi moderamine regeret*; ibid. & alia hujusmodi, quibus totum redundat Opusculum; si inquam hæc stabunt, jam umbratilem jurisdictionis, & præ eminentiæ potestatem in Episcopis supra Presbyteros cogemur agnoscere . Erit illa *Directionis*, non *Auctoritatis* præfectura, ac si verum amamus, ludibrium regiminis, non regimen, cum Presbyterorum libidine enervari, & omnium irrisionibus oblici possent quæcumque pro gregis salute consilia sibi putaret Episcopus ineunda .

Hæc Theologum nostrum non movent, cui certissimum est Ecclesiæ Regimen institutione sua non pure Monarchicum esse, sed ex Aristocra-

cratia quadam temperatum, ut saniores Theologi non differantur, siue universam spectemus Ecclesiam, siue peculiare Ecclesias inspiciamus; sunt ejus verba pag. 8. = Placet. Dictatorio more scilicet, uno verbo quæcumque tot Voluminibus firmissime Itali Theologi firmarunt, disjiciuntur. Hæc Averlanus Theologus? Ubinam, & quando quem de florentissimo nostro Clero, cujus summa laus semper extitit, obsequium & reverentia singularis erga Petri Cathedram hoc Gallico morbo leviter afflictatum vidimus? Ejurabit Noster, quæ hîc ponit, & Ecclesiæ regimen esse monarchicum cum Italis suis fatebitur.

3. Arcessiverat paulo ante antiqui Presbyterii formam ex Judaicorum rituum institutis; addiderat, inde etiam exemplum sumtum esse in Judaica hierarchia efformanda, in qua sub uno Pontifice frequentissimi Sacerdotes & Levitæ Sacra procurabant; subdit *hos mores, ritus hosce auctoritate sua confirmavit & consecravit exemplo Unigenitus Dei Filius; ipse etiam Senatores habuit suos &c. pag. 8.*

Scio hæc ut plurimum a Nostreis qua veteribus, qua junioribus affirmari. Vellem tamen, ut nonnulli non nimis urgerent umbratilem illam similitudinem, quam in nostrarum rerum detrimenta converterent. Sic agant, ut augustiora cunctis semper appareant visibilis Christi regni exordia. Profecto ecquid Synagogæ cum Ecclesia, Ancillæ cum Libera & Sponsa, Umbra & Figuræ cum Veritate & Evangelio?

Novimus humanæ naturæ consortem factum Dei Filium totam Sacerdotii plenitudinem ac amplitudinem obtinuisse. Ipse monarchice, absolute,

te, & independenter Ecclesiam gubernavit. Ecquando vero vocavit Apostolos in consilium? Ubinam moderatoribus usus est Discipulis? His parere datum, dum in terris agebat Magister. Consilia Domini non noverant Apostoli, nec nisi in Cœna, scilicet *pridie quam pateretur Dominus*, Sacerdotii honore sunt condecorati, & tunc demum Satores & summos parentes novæ suæ gentis illos Christus præstituit, cum Spiritus plenitudine vestitos in Orbem misit universum.

Nolo hîc de Petri primatu longam attexere disputationem, neque contentiosum ducere funem de natura Ecclesiastici regiminis; etenim Libri de hoc argumento conscripti excreverunt adeo, ut vix capiant Bibliothecæ. Neceffe tamen omnino est nonnulla carptim, & stricte de Episcoporum dignitate innuere magis, quam persequi, quo paratiores inveniamur ad excipienda ea, quæ Theologus noster elegantissime & uberrime pro Presbyterorum auctoritate hîc colligere exorditur.

4. Exploratum est Ordinum Ecclesiasticorum amplissimum eminentissimumque esse **EPISCOPATUM**, fontemque illum atque originem & quasi parentem omnium quotquot sunt Ordinum spiritualium. Hæc Episcopatus plenitudo emicuit primum in Christo, quem iccirco Princeps Apostolorum *Episcopum animarum vocat nostrarum*. Hoc ordine insignitos, hoc cælesti ministerio condecoratos suos voluit Christus Apostolos, quibus tamen præfecit Petrum, ea vero lege, ut quoniam prudentissimus ille Legumlator Ecclesiæ suæ in æternum perduraturæ prospecturus erat, voluerit Sacerdotii dignitas serie non interrupta in Episcopos transfunderetur, ita tamen ut in his ple-

plenitudo potestatis confisteret, ex quibus Ordines alii profluerent veluti rivuli, & potestates omnes, atque in primis Presbyterorum dimanarent.

Hæc ita se habere Ecclesiæ sensus a verustissimis temporibus manifeste nos edocet. Permagna erat Presbyterii potestas, sed precaria, & obnoxia legi, & imperio Episcopali. Hinc felicis illius, & vere aurei Ecclesiæ ævi Concilia, & reliqua Scriptorum monumenta testantur tunc Presbyteros nec prædicasse, nec baptizasse, nec reconciliasse Poenitentes, nec rem Divinam peregrisse, nisi absente, vel jubente Episcopo, qui tunc sacra hæc munera plerumque unus exequabatur. Vide Ignat. epist. ad Smyrn. & epist. ad Trall.

Hinc ut advertit Thomassinus Part. I. Lib. I. Cap. I. veteris, & novæ Discip. poterat Presbyter pectata dimittere, sed hanc ejus potestatem pro arbitrio suo Episcopus coarctabat; offerre Deo incruentam victimam poterat, sed ea lex invaluerat Apostolico jam ævo, ut non nisi, vel deficiente, vel absente Episcopo, eoque jubente, hanc partem sacri muneris impleret, nec nisi in Templis, Altaribus, & vasis sacris, quæ Episcopus consecrasset. Denique verbo Dei poterat populos pascere, sed mandante Episcopo, tempusque illi, & locum præfigente.

Sed Episcoporum dignitas in eo maxime elucet, ut non solum Presbyteros, Diaconosque instituunt, sed etiam Episcopos ordinant, & novos in dies creant Apostolos, qui pari potestate & ipsi non Presbyteros modo, sed Episcopos pariant. Quam præclare se hic exserit sacerdotalis dignitatis plenitudo! Cui non modo Sacerdotii propagandi fecunditas suppetit, sed hujus quoque
Di-

Divinæ fecunditatis donandæ auctoritas.

Hæc attendentes vetustissimi PP. Ignatius in primis, & Const. App. quisquis ille est Auctor ea habent de Episcoporum dignitate, quæ nos in maximam rapiant admirationem. Certe Ignatius Mar. epist. ad Smyrn. Episcopis appinxit personam ejus, qui æternus Verbi Dei Pater est: *Omnes sequimini Episcopum, ut Jesus Christus Patrem.* Et epist. ad Trall. *Revereantur omnes Episcopum, ut Jesum Christum existentem Filium Patris.* At longum esset cuncta, quæ in hanc sententiam Ignatius frequenter edisserit, adducere.

Constitutionum App. Auctor Episcopatus dotes præcellentes uno compendiario præconio est omnes complexus, dum ait: *Presbyteros esse Sacerdotium, Episcopos Regiam Sacerdotii Dignitatem; Christum denique ex natura sua sacerdotem esse primum Regem, & Principem.* Quod perpendens Thomassinus, ubi supra, exclamat: *Quantum est ergo discriminis inter Regiæ Majestatis apicem, & ceteras, quæ inde religatæ pendent dignitates, tantum inter Episcopalem ordinem statuendum est, & Presbyteralem.*

Et hæc ad primævam felicioris Ecclesiæ praxim exacta germanam nobis exhibent Episcopatus imaginem; admonent quoque quænam fuerint Presbyterorum partes interea. Posteriora non moramur, in quibus vel Episcoporum negligentia, & Presbyterorum sagacitate, vel privilegio, aliisque viis modo ampliora Presbyteris indulta videmus, modo his Conciliorum sanctionibus per Episcopos obviam itum, & nimiam ipsorum refrænatam confidentiam cernimus.

§. III.

S U M M A R I U M .

1. *Theologus noster innocuus bullæ Pii VI. violator .*
2. *Nunquam Ecclesia passa est simplices Presbyteros assidere cum Episcopis in generalibus Conciliis controversiarum Fidei iudices .*
3. *Nec ipsi Presbyteri opinati sunt unquam sibi jus illud esse .*
4. *Ex Tridentini factò confirmatur hoc ipsum.*
5. *Frustra Theologus noster contra pugnat exemplo Concilii Hierosolymitani .*

A pag. 9. ad 11.

1. **A**ffirmaverat Theologus noster pag. 9. regimen universum sive politiam concludi his rebus , nimirum *Controversiarum definitione ; Legum promulgatione ; Præmiorum distributione , & Irrogatione pœnarum .* Aggreditur nunc de singulis fuscè disputare . Et quoad I. iudicium definitivum Presbyteris cum Episcopis competere in controversiarum definitionibus dicit ;) suntque in ejus sententia Presbyteri controversiarum circa Fidem iudices .

2. Hæc sententia novissime damnata est a Pio VI. anno 1794. die 28. Augusti in Bulla AUCTOREM FIDEI . Ibi num. X. *Doctrina , qua Parochi , alique Sacerdotes in Synodo congregati , pronuntiantur una cum Episcopo iudices Fidei , ipsis competere jure proprio , & quidem etiam*
C per

per ordinationem accepto, est falsa, temeraria, Ordinis Hierarchici subversiva, detrahens Firmitati definitionum judiciorumque dogmaticorum Ecclesiæ; ad minus erronea. Quid hic Theologus noster? Manus dabit, quæque ejus insignis religio est, susceptæ causæ patrocinium deferet. At qui sub hac larva pugnant nuperi Jansenistæ, ad Majorum suorum confugient technas, & quæ illi ad effugiendum fulmen celeberrimæ Bullæ UNIGENITUS absurda, futilia, impia sunt commenti, hæc & ipsi nefarie, & scelerate repetent, suis parentibus similes, imo sceleratiores reperti pejora in Pianam Bullam comminiscuntur.

At nos, qui Romanam Ecclesiam veritatis magistram agnoscimus, eamque sacre Traditionis incorruptum servare depositum certissime scimus, laudatam decisionem omni animi submissione recipimus, amplectimur, reveremur, & damnatam doctrinam omnino repellimus, detestamur, rejicimus. Et illam quidem falsi arguit vetustissima, & constans Ecclesiæ praxis, quæ nunquam simplices Presbyteros assidere cum Episcopis in generalibus Conciliis Fidei judices passa est. Quod si oppositum esset verum, jam omnium generalium Conciliorum nutaret Fides, nulla in omnibus retro sæculis dogmaticis S. Sedis judiciis staret auctoritas, quandoquidem nulla in illis pars Presbyteris data est, quos tamen oportuisset necessario vocari; iique relictæ potuissent hoc nomine in omnes Constitutiones Ecclesiæ insurgere, illasque irritas, ut legitima solemnitate destitutas, declarare. Numquid in tantum malorum delapsam dicemus Ecclesiam, ut ignorarit quid solemnis controversiarum finiendarum regula postularet? adeo quoque

quoque Presbyteris injuriosam, ut eos jure suo & Sacerdotali characteri affixo inaniter spoliare voluerit?

At hos neque Concilia generalia evocarunt, nec Summi Pontifices illos in suis cudendis decretis adhibuere. Vigent, æternumque vigeunt Ecclesiastica monumenta, in quibus magnum Nicænum Concilium semper appellatur *Concilium* 318. PP. nulla prorsus facta de Presbyteris mentione. Patres quoque Quintæ Synodi Œcumenicæ in Fidei definitione Collat. 8. dixerunt: *Tenere autem confessi sumus hanc Fidei confessionem, quam latius exposuerunt 300. decem & octo SS. PP. Nicææ congregati Insuper autem & centum quinquaginta in Constantinopoli collecti exposuerunt Et ducentorum SS. PP. prius Ephesi collectorum pro eadem Fide consensum, & quæ a sexcentis triginta Chalcedone congregatis definita sunt.* Vide quam accurate eorum, qui adfuere, ineatur ratio: profecto si qui adfuissent Presbyteri, illorum recenseretur numerus.

3. Rursus confirmantur hæc omnia ex ipsorum silentio Presbyterorum. Numquam hi questi sunt de hac sui in Conciliis omissione, nunquam reclamaverunt; injuriam sibi illatam numquam submurmurarunt, vel hoc nomine Canonicis Sanctionibus resistere, quia evocati non fuissent. Quot putas Presbyteros vel Arii, vel Nestorii, vel Macedonii, aliorumque sectariorum partibus ad dictos his quam diligenter studuisse? Et quis illorum, ut damnationi se eriperet, hoc scutum arripuit? Quis Decretis litem intentavit, & invalida illa dixit, quia neglecti Presbyteri, & nulla hic eorum fuerit opera quæsitæ? Et fieri potuit

tot vertentibus sæculis nullum Cleri sui amantissimum Episcopum instituisse pro illius ad Synodum evocatione?

Quid si non solum Negativis, ut ajunt, nitimur argumentis, sed Positivis quoque firmissime munimur? Ecce cum ad Chalcedonenſe Concilium accuſſiſſet Clericorum turba, exclamaverunt Episcopi: *Synodus Episcoporum est, non Clericorum; superfluos mittite foras.*

Fatemur Diaconos interdum, & Presbyteros subscripsisse Conciliorum definitionibus. Sed id procuratorio Episcoporum absentium nomine eos fecisse ſcimus. Ex privilegio quoque nonnullis quandoque Presbyteris subscribere datum est. Profecto in Œcumenica Tridentina Synodo aderant plus minusque 130. clari nominis Theologi; horum nullus subscripsit; optime quippe Ecclesiæ disciplinam, & praxim callebant, nec Presbyterorum jura ignorabant.

4. Ex hoc Tridentini factō confirmatur nervose vetusta Ecclesiæ disciplina solos Episcopos agnoscentis judices controversiarum Fidei in Conciliis, cum unus idemque sit spiritus, qui Ecclesiam semper gubernavit, & gubernat, & in tota antiquitate soli commemorantur Episcopi controversiarum judices, & eorum numerus disertissime in primis quatuor generalibus Conciliis recenseatur, omiſſis, qui aderant, Presbyteris.

5. His breviter præmissis audiamus modo, quæ Theologus noster adducit. Ex notissimo Concilio Hierosolymis habito, Legalium occasione, inventum sibi elicere videtur argumentum. Aderant ibi ad minus tres Apostoli, aderant Seniores h. e. Presbyteri: horum nomine procuditur decretum:

Pla-

37

Placuit Apostolis, & Senioribus; & de hoc dubitare non fuit ipsa Synodica Epistolæ inscriptio: Apostoli, & Seniores fratres; & cave, ne arbitreris Seniores ipsos, sive Presbyteros huic Synodo Testium loco sine suffragio, & quidem decisivo interfuisse; obstant verba illa communi nomine prolata: Visum est Spiritui S. & nobis; sicut & illa: Perambulabat (Paulus) Syriam confirmans Ecclesias custodire præcepta Apostolorum, & Seniorum, Actorum 16. itemque dogmata, quæ erant Decreta ab Apostolis, & Senioribus, qui erant Hierosolymis 16.

At estne certum *Seniorum* nomine ibi vocari simplices Sacerdotes? Nihil alienius. Vidimus supra de voce Presbyteri; augustinior hæc esse videtur; & Johannes Evangelista *Seniorem* se nominat: *Senior Electæ*. Nequit ergo firmum inde pro asserto Presbyterorum jure argumentum desumi. Imo exploratissimum mihi est Seniores ibi commemoratos esse majores Sacerdotes, & quidem illos, quos Apostoli Episcopali charactere insignitos pro Ecclesiarum opportunitate constituebant. Non est hoc ariolari, nec inanes persequi conjecturas. Et quidem viderant Apostoli necessitatem institutionis majorum istorum Presbyterorum, cum recipiente Samaria verbum Domini mittendi illo fuerunt Petrus, & Joannes. Quod si in ipso nascentis Ecclesiæ exordio huc deventum est, quid dices post tanti temporis accessionem, in immensum succrescentibus Fidelibus, totque regionibus Christianæ Fidei jam adjunctis? Concilium hoc App. celebratum est anno 19. a passio Christo. Omnino id mihi persuadeo. Cum, ut unanimes judicant Theologi, & Noster in primis hic pag. II.

hoc primum Concilium formam præstituerit Ecclesiæ cuncta ad finem usque Sæculorum habendi Concilia, & ad hujus normam sciamus conciliarum semper res fuisse transactas, qua fronte Pontifices ausi essent in Conciliorum indictione nullam de Presbyteris mentionem habere? Quomodo passi essent Episcopi tam præclaram ab Apostolis traditam formam inverti? Quomodo sua jura penitus violari non indoluissent ipsi Presbyteri? Quod si inter illos Seniores nonnulli ex PP. simplices videre Sacerdotes, nunquam illis venit in mentem ea tribuere nostris Presbyteris, quæ Jansenistæ (acutius scilicet videntes) ex Apostolico illo Concilio in hos irritò labore derivare studuerunt.

§. IV.

S U M M A R I U M.

1. *Ex electione S. Mathiæ causa sua præsidium quærens Theologus noster difficilem incidit in nodum.*
2. *Refellitur ejus sententia de sortibus ibi commemoratis.*
3. *Diaconorum inauguratio nihil ejus causæ roboris addit.*

A pag. 11. ad 14.

1. **A**D alterum propositæ divisionis caput animus convertenti Theologo nostro occurrunt ex Scripturis primum Mathiæ electio, tum Diaconorum inauguratio. Et quidem poterat Petrus ut Ecclesiæ Caput, & Pastor Supremus, ut de-

decebat Vicarium Christi, cœtum Apostolorum duodenario numero a Christo definitum, sed Judæ lapsu jam capite uno minutum, altero surrogando instaurare, supplere, & perficere; sed infantem, ut ita dicam, coegit Ecclesiam, quæ centum viginti capita numerabat, inter quos Apostoli undecim, & Discipuli duo, & septuaginta, propositaque omnibus alterius in locum Prævaricatoris eligendi necessitate, ut quem digniorem præ cunctis noscerent, in medium proferrent, hortatus est. Non solus Petrus hic deliberat, non soli Apostoli, sed omnes simul Apostoli, & Discipuli consuluntur, requiruntur, rogantur: omnes simul statuerunt Josephum, & Mathiam præ ceteris *digniores*. Longam hic instituit disputationem de *sortibus*, quæ ibi commemorantur. Ea *suffragia* interpretatur, ut omnium scilicet suffragiis Mathias sit renunciatus Apostolus.

Videat, quo progreditur Theologus noster; ne plura quæsitis inveniat, & plebem quoque in electione Sacrorum Ministrorum hoc exemplo necessario consulendam suffragii quoque honore donandam autumet. Ergo ne omnes simul statuerunt Josephum, & Mathiam? At Tirinus: *Statuerunt duos: Qui? Utique Apostoli ex voto, & consensu ceterorum isthic præsentium. An ergo Ministrorum Ecclesiæ nominatio, & electio penes plebem est?* Nullo modo, neque enim hic a plebe, sed solum coram plebe ab Apostolis facta est hæc nominatio. Unde & Cyprianus *epist.* 68. contendit ordinationes Sacerdotales non nisi præsentem plebem fieri oportere, ut sic detegantur malorum crimina, & bonorum præmia.

2. At rem hanc penitus introspectanti patebit

nihil roboris inde susceptæ causæ accedere. Cooptandus erat novus Apostolus ; cooptationis hujus necessitatem proponit Petrus ; edicit eum assumendum ex illis , qui fuerant cum Apostolis (*nobiscum*) congregati *omni tempore* , quo intravit , & exivit inter illos Dominus Jesus : statuuntur duo præ ceteris digniores : res divino arbitrio permittitur : *Tu Domine , qui corda nostri omnium , ostende , quem elegeris ex his duobus unum accipere locum ministerii hujus , & Apostolatus* . Dantur sortes : cadit sors super Mathiam . An recusabis , quin dicas Mathiam non ab hominibus , sed a Domino ipso electum ? Poterat profecto ille , sicut postea Paulus , de hoc gloriari .

Quod si suffragiis res fuisset peragenda , ad quid communis illa oratio : *Tu Domine ostende* ; aliis verbis res fuisset efferenda : nimis viva & fortis vox illa est : *Ostende* . An primitias illius Spiritus , qui paulo post erat super ipsos effundendus , non suspicis hic in Petro , & Apostolis negotium ad sortes , quas divina providentia temperandas sciebant , rejicientibus ? De maxima re agebatur . Quid si partium studiis incaluisent congregati ? Nonne inter ipsos Apostolos paulo ante facta erat contentio , quis eorum videretur esse major ? Talis decebat , ut infanti Ecclesiæ novus daretur Apostolus , quem non caro & sanguis , sed Deus ipse daret , quem utpote a se non datum , sed Domino donante acceptum plebs susciperet , coleret , revereretur ; quem & alter candidatus , Joseph scilicet , non ab hominibus , sed a Spiritu S. sibi præpositum non dedignaretur .

Cave te religio incessat , dum sortes audis .

Di-

Divino enim interiori monitu certiores redditi fuerant Apostoli Deum hac sortitione demonstraturum, utrum e duobus vellet. Sic passim Interpretes: *Quamquam*, subdit hic Tirinus, *etiam sine ejusmodi instinctu poterant exemplo Majorum tali sorte rem decidere, maxime inter istos duos, qui dotibus essent pares, & sine omni exceptione dignissimi*. Memorat *Ios. 7. Reg. I. cap. 10.*

Nec te deterreat interdictum Ecclesie longe ab electionibus sortes repellentis. Prudentissime id factum, ut fraudibus & dolis aditus præcluderetur, nec in incertum eventum res adduceretur, sed subactæ tantum, exploratæque virtuti ad Ecclesiasticas dignitates pateret accessus; nec ad manus essent Electores, vel Eligendi, quales in novi illius Apostoli cooptatione sunt inventi.

Gagnæum porro, in quo Theologus noster acquiescit, non tanti facimus, ut illius ergo a communi omnium Interpretum sensu recedamus, novamque, (& illam quidem satis incommodam) in sacras Electiones formam invehamus. Misereor quoque Theologi nostri, dum acerrime luctatur cum *Eorum, Eis, in Eos*, & tam anxie, & sollicitè sortes illas versat, quas tranquillo, pacatoque animo Apostoli in urnam coniecere. Ergo ne dicendum fuisset: *Miserunt sortes in eos?* Si dictum: *Miserunt sortem in vestem*; ergo in Apostolatium, & non *in eos* sortem misam dici oportuit.

At Græcus habet: *Suffragiis cum undecim Apostolis connumeratus est*. Bene quidem. Quid *suffragium*, nisi voluntatis significatio? Quid *suffragari*, nisi favere? Cum Sors cecidisset jam
super

super Mathiam, illoque signo Deus Mathiam in Apostolorum Collegium significasset adlegendum, quid miraris, si quotquot aderant, plausibus, clamoribus, favoribus Mathiam receperunt, & Apostolorum albo jam cælitus inscriptum proclamarent? Sed de hoc satis.

3, Diaconorum inauguratio quid susceptæ causæ subsidii afferat, non video. Crescente numero Discipulorum h. e. Christianorum, cum factum esset murmur Græcorum adversus Hebræos (causa notissima est) convocantes duodecim multitudinem Fidelium jusserunt eligi septem Viros, quos super opus illud constituerent: *Et placuit sermo coram omni multitudine, & elegerunt Stephanum &c.* Nulla hic Presbyterii mentio. Multitudini indulserunt Apostoli, ut illos eligeret, auctoritatem tamen eos iniciandi, partemque ministerii ipsis assignandi sibi reservarunt.

S U M M A R I U M.

1. *Excommunicatio in incestuosum Corinthium non arguit jus illud, quod pro Presbyterio urget Theologus noster,*
2. *Neque illius absolutio,*
3. *Multo minus eleemosynarum Collectores & Distributores.*

A pag. 14. ad 17.

1. **E**Xquitur tandem Theologus noster Tertium Caput ex Scripturis, pœnas quod attinet, sine Presbyterii totius Concilio non inflictas. Incestuosus Corinthius utramque paginam implet. Summa est: objurgationem Apostoli non solum Episcopum tangere, sed totum Presbyterium, quippe quod simul cum Episcopo tanto malo occurrere opus erat, ac pro facta sibi potestate Canonicis pœnis in incestum hominem animadvertere. Decernit Apostolus deveniendum ad excommunicationem. Vult tamen omnium consortio consentientibus animis rem confici: *In Nomine Domini nostri Jesu Christi congregatis vobis, & meo spiritu &c.* Eandem formam servatam agnosce in illius Rei absoluteione 2. Corinth.

Hic locus, qui factus est lapis offensionis Novantibus inde inferentibus penes Laicos & Plebem, non autem penes Prælatos Ecclesiæ esse potestatem excommunicandi, nescio quomodo incentivo sit Theologo nostro pro jure Presbyterii, ut hujus consensus requiratur in terribili illa, &
qua

qua gravior poena est, infligenda, scilicet excommunicatione. Omnes Corinthios, non autem solum Presbyterium Corinthiacum alloquitur hic Apostolus; epistolæ inscriptio id luculentissime evincit: *Paulus.... Ecclesiae Dei, quæ est Corinthi, sanctificatis in Christo Jesu, vocatis Sanctis cum omnibus, qui invocant nomen Domini Jesu Christi in omni loco ipsorum, & nostro.* Totus contextus Epistolæ idipsum indicat, & maxime Caput V. in quo hac de re agitur.

2. Non increpat Corinthios, quod non excommunicaverint incestuosum illum, sed quod *inflati estis*, scilicet caczelia vestra, & superbis de Magistrorum præcellentia contentionibus, & rixis, *nec luctum* h. e. nec dolorem, nec curam habuistis, ut tam scelestus de medio vestrum tollatur, & ab Ecclesia ejiciatur. Quid hic Presbyterium? cum Apostolus expresse dicat: *Ego judicavi*; nec nisi suo nomine jubet excommunicationem in publico Corinthiorum confesso ad terrorem aliorum sollemniter infligi, ut Chrysostomus, Ambrosius, Anselmus, alique exponunt.

3. Et quoniam Theologus' noster ait: Non dissimilem se gessit Paulus in Rei absoluteione, nec eam sine Presbyterii consensu pronunciavit, nosque ad II. Corinth. vocat, operæ pretium est sensum hujus Epistolæ quoad rem hanc aperire. Cap. II. ubi de illius absoluteione agitur manifeste docemur Eum ab ipso Paulo fuisse absoluteione donatum. Hinc jure Tirinus hoc Capiti illi præponit argumentum: *Incestuosum nuper excommunicatum jam pœnitentem absolvit ab excommunicatione.* Sed juvat verba ipsius laudati In-

ter-

interpretis afferre ad vers. 10. in quo de hoc agitur: Cui autem aliquid donastis, Græce donatis, seu condonari & remitti a me petitis per Titum (ut infra sequitur) etiam ego condono, hoc est, sicut congregatis vobis, & meo Spiritu jussi illum excommunicari, ita nunc me vobis adjungo, ut quod vos in persona mea illi condonatis, ego condonem, absolvendo illum ab omni vinculo excommunicationis, omnique relicta pœna, quam adhuc subire merito deberet pro tam enormi scelere. Ita Chrysostomus, Ambrosius, Anselmus, & S. Thomas.

4. Pro coronide addit Theologus noster: Ipsos (quod mirabile) Eleemosynarum Collectores, ac Distributores non sine communibus suffragiis Apostolico ævo *delectos*. At sicut eleemosynas non dabant soli Presbyteri, sed omnis Populus, ita suffragiis non solius Presbyterii, sed totius Populi illa fiebat deputatio. Vide totum Contextum, & facile judicabis egregiam ex facto illo præceptionem Ecclesiasticis omnibus tradi, quomodo se gerere debeant, ubi de nummis agitur. Nihil magis Presbyteralem gloriam dejicit, pessumdat, atque corrumpit, quam leviculus avaritiæ, & cupiditatis odor in Sacris Ministris. Is alienos a Pœnitentiæ tribunalibus reddit Fideles; caritatis vinculum, quo Parochis suis illigari debent illi, dirumpit. Collatam in pios usus pecuniam sacrilego peculatu averti clamabit infensum semper Clericis pessimum vulgus. Quid si hanc machinam in Christi Ecclesiam, ut eam delerent (pro insaniam!) Jansenistæ pararunt? Sortitis quippe inter se Provinciis Petro Chamus obtigit, ut demonstraret omnes Sacerdotes juri dicundo in Sacris

Tri-

Tribunalibus addictos avaritia tabescere, & temporalibus inhiare, totamque Confessionis fabulam Sacerdotis lucello terminari.

§. VI.

S U M M A R I U M.

1. *Primi subsellii Doctorem se prodit Theologus noster disputans de potestate divinitus Presbyteris collata.*
2. *Feliciter Adversarios refellit.*
3. *At gravia momenta nos ejus doctrinæ prorsus acquiescere non sinunt.*
4. *Inaniter argumentatur ex Hierarchia Tridentini auctoritate constabilita.*

A pag. 17. ad 20.

1. **A**Ltius hic insurgit Theologus noster, & prædictam amplissimam Presbyteralem potestatem docet Divino jure in Presbyteros descendisse, quippe quibus a Christo ipso in suos Fideles jurisdictio Episcopali tamen auctoritati ob noxia æqueas tributa fuerit. Gallorum lumina a se stare dicit: nec ab his alii dissentiunt, qui in 72. Discipulis Luc. X. secundi ordinis Sacerdotes vident, Divina missione donatos, omnique illa potestate instructos, quæ ex missione consequitur. Hoc confirmat, quia similibus verbis Matth. X. Dominus Apostolis missionem, & jurisdictionem Apostolico muneri respondentem largitus est; tum quia præesse veluti proprium Presbyterorum characterem designet Apostolus I. Tim. V. *Qui bene præ-*

præsunt, Presbyteri duplici honore digni habeantur; tum quia Discipulis hisce Presbyteros successisse tota clamat Antiquitas: urget tandem Tridentini auctoritatem Sess. 23. Can. 6. definientis in *Ecclesia Catholica agnoscendam omnino Hierarchiam Divina Ordinatione institutam, eamque constantem Episcopis, Presbyteris, & Ministris*. Quid porro Hierarchia sonat, nisi sacrum Principatum? Sunt ergo a Christo Presbyteri instituti ad principandum, quemadmodum & Episcopi, id quod fieri omnino non potest sine præcipiendi potestate, ac in subditos jurisdictione.

2. Occurrit deinde Bellarmino declinanti vim argumentationis, & reponenti minus proprie 72. Discipulis successisse Presbyteros. Digna sunt quæ affert; mirifice de illis mihi placeo. Quis non videt, quam præclara sint illa pro Parochorum dignitate? In illis Discipulis quis est, qui Parochos non agnoscat? Urgebimus infra id ipsum.

3. At Adversarii alio sensu hæc omnia volunt accipienda: extraordinariam missionem in 72. agnoscunt, idque potestas patrandi miracula illis concessa, quam Presbyteri nostri non habent, satis confirmat. Non dictum Discipulis: *Ecce ego vobiscum sum &c.* Non his datam ligandi, atque solvendi potestatem. Negant quoque Episcopos proprie dici posse Apostolorum successores. Titus, Timotheus, Andronicus, Junius, Epaphroditus, & alii plures, qui 1. Cor. commemorantur Episcopi, quomodo dicentur Apostolorum, qui tunc in vivis agebant, successores? Et non dictum Apostolis: *Predicate Evangelium omni creaturae*? Id ad Episcopos, quorum intra certi loci

loci limites ab omnibus retro sæculis definitam agnoscimus jurisdictionem, transferes?

Sunt quippe, ajunt illi, divinæ institutionis Episcopi; sunt & Presbyteri; hos tamen Petrus, & Petri successores vi Primatus mittunt, jurisdictionem temperant, & pro locorum varietate, & temporis opportunitate majorem modo, modo minorem tribuunt auctoritatem. Hoc nisi dicamus, Primatum evertimus, & in Ecclesiam, quæ castorum est acies ordinata, foedam invehemus confusionem.

Et unde factum est, ut Presbyteri antiquissimis temporibus nec baptizare, nec prædicare, nec sacrum peragere auderent, nisi ad jussionem Episcopi, vel isto absente? Nonne diœceseos limites his assignatos antiquis a moribus, magno edocente Nicæno Concilio, discimus celeberrimo illo Capite: *Antiqui mores servantur?* Huc revocant Evangelicas comparationes, quibus modo Ovili, modo Regni nomine Ecclesia exprimitur. In deliciis sunt Cypriani verba comparantis Sedem Romanam Radici, Capiti, Fonti, Soli, ex quibus sua prono alveo profiscuntur consecraria.

Urgent maxime claves cælorum Petro datas; clamant illud maxime notandum Petri unius privilegium: *Pasce oves meas*. Permulta sunt, quæ undique corradunt: longissimas attexunt disputationes, & subsidium ab ipsa Ecclesia in generalibus Conciliis congregata adposcunt. Dum enim generali Concilio præsentia sua adstat Pontifex, ipsi non Concilio decreta adscribuntur formula illa consueta: *Sacro approbante Concilio*. Quid si in generali Lugdunensi Concilio Innocentius IV. sapientissimus Pontifex approbationem ipsius

Sy-

Synodi, fortasse, ne cui illa necessaria videretur, recusavit, dictumque ibi est: *Sacro prasente Concilio.*

Optarem hæc non esse adeo firma. Sed quæliacumque sint, infirmant certe totam Theologi nostri argumentationem, nosque illi tuto acquiescere non sinunt.

4. Jam vero quod ex Hierarchia Tridentini auctoritate constabilita desumit, & ad rem suam detorquet, infirmum satis est. Ergo ne Diaconi, ut nunc sunt, quoque principabuntur, quia Diaconibus etiam constat Hierarchia? Hierarchia seu sacer Principatus non ad terrenæ imitationem potestatis efformata: *Reges enim Gentium dominantur, vos autem non sic.* Luc. XXII. Sed Deo, cui servire regnare est fideliter, ad serviendum divina ordinatione constituta in hoc posita est, ut varii Ministri quoad gradus sui naturam sacra munia peragant, & spiritualem potestatem, quæ animarum salutem respicit pro modulo quisque suo naviter prudenterque exercent. Notum illud Augustini: *Quod Christiani sumus, propter nos est; quod Episcopi sumus, propter vos est.*

Divina ordinatione factum est, ut in hoc sacro Principatu, seu Regimine primæ sub summo Ecclesiæ Hierarcha sint Episcoporum partes; alteræ Presbyterorum; postremæ Diaconorum: sit illorum filios ministros Ecclesiæ Sacerdotes divina fecunditate generare: sit Sacerdotum Eucharistiam, ad quam propriè Hierarchia refertur, conficere, tum reliqua, quæ ordinis sui sunt, peragere: sit Diaconorum Eucharistiam ministrare, tum Baptisma conferre, tum populos edocere, divini-que Verbi eximios se præstare præcones. Hæc

D

autem

autem omnia non inordinate, sed qualiter decet divinum ministerium, & bene constitutæ Christianæ Reipublicæ natura postulat, fieri debent. Unusquisque autem vi ordinis sui jure suo, quæ memorata sunt, exequitur. Ac si illud etiam postules, ut hujus Hierarchiæ vi jus, addatur ministris sustentationem suam recipiendi, liceat id per nos, & fortasse huc respicit Theologus noster de hoc argumento differens.

Hic tamen vellem, ut consuleret ipse suum fidum Achatem, Thomassinum intelligo, qui ipsi ceteroquin prora, & puppis fuit in tota sua navigatione: Thomassinus in hanc Hierarchiam compellit omnes etiam minores Clericos, quos *Ministorum* voce a Tridentino expressos contendit. *Eo maxime verbo*, ait ille, *uti valuit S. Synodus, ut innueret minores omnes Ordines, quia quædam quasi Diaconatus decerptæ portiones sunt, Divina illa Hierarchia comprehendendi*. Occurrit deinde objectioni, quæ moveri potest ex eodem Concilio, scilicet nec Subdiaconos posse comprehendendi ea in Hierarchia, quæ sit institutionis divinæ, nedum Ministros inferiores: quippe quos & SS. PP., & Concilia doceant, nec eosdem, nec semper, nec ubique omnes in omnibus Ecclesiis præteritis temporibus fuisse; sed alios ex aliis ab Ecclesia institutos. *At vicissim respondimus nos; satis esse, ut institutionis Divinæ sit eorum fons, & origo, Diaconatus videlicet, a quo effluxerunt omnes, & in quo omnes excellentiori modo continentur*. Hæc Thomassinus par. I. lib. I. cap. 51. Vet. &c. Quæ ipsius verbis retuli, Theologi nostri judicio subjiciens.

Nos interim nostra prosequamur. Age; con-

tra

tra Episcopum suum Presbyter; hunc contra exurgat Diaconus, nonne omnia ad destructionem vergent? Aliud Ordo, aliud sibi vindicat Jurisdictio. Ut possis, præstat Ille, dat hæc, ut facias. Theologus autem noster memorat semper, sub Episcopo hanc Presbyterorum potestatem consistere; Episcopali auctoritati illam facit obnoxiam. Rectissime quidem. At quomodo hæc itabunt, si verum sit, quod ipse contendit? Si Christus illis jurisdictionem, executionemque vage, & indeterminate impertivit, qua fronte hanc Pontifices, quo jure hanc Episcopi cancellis circumscribent? Nos rectissime dicemus Presbyteros principari, principari Diaconos, qui ad Episcopi nutum, quæ Ordinis sui sunt, explicant. Principari dicimus Protegem, dum jubet, sci ntes ceteroquin a Rege hujus jussa muniri. At dicemus Regem debere hujus exquirere consilium, hujus petere consensum, ut legem ferat? Officialis Episcopi unum cum eo constituit Tribunal; & pône velle Episcopum aliquid moliri, an irritum illud, quia Officialis consilio, & consensu Episcopale illud caruit statutum?

Neque hic submurmures delegatam, si dictis stet fides, omnem esse, quæ in Ecclesiasticis Præpositis viget, jurisdictionem. Id ego nego, cum satis exploratum sit ordinariam esse Vicarii Generalis jurisdictionem, ordinariam Prælatorum; hanc fundari in Ordine Episcopali, qui perpetuo illis adhæret, explicari autem vi clavium summæ Hierarchiæ, & in nonnullis casibus modo incrementa, modo decremента sentire, cum videamus unum esse Ordinem Episcopalem, qui tamen non uno modo in Episcopis, Archiepiscopis, Patriarchis,

& Primatibus quoad jurisdictionem se exerit.

Me gravissime afficit id, in quo Theologus noster gloriatur, dum jactat Gallorum lumina a se stare. Tu Gallos homines ingeniosissimis Italīs præpones? Plagiarios nempe insignes, qui ut evidenter eruditissimi Viri demonstrarunt, quicquid pulchri, & sublimis excudere visi sunt, a nostris suffurati sunt. Apage te cum his luminibus, quæ ipsis Caphareis luminibus sunt deteriora Italæ tenebræ sint nobis ante omnia.

§. VII.

S U M M A R I U M.

1. *Frustra in susceptæ causæ patrocinium Traditionem advocat Theologus noster.*
2. *Ignatii Martyris sensus aperitur.*

A pag. 20. ad 23.

1. **O** Prime, & ut Theologum decet, doctissimus Noster argumentis ex sacris literis depromtis robur adjicit Traditionis. Huic jus est sacras Scripturas, si forte obscuriores illæ sint, interpretandi. Deinde commodum sibi præfigit ordinem; cui animus est primo eas sententias Patrum proferre, quibus una cum Episcopo Presbyteris regendæ generatim Ecclesiæ potestas asseritur; deinde ad illa testimonia gradum facere, quibus Potestas explicatur in singula illa Regiminis Capita, de quibus supra. Profert primo Ignatium Mart. Antequam hac de re nostram edamus sententiam, operæ pretium erit omnino advertere optime

me comparatum esse Presbyteris aureo fillo antiquissimo Ecclesiæ ævo, cum Christi visibile Regnum in caritate fundatum ejusdem caritatis ope, & quasi vehiculò duceretur. Nondum tunc dominantes in Cleris Episcopi ex Petri monito; meminérant Dominum edocentem: *Qui major est in vobis, fiat sicut minor*, Luc. XXII. & adhuc erant recentia Apostolorum exempla; ipsi forma gregis facti erant Christiana modestia insignes; mira enim demissione se omnium minimos reputabant; ac si Fidelium erat cor unum, & anima una, quanto Ecclesiæ Prælatos cum suis Presbyteris concordia vinculo non dices copulatos? Quo dilectionis glutino hos mutuo devinctos non jurabis? Nihil tunc e Pharisaico supercilio, nihil e superbientis spiritus olebat timore. Non ergo miraberis Episcopos sollicitudines suas cum his communicatas voluisse; horum consilia in rebus arduis expetisse; in optatis habuisse nihil aggredi, quod illorum non esset diligentissima prius industria apprime ponderatum. Sic consideratissime, sic suavissime omnia transigebantur.

Hæc propterea præmonenda duxi, ut nihil commovearis, cum SS. illos Antistites, ceterosque illius ævi Scriptores apud Theologum nostrum audies vel consulentes Presbyteros, vel consulendos docentes, magnamque Ecclesiastici partem regiminis in Presbyteros rejecisse. At tu, quod Christiana humilitas imperavit, quod caritas peregit, quod humanitas suasit, quod ab officiosi, & grati animi est sensu profectum, ad justitiæ debitum transferes, & inclamabis continuo sic factum jure cogente? Temere, & nullo consilio.

Sed mihi animus est in Ignatio. Tanti viri

quem non moveret auctoritas? Et me præsertim, qui hoc libentius ad illum trahor, & allicior, quoniam iustissime ab Ignatio exorditur Theologus noster; hinc non erit inutile SS. Martyris, & præcellentissimi Magistri hac de re sensum aperire. Et quidem quam magnifice de Episcopatu senserit Ignatius, liquido constat ex **Comparisonibus**, quas constantissime instituit modo inter Patrem Æternum, & Episcopum, modo inter hunc, & Christum ipsum. Notissima sunt ejus de hoc testimonia ex Epistolis ad Smyrn. Magnes. Trall. Habes hic apud ipsum Theologum nostrum Ignatii verba ad Smyrn. *Omnes sequimini Episcopum, ut Jesus Christus Patrem. Quem in locum sic clari nominis Theologus Thomassin. Quemadmodum in Patre tanquam in Fonte tota residet Divinitas, ex quo in alias exundat Deitas Personas, ita Sacerdotii participata quasi Divinitas tota est in Episcopo tanquam in scaturigine, unde in ceteros Sacros Ministros derivatur.*

2. Porro hunc esse sensum Apostolici Viri, quæ sequuntur, evidenter ostendunt. Subdit enim nulum Sacerdotale munus posse celebrari, nisi Episcopo præsentem, vel auctoritatem conciliante. En ejus verba: *Ubi utique apparet Episcopus, illic multitudo sit, quemadmodum utique ubi est Christus Jesus, illic Catholica Ecclesia; non est licitum sine Episcopo, neque baptizare, neque Agapen facere.* Comparisonis sublimitas nos opprimit; pronumque est inde inferre, quod sicut Christus prolestatus est, quicquid ipse operaretur, Patrem in se operari: *Pater in me manens ipse facit opera*, Jo: XIV. sic quicquid in eximiis Sacerdotalibus operibus cernitur, ad illud Episcopalis

palis plenitudinis principium sit revocandum.

In Epistola ad Magn. profitetur eum, qui paret Episcopo, parere Deo, & Patri tanquam Episcopo universali: *Consentientes ipsi non ipsi autem, sed Patri Jesu Christi omnium Episcopo.* Epist. ad Trall. *Quid est Episcopus, nisi supra omnem Principatum, & Potestatem, omnibus imperans, quatenus homo imperare potest?* Ep. ad Mag. rursus fieri quidquam vetat sine Episcopo, sicut Christus nihil sine Patre gerit: *Ita & vos sine Episcopo nihil agite; non Presbyter, non Diaconus, non Laicus, neque res ulla vobis consentanea rationi videatur præter illius sententiam; id enim pravum est, & invisum Deo.*

In Epist. ad Smyr. vehementius id inculcat: *Nemo sine Episcopo quicquam agat eorum, quæ ad Ecclesiam spectant; illa rata habeatur Ecclesia, quæ sub Episcopo fuerit, vel cui ipse concesserit.* Ac subinde disertius: *Non, inquit, absque Episcopo neque baptizare, neque offerre, neque Sacrificium celebrare, neque convivium instituere, sed quicquid illi visum fuerit secundum beneplacitum Dei, ut sit tutum, & stabile, quicquid ageris.* Quid plura? Epist. ad Polyc. viduarum illi curam commendat, & ut nihil nisi ex ejus sententia geratur, tum ut Populum hortando admonendoque doceat, & ne Christiani matrimonia, nisi ex Episcopi auctoritate, copulent. Hæc satis sint ad dignoscendum quænam Ignatii fuerit de Episcoporum potestate sententia.

S U M M A R I U M.

1. *His, quæ contra hætenus posita ex Ignatio Theologus noster opponit, satisfi ex eodem Ignatio.*

A pag. 20. ad 23.

1. **O**ccurramus modo Theologo nostro Ignatiana verba contorquenti, interpretantique secus, atque sonent, ac valeant. Qua in re ne longa excriptione (quod & in seqq. agemus) fatigemur, innuimus tantum, quæ ipse producit SS. Viri testimonia. Ignatius epist. ad Eph. vult illos in Episcopi sententiam concurrere: *Nam O memorabile vestrum Presbyterium dignum Deo, ita coaptatum est Episcopo, ut chorda citharæ.* Urget Theologus comparisonem citharæ cum choris, de eaque mirifice sibi placet. Pergit Ignatius: *Ut obediat Episcopo, O Presbyterio mente indivulsa.* Debent ergo (infert Theologus) Fideles, & Episcopo, & Presbyterio obedientiam mente indivulsa. Cur quæso Episcopo, nisi quia jus habet pascendi? Igitur eodem ex capite, & Presbyterio?

Doleo me non videre in his, quod videt Theologus noster. An non obediemus Regi, & ejus Ministris, qui Regis voluntatem nobis significant? Scimus, quod qui Regni moderatur habenas; non sine causa gladium portat; huic non solum propter iram, sed etiam propter conscientiam, Apostolo docente, subdimur. Contemnendos numquid putabimus, quos Regis nomine Civitatis Gubern-

na-

natores, Provinciarumque Præsides accepimus? Præcipit Episcopus; ejus vocem excipientes Sacerdotes præcipiunt; obedimus Episcopo obediendo Presbyteris: horum vox illius vox est; & hoc sensu (si velis huc revocare) intellige verba Christi: *Qui vos audit, me audit*.

At comparatio citharæ cum chordis? Egregie. Quid Rex sine Ministris, quid Imperator sine Exercitu, quid Episcopus sine Presbyteris? Pyrrho victori cum circumfusi gratularentur milites, illumque inter laudationes Aquilam vocarent: Equidem, scite reposuit ille, Ego Aquila; at vos alæ, quibus attollor, & aera trano.

Currit comparatio etiam in quovis Monarchico regimine inter Regnantem, & ejus Ministros, qui Ministri debent utique Regnantis menti se accommodare, ut chordæ citharæ non ad alia se transferre: dissonus alioquin, & injucundus erit sonus, & contumax citharæ chorda amovebitur.

Sed adverte Scribentis scopum. Totus hic in eo est Ignatius, ut Ephesios ad obedientiam, & honorem Ministrorum Ecclesiæ adducat, summam his apud eos auctoritatem conciliet, & reverentiam; hinc ab Episcopo exorditur, transgreditur ad Presbyterium, quod ostendit esse maxime conjunctum Episcopo, & coaptatum, ut chordas citharæ, ne scilicet Ephesii satis sibi ducerent soli Episcopo honorem deferre; Presbyterium autem contemnere non magnum esse crimen putarent.

Hæc est mens Ignatii, hic germanus Epistolæ illius sensus; huc respiciunt, quæ sequuntur circa obedientiam Episcopo, & Presbyterio mente indivulsa exhibendam: *Frangentes panem unum &c.*

At

Ast dum ex his ratiocinatur Theologus noster, ut audivimus, desideramus ejus acumen; ergo Presbyteri habent jus pascendi, ut Episcopus? Quia pari potestate frangunt panem (quod ex Ordine proficiscitur) pari jurisdictione præsunt? Unum corpus constituunt? Cedo; constituunt unum corpus, sicut omnes Fideles cum Romano Pontifice; transeat in hoc sensu Propositio.

Est nimis longe petitum, quod ab Epistola ad Mag. arcessit momentum Theologus noster, sed miris tractoriis organis invitum, & reluctantem lapidem ad suam cogit ædificationem. Magne-
sianos hortatur Ignatius in Dei *concordia omnia agere Episcopo præsidente Dei loco, & Presbyteris loco Senatus Apostolici*. Hoc nimium visum est ipsi Theologo; nostro; docta interpretatione illud accommodat; & infert *Apostolis porro regendi jus nemo sanæ mentis abjudicaverit; igitur neque Presbyteris ex Ignatio denegandum est*.

Quæ somnia narras, bone Vir? Gubernant Apostoli, gubernant Presbyteri? Comparationes, & similitudines currunt in omnibus? & quæ pietatis ergo a maximis, & SS. Viris (quorum optimus Ignatius) afferuntur, confidentissime urgebis, & exinde juxta Theologicum rigorem dubiæ rei fidem conciliabis?

Nec minus infirmum, quod sequitur ex Epistol. ad Mag. *Quemadmodum Dominus sine Patre nihil fecit... ita neque vos sine Episcopo, & Presbyteris quidquam agite*. Concludit: *Cum dignissimo Episcopo vestro, & digna contexta spiritali corona Presbyterii vestri*. Hæret mirabundus Theologus coronam affabre contextam contem-

templans : caput Episcopus, corona Presbyteri, sine his nihil *agendum ex Ignatii sententia*.

Imo ex Theologi nostri *sententia* : Deus Immortalis ! ut quid his chartas implet doctissimus Vir ? Tantum ne partium studia ? Ecce Augustinus recenter baptizatos sic alloquitur : *Vos novella germina Sanctitatis ; Examen novellum ; flos nostri honoris , gaudium , & corona mea*, Ser. 157. de Tem. Quid his per hæc ad Episcopum ? Quotquot de populo sunt, alloquitur Ignatius dicens : *Neque vos sine Episcopo , & Presbyteris quicquam agite* ; etsi animi ergo in tanto tædio libet joculari : Tu per ceremoniarium Cathedralis magnum jus Thesaurario putabis quæsitum, quia ille monuit Sacristam, ut campanas ante horam nonam pulset, quia sic Episcopo, & Thesaurario placitum ? Vel ego nihilo ipso minore extollam, quia mulierculam audiavi in platea in aurem puellæ insulurrantem : Ne cinctis crinem distinguas, id Episcopo, & Parocho displicet ?

Sed ludicris omiſſis audiamus Theologum nostrum graviora promentem ex Ignatii ad Trall. & Smyr. Epistolis : in illa sic definit Ecclesiam : *Cuncti revereantur Diaconos ut mandatum Jesu Christi , & Episcopum ut eum , qui est figura Patris , Presbyteros vero ut confessum Dei , & ut conjunctionem Apostolorum . Sine his Ecclesia non vocatur . In hac : Episcopum sequimini ; ut Jesus Christus Patrem , & Presbyterium ut Apostolos . Diaconos revereamini , ut mandatum Dei .* Hanc suam vocem a Spiritu S. esse profectam, testatur Ignatius Epistola ad Philad. & præclaram hujus concordissimæ obedientiæ ratio-

tionem profert ; *Una enim est caro Dei nostri Jesu Christi, unus Calix in unitatem Sanguinis ipsius, sicut unus Episcopus cum Presbyterio, & Diaconis conservis meis, ut quod facitis, secundum Deum faciatis.* Id interprete Theologo nostro, perinde est, ac si diceret : Quemadmodum Carni, ac Sanguini Domini unam adorationem impenditis, quod nimirum unum sint Domini Corpus ; ita unam obedientiam toti Presbyterio debetis, quod in unum Corpus ex Episcopo, Presbyteris, ac Diaconis coalescit.

Brevissime me expediam : Presbyteri sunt ut Confessus Dei, & ut conjunctio Apostolorum, dum non discrepent ab Episcopo, & quod ille docet, doceant ipsi, & sic dicitur jure : Ecclesiam pasci ab Episcopo, & Presbyteris ; illo præcipiente, his exsequentibus, illo doctrinam tradente, his communicantibus. Quot alias in uno ovili Pastores, quot in una cathedra Magistri ? Ad alterum satis patet ex dictis : similitudines sunt apte accipiendæ : Jure divinam, & a Spiritu S. profectam dicimus & nos, illam Ignatii vocem, qua jubemur, obedire Episcopo, & Presbyteris ; Unum quippe est illud Mandatum, sed ab Episcopo profectum per Presbyteros evulgatum, in quod mandatum consentientibus utique animis, Spiritu Dei agente, Episcopus, & Presbyteri conspirarunt. Interpretatio autem illa Theologi nostri nisi benigne accipiatur, magnum ipsi odium conflabit : *Unam obedientiam ?* Teneo ; utique Episcopo, & Presbyterio unum, sed quo diximus modo, tradentibus ; scilicet purpureæ vesti in Rege Regis ergo cervicem inflectimus, & procumbimus.

Quod

Quod tandem subjicit ex Epistol. ad Polyc. scilicet ut Presbyteri, & Diaconi collaborent Episcopo ut Dei œconomi, aut dispensatores, ut Adseffores, ut Ministri, & exinde infert Theologus noster *omnes* indivulso studio, & sancta societate *collaborent*. Quid quæso susceptam causam juvat? Quis otia dixerit Presbyteris, & Diaconis? At ut Adseffores? Credo hic Theologi nostri menti obversatos Præsidi Provinciarum Regni Adseffores, sine quibus Præsides decreta non condunt. Hos si ita accipit, destruit antecedentia Ignatii verba, & refellitur ex ipso Ignatii, quem supra posuimus, sensu. Sint ergo adseffores, qui adsint Episcopo, & iussa excipiunt, exequantur, promulgent.

Video me longiusculum fuisse in Ignatii intima sensa penitus intrando; at longiusculum fuisse non me poenitet; id enim tanti Viri dignitas a me postulabat, cujus in aliam sententiam congesta permulta testimonia detorquebantur.

S U M M A R I U M .

1. Polycarpus , & Irenaeus , quos objicit Theologus noster , non sunt nobis contrarii .
2. Insignis Epistola Ecclesiarum Viennensis , & Lugdunensis Theologo nostro non suffragatur ;
3. Nec Justinus , & Tertullianus .
4. Clemens Alex. & Origenes sententiae nostrae non adversantur .

A pag. 23. ad 29.

1. **A** Dducitur Polycarpus Epistola ad Phil. Subjetti estote Presbyteris , & Diaconis , sicut Deo & Christo : subdit Theologus : Ne quis vero mutilum hic miretur Presbyterium truncato capite Episcopo , meminerit primis illis Ecclesiae saeculis Presbyteri nomen utriusque Ordinis Antistiti communiter tributum .

Optima monitio , & utinam nostris temporibus debitus Sacerdotibus , & Ecclesiae Ministris esset ab iniquis plebibus honor delatus . Etenim in tantum malorum non esset deventum . Siquidem Presbyteri , & Diaconi Dei , & Christi causam communiter agunt ; hos qui accipit , & audit , Patrem Deum & Christum in Spiritu S. audit . Hos vero , qui spernit , Christum spernit . Liquet ex Evangelio . Quod suadet Theologus de non nominato hic Episcopo , revoca ad id , quod supra posuimus , cum demonstravimus priscis temporibus duplicem plerumque Ordinem scilicet Episcopo-

scopalem , & Sacerdotalem uni personæ fuisse collatum .

Ad Irenæum vero quod attinet , nonne ipse Textus indicat nomine Presbyterorum , per quos Traditiones transmissæ memorantur , Episcopos intelligi ; cum et illi jungantur Apostolis , & Apostolorum *Successores* dicantur ? At Sacerdotes etiam intelligi sub nomine Presbyterorum , inquit Theologus . Sed satis de his superius disseruimus ; hinc vellem , ut tandem adverteret non repugnare eadem vocabula ampliori significatione pluribus ; stricta autem & propria uni tantummodo convenire . Ecce Apostolus dicitur Christus in Epistola ad Hebræos ; Apostoli dicuntur *duodecim* , qui tali vocabulo communiter honestantur Matt. X. Luc. VI. &c. Apostoli dicuntur etiam BARNABAS , PAULUS , ANDRONICUS , JUNIAS , alique plures Cor. I. Episcopus item appellatur Dominus I. Pet. Episcopi vocantur , qui Ecclesiam regunt , & constituunt Presbyteros , Presbyterum se appellat Petrus Epistol. I. item Joannes Ep. 2. & 3.

Tu ubi Presbyteros audis , mente recurris ad Presbyteros nostros . At distingue tempora . Romæ PRÆTOR olim commune fuit nomen omnium majorum Magistratuum , qui jure & exercitu præirent , ut scribit Varro . Unde & *Prætorium* in castris , ubi erat tabernaculum Imperatoris , & Prætoria porta , cohorsque Prætoria . Postea vero vox illa *Prætoris* facta peculiaris in cujusdam Magistratus transiit vocabulum . Nec recte ratiocinaretur , qui ex eo , quod illos , qui Consules postea dicti sunt , olim Prætores vocatos esse legeret , ut nominatim Festus adnotat , concluderet eun-

eundem apud Romanos fuisse Prætozem, & Con-
sulem. Non dispar est ejus ratio, de quo modo
agitur. PRESBYTER, quo dignitatis, & honoris
dumtaxat appellatio est, utrique communis fuit,
hoc est primo, & secundo ordini, sive in eadem
persona reperirentur, sive diversis. Quemadmo-
dum etiam *Sacerdotis* nomen utrique Ordini tri-
butum est, ac diutius in primo constitit, quam
Presbyteri. Nam *Presbyteri* vox tandem in solo
resedit Ordine secundo, *Sacerdos* in primo per-
severaret, nec minus tamen ad secundum perti-
neret. Vide Petavium hic.

Quod autem addit: *Secundi* gradus Sacerdotes
acerrimos extitisse Apostolicarum Traditionum as-
sertores, ut in causa Samosatani, & Nestorii,
non video quid inde. Sed de hoc pluribus infra,
ubi de hoc iterum Theologus noster.

2. Dum expendo, quod ex Epistolis Vienn. &
Lugd. Ecclesiarum pro causa sua depromit mo-
mentum Theologus noster, videre mihi videor
miserrimum illum, qui apud Comicum cibum
ex flamma petebat, & carbones assatarum car-
nium vice fumebat. Presbyteri Epistolam dede-
runt: *Presbyteri persecutione grassante, soller-
tia, & sollicitudine mirabili animos infirmis
addebant, labantes confirmabant, lapsos erige-
bant; Confessoribus in vincula coniectis, ne quid
eis, sive ad Animam, sive ad Corpus spectans
solatii deesset indefessi consulebant. Teneo,
scio, laudo. At quid inde? Hoc quid aliud qua-
so, inquit Theologus noster, nisi Dominicum
Gregem pascere, rursari, sive ut Christus præ-
cepit, pro ovibus animam ponere? Quod cum,
Episcopo præeunte, Presbyteri quoque præsta-
rent,*

vent, nonne consequitur eosdem communi consilio, & opera Ecclesiam administrasse?

Fateor me hujusmodi Dialecticam penitus ignorare. Sit hoc *pascere*, & festive jocetur Sannazarius in Platinam, qui post Vitas pontificum scripserat de re culinaria: *Hoc vero est ipsos pascere Pontifices*. Sed ad sensum, de quo agimus. Ergo ne Missionarios, qui has nostras regiones immortalitatis satores percurrunt, cibo spirituali, corporali quoque eleemosynis scilicet populos recreant, jus pascendi dices cum Episcopis partiri? Presbyteros nostros quot novi carceres adeuntes, ex defraudato suo ventre escas miseris ibi detentis parantes, & animam suam pro his non solum paratos ponere, sed revera ponentes (utinam ut insipiens loquor, domi meae non exitisset hoc virtutis exemplum) hos tamen dices in eo, quem accipis sensu, Pastores? Sacerdotes illos, quos peste grassante socios in pietatis opera magnus ille Borromæus & vocaverat, & sibi adsciverat plebem gubernasse communicato regimine pastorali cum eomet Borromæo affirmaris? Nihil minus.

At cur nulla Episcopi in illa epistola mentio? Tu persecutione faviente ordinem requiris? Quid si Sedes vacabat? Quid si persecutio nominatim in Episcopos furebat? An non tunc licitum fuisse? Notissima est Athanasii pro fuga sua Apologia; notissima Cypriani, Basilii, aliorumque quamplurimorum exempla.

Ex his patet responsio ad Marcionis factum. Vacante sede Presbyteri Ecclesiis necessitate urgente non consulunt? Tunc profecto obtinet, quod Cicero absenti cuidam Senatori perturbata

E

Re-

Republica scripsit: *Tu Consul, tu Respublica, tu Senatus*. Piget in his immorari.

3. Ex Justino, & Tertulliano causæ suæ præsidium arcessit Noster. Veteres enim sacre Synaxis ritus exponentes illius Præfecturam Presbyteris tribuunt, quos *Præsidentium* nomine condecorant.

At ex dictis facilis ad hæc responsio est. Et primum sciendum nomine *Præsidentium* ibi Parochos intelligi, ut infra demonstrabimus. Deinde disciplina illorum temporum ferebat, ut Episcopi Eucharistiam conficerent; nec simplicibus Sacerdotibus id licebat, nisi absente, vel jubente Episcopo. Non semel id ex probatissimis testibus supra evicimus. Ergo *Præsidentes* illi vel Parochi, vel Episcopi erant, prout nominatorum PP. verba postulant. Advertimus paulo ante Theologum nostrum nulla habita ratione temporis, ad nostros Presbyteros transferre, quæ de vetustis Præsbyteris in antiquis monumentis commemorantur.

4. Clementem Alexandrinum, & Origenem sententiæ suæ patronos agnoscit Theologus noster. Primus pulcherrimam instituit comparationem cælestem inter, ac terrenam hierarchiam; cumque hæc posterior superiorem imitetur, necesse omnino est, ut quemadmodum de cælesti scriptum est: *Omnes sunt administratorii Spiritus in ministerium missi creatis rebus administrandis*; sic & terrena hierarchia Episcopis, Presbyteris, ac Ministris constans tota simul Ecclesiæ procurationi sit mancipata. Idem evincitur ex altera similitudine, qua civilem politiam ad Ecclesiam transfert. Et sententia eo redire

videtur, ut sicut in humana Republica quidam imperant, serviunt quidam, sic in Ecclesia principentur Presbyteri, ministrent, ac serviant Diaconi. Principatus porro sine rerum administratione constare minime potest.

Quam frigida intentat Clarissimus Vir! Quis in dubium revocavit totam terrenam hierarchiam Ecclesiae procurationi esse mancipatam? Audivimus supra Augustinum: *Quod Christiani sumus propter nos est; quod Episcopi sumus, propter vos est.* Et non ipse Summus Hierarcha magno sibi ducit honori, *Servus Servorum Dei* si vocetur? Omnes Ecclesiae Ministri dum Deo serviunt, principantur. Ac si comparisonem illam caelestem inter, ac terrenam hierarchiam recte procedere volumus, ut debemus, oppositum prorsus evincitur. Ibi Angeli superiores inferioribus divina nunciant mandata, illos mittunt, illis resistunt, ut apud Daniel. *Princeps Regni Persarum viginti, & uno diebus alteri Angelo restitit.* Ita et hic Presbyteros illuminant Episcopi, edocentque, tantum abest, ut hos in Fidei controversiis socios agnoscant; illos quæ agenda sunt agere jubeant; nihil hi (quod ex Ignatio supra audivimus) sine Episcopo queunt moliri.

Nec felicius Theologo nostro adspirat altera similitudo, & e via excidit ille dum infert, quod sicuti in humana Republica quidam imperant, serviunt quidam &c. dixisset: Principentur Episcopi.

Alter nempe Origenes Homil. 7. in Hierem. Nos, inquit, *qui putamur aliquid esse*, idest, *qui in Clericatus vobis ordine præsidemus.* Erat Presbyter: Προσβίτα igitur ex Origene Pre-

sbyteris convenit. Iterum Tract. V. in Matth. de Sacerdotibus agens allegoriam oculi usurpat. Cur nisi quia totum Ecclesiæ corpus a Domino tuendum, conservandum, gubernandum suscipere, nisi quia per eos, uti sequitur, *Opera spiritualia universa geruntur*. Denique Tract. 24. in Matth. Presbyteros Apostolis miscet.

Verum quid magni est dicere Sacerdotes præsidere his, qui sunt in Clericatu? Quid illud *præsidere*, nisi illis excellere, illis esse majores? Quid *præsidere*, nisi sedere ante alios? Præsidere quoque dicuntur Magistratus cum officio suo funguntur, Sueton. in August. Cap. 35. An non subsunt Sacerdotibus in Ecclesiasticis functionibus minores, imo & majores Clerici? Quod si illud *præsidere* velis strictissime accipere, dicas oportet quisnam sit in Ecclesiastico regimine Episcopo locus.

Origenem porro totum in allegorias effusum, & in loco, ut ipse Noster fatetur, allegorico Presbyteros Apostolis miscentem, quis dixerit firmum posse Doctori cuncta ad theologicum rigorem exigenti argumentum suppeditare? Satis ex dictis apparet quamnam sint Præbyterorum partes, neque in simplices, sed in majores Præbyteros hic digitum intendisse Origenem mihi persuadeo, cum solos Episcopos Apostolorum successores tota vocaverit Antiquitas, eosque Apostolis jungere consueverit,

S U M M A R I U M.

1. *A Canonibus Apostolicis sententia nostra non metuit.*
2. *Non mediocriter tamen illi incommodant Theologo nostro.*
3. *Antiquissimorum, in quibus hic versamur, temporum usus, & praxis Ecclesiæ, Theologo nostro repugnant.*

A pag. 29. ad 30.

1. **C**anonibus Apostolicis principem in hac testimoniorum prolatione se locum fuisse daturum, si inconcussæ illi auctoritatis essent, testatur Noster. Verum quoniam, & probatæ antiquitatis habentur, atque ad hæc tempora, in quæ disputando incidimus, possunt reduci, seligit ipse Canonem 57. qui sic: *Episcopus, vel Presbyter, qui Cleri, vel Populi curam non gerit, & eos pietatem non docet, segregetur, & si in socordia perseverat, deponatur.* Item Can. 34. quem ex primigenio idiomate sic ad verbum reddi: *Sed nec Episcopus quidem ille præter omnium sententiam quidpiam agat:* sic enim concordia constabit, ac glorificabitur Deus per *Dominum in Spiritu Sancto.*

2. Plusculum honoris tribuunt Eruditi 50. prioribus illis Canon. App. quos etiam latine vertit Dionysius Exig. Ea ibi habentur, quæ nullo pacto stare possunt cum his, quæ Theologus noster affirmat. Horum tricesimus ita constituit: *Omniū negotiorum Ecclesiasticorum curam Episcopus ha-*

beat, & ea velut Deo contemplante dispenset &c. Can. 40. Presbyteri & Diaconi præter Episcopum nihil agere pertinent, nam Domini Populus ipsi commissus est. Can. 41. Præcipimus, ut in potestate sua Episcopus Ecclesiæ res habeat. Si enim animæ hominum pretiosa illi sunt creditæ, multo magis oportet eum curam pecuniarum gerere, ita ut potestate ejus indigentibus omnia dispensentur per Presbyteros, & Diaconos, & cum timore omnique sollicitudine ministrentur. Quin etiam in Can. 47. 49. 50. Episcopis præscribunt quædam in ministratione Baptismi observanda.

Ast quid tandem in eo, quem invocatur Can. 57? Non plus, ac si diceretur: Episcopus qui Cleri, Parochus qui Parochiæ curam non gerit, & pietatem non docet, deponatur. An Episcopus, & Presbyter eodem modo, eodemque jure curam gerunt? An non constat animadvertendum in eum, qui muneri suo non respondet, quæque vi professionis suæ curare tenetur, otiosus, vel improbus negligit?

Cedro dignus Canon 34. optimum, & omni veneratione dignum exhibet consilium; consilium tamen. Non, inquit, sed mandatum, sed præceptum. At si sic accipies in Presbyterianorum castra confugies.

3. Præterit Theologus noster Clementem, præterit Hermam, ut concitato gradu ad magnum contendat Cyprianum. Currat egregius cursor; ocior & ventis, & fulminis ocior alis currat, dum ego lassius viarum tantisper subsisto. Et quoniam advocavit ille Canones App. quia pertinent ad hæc tempora, in quæ disputando incidimus, operæ pretium aliquod me facturum arbitror, si anti-

antiquissimorum, in quibus versamur, temporum
usus, & Ecclesiasticæ disciplinæ ratio quid hac
de re edicant, maxima, qua fieri potest brevitate,
proponam.

In Constitutionibus Apostolicis Lib. 2. Cap. 2.
habemus Episcopum præesse omnibus hominibus:
*Stude, o Episcopo, purus esse utpote qui inter
homines exemplar habes Deum hoc ipso quod
omnibus imperas hominibus, Sacerdotibus, Regi-
bus, Magistratibus &c.* Dionysius Alexan. Epi-
scopus apud Eusebium Lib. 6. Cap. 34. *Scribit se
Presbyteris præcepisse, ut lapsis sub exitum vi-
tæ communionem darent.* Idem Epist. 69. Ma-
gnus Cyprianus, ad quem Noster adproperat,
confirmat. Ibi vocat Episcopum *judicem a Deo
datum, & Ecclesiæ gubernatorem.* Ibidem *schis-
mata, & hæreses inde obortas esse, & oriri di-
cit, dum Episcopus, qui unus est, & Ecclesiæ præest,
superba quorundam præsumptione contemnitur.*
Hæc pauca ex Cypriano, de quo pluribus infra.
Chrysostomus hom. 3. in Epist. ad Coloss. tribuit
Episcopo *dignitatem, præsidendam, (ut ita dicam)
Thronum, summæ insigne, potestatis, vim, &
auctoritatem, qua ad coercendum, & cogendum
utantur.*

Canones veterum Conciliorum, & usus Eccle-
siæ per idem tempus idipsum confirmant. Etenim
disciplina omnis Ecclesiastica, Clericorum, &
Ordinum omnium gubernatio, pœnarum itidem
modus, & pœnitentiæ functio, ac jus denique ad
Sacramenta percipienda, & eorum administratio
decretorum Synodicorum auctoritate passim in
Episcopos confertur. Consule Canones Nicenæ
Synodi 5. 11. 12. in quibus repræsentandæ com-

munionis potestas Episcopo tribuitur, ut pro arbitrio legitimum tempus vel contrahat vel profroget iis, qui pœnitentiam obeunt. Episcopo inquam, in cuius voluntate situm esse dicit Can.8. *Ut Episcopis ad Catholicam partem ab hæresi transeuntibus Episcopalis dumtaxat nominis dignitatem permittat.*

Sic Laodicenum Can. 19. Pœnitentium curam Episcopo mandat, & Can. 57. Presbyteris præcipit, ut nihil sine consensu Episcopi gerant. Ancyrana quoque Synodus Episcopi iudicio relinquit pœnitentiæ modum, quo uno in Cardine Sacramentorum, & Communionis Ecclesiasticæ summa vertitur. Can. 15. bonorum Ecclesiæ curam ac potestatem eidem committit Episcopo. Gangrensis item Synodus, quæ Nicenam antecessisse creditur, anathema dicit iis, qui oblationes Ecclesiæ citra consensum Episcopi dare, aut accipere ausi fuerint.

Hæc in unum collegi eo animo, ut facile cognoscatur Ecclesiæ, in illis temporibus usque ad Chrysostomi ætatem, in qua nondum innovationibus patuit accessus, de Episcopi potestate iudicium; quæ si vera sunt, nos a Theologi nostri ententia longe abducunt.

S U M M A R I U M.

1. *Neque ex verbis , neque ex factis Cypriani oppositæ sententiæ robur conciliatur .*
2. *Quoscumque honoris significationes Clero suo SS. Martyr exhibuit , non jus imperavit , sed singularis illius caritas , & Christiana animi demissio postularunt .*
3. *Ex his quæ habet Cyprianus in causa Lapsorum nihil contra nos .*
4. *Refelluntur , quæ Theologus noster contra superius posita , declamat .*

A pag. 30. ad 42.

1. **M**E quoque de magno Cypriano acturum præfari nonnulla juvat, ne justissimis, quas in eum confert laudationibus Theologus noster, ingrato silentio videar detrahere. Magnus plane Vir Cyprianus, & omnium sæculorum prædicationibus, admirationibusque dignissimus, potens operæ & sermone non modo Africam, sed totum Orbem sapientiæ suæ radiis illustravit. Ecclesiasticæ disciplinæ assertor acerrimus, idemque fortis per omnia, & impavidus athleta Catholicam Fidem, pro qua tam nerve pugnaverat, Martyrii palma condecoravit. Nefas ducimus ab ejus sensu in hac causa discedere.

Oramus, dignetur Theologus noster, ut quæ paulo ante ex Cypriano attulimus de Episcopi dignitate, & potestate cum his quæ Presbyterio ipse desert.

defert conferat, & hæc an illis positis stare queant severe examinet. Illius tamen iudicio utroque pollice probamus.

Ego quidem arbitror supervacaneum omnino esse longa disputatione hæc permulta, quæ tot paginas Cyprianica implent verba, & facta discutere, quove sensu illa accipienda sint, demonstrare, cum ipse SS. Præsul evidentissime mentem suam aperiat in primo hoc testimonio, quod recitat Theologus noster, in quo Cyprianus palam edicit: *Se ab initio Episcopatus sui statuisse nihil sine consilio eorum, & sine plebis consensu sua privatim sententia gerere* Epistol. 5. Si ipse *statuit*, jam non jure cogente, sed voluntarius eligit; juri obedimus, nihil ipsi dum jura loquuntur pronunciamus. Parendum est. Quid novi attulisset hic Cyprianus, si Ecclesiæ regulis cautum esset nihil Episcopos aggredi debere sine Presbyterio? Quas nugas vendidisset, si quod jubebatur, & nulla via poterat declinari, ipse ludicator mirificus in suum rejecisset arbitrium, & magni beneficii loco apud Clerum voluisset adponi cum illo suo *Statui*? Hæc quo tendant facile vides, doctissime Vir & verba ipsa te monent: *Sine consilio eorum* (Presbyterorum) *& sine Plebis consensu*. Hem! Plus Plebi quam Presbyterio. Illius *consensus* hujus postulatur *Consilium*? Immane quantum consilio antistat consensus.

Sentit Noster; hinc continuo subdit: *Quid valuerit ille Plebis consensus infra videbimus*. Fidem liberat pag. 37. ubi tria vult nobis rata esse & fixa. 1. Nullo mandato divino præscriptam Plebis vocationem, quia alias Ecclesia nunquam quidpiam contra jus divinum ausa foret.

2. Diversa plane ratione Presbyterium ac Plebem convenisse, ut Plebs nimirum testimonio, Clerus iudicio suffragaretur. Et Cyprianum affert cit. Ep. ajentem: *Instruit & ostendit Deus ordinationes Sacerdotales non nisi sub Populi assistentis conscientia fieri oportere, ut Plebe prasente vel detegantur malorum crimina, vel bonorum merita pradicentur, & sit ordinatio justa, quæ omnium suffragio, & iudicio fuerit examinata.* In quem locum Natalis Alexander Histor. Sæc. 1. Dis. 8. Sic: *distributive accipienda sunt illa verba, ut suffragium, sive testimonium pertineat ad plebem, iudicium vero ad Clerum & Episcopum.*

3. Ideo Lapsorum causam apud Plebem quoque convocatam actam fuisse, *ut nimirum quorum defectione offensi fuerant, pœnitentia erigerentur Ut qui testes criminum fuerant, emendationis itidem dicerent testimonium.*

Doctissime Vir, si licuit tibi nodum hunc, qui satis adstringit, ex illa Plebis vocatione laxare, & dissolvere, & laqueum hic paratum evadere, cur & non licebit nobis a te edoctis eadem ad Presbyterii hujus consensum vel delendum, vel eo, qui non incommodat sensu, accipiendum? Et quoad 1. Est ne ad manus illud divinum mandatum quo hujusmodi præcipiatur consensus? Est, dices. At ubi? In quibus tabulariis asservatur? Et si est, dic quomodo Ecclesia ausa fuit tantum contra hoc divinum mandatum in causa Presbyterorum, quod, te iudice, in vilis popelli causa nullo pacto esset ausa?

Quod ad secundum ingeniosissime rimaris, at acutissime vides in Cypriano, quod lyncei oculi non viderent. Loco cit. vult Cyprianus ordinationes Sacerdotales nonnisi sub Populi assistentis
(& id

(& id quidem divina ordinatione : *instituit* , & *ostendit Deus*) conscientia fieri oportere
Et sit ordinatio justa , quæ omnium &c. Erit ergo injusta illa ordinatio , quæ omnium suffragio , & iudicio non fuerit examinata .

Pietatem Natalis Alexandri opportune in auxilium venientis cum illa sua partitione distributiva commendamus . At obsecro nihil ne juris Plebi conciliat suffragium illud ? Et tamen Tu ipse ubi supra de Mathiæ electione extremos Græciæ fines pervasisti , & pro *Sortibus* , quas habebamus , *suffragia* attulisti , & rem consecisse tibi visus , & Mathiam suffragiis omnium , qui aderant , Apostolico in throno collocatum nobis ostendisti .

Quid tertium obsecro ? Versabamur in sacris ordinationibus , & tu ad lapsos mutato medio recurris ? Sit plausibilis in Lapsorum causa hic Populi interventus , ut quorum defectione offensus fuerat ille , poenitentia erigeretur . At quid huiusmodi in Sacris Ordinationibus ?

Ergo non crude hæc accipienda . Adducemur alias quo nolumus , & popularibus ac tumultuosis factionibus cuncta scædari patiemur . Quæ SS. & prudentissimi Viri peculiaribus in locis pro re nata , & diligenter perpensis moribus , indole , ingenio , & illa in primis qua fideles subditi intensa fervebant caritate faustissimo exitu peregere , hæc si ubique velis obtinere , & ad omnes transferas regiones , immane quantum publicæ rei creetur periculum , & horrenda quanta exinde consecutaria emergant . Sed de hoc pluribus infra ubi de hodierna Ecclesiastici Regiminis forma , & sacris Electionibus se ultro ingeret disputandi occasio .

2. Interim dicamus Cyprianum quieti, & publicæ tranquillitati egregie consuluisse de Episcopali suo jure dicens & plusculum Presbyteris suis deferendo. Ne mireris ergo (ut ad caput redeamus, & singula quæ affers retractemus) si rogatus Cyprianus ut suum proferret judicium de Philumeno, & Fortunato restituendis, rescripserit non posse se solum illi rei judicium dare, cum multi de Clero sint absentes &c. Id totum ad Cypriani referendum humanitatem. An alias Episcopalem auctoritatem vili plebeculæ prostituisset, cum & ibi rem hanc tractandam dicat non tantum cum Collegis suis, *sed & cum plebe ipsa universa*? Ceterum valeret argumentum, si Cypriano volenti Philumenum & Fortunatum restituere, obstitisset Clerus, seque inconsulto id attentandum non esse clamasset.

Vellem adverteret Theologus noster jungi ex Cypriano semper Presbyterio Plebem. Luculentissime id indicat communis fovendæ concordia causa SS. Antistitem, nullo jure cogente, in hæc descendisse.

At illud *Non potui*? Officii plenissima vox est, ut si velles me convivam adducere tibi, & penulam scinderes. Ego reponerem: non possum, vel si te rogarem, ne nimius esses in Confessionibus excipiendis, in libris versandis responderes: Non possum. Quis de absoluta hæc putaret accipiendâ potentia?

Eundem sensum accommoda sententiis, quas *Provisoria* dicis in Lapforum causa, nisi jus ligandi & solvendi (quod nullus dixerit) velis ab Episcopali potestate remotum. Et quod sequitur de *manus impositione Episcopi, & Cleri* ne ad alienum

num detorqueas sensum, ne scilicet reponat aliquis invalide Diaconos inaugurari Sacerdotes, si Presbyterorum manus imponentium cum Episcopo præsentia desit. Vides & hic *Universam Plebem* nominari. Tum in hoc quod de Pœnitentibus sub jicis, observa ex Cypriano convocandos Episcopos *plures*. Et id quod urges Cyprianum non esse Cleri sui in hoc negotio oblitum tu ipse ad rem non facere dixeris, si rei, de qua agebatur, naturam expenderis.

Agebatur de Lapsis recipiendis; horum non unum genus. De his nec inter Episcopos, nec inter Presbyteros ipsos congruebat. Nimius in aliis rigor; alios nimia tenebat indulgentia; illi rejiciendos omnino clamabant; leviculas alii satisfactiones dicernebant. An tu in tanta re solus pronunciares, nec quis Romanæ, quis aliarum Ecclesiarum sensus esset, diligentissime explorasses? Non cavisses, ne cui scandalum ingeneraretur, ne facilis, mollis, & præpropere remissio in perniciem Christianæ rei, alijs (frequentes tunc erant) persecutionibus sævientibus incumberet? Quid ergo miraris, si prudentissimus Præsul id consilii cepit?

Eandem prudentiam agnosces in Clero Romano, quem nominas. Mirifice consonans incomparabili doctori Cypriano nre exhilarat illius Cleri responsio ad Cyprianum: *Placet* (ejus sunt verba) *collatione consiliorum cum Episcopis, Presbyteris, Diaconis, Confessoribus pariter, ac stantibus laicis Lapsorum tractare rationem &c.* At Theologus noster subdens: *Quam belle, quam præclare procedit hæc ratio!* Ut tum demum Ecclesiastica decreta firmitatem sibi vindicent, si plurimorum sint consensione munita non medio-

diocriter me conturbaret, nisi scirem illum intendisse digitum ad Gratianum dicentem : *Leges instituuntur, cum promulgantur, firmantur, cum moribus utentium comprobantur* ; scilicet firmitate extrinseca, non quia robore illæ destituantur, si subditorum desit acceptio, vel unius eas non ponat auctoritas ; alias nec Pontificis constitutio, nec Episcopi, si soli decernant, Sanctio vi potentur subditos ligandi . Scite autem Rom. Clerus sic loquitur ; nam cum de Lapsorum causa, ut paulo ante observavimus, in diversas iretur sententias, quid facto opus esset communi id constabilire consilio æquum videbatur, ut decisio cum plausu exciperetur . Quod autem pertinet ad Christi Confessores Moysem, Maximum, aliosque a Theologo hic relatos, in eandem hos sententiam accipiendos, qui rem expenderit, non invitus affirmabit . Et quæ sequuntur egregium nobis præbent christianæ demissionis, ac modestiæ exemplum in tantæ sanctitatis, ac doctrinæ Viro Cypriano, dum se alieni consilii necessitate teneri fatetur .

Mitissimum piæ Matris Ecclesiæ spiritum ægerime ad poenas descendentem, tum ejusdem in promovendis ad Sacros Ordines diligentiam attendentes non mirabimur magnum Cyprianum, aliosque sequentibus etiam sæculis Episcopos, ubi de interdicenda agendum esset communione, tantam rem noluisse ipsos solitarios transigere . *Est enim anathema æternæ mortis damnatio, nec imponi debet, nisi illi qui aliter non potuerit corrigi* .
 Cap. NEMO XI. §. III. Cumque nullus nisi plene discussus, ut loquitur Isidor. Offic. 2. debeat hac poena mulctari, jure Episcopi, ne ex odio
 -OV aut

aut indignatione huc venire viderentur: crimina ob quæ erat tanta pœna infligenda volebant per plures discuti, & examinari; non ignorantes ceteroquin suum esse ad definitivam inde sententiam procedere. Nec illa Presbyterorum præsentia roboris aliquid sententiæ addebat, sed ad sollemnitatem, iustum quoque terrorem ingenerandum erat non mediocriter opportuna.

Ad sacras autem Ordinationes quod attinet, utilissimum profecto fuit Eos ad Ecclesiæ ministerium adsciscere, quos Presbyterorum iudicium, & Plebis testimonium probaret. Multitudini non facile imponitur, & quod unus non cernit, videt alter. Utinam corrupti, & ex die in diem ad pravam declinantes mores, a vetusto illo ritu Ecclesiam discedere non coegissent, tum in excommunicationibus infligendis, tum in sacris Ordinationibus celebrandis; profecto nec tantum ipsi Ecclesiasticarum pœnarum ingemeremus contemptum, nec ipsa non undique sibi bonos datos Ministros Ecclesia deploraret.

At Cyprianus, ait Noster, *hujusmodi disciplinam ad primæva revocat Apostolica tempora*, imo ex divina auctoritate descendere putat Epistola 68. ad Clerum &c.

Nisi Cyprianum benigna interpretatione accipias, vide quo progrediaris. Ergo divini mandati prævaricatrix Ecclesia, quæ ab illa disciplina recessit? Pollutæ & illegitimæ (etsi non irritæ) omnes quotquot ab illa tempestate, qua memorata desiit disciplina, hucusque celebratæ Ordinationes? At neque Cyprianus id voluit, neque nos velle debemus; nec ad SS: Martyris horremus effatum, ad divina magisteria rem hanc re-

vo-

vocantis; cum non omnia, quæ Christus gessit; neque quæcumque ordinarunt Apostoli, nobis præcepta censere debeamus, nec ipse Christus, vel Apostoli, quæ nobis præstantissima dederunt exempla, sub legis voluerunt inclusa rigore.

Hic Theologus noster altius insurgit, & solitæ benignitatis oblitus acerbissime excipit eos, qui indulgentiæ singulari Cypriani non ullius legis necessitati apponunt quæcumque SS. Præsul Presbyterio suo detulit: *Id enim vero* (sunt ipsius verba) *falsissime, aut ut levius dicam, temere affirmari contendo.*

Ne sævi pietissime Vir; ne totus in iras abi, alias castigabit Lucianus: *O Jupiter iratus es, victus es, ratio te destituit.* Sententia, in quam detonas, gravissimorum Theologorum auctoritati innititur, ratione, ut hætenus videre potuisti, fulcitur. At videamus, quomodo latam a te censuram nobis probes. *Qua ratione*, inquis, *id instituti Cypriano singulariter tribuimus, cum Cyprianus ipse testis sit hoc item Romæ, quæ Ecclesiarum omnium instar erat, amplissimum obtinere?* Et quis dixit singulariter Cypriano id instituti tribuendum? An uno Cypriano se tunc gloriari poterat Ecclesia? Nullus ne alibi SS. Episcopus, cui non veniret in mentem egregium, quod ceperat Cyprianus, consilium? An Episcopos omnes illo superbiæ, tumore inflatos suspicaberis, qui nihil cum Presbyteris suis communicatum vellent; solos se Magistros in Israel jactarent; nullius consilio se egere profiterentur? Hoc si affirmaveris, auream illam Ecclesiæ ætatem luteam facies; maxime improbos dices Episcopos omnes, qui Presbyteros, tales nimirum

F

Pres-

Presbyteros propter eximiam suam virtutem omni dignos honore (quales tu ipse paulo infra in causa Samosateni , & Nestorii prædicas) adeo illiberaliter , & indigne tractassent . Non ergo singularis in divino illo suam Ecclesiam regendi more Cyprianus fuit . Præiverant ipsi alii quamplures . Romæ Cornelius non dissimili arte Ecclesiæ clavum negebat .

Quis non Firmilianum , quem nominas , laudibus ad cælum ferat , quia per singulos annos cum Episcopis , & Presbyteris in unum convenientibus , sedulo quæ , *cursu suæ* commissa erant , dispiciebat , ut si quæ graviora essent , communi consilio dirigerentur . Habes ergo Cornelium , habes Firmilianum Cypriani socios , nec poterat sapientius , suaviusque res Ecclesiæ publica tractari .

At Firmilianus ait *necessario id fieri* . Ad disciplinam *ecclesiasticam* id refert Cyprianus . Dicit expectare consilium , ac sententiam omnium nolle præjudicare , *Ō solus rem communem vindicare non audeo* .

Ut omnem tibi scriptulum evellas , adverte , & Firmilianum , & Cyprianum in his , quæ affers , loqui de Conciliis Episcoporum ! Attende animum ad verba Firmiliani : *Episcopi in unum conveniamus* ; Cyprianus post laudata verba immediate subdit . *Ideo sterur interim epistolis meis quarum exemplum Collegis quoque multis jam misi . Qui rescripserunt placere sibi , quod statuimus , nec ab eo recedendum esse , donec pace nobis a Domino reddita , in unum convenire , Ō singulorum causas examinare possimus* . Quinam Collegæ illi , ad quos scripserat

rat

rat Cyprianus ? Quinam referipserunt placere sibi ? Num ejus Presbyteri ? Minime vero, sed Episcopi . Apertissimus sensus est , & nisi intelligimus, irascetur plagosus Orbilius, & serulæ manum subtrahemus .

Age , expende de quanta re agebatur . Firmilianum non moror ; piget tantum vulnus refrigerare . Hominem undique argumenta quærentem in perdita causa , quid miraris a se hac viâ temeritatis notam amolientem , & rem in communem consensum de more definitam rejicientem ? Ad Cyprianum venio . Lapsorum discutiebatur causa , quæ sollicitos totius pene orbis Episcopos habebat , erat ne e Cypriani modestia illud maxime arduum negotium , spretis omnibus Episcopis, præjudicare ? Sciebat doctissimus Vir, quodnam esset in tanta re consilium capiendum . Provisorie , ut ajuat , decrevit : Decretum (ex historia scimus) utpote a tanta sapientia , discretionem , & caritate profectum omnes postea Episcopi probarunt , susceperunt , & executioni in sequentibus etiam temporibus scimus mandatum . Utinam & idipsum Lucifer Calaritanus sapuisset !

Non abnuo & illis conventibus Presbyteros adfuisse . Video id in Cypriano, Firmiliano, aliisque . Hos ab Episcoporum ore pendere mihi videre videor, veritati una cum illis testimonium perhibere ; præire illos ; hos fideliter sequi ; damnare damnatos ab Episcopis , uno verbo tanquam discipulos Magistris adhærere . Et hoc sensu accipias Lucium agentem Fortunatum , & Felicissimum non solis Episcopis judicatos , sed a Presbyteris , & Diaconis, nisi plura optatis habere velis , & Diaconos Presbyteris pares efficere .

Verum damnatos a Presbyteris errores Synodica scripta proclamant. Solis ne? Non; sed cum Episcopis. Ergo commoda distributione id debemus accipere. Errores scilicet anathemate ab Episcopis, quorum jus erat, confixos, a Presbyteris improbatos quoque & anathematizatos. Sic passim audimus Arium a toto Orbe damnatum, & SS. Gebennensis Episcopus Salefius cum Calvinī imagini subjectam vidisset Epigraphem:

*Hoc vultu, hoc habitu Calvinum sacra docentem
Geneva felix audit;*

*Cujus scripta Pii toto celebrantur in Orbe,
Malis licet ringentibus:*

Ipse continuo correxit:

*Hoc vultu, hoc habitu Calvinum insana docentem
Geneva demens audit*

*Cujus scripta Pii toto damnantur in Orbe,
Malis licet ringentibus.*

S U M M A R I U M.

1. *Conteſſeratio Cleri Romani cum Carthaginienſi nihil pro aſſerto a Theologo noſtro Presbyterorum jure evincit.*
2. *In condemnatione Samofateni us Antiochenorum zelum Presbyterorum ſuſpicimus, & prædicamus, ſic nullam horum jurisdictionem, refragante Theologo noſtro, agnoſcimus.*

A pag. 42. ad 44

1. **I**nguente perſecutione Cyprianus Dei monitu ſeceſſit. Hoc cum Romæ auditum, foret Romanus Clerus litteras ſollicitudinis plenas ad Clerum Carthaginienſem dedit: harum ſummam habes hic apud Theologum noſtrum. Subdit autem ipſe: *Hæc uti a me recitata ſunt, quid aliud probant, niſi Paſtorales curam in ſolidum a toto Presbyterio poſſideri, atque alterutrius partis negligentiam aut ſocordiam alterius ſtudio, atque accuratione ſuppleri.*

Mira a genere in genus tranſitio; & quod neceſſitate cogente juſtum, laudabile, legitimum habetur, idipſum ad omne tempus velle transferre. Cæſo in acie Imperatore, qui ſuperſunt minores Duces, non arripiunt impigre, quæ illius erant munera? An exercitum prodent, & cuncta peſſundari patientur? Mortuo Epifcopo non moritur Eccleſia, imo tunc luculentius ſe exerit Presbyteralis poteſtas. Et quid tandem hic habemus? Nulla formidine deterreri;

F 3

inter

inter gladios furentis persecutionis laborantibus adesse impavide, illos hortari; carceribus detentos invisere, ad fidei in tormentis confessionem inflammare; nonne hæc Presbyterorum vel præsentē, vel absente Episcopo partes? Quanto magis hæc, & alia hujusmodi Sede vacante in Presbyteros ex vi sacræ Ordinationis incumbent? Viduatæ Ecclesiæ mœrorem solari; videre, ne quid detrimenti grex capiat, cujusnam, nisi Presbyterii erit? An dum Presbyteris asserta jura denegamus, stipites illos, & truncos facimus, otiosos, & inutiles fingimus? Nihil ne sibi vindicat Sacerdotalis character? Et tamen omnia, quæ commemoravimus, illius sunt consecraria.

Ceterum animadvertimus in iisdem vetustis monumentis viduatæ Ecclesiæ Clerum id moris habuisse, ut majora quæque negotia futuro Episcopo intacta servarentur. Ita Clerus ipse Romanus: *Quamquam nobis differendæ hujus rei major necessitas incumbat, quibus post excessum Fabiani nullus est Episcopus propter rerum, & temporum difficultates constitutus.* Et infra: *Ante constitutionem Episcopi nihil innovandum putavimus, ut interim, dum Episcopus dari a Deo nobis sustinetur, in suspensio, eorum causa teneatur, qui moras possunt dilatione sustinere,* Epist. 31.

2. At ecce novum pro Theologo nostro argumentum, quod & paulo ante posita confirmat, & de asserto Presbyterii jure dubitare non sinit. Presbyteri in faciem restiterunt Episcopis suis, cum fidem illi labe factare sunt aggressi. Exhibet id in Pauli Samosatēni, & Nestorii causa. Papæ! Quallis, & quantus Presbyterorum zelus! Qui motus,

tus, quæ sollicitudines, quales pro fide tuenda exantlati labores! Quæ pericula illos non adire, quot casus non formidare? Sed cur tanta? *Nimirum quia Pastoralem, quam conjunctim ad id temporis subjerant, totam in se conversam arbitrati sunt.* Fusiori stilo insignia huc spectantia monumenta deducit Theologus noster. Memorat Synodos horum occasione habitas: in his jus suffragii definitivi etiam in causis dogmaticis Presbyteris asserit Pag. 47. Ephesinæ Synodi ipsius id auctoritate confirmat: concludit, *sanctissimo sapientissimoque consilio factum esse, ut singulæ Ecclesiæ Presbyterio instruerentur, nempe ut si quid humani Pastores aliqui paterentur, haberent in lectissimo Senatorum concilio, & Pastores ipsi ad resipiscendum monitores, & Ecclesia præsidium, ne quid interim detrimenti majorum ruina pateretur.*

Excidimus e via, & jure cogente factum, quod sola voluit officiosa voluntas, semper arbitratur Theologus noster. Ultrò concedimus SS. Episcopos sub tanto onere, quale est animarum regimen, gementes, Christiana humilitate impellente, Presbyteros in sollicitudinum partem vocasse; hos tunc conjunctim cum Episcopis pro gregis custodia advigilasse. Ne tamen eo avoles, ut putes Presbyteros veluti frænum Episcoporum ori indictos, ut eos in officio continerent; ut iis monitoribus illi, si quid humani paterentur, resipiscerent, haberetque in ipsis præsidium Ecclesia, ne quid exinde caperet detrimenti.

Hoc quid nisi constituere discipulos super magistros, filiis parentes subicere, Episcopalem, quam ex variis, quæ supra recitasti, SS. PP. testimoniis,

Apostolicam dicimus auctoritatem evertere, & non sub Episcopo, ut dictitabas, sed supra Episcopos Presbyterorum collocare potestatem, eamque non obnoxiam (ut ad omnem declinandam invidiam dicebas) Episcopali agnoscere, sed supra illam longe altius attollere?

Venio ad id quod urges: finge tantisper Presbyteros, quos memoras, nullis penitus ex assertis juribus tunc potitos; tales extitisse, quales sunt hoc tempore apud nos, qui nec sciunt, ubi Episcopus degit, ab omni ejus consortio longe remoti; qui in Ecclesiasticum Regimen influunt non minus ac ego, & tu in Mexicanas, vel Peruanas Provincias influimus; age dic fodes tantum Fidei periculum otiosi innoxie adspexissent? Nullæ ne vi Sacerdotalis muneris in eo casu illorum partes? Canes muti ad lupum venientem, & maculantem ne latrassent quidem? non eos ut avitæ doctrinæ proditores, Fidei perduelles traduxissent; non vicinis Episcopis detulissent, maxime cum tunc (utinam semper stetissent) Provinciales Synodi essent frequentissimæ. Magnum piis quibusque commovendis Fidei periculum! Restitissent optimi Presbyteri summo ipsi Ecclesiæ Hierarchæ, si (quod nefas est dicere) talia peccassent. Consule teipse pag 71. ubi de Anastasio. Non inferes tamen inde Presbyteros illos Primatum Pontificium fuisse cum Pontifice partitos. Illis jus aliquod in Primatum non adjudicabis.

Quid his amplius egere optimi illi Presbyteri? Idipsum quod nos omnium minimi & nullo (talis est temporum conditio) Ecclesiæ loco positi ageremus. Omnia nostris personarent clamoribus;
nullus

nullus querelarum finis. Advolant nominatissimi illi Presbyteri ad Synodos; accusant; testes Episcopalis probri se sistunt (nil enim aliud Malchi factum, quod te commovet, probat). Episcopi in Synodis coacti Sententiam ferunt: Presbyteros collaudant. Laudaverant & ipsi, ad quos rumor ille pervenerat, Romani Pontifices.

§. XIII.

S U M M A R I U M.

1. *Solvuntur, quæ ex Ephes. Synodo Theologus noster pro suscepta causa deducit.*
2. *Item quæ ex duobus Eusebii Cæsariensis monumentis.*
3. *Theologus noster eo, quo non debet progreditur.*
4. *Neque Hilarius, neque Magnus Basilius ei suffragantur.*

A pag. 45. ad 48.

1. **Q**Uæ hætenus posuimus non satisfaciunt Theologo nostro. Majora adprecatur, & vult Presbyteris illis, & ex Nestorii damnatione in Ephes: oecumenica Synodo clamat vindicandum Presbyteris *jus suffragii*, & *quidem definitivi in ipsis generalibus Conciliis, immo etiam in causis dogmaticis.*

Me miserum! Errasti Pie, infelicissime Pie VI. Errasti in male ominatæ Pistojsensis Synodi pro-
scriptione. Ast tu, doctissime Vir, quo teste, quibusque tabulis tanta confirmas? *At tibi Ephesina,*
in-

inquit, *Œcumenica Synodica Epistola sua ad Clericos, & Œconomos Ecclesiæ C. P. data, quæ eos de Nestorii abdicatione certiores facit, & Ecclesiam, resque Ecclesiæ commendatas esse jubet ad novi Pastoris usque inaugurationem.* Bono animo jubet me esse Epistola hæc. Non aderant ergo S. Synodo Clerus, & Œconomi C. P. quandoquidem oculati testes ipsi totius rei gestæ extitissent, nec depositionis Nestorii, & earum rerum, quæ inde necessario sequi debebant, opus fuisse eos per Epistolam facere certiores.

At adfuerunt aliqui; imo. & multi; non repugno. Certe totum non aderat C. P. Presbyterium. Ecce, subdit Theologus noster, Epistolæ ἐπιγραφῶν: *Sancta Synodus, quæ per Dei gratiam convenit dilectis & desideratissimis comministris C. P. agentibus, & religiosissimis ejusdem civitatis Presbyteris, & Diaconis.*

Hos non comministros modo, sed etiam Concilii *membra* appellat. Justum, & rationabile elogium; præiverant hi Presbyteri confessioni Concilii; Concilio adhærebant; non vulgaris erant Ecclesiæ pars universalis, quæ per illud generale Concilium repræsentabatur. Quidni *Membra*? Nonne nos omnes membra sumus in Christo? nonne unum corpus? nonne ejusdem fidei professione Corpori Christi omnes inferimur? Justissime, sapientissime, prudentissime Concilium has amoris, & grati animi significationes optimis illis exhibuit Presbyteris. Jure *Comministri* vocantur. Memoris animi & pro bene navata opera plaudentis vox illa est. Summi Ducis re bene gesta gregarios milites vocabant. *Commilitones* suos;

suos ; hac nempe voce illos sibi promerebantur ; dictisque magis audientes in posterum reddebant. Vide Farnab. ad Lucani Phars. Lib. 8. ver. 612. Ubi Pompejus (quantus Imperator !) cum jam procul a sua triremi avectus in parvo navigio , in quo fuerat exceptus , Septimum olim gregarium suum militem , nunc Romanæ militiæ desertorem , Phariis in armis militantem fuisset intuitus : Non ego te, inquit , Commilitonem meum agnosco ? Erat igitur in more positum institutoque eorum , qui præerant , per quasdam gratas voces auribus servire sibi subiectorum , ut eos magis sibi allicerent , & traherent , eorumque animos magis excitarent & confirmarent .

At subdit Theologus : *Erant hi Presbyteri membra Concilii non actu quidem , nam a Concilio aberant ; ergo jure ; locus quippe , quem in Hierarchiam obtinebant , jus illis certe tribuebat , ut cum Episcopis & adestent , & judicarent .*

O peracutam Dialecticam ! A Concilio non bi-
dui iter , sed longissime aberant , & quia locus , quem in Hierarchia obtinebant , jus illis certe tribuebat , ut cum Episcopis adestent & judicarent , idcirco *Membra Concilii dicuntur* ? Sed hoc erat demonstrandum . Hoc in quæstionem venit ; de hoc tota est contentio . Tu ex officioso minimo verbo tanta deducis .

3. Sed ad duo , quæ ex Eusebio Cæsar. profert monumenta , nunc respondeamus . I. est ex Lib. 6. Hist. ubi : *Theotistes , & Alexander Episcopi , cum prærogativis supremoque honore dignum Origenem probavissent , ei manus , ut Presbyterio fungeretur , imposuerunt .* Exclamat noster : *Vide quanta insiederit his præstantissimis PP. Sacerdotii*

dotii opinio, ut illud supremi in Ecclesia honoris nomine appellent, quo nescio quid dignius de Episcopatu ipso dici queat, quem supremum apicem nominare moris est. Sacerdotii dignitati commendandæ impar est omnis eloquentia: sacerdotio nulla major in Ecclesia dignitas: si SS. PP. hoc nobis non dicerent, solus Catechismus Romanus, quem centum Theologis præponimus, nos doceret abunde. At nihil magis apud SS. PP. pervulgatum. Ignatius, Augustinus, alique affirmant Sacerdotium esse præstantiorem gradum, ad quem possit mortalium aliquis elevari.

Verum est Theologis compertum hæc accipienda esse de Sacerdotio, quatenus duos diversos ordines complectitur, alias nulla foret Episcopi supra Presbyterum eminentia, ac vera esset Aërii, aliorumque Hæreticorum, qui Episcopos ac Presbyteros pares fecerunt, furiosa, ut Epiphanius vocat, assertio. Sed alibi, non in hoc Eusebii loco, quærenda erat Sacerdotii dignitas. Obrepserat Theologo nostro somnus, dum multa nocte ad lucernam hæc exarabat: conjunxit *Prærogativas, & supremum honorem cum Presbyterio*; quæ tamen in illo textu longissime a se distant. *Theoristes, & Alexander cum probavissent Origenem dignum prerogativis, & supremo honore . . .* Scilicet sic de Origene judicarunt, & rectum judicium fuit. Sed cum aliud ei tribuere non possent, nisi Sacerdotium: *Ei manus imposuerunt, ut Presbyterio fungeretur.* Quid hoc? Perinde ac si dicerem: Episcopus Averlanus cum Te Cardinalatu dignissimum judicaret, Theologum Cathedralis suæ te renunciavit. Et tu cum munusculum (liberalis es) Sacristæ offers non dicis: Dignus

es aureo monte, at accipe has quisquillas.

Alterum ex Eusebio, quod arcessit, monumentum est ex Lib. 7. Demonstr. Evan. Ibi tres in Ecclesia ordines distinguit ductorum unum, duos subditorum, scilicet Fidelium & Cathecumenorum. En subdit noster: *Doctissimus Episcopus, cum nominis communione Ecclesiæ administrationes ad Episcopos, Presbyteros, ac Diaconos, ductores, videlicet perspicue docet pertinere.*

Me tædet in his immorari. Non fero me scribentem; feret lector? Piper, alec, & aliæ ex tabernis merces, quibus tegendis has chartas destinamus, exhorrescent has chartas ipsas, & annalibus Volusianis ex Catulli deliciis assignandas clamabunt. Ductores sunt in exercitu Imperator, Tribuni, Centuriones, & infiniti quique manipulorum Præfecti. Ergo inter hos comparationem institues, omnesque uno ordine censebis Achivos?

3. O doctissime, & pientissime Vir, quonam tota spectat huiusmodi instituta disputatio? Res nimis ad vivum resecatur; & positos fines videaris prætergredi. Quid illud tuum pag. 42. *Pastoralem curam in solidum a toto Presbyterio possideri? Vindicandum* pag. 47. Presbyteris jus suffragii, & quidem definitivi in ipsis generalibus Conciliis, immo etiam in *causis dogmaticis* amplissimo Sacerdotii nomine, quo nomine Christus ipse Sacerdos in æternum exprimitur, & Pontifices, & Episcopi significantur, ad simplices Presbyteros coarctato, exclamas: *Quo nescio quid dignius pro Episcopatu ipso dici queat.* Dic, quæso, quid his politis Episcopo superest? Directionis nempe nulla potestas, & fractus undique primatus; hoc est
magni

magni nominis umbra. Quid nomen retinemus, si corrumpimus significationem?

4. Hilarium, ais, Episcopis pene suppare Presbyteros facere, & plaudis pag. 48. Verum, quæ paulo ante posuimus, sunt traditæ ab Hilario divisioni accommodata; & Hieron. Epist. ad Nepot. aliam init divisionem inquires: *Quod Aaron, & filios ejus, hoc esse Episcopum, & Presbyterum noverimus*. Hilarius autem ab Aaron ad Levitas excurrit. Sed quid in hoc præsidii?

Ecce in primordiis Instit. Can. Tit. IV. Lancelottus ait: *Personarum genera duo sunt, unum laicorum, alterum vero clericorum*. In his, si volumus consistere, totam Ecclesiasticam Hierarchiam evertemus. Oportet, ut generica illa vox in suas, ut ajunt, species distribuatur. Id præclare efficit laudatus Doctor. At fuerit id otii Lancelotto rem suo loco, & ex professo, ut dicimus, tractanti. Sufficit autem Hilarium obiter id innuentem in generico Sacerdotum vocabulo hære.

In quo sane mirabilis est Theologus noster, qui, ut supra advertimus, amplissima Sacerdotii, & Sacerdotis nomina ubicumque occurrunt, ad simplices coarctat Presbyteros, & confidentissime in hos jura, prærogativas, & cuncta, quæ vastissimæ sunt Sacerdotii, amplitudinis, deducit.

Nos interim impudentes audiemus a modestissimo Theologo nostro, si nullo monstrante non deprehendemus in magni Basilii Commentariis in cap. 4. Isaj. & Moral. regul. 7. Præsentiam *πρεσβυτερων* Presbyterorum, & præcepta a Paulo Episcopis impolita, eadem ad presbyteros spectare, quorum sane præceptorum cum nonnulla Ecclesiæ gubernationem evidentissime spectent,

ut

ut

ut illud in primis : *Si quis domui suæ præfse nescit, quomodo Ecclesiæ Dei diligentiam habebit? Concludit Noster: Quis sane tam impudens erit, ut Ecclesiæ regimen Presbyteris abjudicet?*

An non eadem Diaconis dicemus danda præcepta, non eadem minoribus Clericis? Quid magni, & tanto gradu apprime, & ad libellam exacte in illis præceptis? Hoc ut illustrius reddatur, observanda est Chrysostomi ad illum locum adnotatio: quærit enim, cur Apostolus Episcopi formam, ac velut exemplar describens, mediocria quædam ab illo, & vulgaria exigat officia, non exquisita, & perfecta. Nam inter alia jubet eum deligi, qui non sit ebriosus, non percussor, non turpi lucro deditus &c. Quæ communis sunt virtutis. *Cur autem non illud potius requirit, ut sit Angelus, ut humanis affectionibus careat, aut illa majora, quæ Christus in præceptis dedit, etiam iis, qui ab illis reguntur, ut cruci sint affixi, ut animam suam in manibus habeant?* Ac respondet idcirco majora illa, ac præstantiora non attigisse, quod pauci tunc essent, qui hæc possent consequi, opus vero multis esset Episcopis, qui gregem pascerent. Itaque ad ista minora, & facilia descendisse. Vide Petav. Lib. III. Cap. 8. de Eccl. Hierarchia.

Quid autem miraris admisceri hic nonnulla, quæ Ecclesiæ gubernationem evidentissime spectant? Profecto optandum, ut qui in Presbyterum assumitur, par sit Episcopatui ferendo. Dum das magistellos infimis Seminarii classibus, animum subito ad altiora convertis, pro comperto ha-

habens illos brevi post tempore superiores appetituros cathedras, debitumque sibi ad illas transitum jure postulatu-
 ritos; hinc te prudentissime geris, dum non putas illis committenda exordia, quibus ad perfectiora suo tempore capeſſenda apte non adſint vires.

Quod ſi dicta non ſufficiant, ad ſaturam addo: Nulli id mirandum, ſi adverterit tunc temporis eodem Episcopos, ac Presbyteros factos eſſe, hoc eſt in eandem perſonam concurriffe ambos illos gradus, & ordines, ſed diverſos nihilominus habitos eſſe, ac tum ſuperſtitibus Apoſtoliſ iſſis quibuſdam in Eccleſiis; tum ubique poſt eorum obitum perſonis etiam fuiſſe diſtractos. Quam conciliandi rationem, nec abhorrentem ab ſacris litteris, & antiquis conſentaneam Patribus, ac Conciliis, & Eccleſiæ Catholicæ uſui, ac dogmati congruentem præclare exponit, & confirmat. Petavius paſſim toto in Opere de Ecc. Hierar.

Agnosco; ſi plerumque moleſtus ſum; in hoc certe §. moleſtiſſimus fui. Sed hæc eſt infelitas Apologiſtarum: in tumultuariam, & inconditam farraginem nulla methodo atque nullo ordine digeſtam incidere coguntur; indiſta his neceſſitas idem ſæpius revocare, & verſare, & ad ſatietatem uſque.

S U M M A R I U M.

*Ex Chrysoſt. & Hieronymo non invictum pro
aſſertis Presbyterorum juribus argumentum
depromitur.*

A pag. 49. ad 54.

D iſertiffimis duobus, iisdemque magnis totius Orbis DD. Chryſoſtomo, & Hieronymo ut ſumus impenſe addicti, eorumque verba omni auro pretioſiora putamus; ſic invitante Theologo noſtro peculiarem hic locum dandum arbitramur.

Theologus noſter (quod mireris) antequam Chryſ. teſtimonium ad rem ſuam, ut opinatur, mirifice faciens recitet, expeditam nobis indicat viam, qua perveniamus quo volumus illis paucis, quæ præmittit verbis. *Hic (Chryſoſtomus) quærens qua demum ratione factum fuerit, ut Apoſtolus ad Timoth. 7. Sacros Eccleſiæ Miniſtros informans, poſtquam Episcopis vitæ rationem præſcripſit, prætermiſſis omnino Presbyteris, ad Diaconos inſtituendos gradum facit, hæc habet intento digito notanda verba pag. 49.*

Ergo verba illa Chryſoſtomi præſcribunt Episcopis vitæ rationem. Notemus id *intento digito*. Omittit Presbyteros. Cur id vero? Quia non multum intereſt. Videmus hic Presbyteros a Chryſoſtomo conferri Episcopis in ratione vitæ inſtituendæ; cumque Presbyteri ad doctrinam, Eccleſiæque *præſidentiam* (intellige modo ſæpius poſito, ſcilicet ſub Episcopi directione, & regi-

G

mi.

mine, & nihil nisi quod iussi sunt aggredientes) idcirco quæ de Episcopis dixit eadem Presbyteris coaptat. Omnia tuta. Non poterat quippe Apostolus minora Presbyteris indicare, cum ea quæ præceperat Episcopis non essent, ut supra vidimus, altioris ordinis, vel maxime ardui laboris. Prudentissime igitur Chrysostomus non multum interesse dicit (puta quoad hoc) Episcopum inter & Presbyterum, cum uterque divina ordinatione a Populo segregatus, & Deo peculiariter mancipatus, consentaneam tanto muneri vitæ rationem instituere teneatur.

At hæc de nostro cerebello comminisci clamabit Theologus, quia subdit immediate Chrysostomus: *Sola enim (Episcopi) ordinatione supra eos ascenderunt, & hoc solo Presbyteris superiores esse videntur*: in quæ verba Theologus noster animum convertens sic: *Quodque sedula animadversione dignum censeo illud est, non ex Presbyteris quempiam suis assentaturum ita scripsisse, sed Episcopum & quidem sapientissimum, ac iurium, quæ ad dignitatem suam spectarent, nihil certe ignarum, imo alibi asseritorem acerrimum.*

Vellem ut sedulo expenderet Noster quanti sit hæc ordinatio. Oratoribus, quorum maximus Chrysostomus familiare est, ut si in argumento in quo versantur quid vere magnum, & admirabile occurrit, id unum prædicent, in uno morentur, unum efferant, cetera non curent. Est id & apud Poetas receptum; notum illud Damatæ apud Virgilium Ecl. 3.

si ad vitulam spectes, nihil est quod pocula laudes.

Permagna est dignitas Presbyteralis sed sterilis.

lis . Illa sic fruitur Presbyter , ut ejus in participationem vocare neminem possit ; sua ipsi copia sufficit ; nequit in alios effandi . At confertur Episcopali consecratione proprietates & plenitudo Sacerdotii ; cumque Episcopus eadem illa Sacramenta , conficit , quæ ipsemet conficiebat Presbyter , longe splendidior , excelsior , exertior , & augustior ab eo explicatur potestas . *Easdem aquas , præclare Thomasinus part. I. lib. I. cap. I. Vet. &c. dixeris fontis , & rivuli , eosdem radios Solis , & luminis Orbem illustrantis , sed permagnum est horum discrimen , easdem quandoque partes Rex & Proreges obeunt ; sed longe excellentissima est Regis ipsius in eas incumbentis dignitas , & majestas .* Hæc omnia Thomasinus .

Inde fit , ut & solus Episcopus possit Sacerdotali ordinatione mirificas has potestates conferre , utpote qui solus Sacerdotii principatum summum , adeoque & fecunditatem sortitus sit , & dum de venæ suæ plenitudine locupletat quoscumque probavit dignos , eo satis documento probat totam Sacerdotii opulentiam a se obtineri . Itaque cum Chrysostomus *sola ordinatione* Presbyteris Episcopos præstare affirmat , nullum amplitudini Episcopalis ordinis detrimentum infert , etsi in angustum eam detrudere videatur . Quisquis enim Episcopis ordinandi potestatem solis vindicat , is profitetur immensas sacræ potestatis illius esse opes , quas refundere in omnes Orbis ecclesias , & in omnium deinceps sæculorum decursus Episcopi possint .

Hæc quamvis maxima videantur , neque ultra posse has procedere appareat ; est tamen prorsus admirabilis alia ejusdem Episcopalis potestatis ex-

cellentia & stupendus prorsus effectus. Non solum Episcopi Sacerdotium exercent, ejusque exercendi potestate Presbyteros exornant; sed Episcopos etiam ordinant, & novellos in dies creant Apostolos, qui pari potestate & ipsi non Presbyteros modo, sed Episcopos pariant. Hæc omnia, quæ cuivis ceteroquin obvia sunt, disertissime exequitur Thomassinus loco citato, & concludit: *Mira supra modum hæc exuberantia Sacerdotii. Eccui enim dubium esse potest, quin summa futura sit Solis admirabilitas, & præcedentia, qui Soles alios progignere possit pariluminis copia, pari sæcunditatis gloria pollentes?*

His perpensis, parvum ne aliquid dixisse videbitur tibi Chrysostomus, cum Episcopos sola ordinationis potestate dixit Presbyteris anteire? Fateberis jejune nimis, & exiliter Te esse locutum cum addidisti: *Neque id a Chrysostomo temere dictum; quippe cum evangelicum Sacerdotium in ratione imaginis sit adeo perfecta imitatio Sacerdotii Christi, ut nil ad eam perfectionis possit accedere; omnino sit, ut Episcopatus non sit nisi extensio quædam Sacerdotalis potestatis ac characteris in eo sita, ut Sacerdotes alios creare possit. Similia plane opinatus est Angelicus Doctor, ejusque schola.*

At sapientissimi viri tenent Episcopatum & Sacramentum esse, & ab ordine Presbyteratus omnino distinctum, atque id propugnant Major, Scotus, Cajetanus, Estius, Sylvius, & innumeri, quibus adhærent juniores Theologi Habertus, Tournelius, Juvenin, aliique. Quibus adhærens P. Berti arbitratur facillimum esse oppositas istas sententias ad concordiam revocare, si theologice velimus dis-

fere-

serere, suasque contentiones relinquere vitiligatoribus Philosophis. Ipsum adi, & non poenitebit; mirifice confirmata, quæ supra diximus, videbis.

Tandem quod dicis Evangelicum Sacerdotium in ratione imaginis esse perfectam imitationem Sacerdotii *Christi*; id maxime verum est, si Sacerdotium accipias in sui plenitudine, scilicet ut Episcopatum, & Presbyteratum complectitur. Hæc satis occasione Chrysostomi; veniamus ad Hieronymum.

Equidem dum cogito quot occupaverint chartas, imo fere volumina prolixæ Dissertationes Theologorum nostrorum de Hieronymi sententia quoad Presbyterorum, & Episcoporum discrimen; superfluum puto, & inutile in id laborem meum conferre, & longa disputatione Hieronymi orthodoxiam adversus nonnullos ex nostris temerarios Scriptores vindicare, maxime cum tractator noster idem ceperit consilium, statuens rata esse velle quæcumque pro SS. Doctore sunt hæctenus allata.

Videndum modo, an ex his, quæ fusiori calamo ex Hieronymo Noster deducit, susceptæ causæ robur accedat. Arbitror non multum exinde subsidii conquisitum; nam quod ante Corinthiacum schisma communi Presbyterorum consilio Ecclesias gubernatas Hieronymus asserit, id mihi non incommodat, cum ex dictis supra pateat, quod Apostoli in multis Ecclesiis solos collocaverint Presbyteros, qui vel a vicinioribus Episcopis, vel ab ipsis regebantur Apostolis. Id, ut conjicio, concedere videtur Theologus noster, qui pag. 52. sollicitus est tantum, ne quis inde colligat post

memoratum schisma, antiquum morem exolevisse, totoque in orbe decretum, ut unus de Presbyteris superponeretur, ad quem omnis Ecclesiæ cura pertineret. Ait ergo pristinum morem adhuc exacto Corinthiaco schismate perstitisse immotum, ac laudata Hieronymi verba eo accipienda sensu, ut cum prius ante schisma Presbyteri nullo sub capite Ecclesiam ministrarent, qua ex re schismati occasio patuit, exinde decretum fuisse, ut unus cæteris superponeretur non quidem aliis administratione exclusis, sed tamen unius *obnoxii* directioni.

Improbo labore multa colligit Noster ut id evincat; nos autem in hoc rei summam non arbitramur collocatam; observamus namque eo fuisse caritatis spiritu vetustos illos Episcopos inflammatos, tam demisse de se sensisse, ut quamvis mira in expediendis Ecclesiæ negotiis dexteritate pollerent, tamen se impares tanto oneri reputarent, & cuncta cum Presbyteris suis vellent communicata. Et hoc sensu verum est quod ipsi Presbyteri gubernarint Ecclesiam, non pari tamen cum Episcopis auctoritate, sed communi consilio.

Hieronimum igitur accipiamus de illis locis, in quibus Cathedralis sedes nondum fixæ erant, ubi nil mirum si nullo cæteris præsidente, omnibusque pari auctoritate instructis facilis, & frequens fuerit ad schismata lapsus. Neque credo Hieronymi sensum esse, ut ubique, eodemque tempore unus fuerit superpositus Presbyteris in singulis illis locis Episcopus; non enim credo turbatum ubique uno temporis puncto, sed paulatim, prout necessitas postulabat, id invaluisse.

Quod

Quod autem ex Epistola ad Philipp. infert Hieronymus, eosdem dici Episcopos illo tempore, & Presbyteros appellari: propterea *indifferenter*, subdit, *de Episcopis* quasi de Presbyteris Paulum locutum; contendimus Hieronymum hoc tantum velle, quod Episcopi interdum Presbyterorum nomine delignentur, atque Presbyteris quoque credatur animarum cura, & munus baptizandi, conficiendi, & ministrandi Eucharistiam, nec non a peccatis absolvendi, non tamen independenter ab Episcoporum jurisdictione, & auctoritate quod ex ejusdem S. Doctoris verbis luculenter evincunt Theologi nostri, quos inter P. Berti hic. Adstipulatur Chrysostomus qui in hunc locum sic: *Quid hoc? Unius urbis multi erant Episcopi? Nequaquam, sed Presbyteros ita appellavit, tunc enim adhuc communicabant nominibus.* Quod ultimum sic accipias Episcopos scilicet vocatos nomine Presbyterorum. An autem e converso id non liquet, & nos fuse de hoc supra, ubi monuimus, quales, & quanti illi Presbyteri.

Porro idem Hieronymus scribens in Epistolam ad Titum inter illos, qui communione vocabulorum nunc Episcopi, nunc Presbyteri dicebantur, unum peculiarem agnoscit in urbe Ephesiorum, & in insula Cretensium alterum, qui non tantum Eucharistiam conficere, verum etiam eos, qui conficiunt, constituere poterant & ordinare. Prosequitur Hieronymus & unius Episcopi demonstrat institutionem perantiquam, & ordinem excelsiorem exemplo Ecclesiæ Alexandrinæ subjicitque: *Nam O Alexandriæ a Marco Evangelista usque ad Heraclam, O Dionysium Episcopos Presbyterum semper unum ex se electum in excelsiori gradu*

collocatum Episcopum nominabant . Quomodo si exercitus Imperatorem faciat , ut Diaconi eligant de se quem industriam noverint , & Archidiaconum vocent . Hic vero nonne Episcopo suffragiis Presbyterorum electo tribuit gradum sublimiorem , & in gubernanda Ecclesia jus primum , prout habet inter milites Imperator , atque inter ministros Archidiaconus ? Habet ergo Episcopus auctore Hieronymo honoris prærogativam , & amplitudinem jurisdictionis .

Ut igitur Hieronymum sibi constare dicamus , ut *omnino dicendum est* , non debemus in deteriorem partem accipere eundem dicentem : *Episcopi noverint se magis consuetudine , quam Dominicæ dispositionis veritate Presbyteris esse majores , & in commune debere Ecclesiam regere .* Dixerat S. Doctor Ecclesiam ab initio gubernatam fuisse communi Presbyterorum consilio , deinde ad unum Episcopum delatam sollicitudinem , hac demum in re magis in consuetudine , quam dispositionis Dominicæ veritate Episcopos majores esse Presbyteris : hæc nimirum quoniam Apostoli ab initio etiam Seniores in partem sollicitudinis Ecclesiæ admittebant , cum tamen ipsi pleniorẽ haberent auctoritatem ; postea vero crescente fidelium multitudine satis duxerunt ad schismata removenda , ceteris unum præficere , ut plura is statueret , ac præciperet Presbyteris inconsultis .

Illam quippe in gubernanda Ecclesia consiliorum communionem , quam Hieronymus ait initio servatam esse , & quam nunc quoque in rebus arduis suadet Præsulibus omnibus , explicat S. Doctor his verbis : *Imitantes Moysen , quicum haberet*

beret in potestate solus præesse populo Israel septuaginta elegit, cum quibus populum iudicaret.

Hæc postrema Hieronymi verba, quæ lucem maximam afferunt toti textui, non mediocriter causæ suæ incommodare cum adverteret Noster, animadversiunculam apposuit dicens: *Hoc argumentum ab exemplo petatum procedere non a pari, sed ut ajunt a majori ad minus.* Summa est: Si Moyses cui datum erat, ut solus præficeret, consortium 70. Seniorum adscivit, idque Deus probavit, quanto magis Episcopis Presbyterorum in Ecclesia administranda societatem non esse respuendam.

Quis hoc in dubium revocet? Quis non dicit, clamet, prædicet, Presbyteros ab Episcopis honorandos, colendos, utque in vinea operarios egregios divinitus destinatos, omnibus officiis & amoris significationibus a Prælatiis accipiendos? At Moyses solus præerat. Voluntarie Seniores adscivit. Conclusio patet. Claudat totum hoc Hieronymianum negotium Hieronimus ipse illis exquisitissimis verbis: *Ecclesia salus in summi Sacerdotis dignitate pendet, cui si non exors quædam, & eminens datur potestas, tot in Ecclesia efficiuntur schismata, quot Sacerdotes.* Dial. adv. Lucif.

§. XV.

S U M M A R I U M .

1. *Ambrosius, & Augustinus non adstipulantur sententiæ Theologi nostri.*
2. *Frustra hic nititur in suas partes trahere auctorem QQ. veteris, ac novi Testamenti.*
3. *Nullum ex Opusc. de 7. Gradib. &c. ejus causæ robur accedit.*

A pag. 54. ad 57.

1. **A**mbrosium perhonorifice de Presbyteris sentientem, monentemque Episcopum tamquam membris suis uti Clericis, & maxime Ministris, ac deferre Presbytero ut parenti libentissime (res enim agitur nostra) audivimus. Utinam audirent illi, quibus eas tradit præceptiones. *Quid luculentius, exclamat Theologus noster, ad significandam communem utrique ordini Ecclesiæ procurationem, licet hæc alteri ut capiti, alteri ut membris conveniat.*

Et unde hoc tantum, o bone, qui consilium vertis in præceptum? Quis inficietur sic & non aliter agendum ab Episcopis, si Ministrorum paci, si Ecclesiæ utilitati, si suæ conscientiæ velint illi consultum? Porro quis membra Episcopi Ecclesiasticos omnes non dicat, non fateatur? Suo tamen modo hæc apte intelligenda. His executio demandatur, hi collaborare jubentur; otiosos quis dixerit ferendos Presbyteros? Sed hi, quæ mi-
ni-

nistrantium sunt, arripient. Pes, & manus, quæ sua sunt peragant, nec in capitis jura sibi arrogant quidquam.

In Augustino vero hic est vere mirabilis doctissimus Noster. Multis egit supra, ut ostenderet potentem illum Ecclesiæ gladium, excommunicationem scilicet, non solitaria Episcopi manu tractandum, sed totius Presbyterii junctis viribus exerendum, & nunc solis Presbyteris illum permittit; imperium inde istorum in laicos arguens, sicuti Episcopis potestas est clericos exauctorandi; vocat testem magnum Augustinum, quem tamen sic accipiendum, nemo unus erit (opinor) quin existimet. Fuit ne aliquando hæc in Presbyteris propria, non delegata potestas? Sed susius de hoc infra redibit sermo.

Adhuc ex Augustino pergit Noster argumentari: *Disertior, inquit, locus est in Epistola 21. ubi factam sibi vim conqueritur, cum ad Sacerdotium evectus est: Vis mihi facta est merito peccatorum meorum, ut secundus locus gubernaculorum mihi traderetur, qui remum tenere non noveram.*

Quid? oblitus forsitan erat Theologus Augustinum Sacerdotem coopratum fuisse ab Episcopo Valerio coadiutorem Episcopatus, & sic de se jure dicere *traditum sibi fuisse secundum locum gubernaculorum*. En verba Augustini Epistol. 100. *Adhuc in corpore posito B. mem. P. Episcopo meo sene Valerio, Episcopus ordinatus sum & sedi cum illo, quod Concilio Nicæno prohibitum fuisse nesciebam, nec ipse sciebat.* Verumtamen secundus hic locus gubernaculorum revocat in memoriam Sacerdotium in duos ordines dispesci,
in

in unum quo traditur potestas Eucharistiam offe-
rendi, & in excellentiorem alium, quo ulterius
confertur auctoritas illos, qui Eucharistiam confi-
ciunt ordinandi, & consecrandi. Hæc responsio,
quæ traditur ab eruditissimo Simondo ad Sido-
nii Apol. Epist. II. Lib. 4. ubi de Claudiano
Presbytero, ac fratre Mamerti Vien. Episcopi
legitur: *Antistes fuit Ordine in secundo*, anti-
quiorum dictis cohæret quam maxime. Hinc S.
Optatus lib. I. n. 13. Episcopos in primo, ac
Presbyteros in secundo ordine constitutos appel-
lat. Extant et leges Theodosii, et Valentiniani,
quæ agunt de secundis Sacerdotibus, et Fridego-
dus de Wilfrido in Presbyterum ordinato: *Or-
dinis aptatur celebs in honore secundi*. Hinc
Tridentina Synodus Sess. 23. Cap. 20. enumerans
septem ordines, supremum non Presbyterorum,
sed *Sacerdotum* appellat.

Igitur horum omnium summa est, Presbyteros
ex vi ordinis sui aptos esse, qui gubernaculorum
locum teneant cum in Prælatorum adjumentum,
Ecclesiæque utilitatem illi fuerint initiati, nec
eis (quod sæpius monuimus) otiosi datum: sed
ad Episcopi nutum, vel hoc absente, aut mor-
tuo ingruentibus occurrere necessitatibus, regere
tunc, gubernare, & nequid detrimenti publica res
capiat providere, & omnia quæ e re sunt aggre-
di dicimus, & prædicamus. Nec sententia men-
tis nostræ est stipites, & truncos exhibere Presby-
teros nostros, maxime quod ea, quæ in publica
commoda tendunt non ex jurisdictione, de qua
tota hic quæstio agitur, & quam omnibus retro
sæculis in extrema necessitate cunctis adfuisse
Præsbyteris quoad Sacramentum Pœnitentiæ no-
vi.

vimus, & luculenter declarat Tridentinum, sed ex ordine Sacerdotali, qui perpetuo illis adheret, proficiscantur.

2. Præterire tuto possemus Auctorem QQ. veteris, & novi Testamenti, quem Theologo nostro fatente iratum Diaconis longius fervor disputationis abripuit, & Sacerdotum dignitatem cum Episcopali composuit. Hominem ingenio ad iram præcipiti, & iratum, ut Virgilianus diceret, omnes effundentem habenas, quis feret? Hunc non sollicitasset Theologus noster. Sed quid tandem hic? Nempe quod Episcopus est primus Presbyter, hoc est Summus Sacerdos. *Denique non aliter quam Compresbyteros, & Consacerdotes suos. Numquid & Ministros Condiaconos suos dicit Episcopus?*

At non adeo nocet, quamvis iratus, hic scriptor modo animadvertamus quanta fuerit in primis illis Ecclesiæ Pastoribus modestia! Sequentibus quoque sæculis capitate adhuc vigente Episcopi se *Peccatores* nominabant, & quidem si Petrus *Seniores* obsecrat *consenior* I. Pet. 5. mirabimur si Episcopus Compresbyteros, & Consacerdotes nos vocet? Et quo nomine nos debet vocare? Famulos, mancipia; pedissequos? Clamabit: *Sosia ades dum; Dave te in pistrinum. Tu Sannio operiere loris ad necem.* Jocari libet.

3. Gradum facit Theologus inde ad Auctorem Opusculi de 7. Gradib. Ecclesiæ. Pientissimus videtur Scriptor ille, & mystice rem totam transfigere. Ex hujusmodi autem si firmum queat argumentum depromi viderit Theologus noster. *Affirmat Presbyteros dici, qui præsunt Ecclesiæ Dei, & hos esse cum Episcopo consortes ministre.*

steriarum. Quæ quo sensu sint accipienda, idem explicat. Habes apud Nostrum totum textum, scilicet quod Presbyteri interdum exhortantur plebem; quod prædicant in Ecclesiis, quod plebibus *benedicant*. Quæ omnia Ordinis esse quis non videt? *Subdit quod ipsi Presbyteri*, ut legimus, *Episcopi nuncupantur*: De hoc nos supra pluribus. Tandem exhilarat nos sermonis illa clausula: *In Subdiaconis Angeli, in Diaconibus Archangeli, in Presbyteris Apostoli, in Episcopis Deus*. Tantum ne audiat Michael Archangelus, intonabit enim: *Quis ut Deus*. Et supplex tunc ego exorabo, ut idem Archangelus tuba insonet, & clamet: *Ignosce Domine Auctori, Theologo, O mihi miserrimo somniis chartas implentibus*.

Theologus noster, quæ est elegantia, & *αριβία*; consilii sui hic reddit rationem, quæ adductus incerti nominis Auctores produxerit. Ignoscimus libenter. Ut enim in tumultuario delectu, ac subita conscriptione militum accidit, ut obvii quique, ac valentes, ac imbecilli, fortes, ac ignari in militiam referantur; sic Nostro cuncta undique corradenti non solum triarii, sed & velites obvii placuerunt.

S U M M A R I U M .

1. *Leo M. Gregorius item M. sententiæ nostræ non adversantur.*
2. *De sensu egregii Doctoris Isidori Hispal.*
3. *De ceteris testibus a Theologo nostro conglobatim productis.*

A pag. 58. ad 61.

1. **D**Ecretoria esset tantorum Ecclesiæ Doctorum, eorumdemque SS. PP. Leonis, & Gregorii MM. in argumento, quod versamus auctoritas, si non dico diserte, sed etiam suboscure illorum verba, vel facta subsidii aliquid Theologi nostri causæ viderentur asferre. Quis enim ad tanta nomina non continuo se totum componeret? Quis hiscere auderet? Quorum quæ sanctitas? Quantus gradus? Quanta sapientia? Ad horum enim sententias accessi, fateor, venerabundus, certus omnino in alia omnia discedere, si minimum quid adversi in illorum testimoniis deprehenderem. At nihil hujusmodi; enimvero Leo fideles hortatur, ut Manichæos latentes Presbyteris denuncient *Sacerdotali auctoritæ excommunicatione mulcandos*. Sed quid inde? Sacerdotalis auctoritas est in Pontifice, est in Episcopo. Non dicit esse illos a Presbyteris excommunicandos, & quamvis hoc diceret, scimus ex delegatione excommunicandi potestatem Presbyteris competere. Sed hic nil aliud habemus, quam reprobos illos denunciandos Presbyteris. Subdit:

Quæ

*Quæ res nisi coacta Synodo residentibus mecum
Episcopis ac Presbyteris expedita.*

Sublistamus hic tantisper. Et quoniam quæ ex Gregorio M. mox producentur, cuncta huc recidunt, una responsione omnem scrupulum Theologo nostro adimamus. Abbates & ordinum Generales sedent in œcumenicis Conciliis, & suffragii prærogativa non secus ac Episcopi gaudent. At totum id Pontificiis concessionibus acceptum illi referunt, quod vulgo fatentur Theologi. Cum enim supra simplices Presbyteros non emineant illi sacræ ordinationis caractere, sed pares omnino in Ordine sint illis; cumque nulla plebium illis sit concredita cura, sed domesticos intra parietes eorum variis exemptionibus constituta contineatur jurisdictio, nulla alia via nisi munifica largitione Pontificia id in eos derivatum, est omnino dicendum. Quid porro interest factis ne, an verbis mentem suam aperiat Pontifex? Satis hoc nos edocet Jurisconsultus. Affer centum Synodos, ad quas Leo, vel Gregorius, vel alius summus Hierarcha Presbyteros coegerint, & in quibus iudices sederint hi, decreta condiderint, anathematismos tulerint, subscripserint; millies respondebo hos concedentibus, imo volentibus summis illis Concilii præsidibus Romanis Pontificibus ea omnia peregisse. Eadem ratione vocet Episcopus simplicem Presbyterum, cui nulla juri dicundo in sacris Tribunalibus sit facta potestas; dicat se apud eum exomologesim facere velle, non hoc ipso collata intelligitur potestas?

His positis, vide an ex novissimis illis apud te hic Leonis verbis aliquid pro suscepta causa præsidii possit comparari. Si iusta arma tibi de-

cer-

certanti suppeditet. Gregorius M. per illas, quas memoras, Synodos, dixi, nec dicere desinam: Hæc & alia hujusmodi sicuti modestiam, caritatem, spiritum concordia, & unitatis insignium illorum PP. (imitatores habuerunt & Episcopos plures) sic nullam nos cogunt ex his, quas Noster congerit, in Presbyteris prærogativam agnoscere.

Et quoniam in Gregorio Magno sermo est, ut agnoscas, quæ illius modestia, & animi demissio in toto Pontificatus tempore extiterit, quantus caritatis spiritus, & cujus ille sibi instituti rationem proposuerit, consule (egregium profecto monumentum) illius Epistolas, in quibus invenies Sanctissimum Pontificem nunquam se contra Episcoporum quemquam erexisse, nisi contumacia reus ille perageretur. Cerno se parem illis facere, qui muneri Episcopali omni ex parte respondebant; nihil de summi auctoritate primatus, cum causa non postulabat, cogitasse. Memor quippe erat Domjnici illius effati: *Qui major est in vobis, fiat sicut minor*. Neque tamen inferes exinde supina facilitate, & demissione pontificiis juribus, debitæque, cum opus esset, severitati Ecclesiasticæ in contumaces periculum obortum; Vindex enim illorum acerrimus fuit Gregorius, & paratus, ut Apostolus ait: *Omnem inobedientiam ulcisci*. Mira porro in tanto Pontifice fortitudinis, et constantiæ argumenta suppeditant nobis historiæ. Digna quoque, quæ legatur illius Epistola ad Joannem Episcopum CP. et ceteros Patriarc. relata Lib. I. Epist. 25. ibi: *Rursus cum me ad considerandum consero qualis in humilitate, qualisque esse Rector debeat in di-*
H *stri-*

strictione perpendo. Quoniam necesse est, ut bene agentibus sit per humilitatem Socius, & contra delinquentium vitia per zelum justitiæ erectus, quatenus & bonis in nulla se præferat, & cum pravorum culpa exigit, prioratus sui potestatem cognoscat. Vides Pontificis ingenium, prudentiam, æquitatem, divinumque, et tanto Pontifice dignum in negotiis administrandis, et re Ecclesiæ bene gerenda consilium:

Verum quasi injecta manu nos Theologus noster moratur regerens: *Gregorius Lib. II. Epistola 13. cassa jubet esse, atque irrita Episcopi acta, Presbyterorum, ac Diaconorum subscriptionibus minime munita: Mandato, inquit, legaliter facto tuis, ac Presbyterorum, seu Diaconorum subscriptionibus roborato. Quod perinde est, ac si nullius roboris esse dicatur, si quid contra gestum fuisset.*

Ita ne vero omnia acta irrita? Imo nec ista quidem. Hoc tum vere diceretur, si Pontifex Episcopi mandatum rejecisset eo nomine, quod Presbyterorum esset subscriptionibus destitutum. At non eo usque res progressa est: vult Pontifex mittatur sibi mandatum Presbyterorum, et Diaconorum subscriptionibus roboratum. Eccur? Facile advertimus de judiciario, ut dicunt, processu, in causâ criminali hic agi. Criminales autem causæ in suis locis agebantur; hinc frequenter ad Pontificem appellationes, et acta mittebantur; quorum faciles falsationes. Quid ergo mirabimur, si de illorum sinceritate sollicitus Pontifex sic caverit?

2. Veniat nunc egregius ille Doctor Isidorus Catholicæ Ecclesiæ novissimum decus, qui apud Theo-

Theologum nostrum Presbyteros Episcopis dat socios, & consortes in Ecclesia procuranda, atque utrisque præfecturam, utrisque dispensationem conceditam ait, additque solo propter auctoritatem Summo Sacerdoti Clericorum ordinatio, et consecratio reservata est, *ne a multis Ecclesie disciplina vindicata concordiam solveret, scandalum generaret.*

Stesichorum imitari videtur hic Theologus noster inter laudationes, vituperationesque Helenæ fluctuantem. In Isidoro Hieronymum redivivum laudat impense. Eundem duriuscule locutum arguit, dum asserit Episcopis ordinationem Clericorum concessam, ne a multis disciplina vindicata concordiam solveret, cum sit id a divina lege profectum.

Hic ego, si ejusdem meriti essem ac Theologus noster, dicerem totum Isidori textum duriusculum esse, atque adeo benigna interpretatione molliendum. Cur enim quod de postremis verbis S. Doctoris audemus, non audeamus de primis effutire, cum id nullo neque sanctitatis, neque doctrinæ tanti Magistri dispendio fieri queat, & gentilitiæ Hispanicæ indolis omnia in immensum protrudentis, & mirifice ampliantis natura, satis in tuto collocet Isidorum?

Verum nolim mihi tantum arrogare, potissimum cum centies audivimus (& tædet, pigetque amplius audire) Presbyteros esse consortes Episcoporum, ad hos animarum curam pertinere, hos præsidere, & alia hujusmodi peragere; centiesque dictum a nobis debere istos in vinea Domini operosos se agere, non inertes, & otiosos. Declaratum quoque, & quo sensu hæc accipienda,

H a

&

& eo prorsus, qui susceptæ causæ Theologi nostri nihil suffragatur.

Sed cur assertionem hæreticalem Theologus noster *duriusculam* vocat? Jure Divino novimus Episcopis jus Ordinationum concessum. At asserere id factum, *ne a multis disciplina vindicata concordiam solveret, nonne humanam concessionem inducit?*

Ergo ne hæresim sapit hic Isidorus? Nihil alienius. Neque enim hæretica, neque duriuscula est Isidori locutio, & suus undique SS. Doctore constat honos. Attendamus diligenter ad verba: *Sed sola propter auctoritatem (utique Divinam, quæ sola proprie dicenda est auctoritas; non enim dicit Isidorus auctoritatem humanam) Summo Sacerdoti Clericorum Ordinatio, & Consecratio reservata est, ne a multis Ecclesiæ disciplina vindicata concordiam solveret, scandalum generaret.* Utique Divinus Legislatur, ne memorata subsequerentur incommoda, statuit Ordinationem Clericorum juris esse Episcopalis, unde exoritur illa de jure Divino Episcoporum supra Presbyteros eminentia, quam asseruit Tridentinum.

3. Producit tandem conglobatim alios Testes Noster, qui sunt Primasius, Sedulius, Ven. Beda, & Hincmarus. Horum, ait ipse, una est sententia, scilicet primis Ecclesiæ temporibus utrosque vocatos Episcopos, utrosque Presbyteros: *Cur amabo uno cum Presbyteris nomine censebantur, nisi quia & officiorum communione copulabantur?*

Atqui una est responsio, quam ad Ravim usque iterumque, iterumque cum dederimus, superfluum est in his amplius immorari.

§. XVII.

S U M M A R I U M .

1. *Concilia, ex quibus momenta pro suscepta causa Theologus noster depromit, nobis non adversantur.*
2. *De Concilio Eliberitano.*
3. *Tum de Arelatensi.*
4. *Exponitur sensus Synodi Laodicensis.*

A pag. 61. ad 62.

1. **D**u anceps fui, an in hunc locum, in quo argumenta ex Conciliis desumpta collocat Theologus noster, aliquid commentarer: Namque vanum, & superfluum id vidébatur. Cum enim omnibus retro sæculis firma Ecclesiæ persuasio infederit Episcopis divinitus potestatem Greges suos pascendi traditam, omniumque ore vulgatum feratur; idcirco universali Ecclesiæ unum summum præpositum fuisse Rectorem, unum quoque singulis Episcopum datum Civitatibus, ut uno (præclare Cyprianus) capite constituto Schismatis tolleretur occasio, jam consequens erat nullo pacto stare posse, quæ tanto molimine pro Presbyterorum illis juribus Theologus noster ex Conciliorum auctoritate hic coacervat. His enim admissis nesciremus Prælati ne, an subiecti essent Episcopi; horum ne, an illorum potiores partes, cum unius in Consiliis capeffendis sententia, plurimorum possit in contraria abeontium placitis infringi, illumque, cui nullum suo more agendi relictum sit arbitrium, non regere, sed regi

rectissime diceremus. Hæc propter tacitus hoc totum præterire cogitabam, certus omnino nihil hic per Concilia turbatum; ac illa si quid in specie adversi his, quæ hæcenus firmavimus, ponerent, id in alium sensum nobis non incommodum omnino accipiendum. Verum ne se hoc silentio contemptum, quod absit, queratur doctissimus Noster, videamus quid tandem afferant illa Concilia.

2. Occurrit primo loco omnium antiquissima Eliberitana Synodus cunctis nominibus venerabilis. In hac quidem Episcopi, Presbyteri, & Diaconi promiscue sedent: canones conduntur: Presbyteri numero 26. judicandi potestate præditi, & jure suffragii insignes conspiciuntur. Liquet id ex eorum subscriptionibus, & dubitare non finit Mendoza inquires: *Utrorumque subscriptis indicant decernendi auctoritate olim Presbyteros non caruisse; aliter enim quorsum tot ipsorum subscriptiones.*

At Eliberitana Synodus generalis non erat; propositum illi fuit disciplinam ex longa jam Ecclesiæ pace, moribus in deteriora vergentibus, collabentem fartam, tectamque tueri. Convenere Episcopi decem & novem, quos inter eminebant Magnus Osius Cordubensis Episcopus, & Valerius Episcopus Cæsaraugustanus. Passim hi essent a Presbyteris Episcopalia jura attentari, illamque peccandi licentiam, quam in plebibus tanta severitate persequabantur (patet id ex 81. can. ibi conditis, quas ad summi rigoris specimen excusos cernis) in Clero impune grassantem tulissent? Nonne tunc Presbyteri nihil sine Episcopi jussione agere poterant? Satis evidenter

ex gravissimis illius ætatis testibus id supra ostendimus; quomodo ergo hic iudices sedent? Quid si can. 32. hic decernitur, lapsum in mortale crimen non a Presbytero, sed ab Episcopo penitentiam accipere debere? Immo additur: hunc extrema cogente necessitate posse a Presbytero, vel Diacono reconciliationem obtinere, non si- ne tamen eiusdem Episcopi prævio consensu. Can. 53. edicitur, ut excommunicatione innodatum solus, qui ligavit Episcopus, solvere queat, ac si quis alter Episcopus id audeat, gradus sui periculum subiturum? Nullam Presbyterorum mentionem factam animadvertite.

Ergo sic habe: ab Episcopis vocatas fuisse Presbyteros illos. utilem operam in reformationis negotio, quod unicum proponebatur, allaturos Concilio. Grassantes enim singuli horum in locis suis corruptelas nosse poterant, ac de illis Episcopos admonere. Præterea factum est ita, ut redderentur plausibilia plebibus ardua strictissimæ illius reformationis capita, quæ suis Presbyteris præsentibus, & consentientibus condita videbant. Quod significatum subscriptionibus illis Presbyterorum Episcopi voluerunt; nec Mendozam aliter interpretantem recipimus, cuius auctoritas non est tanta, ut a sententia omni momentorum genere confirmata nos distrahat.

3. Ad Arelatense concilium, quod attinet, parumper Ecclesiastica illius ætatis monumenta percurrenti apparebit, nullam in eo Presbyterorum se jurisdictionem exeruisse. Fracti in concilio Romano Donatistæ, & Orthodoxorum ubique Episcoporum auctoritate damnati, pientissimum Imperatorem Constantinum adivere calum-

niam se passos quiritantes , agentesque Felicem Aphtumgitanum contra fas omne declaratum innoxium , atque Cæcilianum , quem male promorum evidentissima monstrabant argumenta , dignitate , ad quam obrepserat , non fuisse dejectum . Nolle se illorum communione fœdari , quos sacrorum proditio librorum , aliaque exinde consecuta crimina ab Ecclesiæ unitate jamdudum distraxerant .

Nihil gravius Constantino Sacerdotali discordia; et quamvis ipsi non lateret iniustissimas esse Donatistarum querelas , pro bono tamen pacis (nihil sibi ceteroquin arrogans , quod infra patebit) utile judicavit plenarium Episcoporum cogendum Arelate Concilium Kalendis Augusti . Extat hac de re illius ad Ablavium Africæ Proconsulem Epistola . In hac jubet ipsum curare , ut Cæcilianus eligat nonnullos suæ Communio- nis , unaque cum illis Concilio se sistat : adesse quoque cogantur nonnulli ex illius Adversariis : convenient Episcopi Provinciarum Africanarum , iis stipati Sociis , quas quisque illorum judicaverit opportunos . Iter interea ex ærarii sumtibus omnibus apparetur . Incredibile vero dictum est , quot Arelatem confluerint Episcopi ; non ex Africanis tantum Regionibus , sed ex Galliis , Hispaniis , Italia , Dalmatia adstiterunt ; quin ex toto divisas orbe Britannos Præsules illud accepit Concilium . Dignum quod vere memoretur Concilium . De eo arbitrantur Eruditi , Augustinum locutum , dum diu versatam Rebaptizantium quæstionem , plenario Concilio affirmat finitam . Digna Prælatorum de rebus a se in Concilio gestis ad Sylvestrum Pontificem Epistola , egregium Pon-

Pontificiæ præminentiae testimonium; cedro digna Constantini ipsius Epistola ad PP. qui illum de Concilii actis certiores fecerant. Apparet quo animo erga Ecclesiastica judicia tantus Imperator fuerit affectus; quam demisse de se sentiret; quanta reverentia, pietate, & obsequio Ecclesiam complecteretur.

At hæc paulo fufius de Arelatenfi Concilio, ne vilem, & exiguum putares conventum, qualia paulo post tot Satanæ per Arianos conventicula in Historia cernis. Neque hoc inutile omnino, cum liquido ex his, ad id quod urget Theologus noster, responsio pateat. Audisti indultum Cæciliano, ut aliquot ex sua communione Ecclesiasticos adduceret socios? Potestatem Episcopis factam aliquot sibi adsciscere comites. Cur hæc, si omnibus Presbyteris Concilio licuisset adesse? At Presbyteri sedent: Utique. Illi scilicet, de quibus sumus ante locuti. Judicant: Id non facile admitto. Aderant testes furoris, & licentiæ Donatistarum. Quomodo enim alias remotiores Episcopi cognovissent Donatistas criminum, quæ ipsis impingebantur, reos? Quomodo illorum iniquitas innotuisset? Nec te sessio illa perturbet. An non digni, qui sedent, Presbyteri? Verum de hoc fufius occasione Alexandrini Concilii, quod Nicæno magno prævit.

4. Laodicensi Synodo castigatur audacia Presbyterorum, qui ante Episcopi ingressum ingredi & sedere in Tribunali præsumebant, quod nefas esse nemo non videt. Neque attentis Canonis illius verbis asserere cogimur Presbyteros sedente Episcopo sedisse in Tribunali. Dicitur enim in altera parte: *Sed cum Episcopo ingredi*, addendum

dum fuisset: *Es sedere*; at hoc non videmus additum fuisse.

Sed federint Presbyteri, & judicaverint; totum foret indulgentiæ Episcoporum tribuendum. Certe Laodiceena Synodus universali Ecclesiæ legem dare non potuit; & videbimus in sequentibus convenisse ad Synodos illos tantum Presbyteros, quos Episcopi deligebant, & quorum opera in discutiendis, vel criminalibus causis, vel novis doctrinis expendendis, vel hæreticis confutandis, vel aliis hujusmodi negotiis peragendis, Episcopi iisdem usi fuissent.

Ceterum cum de disciplina agatur, quæ variis in locis semper fuit, mirum non est synodos cum synodis collidi, & quod una in regione obtinebat, in aliis incognitum fuisse, & Episcopos alios aliis humaniores diversas agendorum rationes negotiorum potuisse præscribere.

Et non vides nunc ubique generales Vicarios Episcoporum Presbyteros, imo ne Presbyteros quidem pro tribunali sedere, & judicare? Ab his, qui Officiales in jure vocantur, nulla ad Episcopum, cum unum constituent tribunal cum ipso, appellatio. Nec repugnat, quin minoribus etiam Clericis, Episcopo delegante, judiciaria demandetur facultas. Ignoti tunc Vicarii, cum Episcopi cuncta per Presbyteros transigebant. Quid autem in his amplius hæremus? Ex facto ad jus non semper legitima est illatio.

§. XVIII.

S U M M A R I U M.

1. *Magnum Nicænam Synodum frustra in suas partes trahere conatur Theologus noster.*
2. *Judicium Alexandrinæ concilii Nicæna Synodus probans non probat sententiam Theologi nostri.*
3. *Occasione Alexandrinæ concilii agitur de forma veterum conciliorum, & iterum ostenditur nunquam simplices Presbyteros in his fuisse judices controversiarum Fidei.*
4. *Diluuntur quæ Theologus noster affert ex concilio Chalcædonensi.*

A pag. 62. ad 64.

1. **Q**Uoniam non angusta (talis enim decebat) magni Nicæni Concilii facta mentio, multa suppeditat Theologo nostro ad suam rem confirmandam, operæ pretium me facturum arbitror, si paulo diligentius in id inquiram, spem aliquam Nostro porrendunt canon 4. 15. 18. de interminato Episcops, Presbyteris, & Diaconis mulierum conturbano procul. Nec non & canon 12. qui interdiit, ne Episcopi Presbyteri, & Diaconi ex una in aliam ecclesiam commigrent: Ac demum canon 13. qui Diaconorum comprimit insolentiam adversus Presbyteros.

Rem

Ram inde nostro ipsa Synodus confecisse videtur, cum ratum esse jussit Alexandrini Concilii judicium, quo cum Episcopis quibusdam plures Presbyteri convenerant, arque Arium hæreseos convictum Presbyteratu deturbarunt. Affert in hanc sententiam Epiph. hæ. 69.

Tria exinde infert. 1. In gravissima fidei questione cum Episcopis Presbyteri sententiam ferunt. 2. In refractarium Presbyterum non Episcopus solus, sed totum Presbyterium anathematis, ac proscriptionis pœna animadvertunt. 3. Judicium hoc, quo nihil momentosius, magna Nicæna Synodus confirmat non profecto confirmatura, si Presbyteri iudices fuissent illegitimi.

Verum hæc omnia nihil omnino evincere confidentissime assero; & quoad Canones initio commemoratos, pone edixisse Concilium Episcopos, & Presbyteros blasphemos gradu exturbandos, inferres ne Episcopos, & Presbyteros in eundem ordinem redigi, quia una eademque lege constriktos? Adde: sub exilii pœna Alearum ludo patriciis, & plebeis Rex interdicit, diceres idcirco, patriciis æquato: plebejos? Infremerent contra Dialecticæ, & quotquot boni sensus sunt normæ. Age nunc & cogita, qua de re ille, quem versamus, Canon pertractet; scilicet incontinentia, quæ sagulum, & purpuram, divitem, & pauperem, excelsum & imum, paribus armis aggreditur, erat refræanda, & hujus illicita longe removenda, quorum præcipuum irritamentum est mulierum contubernium: an non hoc Episcopis pariter ac Presbyteris nolis interdictum iri? An Episcopatus furentibus concupiscentiæ æstibus gelidam vi sua obicit, ut Episcopus in gradu suo
fir-

firmissime se teneat, & in carne spiritui penitus subjecta felix ac tutus imperiret? Utinam ut in Presbyterum, sic in Episcopum pestis illa non grassaretur.

At Episcopi & Presbyteri (qui 12. Canon est) ex una in aliam Ecclesiam commigrare vetantur. Teneo. Ego Parochus, & tu Episcopo residere jubemur, stationemque deserere vetamur. An quia unum & idem de me Parocho, & de te Episcopo, jura decernunt, pares erimus?

Nec minus, imo longe infirmius illud, quod ex compressa Diaconorum insolentia attextitur. An non animadvertendum in istos? Injuriosos Diaconis ipsis acolytos impune dimisisses?

2. Peracutus Noster præsenti horum omnium imbecillitatem, & disertius illud, luculentiusque, quod pro suis Presbyteris desiderabat, præclare invenisse sibi videtur in ipsius Nicæni judicio ratum esse jubentis quicquid Alexandrinum Concilium, cui adsuerant Presbyteri, contra Arium decreverat. Confirmasset ne, si Presbyteri iudices fuissent illegitimi?

Patiatur tantisper doctissimus Noster totius negotii hujus nos seriem, prout a probatissimis accedimus Historicis, hinc breviter exponere. Arium insano furore percitum frustra ad bonam mentem revocare, multis variisque modis conatus fuerat S. Alexandrinus Episcopus Alexander; nihil intentatum reliquerat; ut perditissimum nebulonem Christo lucrifaceret; cum nil proficeret, multosque ab impio dogmatizante in dies cerneret corrumpi, pestemque in plurimorum perniciem latius serpere & evagari, Concilium Alexandriae

coe-

coegit, in quo de Ario synodali animadversione decerneretur.

Advenere Episcopi; centum adstiteri & Presbyteri & Diaconi, quod (sit semel dictum) ne mireris. Cum enim perditissimi hæresiarchæ dogmata essent excutienda, sophismata exsufflanda, cavillationes disjiciendæ, veritas ex Scripturarum & sacræ Traditionis fontibus eruenda, perutilem in his operam navare poterant Presbyteri, & Diaconi doctrina eminentiores.

Sic in maximo Nicæno concilio (cujus occasione hæc innuimus) novimus celeberrimum Athanasium tunc Diaconum, quem idem Alexander secum duxerat, acerrime disputantem, & confusione hostes fidei suffundentem inclaruisse. Sic posterioribus temporibus cum essent generalia concilia habenda, scimus undique doctissimos Presbyteros seculares regularesque (Theologos Consultores vocant) accitos. Hi egregie instructi ad veritatis amussim perduellium dicta, sententiasque expendentes judicabant, quænam essent nigro carbone notanda, quænam ferenda; anathematis cudebant; deinde cuncta Episcopis exhibebant in generali sessione proponenda, & probanda, nec doctrinale (liceat sic loqui) illorum judicium Fidei Catholicæ dogma poterat haberi, & esse, nisi in generali sessione Episcoporum fuisset auctoritate probatum, & ab Ecclesia (quæ per generale concilium repræsentatur) fidelibus propositum.

His tamen in sessionibus nullus inde Presbyteris illis Theologis concessus locus est, cum Prælatorum tantum Ecclesiæ, illorumque, quibus ex
pri-

privilegio iusta ceteroquin de causa id sit indultum, hoc proprium sit, nec doctrinæ aut humanæ prudentiæ, sed Spiritus S. directioni, quam Ecclesiæ Pastoribus pollicitus est Christus synodaliū decretorum ἀσφαλτία (infallibilitas) referatur accepta.

3. Ergo sicuti nunc in peculiaribus, ac generalibus, ut vocant, Congregationibus facta discutiuntur, doctrinæ examinantur, invitantur novatores, disputantes audiuntur; sic tunc temporis, cum inductæ non essent huiusmodi Congregationes, in ipsis Conciliis, seu sessionibus cuncta transigebantur. Hinc Presbyteri, de quibus loquimur, sicuti nunc a Sessionibus sollemnibus excluduntur; sic tunc, nulla cum esset Congregationum ac sessionum differentia, fere semper erant Episcopis iuncti. Illis ergo integrum erat referre, disputare, accusare, testimonium ferre; at iudicium erat Episcoporum, nec nisi his volentibus accessus illis ad Concilium patebat.

Evidenter id ex epistola Constantini ad Ablavium supra deduximus. Audivimus etiam Chalcedonenſis concilii PP. clamantes: *Mittite foras superfluos: Concilium Episcoporum est*. Quid si cum per hos aliquid turbandum præviderent ii, quorum intererat, paci, & quieti consulere, discrete cavebant, ne admitterentur. Qua de re extat, cum de hoc ipso Chalcedonenſi concilio convocando agebatur, insignis S. Pulcheriæ Augustæ ad Straregum Bythinæ Consularem epistola, in qua præcipit, ut urbe, & vicinis regionibus submoveat Clericos, Monachos, Laicosque, qui iam tumultuari, & cuncta inceperant miscere.

Quod ipsum inconcussa sequentium sæculorum

me-

monumenta evincunt . Ab his edocemur ipsa nationalia Concilia semper Episcoporum fuisse . S. Avitus Viennensis , & S. Viventiolus Lugdunen. Metropolitæ anno 517. Nationalem Synodum , ad quam omnes ex Burgurnia Episcopos invitarunt , habuere , quamvis aliquantulum variatione . Avitus enim in convocationis edicto rogavit Episcopos , ut adessent ipsi , nec nisi infirmitate cogente quisquis eorum duos pro se Presbyteros surrogaret . Viventiolus vero non solum Episcopos convocavit , sed & omnibus Ecclesiasticis se Concilio listendi potestatem fecit ; discriminis tamen hos inter & illos expressit ibidem rationem , scilicet Ecclesiastici venirent , ut regularum , & statutorum ab Episcopis conditorum essent ipsi populo testes . Atqui hi Metropolitæ si contrario agendi more Presbyterium læsissent , Presbyteri hæc videntes nonne inclamassent continuo Avitum ab avita iustissima disciplina recessisse ; Viventiolum Presbyteralium jurium eversorem , traditam a PP. Conciliorum formam corrumpere ? An calamitatem tantam taciti omnino pertulissent ?

Me longe provectum sentio ; nunc redeo ad Alexandrinum , cujus ergo tota hæc disputatio suscepta est . Alexander ergo centum Episcoporum decernentium iudicio fretus , Presbyterisque plaudentibus , & probantibus , factumque collaudantibus , Arium notorium refractarium de Ecclesia ejicit , & Synodale Decretum firmissimum pro domo Domini murum objicit adversariis .

Verum ingravescente in dies morbo , cum per multi se Ario socios addidissent , & Eusebius Nicomediensis in primis perditissimi hæretici patro-

ci-

cinium suscepisset, jam Alexandriam peste prætergressa, & supremum non vicinis modo, sed & longinquis regionibus minitante exitium, idem Alexander suos in fide confirmat, encyclicaque ad omnes Ecclesias scripta epistola plena sollicitudinis, & Arii vesaniam in Alexandrino Concilio anathemate ictam, ipsumque pessimum novantem excommunicationis mucrone ab Ecclesiæ gremio succisum denunciat, atque proinde omnes ab eo caverent, quem velut in malorum barathrum prolapsum exhorrescerent.

Huic epistolæ ut debitum robur adderet Alexander, ac fidem ubique conciliaret, convocato Clero non solum Alexandriæ, sed Mareotidis eos collaudat, quod submissee, omnique pietate Synodalibus adhærent decretis, Fideique, quam Apostolis magistris hauserant, puritatem egregie ferverint; utque omnibus exemplo suo præeant, & dilucide clara voce testentur se ab hæresi, & a proscripto illius auctore magis, quam a morte abhorreere, hortatur, ut epistolam illam suis subscriptionibus muniant, atque anathema dicant Ario, eumque asserant iuste ab Ecclesia segregatum. Paret uterque Clerus; subscribunt Presbyteri, & Diaconi; Encyclicaque circumfertur.

Hæc est germana rei gestæ narratio, quam paucis verbis apud Nostrum Epiphanius (nec enim hic Historicum agebat) exprimit; neque aliquid nobis adversi in Ephiphaniî verbis deprehenditur, quæ frustra ad suum sensum Noster nititur detorquere. Vides ibi, quod *Alexander questionem habet; quod diligenter examinat; Alexander veritati cedere detrectantem ejicit ex Ecclesia, ac tota civitate proscribit.*

Vide, si his positis stare queant illa tria, quæ ex hoc facto Noster infert. 1. Quod in gravissima fidei quæstione cum Episcopis Presbyteri sententiam ferunt = Negamus ex dictis. 2. In refractarium Presbyterum non Episcopus solus, sed totum Presbyterium anathematis, ac proscriptionis poena animadvertunt = Negamus ex dictis. 3. Judicium hoc, quo nihil momentosius, magna Nicæna Synodus confirmat, non profecto confirmatura, si Presbyteri iudices fuissent illegitimi = An recte procedat illatio videant Dialectici. Placeat interea nobis sic ratiocinari: laxas permultas in Ethica Christiana propositiones damnavit Clerus Gallicanus, quas easdem damnavit paulo post Sedes Apostolica. Ergo infallibile fuit iudicium Cleri Gallicani? Affirmabis, quia alias Sedes Apostolica non confirmasset iudicium illud? Nos id negamus, oramusque, ut advertas omnem hæresim statim ac erumpit, horrorem in ipsis rudibus hominibus excitare, & statim ab ipso popello anathematizari.

An opus erat Ephesini definitione, ut BB. Virgo Θεοτοκος crederetur? Statim ac Sathanæ minister ille jussu Nestorii id primum inficiatus est in quodam sermone, nonne ingens in Ecclesia tumultus? Nonne, quod ipse fateris, omnium animi indignatione permoti? Nulla unquam extitit hæresis vel ab Ecclesia in Concilio congregata, vel a solitaria Petri Cathedra proscripta, quam non ante publicus rumor, & popularis ipse clamor non proscripserit. Ergo dum Ecclesia damnavit hæresim, dum popelli iudicium probavit, nos in popello infallibilem reverebimur auctoritatem, quia si infallibilis ille non esset, Ecclesia ejus
ju.

judicium non confirmasset?

4. Pergit Theologus noster, & simili argumentatione a Chacedonensi Concilio, quod acta C. P. Synodi confirmavit, cui Synodo Presbyteri 23. subscribere, validum causæ suæ robur addi opinatur.

Poterit eadem, quam dedimus, responsione Noster esse contentus; tamen jejuni nolumus videri; & multa addere possemus habentes jam ad manum Synodi illius acta, quorum sola inspectio causam nostram mirifice commendat; nulla enim in illis deprehendes, quibus asserta Presbyterorum jura non dico confirmentur, sed potius evertantur. Innuamus nonnulla. Synodum convocaverat Flavianus Episcopus C. P. ad finiendas quorundam Episcoporum lites, quos inter de jurisdictione erat certamen. Nullum de fide negotium SS. Episcopo, nullum Synodo propositum; cum ecce adstat Dorilæus Episcopus Eusebius homo ingenio, ut apparet, ad iram præcipiti, immodico æstuans zelo, Eutychetem hæreseos reum postulat, accusatque. Quam graviter id Flavianus acceperit, quidque ad avertendum ab incepto Dorilæum egerit, habes ibidem. Præscium futurorum dixisses.

Jam vides, quid hæc exordia portendant; nimirum agebatur quæstio de jurisdictione, Catholicosque inter Episcopos lis erat. An ad has componendas evocandi Presbyteri? Sed quæso pergamus; legenti C. P. illius Synodi acta occurret Abbas Martinus, ad quem cum tomum suum (magna de hoc tomo ibi, & iterata mentio) subscribendum Eutyches misisset, respondisse ille fertur: *Non nostrum est, sed Episcoporum re-*
I 2
gulis

gulis fidei subscribere. Atque in illa Synodo accusabatur constantissime Eutyches 300. Monachorum Archimandrita, vir devexa ætate, magni nominis, cujus in confutando persequendoque Nestorio laus non vulgaris in Ephelino Concilio.

Attamen instabat acerrime accusator: Monasteria per illum corrupta, fidemque orthodoxam pessumdatam clamans. Quot testibus ad tantam rem confirmandam opus? Monachi evocandi; ab his Eutychetis consilium, mens, doctrina exquirenda. Ecce Presbyteri non iudicum, sed cursorum vice fungentes Eutychetem, qui se in Monasterio tenebat, missi a PP. ad Concilium vocant, eique imponunt vadimonium. Non vacat hic cetera cuncta persequi; quid queris? Eutyches damnatur, Synodaliq[ue] sententiæ subscribunt Episcopi 23. item Abbates 23. quorum 18. erant Presbyteri, unus Diaconus, quatuor laici.

Quæro, an subscriptio hæc id Presbyteris asserat juris, quod contendit doctissimus Noster? Ego nunquam arbitror. Erant illi subscribentes, ut audivimus, Abbates Monasteriorum sub Eutychetis Archimandritæ directione positorum. Et vidimus supra, quid in huiusmodi sit juris Abbatibus; Præterquam quod nunquam opinabor velle Nostrum laicis fidei tribuere iudicium; quorum laicorum quatuor ibi deprehenduntur subscriptiones.

Igitur sic concludo: Episcopos, ut tuti redderentur de illorum Abbatum orthodoxia, illos ad subscribendum impulisse: magnum quippe illud erat momentum, quo Monachi contra Archimandritæ molitiones in fide retinerentur, si vades, & testes subscriptione illa Synodaliū decretorum
apud

apud suos hi fierent Monachos, executionemque statutorum in se reciperent. Hoc ergo munimine contra vicinorum impetus hostium sacra claustra boni illi Præsules septa voluere.

§. XIX.

S U M M A R I U M.

1. *Antiocheni canones indigni, qui vocentur in subsidium a Theologo nostro.*
2. *Quomodo dicantur probati a Chalcedonensi.*
3. *Indignamur Theologo nostro commentarium edenti in quartum Sathanici illius conventiculi canonem.*

A pag. 64. ad 66.

1. **C**onflictatur deinde doctissimus Noster cum Antiochenis canonibus. Fatetur sub initium se posse Concilii illius auctoritatem defugere, quod a Julio PP. Athanasio, ac Chrysostomo canones hi rejecti fuerint, atque explosi, utpote minus iusti Concilii, sed velle hos producere, propterea quod in Codicem, quo Concilii Chalcedonenlis tempore utebatur Ecclesia, relati fuerint, & accepta, quæ iis sancita fuit, disciplina.

Quis Nostrum ista præmonentem non miserum dixerit Eranistên subsidia undique corradentem, nec satis videntem cadat res, an recto stet talo. Ego certe trioboli scriptor, qui sum, si capite periclitarer, possemque in illis Antiochenis canonibus invenire perfugium, dignarer illos invocare? Vah conventiculum Sathanæ, furoris Episcopalis

triste monumentum, historiæ probrum Antiochenum damnatum a Sardicensi Synodo, damnatum a Julio I. deinde ab Innocentio summis PP. proscriptum ab Athanasio, Chrysostomo, & ab omnibus piis anathematizatum.

Conciliabuli illius iniquitatem sapientissime coram Arcadio Imperatore arguerunt Elpidius Laodiceæ in Syria Episcopus, & Tranquillus, quorum ingeniosissimum ad infringendos Chrysostomi hostes hac de re consilium vide apud P. Orsi Hist. Lib. 23. num. 5. Animadvertendum hæc Socratem inter hujus Antiocheni conventiculi vitia illud enumerare, habitum illud sine Romani Pontificis consensu, *cum tamen Ecclesiæ Canone*, ait ipse, *cautum sit nullum, nisi Romano Pontifice consentiente fieri posse in Ecclesia decretum*.

Ergo pudere debuisset Nostrum his maculis egregium adspargere sui voluminis splendorem. Ceterum hoc idem conciliabulum non adeo propitium se præbuit Presbyteris. Vide can. V. Quod si quædam utilia in his canonibus deprehendantur, id non mirandum, cum & dæmones ipsi honorificum Christo apud Lucam perhibuerint testimonium, & Caiphas prophetarit, & puella Act. XVI. Spiritum Pythonem habens magnifice de Paulo, & sociis testificata sit: *Isti homines servi Dei excelsi sunt, qui annuntiant vobis viam salutis*. Vellemus a melioribus legum latoribus fuissent illa profecta.

2. At a Chalcedonensi Concilio probatos novimus Antiochenos canones. Horum magnus in Ecclesia sequentibus temporibus usus. Obsecro, de quibus Antiochenis canonibus loqueris? Scito aliam Antiochiæ diu ante fuisse Synodum celebratam,

tam, præfide S. Eustathio illius urbis Episcopo. Ex quo canones, quos commendatos audivimus, nebulones illi suum in conciliabulum transtulere, ut advertit Clarissimus Tillemontius. Non ergo Arianis, sed SS. Episcopo, ejusque sociis Antiochenos, qui laudantur canones, acceptos referas. Canones autem hujus conciliabuli proprios quæ *maximè* informet, quantum reprobis animet Spiritus, vide apud cit. P. Orsi Lib. XIII. Hist. num. 19.

3. Temperare tamen mihi non possum, quin altius clamem in Theologum nostrum audentem aliquid commentari in canon. IV. Antioch. Hic est celeberrime infamis canon ille, quem invidia expressit, furor extorsit, hæretica pravitas procudit. Hunc in canonem peculiari modo detonare Julius, & Innocentius PP. Hunc Sardicensis Synodus (qualis Synodus!) conculcavit. Hunc 42. Episcopi Chrylostomo adherentes dñis devoverunt. Atqui peregerat idiplum multo ante Magnus Athanasius; totiusque orbis Catholicis vota in illius reprobatione convenere. Et tamen Noster dignum existimat illum, in quem longum edat commentarium. Vide quo partium studia abripiant hominem!

S U M M A R I U M

1. *Rursus de Magno Nicæno Concilio.*
2. *Theologi nostri non ferenda hallucinatio.*
3. *Sensus Sardicensis Concilii.*
4. *An jure exulter Noster in Africanis Conciliis.*
5. *An recte ex Chalcedonensi argumentetur.*

A pag. 66. ad 69.

1. **N**ULLAM prolixam, molestam nullam putaverim orationem, quæ mihi de Magno Nicæno Concilio verba fecerit. Erit igitur jucundissima semper hujus mentio, centies licet milliesque habita. Placet ergo, quod iterum Noster de illo sermonem instituat. Vehementer autem displicet, quod rem confecturus in ipso exordio Eusebium, qui Concilio adfuit, nominat testem. Pro sublestum, & nulla fide dignum, mendacissimum nimirum testem! Insignis hic Arianorum signifer tanto odio in magnum illud Concilium exarsit, ut huic nullum in Historia sua locum dederit. Potuisset ne nobiliori exitu historiæ finem imponere, quam magni Nicæni Concilii commemoratione? Ast noluit; & cum historiam prope ad tempus Concilii perduxisset, illam absolvit, scilicet ne probrum suum (manifestissimum ceteroquin) suo cogeretur ore fateri. Novimus & nos ille quam subdolanus sit in epistola, quam Nicæa, stante adhuc Concilio, ad Clerum suum

suum misit, ubi rerum Nicææ gestarum, & Synodicae fidei definitionis ipsum facit certiore; quam perversa interpretatione cuncta ad Arianum sensum conatur detorquere?

Quis vero facile dixerit, quot dolis, fraudibus, & technis egerit Eusebius idem postea, ut luculentissimum dogma contra Arianos Nicææ assertum everteret? Fuit ne ullum in magnum Athanasium-Sathanæ conventiculum, cui non ille præsuerit? Confer in primis, quæ S. Episcopus Potamon ei objecerit in Tyrio conciliabulo; quo pudore suffusus ille sessionem abruperit, & discesserit. Vide Epiphan. Heres. 69. Hujus ergo accipiemus testimonium? At quid ait?

Ait (cui assentitur Noster) Episcopos, qui Synodo interfuere ad ducentos quinquaginta fuisse: Hui! 318. omnis commemorat antiquitas. Eliditur ergo, & mendacio suo se destruit Veteratoris testimonium. *Non*, subdit Noster, si verum est (en ejus sensum) 318. fuisse PP. Nicænos, ut communis fert opinio, ad numerum relatum ab Eusebio desiderantur 66. Hos vult ipse Presbyteros fuisse, quandoquidem ait ipse 66. indigemus.

Sed indigemus sana mente, ut videamus iniquum nebulonem de tanti Concilii voluisse auctoritate detrahere, Episcoporum, qui ibi aderant, numerum minuendo, quem numerum si quis vellet in dubium revocare, perinde esset ac totius historiae fundamenta disjicere.

2. At ex Concilio Aquilejensi Theologus noster invictum depromit argumentum ad conjecturam suam firmandam, imo conjecturam illam tanto

ino-

monumento oblato *in evidentiam commutandi*. In hoc enim Concilio S. Ambrosius exprobrat Attalo Presbytero Ariano: *Subscripsisti in tractatu Nicæni Concilii, an non?* Cumque ille dixisset: *Non tibi respondeo: Ex Episcopis unus te Attalum subscribentem vidisse testatur: Sabinus Episcopus dixit: Testes sumus nos Attalum subscripsisse in Concilio Nicæno*. Triumphat Noster, aitque: *Hic igitur Presbyter erat, subscripserat non post temporis intervallum, sed in tractatu Nicæni Concilii. Quid ergo amplius desideratur, ut appareat hunc Attalum Concilii Nicæni Patrem exitisse?*

Placet, & adprecamur Theologo nostro tot annos, quot ipse Attalo Presbytero, & Sabino Episcopo tribuit. Credideris? unum Nestorem fabula finxit, & duos hic exhibet Noster. Et quidem Nicænum Concilium habitum fuit anno 325. Aquilejense anno 381. scilicet 56. post annos a Nicæno. In Nicæno Attalus jam erat Presbyter; præterea scimus temporibus illis pro- vecta jam ætate ad Presbyteratum Ecclesiasticos promoveri solitos fuisse. Quot ergo tunc annos natus erat Attalus? His adde 56. profecto si non Nestorem, habebis certe depontanum, filicernium, recalvastrum senem, larvam, & indignum non putabis Ambrosio cum hujusmodi de fide quæstionem movere, cujus emotam mentem in crimen vocari ipsa senectus vetabat? Quod de Attalo dicimus, potiori jure de Sabino Episcopo non invitus affirmabis dicendum.

Dum ergo audimus Attalum subscripsisse *in tractatu Nicæni Concilii, in Concilio Nicæno,*
id.

id non ita debemus accipere quasi Attalus Concilio adfuerit, & subscripserit; nec illum videre potuit Sabinus ibi subscribentem. Sed exploratum esse debet fidei formulam a Nicæno conditam Attalum longo post tempore ratam habuisse, illique subscripsisse. Scilicet scimus formulam illam tanquam lydium lapidem, ad quam eorum, qui suspecti erant, explorabatur fides, sequentibus temporibus fuisse ab Orthodoxis semper propositam. Sic Eusebius in Concilio Mediolani coacto declarans e præsentibus quosdam sibi conpertos hæretica labe pollutos, Nicænam fidem, antequam cetera tractarentur, iis subscribendam proposuit. Factitatum id quoque frequentissime, & scimus novissimis hisce temporibus Bullam UNIGENITUS passim propositam iis, qui de dogmatibus in Iansenio damnatis suspecti erant, subscribendam.

3. Si ad illa, quæ supra de Sacerdotii excelsa dignitate innuimus, parumper mentem convertes, non miraberis, cur Sardicense Concilium *Summas Ecclesiæ Dignitates*, Episcopatum, Presbyteratum, ac Diaconatum nominet; & ad Valentinum Concilium depositionis poena in Episcopos, Presbyteros, ac Diaconos animadvertens, qui de crimine quopiam in ordinatione fuerant convicti; responsio patet ex dictis ad Nicænum Canonem, ubi de interdicta Ecclesiasticis subintroductarum mulierum cohabitatione.

4. Nullibi firmitus causæ suæ præsidium collocari posse clamat Noster, quam in Africanis Conciliis. *Nullibi*, sunt ejus verba, *hæc nostra magis exultat disputatio*. Sed quantum lacrymabilem, & indignam dissensionum segetem Afri-

cana

cana plerumque Concilia in Ecclesiam intulere ! Quis ignorat quantum tria illa , magno ceteroquin Præside Cypriano , habita de rebaptizantium quæstione Concilia incommodaverint ? Quis unquam credidisset in horum ultimo , quo 85. convenerant Episcopi pertinacius actum contra veritatem ? Hinc exultarunt quam maxime in his Donatistæ ; contra ea sudavit , & alsit Augustinus , cum Cypriani objiceretur auctoritas ; cum tot Episcoporum iudicium manifesto Scripturarum , ut clamabatur , sensu firmissime constabilitum , esset evertendum .

Quid deinde dicam de aliis quamplurimis Africanis Synodis , ubi de appellationibus ad primam Sedem ? Reminiscere Zosimi , & Bonifacii ; revoca in memoriam fidem Apostolicis Legatis denegatam ; tum Nicæni Concilii Acta toto orbe quæsitæ . Et ne in longum abeam , quis Novatorum contra Romani Pontificis primatum pugnaturus ex hoc Africanorum armario Conciliorum tela non depromsit ? Mitto quot , quibusque modis iurium Romanæ Cathedræ osiores Africana invocent Concilia , pessima exinde consecraria deducentes ; ut non solum in bellicis , sed & in his quoque rebus accipiamus Didonis apud Poetam imprecationes , quibus Africam in Latium incitat :

Nullus amor populis, genti nec fœdera sunt;

. Pugnent ipsique nepotes .

Gravissime ergo me afficit hæc nostri in Africanis Conciliis exultatio ; at videamus , num justa sit illa .

Profert Can. 23. Conc. Carthag. IV. *Ut Episc-*
sco-

scopus nullius causam audiat absque præsentia Clericorum suorum . Alioquin irrita erit sententia Episcopi , nisi Clericorum præsentia confirmetur . Videat, qua de re hic agatur . Forentis agitur materia . Conqueri potuissent excommunicati se injuste Episcopali potentia oppressos ; causam nec bene discullam , corruptisque , vel livore infuscatibus agentibus testibus fuisse processum . Honestati igitur Episcopali consultum voluerunt Synodi PP. illam judiciorum exercendorum instituentes rationem , cui neque improbi ipsi possent adlatrare . Non ergo recte ad alia exinde consecutio protenditur .

Alti irritam clamant esse sententiam , nisi modo predicto fuerit lata . Detur id humanitati , caritati , bonitati (accipe ut vis) Episcoporum illorum de jure suo decedentium . An alias dices solitarium Episcopum excommunicandi potestate carere ? Scito esse actum illum Episcopali potestati divinitus acceptæ insitum , namque Pastoris , & non aliorum est , morbosam ovem ab ovili segregare . Presbyteri autem ipsi quid nisi oves ? Regantur ergo a Pastore potius , quam regant Pastorem .

Nec minus etiam infirmum est , quod sequitur ex Can. 21. *Ut Episcopus sine consilio Clericorum suorum Clericos non ordinet .* Nimirum matriculæ (ut loquebantur) Ecclesiæ tunc omnes Clerici erant adscripti . Quapropter unius alteriusve non receptio poterat jam receptis incommodare . Quod dimensum paucioribus erat numerandum , in plures distributum jam prioribus decrescebat . Et hic quoque effusam Episcoporum
be-

benignitatem mirare concordiae, & tranquillitati totius Ecclesiastici corporis studentium.

Verum mirari non desino Theologum nostrum ex his leviculis, & nullius pene momenti concessionibus in Presbyteros collatis maxima velle deducere: *Sunt nimirum Presbyteri Episcoporum collega in Ministerio*. Et quomodo, o bone? Nimirum quia Can. 34. statuitur: *Ut Episcopus quolibet loco sedens stare Presbyterum non patiatur*. Et Can. 35. *Ut Episcopus in Ecclesia, & in confessu Presbyterorum superior sedent; intra domum vero collegam Presbyterorum se esse cognoscat*. Quare subdit ipse: *Insanire profecto, si commentando clarissimis hisce verbis lucis & liquid adspargere studerem*.

Insaniremus ipsi, si aliter decretum animadverteremus. Ubi illud gravissimum Christi: *Qui major est in vobis, fiat sicut minor*. An non oportebat Episcopos coram, & magna voce Christianae humilitatis exempla præbere, seque non esse illos *Dominantes in Cleris* dilucide protestari? Ne obliviscamur illud Domitii, & super corruptis hodiernis moribus, & gravi dominatione, qua premuntur a nonnullis nuperis Prælati Ecclesiastici doleamus.

5. Interim Noster victoria elatus majestatis plenissima voce exclamat: *His ita statutis, & cui mirum poterit esse, si Presbyteri Conciliis intersunt, consultant, deliberant, suffragium ferunt, subscribunt?* Ita ne vero? At si nostra contemnis, audisses tamen Pii nostri bullam. Commotus es ad illam, scio. Videbas quanto exitio aperiabatur janua. At sanam mentem eripuit ille Tuus,

&

& te retractare ista cupientem deterruit. *Id modo magna Nicæna Synodi exemplo evicimus. Non multum, ut arbitror, feliciter. Paulo superius Ephesini Concilii verba audivimus, Presbyteros Concilii membra appellantis. Probavimus locutionem, & quomodo accipienda, declaravimus. Aliquid etiam ex Chalcedonensi promamus.*

Nos antequam occurramus his, quæ ex Chalcedonensi Concilio depromit, advertendum monemus in primis, evertendum fuisse in sacratissimo illo sexcentorum, & amplius Episcoporum Conventu infame Latrocinium Ephesinum, in quo pessimus ille Alexandrinus Præsul turpissimi eunuuchi Chrysaphii omnipotentis in aula ministri favore suffultus, stricto per nefarios Satellites suos mucrone, eo, quo voluit, terrore perculos Prælatos adegit. Ibi omnia jura conculcata, Romani Pontificis sprete auctoritas; justitia vexata; damnata innocentia. Horum omnium rationem reddere debebat in Chalcedonensi perditissimus ille nomine Dioscorus. Dic sodes, quot testibus opus, ut tanta crimina juste possent impingi, quot viris in Scriptura, & Traditione versatissimis, qui fidei regulas scæde dilaceratas per Sathanae ministros evidenter ostenderent?

His perpensis videbis facile Presbyteros illos passim testium, passim Theologorum, ut dicimus, Consultorum partes, & suscepisse, & sustinuisse, cum nullæ tunc, ut supra diximus, generalibus sessionibus præmitterentur Congregationes, ubi facta expenderentur, refutarentur errores, adversarii convincerentur, veritati suus

con-

constaret honos. Audis: *Theophilus RR. Presbyter dixit?* At non audis? *Ego Theophilus Presbyter definiens subscripsi.*

Quid porro miraris, si lecta Eutychetis confessione reclamatum sit, *quod ea Nicænæ Fidei, vel adderet, vel detraheret?* Doctrinale iudicium hoc dicam, si Presbyteri sic reclamarunt; nondum fidei decretum habemus. Habemus, si iudicium, quorum erat (Episcoporum scilicet) fuerit vox illa ab ore profecta. Quod si Episcoporum una cum Presbyteris vox fuit illa, hos plaudentes, illos decernentes dicemus, cum vox Presbyterorum sit vox Episcoporum, & tunc Presbyterorum verba ligabunt, si per organum istorum ab Episcopis derivata transmittantur, & sic de Presbyteris accipiemus illud Christi: *Qui vos audit, me audit.* Ac si propterea voluerit Presbyterorum aliquis de se gloriari, illum irridebit Poeta:

Stulte tu non es Deus, sed fers Deum.

§. XXI.

S U M M A R I U M.

1. *Monumenta ab Ecclesia Romana deprompta Theologo nostro non suffragantur.*
2. *De judicio Syricii Papæ contra Jovinianum.*
3. *Quo sensu Felix Papa dixerit: Apostolicum thronum teneri a se, & ab his, qui secum erant.*
4. *Acclamationes in sequioris ævi Conciliis usurpatae nil oppositæ nobis sententiæ roboris addunt.*
5. *Discutitur Anastasii narratiuncula de vi pene illata Eugenio I.*

A pag. 69. ad 71.

1. **N**E nobis molestus sit Doctissimus noster, neque nobis objectet, quæ ipsi vetustatem rimanti Principis Ecclesiæ occurrunt monumenta, meminerit primæ illius Cathedræ Magistros Universæ Ecclesiæ Pastores, & Doctores, ut celsitudine gradus cunctis eminebant, sic modestiæ & Christianæ humilitatis laude longe super omnes peculiarium Ecclesiarum Rectores floruisse. Hi singularem in modum sibi Christum locutum putabant, cum edixit: *Qui major est in vobis, fiat sicut minor.* Memoria etiam iisdem non exciderat illud Petri, in cujus successionem divinitus se missos credebant: *Seniores . . . obsecro confessor* Pet. 1. Cap. 5. Quam præclare in hanc sen-
K
ten-

tentiam loquitur Gregorius M. epist. 59. Lib. 9. ad Johannem Episcopum ! Ubi memorabile illud : *Cum culpa non exigit , omnes secundum rationem humilitatis aequales sunt .* Sed hujus tanti Pontificis sententia quoad hoc supra posuimus .

Ad quæ si paulo diligentius Noster animum convertisset , non multum præsidii sibi comparatum intellexisset in iis , quæ colligit vetustorum Monumentis Pontificum . Ea enim sunt ejusmodi , ut sicuti in magnam nos SS. illorum admirationem rapiunt , qui tanta Presbyteris officiosissime largiuntur , sic nullum his jus quæsitum facile nobis significant . Et tunc quidem singularis Presbyterorum illorum pietas , & firma adhæsiō Pontificiæ Cathedræ talia promerebantur ; nullius exinde incommodi in publica commoda periculum ; caritas ex æquo fervebat utrinque .

Cum vero rebus sequioris ævi vitio in deteriora prolapsis , dominatione invec̃ta , & superbia grassante iniquitatis filii favoribus ipsis abuterentur , hinc factum est , ut cautius sibi procedendum summi Hierarchæ ducerent , & ad omnia removenda pericula , quæ exinde possent emergere , potestatem sui characteris luculentissime exererent . Hinc passim videmus in ipsis Generalibus Conciliis , si Pontifices adessent decisiones , definitionesque his unice tributas sollemni illa formula : *Sacro approbante Concilio .* Quid si & hoc ipsum interdum visum est quid nimii & magni portendere ? Etenim novimus in œcumenica Synodo Lugdunensi , Innocentio IV. doctissimo Pontifice , non fuisse dictum : *Approbante , sed Sacro præsentē Concilio .*

Hoc exemplum necessitate cogente secuti sunt
ad

ad modum suum Episcopi, qui non adeo magnifice de suis Presbyteris sentire cœperunt: quocirca sensim ad hos mores deventum; & nos dum Episcoporum quorundam fastum, potentiam, tumorem detestamur, dumque illiberaliter & dure nobiscum actum conquerimur, injusti sumus, quia perpendere nolumus vitiis nostris id factum, dum filii in parentes consurgere voluimus, mutuumque caritatis vinculum, quo illis colligandi eramus, primi dissoluimus, ac fregimus. Sed de his fortasse plusquam oportuit. Nunc ad rem.

2. *Syricius Papa*, inquit *Noster*, *Presbyterio coacto Jovinianum damnavit: Facto ergo Presbyterio constitit Christianæ legi esse contraria... omnium nostrum tam Presbyterorum, quam Diaconorum, quam etiam totius Cleri una suscitata fuit sententia*. Subdit: *hanc damnationem, uti par erat, ratam habuit Ambrosius*. Scilicet hoc deerat, ut summæ gratiæ loco apponeretur Ambrosium probasse summi Pontificis sententiam.

Quid his sibi vult Doctissimus noster? An non debuit Syricius Presbyterium cogere? Alias quomodo impurissimi illius Epicuri deliramenta innotuissent? Quomodo deinde insanorum Dogmatum auctorem, iudiciumque latum remotiores regiones, ad quas perlatus, vel perferendus erat spurcissimus & inconditus illius liber, potuissent agnoscere? An optabas Syricium nocte intempesta in cubiculo clancularium prorsus in tanto negotio se agere? Igitur jure Presbyterium coegit, sollemne indixit iudicium, sententiam tulit cunctis præsentibus: Cum satis in illo conventu con-

stitisset Novatoris illius Dogmata contraria esse Legi Christi, quod mirum, si omnium una fuit sententia? Sententia scilicet non judicialis, & vim obligandi inferens, sed doctrinalis, plaudens Pontificio decreto, justitiæ testis, & nuntia publici consensus. Hoc nisi dixeris, jam cogeris non solum in Presbyteris, & Diaconibus, sed in Minoribus quoque Clericis judicariam & definitivam illam potestatem agnoscere: *quia totius Cleri una suscitata fuit sententia.*

3. At fortiora videtur arma præbere Felix Papa epist. IV. qui exauctorato Gnaphæo Alexandrino: *Firma sit, inquit, hæc tua depositio a me, & ab his, qui una mecum Apostolicum thronum regunt.* Item epist. 7. Episcopos, Presbyteros, ac Diaconos *Ecclesiæ summa fastigia* nuncupat. Avidissime hæc arripit Noster, & fortiter trahat.

Ego ut tecto latere excedam, in primis profiteor Ecclesiam non posse in suis decretis sibimetipsam esse contrariam, ut quod semel verum statuit, & credendum ut fidei regulam proposuit, idem postea suo judicio infirmet. Etiam scio sæculo elapso Pontificio decreto damnatum librum, in quo asserebatur Petrum, & Paulum pari auctoritate in Ecclesiæ gubernaculo sedisse, & tunc non unum, sed duos fuisse supremos Ecclesiæ Rectores; nunc cum plures videam non solum clavo assidere, sed una Apostolicum thronum tenere, veniat rogo Œdipus meus, qui ænigma dissolvat, & laqueum, quo adstringor, relaxet. Sed ridebit hic Theologus, scio; centies enim dixit Presbyteralem, quam asserit potestatem, Episcopali (quanto magis Pontificiæ) esse obnoxiam, hoc
&

& alia hujusmodi disertissimus homo reponet.

At imperitissimus ipse hæreo Throni in juribus meditandus; hæc summa sunt, hæc inalienabilia (ut loquuntur Jurisconsulti) sunt. Quomodo ergo sedentem throno alteri obnoxium facies? Si duo sedent, jam pari jure gaudent; juris consiliis rem gerent. Unus tamen alterum supra se non patietur. Fuerit is Felicis forsan sensus in verbis supra positis. Summa concordia Felicis & Presbyterii res steterit, insimul gubernarint; imo, si placet, Felix, ut carit Poeta, rerum dimiserit habenas, tenuit ne tunc jure suo Apostolicum thronum Clerus ille? Hoc affirmaris? Discessum ergo est a jure Divino, quo unus universali Ecclesiæ præpositus dignoscitur; jam non unus Pastor; jam nullus, qui confirmet fratres suos; jam tota fremente contra vetustate effracta, & contrita est arx illa, in quam irruentes schismatum hæreseonque duces arietarunt; at incassum eo quia totum munimentum in capitis unitate positum omnes viderunt.

Quousque ergo ad vivum ressecabimus, strictumque ad sensum exigemus, quæ caritatis fervor, quæ Christianæ humilitatis amor, quæ concordie zelus, studium modestiæ, tranquillitatis ordo, vel in dictis, vel in factis SS. illorum Pontificum expressere? Sed hæc in ipso hujus argumenti exordio præoccupavimus. Tædet addere plura.

Urget Theologus noster depositionis poenam in Anastasium Cardinal. inflictam ex Rom. Concilii sententia: *In Synodo Anastasius Presbyter Cardin. ab omnibus Canonice est depositus*. Subdit: *Mira vis in illis verbis sentitur. Ab omnibus canonice est depositus, perinde ac si Co-*

nonicum non foret, quod non ab omnibus esset decretum. Urget & Rom. Synodum sub Hilario Papa de transferendo Hispano Episcopo &c. Huic intersuere Presbyteri. Addit: Nec vero presentia sola, sed & consilio ac suffragio adfuisse certo certius constat, cum Apostolicum thronum regere modo a Felice acceperimus.

4. Ita ne? Adeo placuit thronus ille, ut attexerit acclamationes ac plausus tam frequenter in sequioris ævi conciliis usurpatis, invocetque alias Rom. Synodos, in quibus sedent Presbyteri, subscribuntque, quæ judicandi indicant prærogativam.

Hem quo res adducta est! Ergo non fuisset Canonicum, quod contra Anastasium Cardin. gestum est, nisi esset ab omnibus decretum? Scilicet Leo IV. non poterat solitarius Anastasium deponere? Permittat Synodo iudicium de Anastasio Pontifex; omnes in Synodo Anastasium depositione mulctandum clament; Anastasius reipsa Canonice ab omnibus deponatur; quis est depositionis auctor, nisi qui Synodo cognoscendi & sententiam ferendi fecerit potestatem?

Finge plures in Synodo comparatos Anastasio fautores, crimina mendaci testium assertione levata & elusa; accusatores prævaricatos (habes hæc omnia in pluribus Conventiculis Satanicis) Anastasium absolutum. Erat ne penes Pontificem iniquam sententiam sententia nova & æqua elidere? Vides ex Pontificis delegatione Synodi auctoritatem stare, & mutuati luminis splendore Synodalem lucem effulgere; atqui cetera cuncta, quæ irritò labore ex aliis Rom. Synodis deprompta sunt, eandem canunt cantilenam.

Ergo

Ergo sedent, subscribuntque Presbyteri Pontificibus volentibus & jubentibus; non ipsi se intrudunt, sed iussi obediunt. Quapropter ego sponsione facta, quin & juratus confirmo Theologum meum serio hæc recogitantem revocaturum quæcumque in hanc sententiam scripsit. Nam sunt illa a ratione, & Ecclesiæ sensu adeo absona, ut cum illum diligam, doleam sic aberrantem videre, & innoxium ceteroquin ac nolentem, quod initio monui, tanto studio causam agere Jansenistarum. Sed redeo ad rem, & in dictorum confirmationem placet addere.

Quod hæc judicialium quæstionum, sive ut barbare dicunt, *processum* natura postulat; accusatores audiuntur; testes rogantur; agitantur causæ. Quis autem Regum, Principumve, qui gladium portant, hæc judicialia jura in cujuslibet nocentis causa sibi duceret negligere? eo magis hæc judices, quibus jus dicere demandatum, servant hunc ordinem judicarium. Sed dicimus: Rex fontem morti addixit.

Ast cum multæ primis tribus Ecclesiæ sæculis hæreses sint damnatæ nullis habitis Synodis (neque enim sævientibus in Ecclesiam tyrannis ullus Prælatorum conventibus locus) dicendum omnino videtur Presbyterorum opera errorum illa monstra exterminata; a Presbyteris fidei regulas conditas, atque judiciariam potestatem in hæreticos exercitam; iisdemque Romanes Pontifices, atque Episcopos in hæreticorum condemnatione ministris, & sociis usos, agnoscentes eos virtute Presbyteralis gradus tanta potestate posse pollere.

Ut autem radicitus hic evellatur scrupulus, &

omnis dubitandi amputetur ratio, attendas velim sæpenumero Presbyterorum, imo & Episcoporum ipsorum frequentissimos Conventus fas omne abrupisse, & impie pronunciasse. Horremus in historia injustissimas, & iteratas magni Athanasii damnationes, & depositiones, Nicænæ fidei abolitionem, & præclarissimos Ecclesiæ Doctores ejectos in exilium, egestate pressos, quin & pugnīs, & calcibus male mulctatos. Cuinam laetetur quid in Ephesino latrocinio sit attentatum? Et hæc quidem, cum de impiis agitur, nos non commovent. At frigido sudore mademus, dum occurrit animo, inscrutabili Dei judicio, ipsis SS.Ecclesiæ Prælati, iisque in unum congregatis sæpius non affulxisse lumen veritatis, ac tanquam vertigine circumactos de gradu sanæ mentis excidisse, atque errasse in via veluti multo vino depositos. Testis Cyprianus cum tribus illis frequentissimis Africanis Conciliis.

Ecclesiæ in nomine suo congregatæ ἀσφαλίαν seu infallibilitatem Christus promisit, ipsamque Ecclesiam fidei centrum in Rom.Cathedra semper agnoscendam Patres testantur. *Ad banc omnes alias convenire Ecclesias, scilicet ut verum inveniant*, dixit Irenæus. Hinc vetusto Canone statutum ait Socrates nullum sine consensu Rom.Pontificis Concilium posse haberi. Ecclesiam autem esse gregem Pastori suo coadunatum Cyprianus testatur. Hinc sicut ab radice succus in ramos & truncum diffluit, & ab Sole radii circum diffunduntur, & ab fonte rivis alimenta præbentur, ita testibus omnium sæculorum Scriptoribus vis & virtus Ecclesiæ a Petro, ejusque Successoribus (Domino sic disponente) in ceterarum Ecclesiarum

rum

rum omnium membra diffluit atque promanat : Ipsam porro Ecclesiam viduatam summo Pontifice ea tantum aggredi posse, quæ præsens exposcit necessitas, in iisque memorato infallibilitatis privilegio gaudere affirmant Nostri.

Scio Gallorum Theologorum aliam esse mentem. Verum non est hujus loci de hoc disputare. Illud tantum sciscitarer ab ipsis, unde factum sit, ut 400. Episcoporum Concilium erraverit, cum ostendi contra ea nunquam possit paucorum Episcoporum conventus summo Pontifice præsidente a veritate alienum quid statuisse. Imo sciimus horum decisionibus Ecclesiam adhæsisse, quin ullus fuerit errandi metus, ubi summi Hierarchæ auctoritas interfuit, atque hæc communis persuasio tenuit.

Hæc propterea paulo fufius disputavimus ut desineret tandem Noster sessiones, & subscriptiones illas Presbyterorum jactare; precarias illas, & a Delegatione profectas agnoscat, cum nullum illis in fidei causis judicium, auctoritatem nullam inesse perpetuo crediderit Ecclesia, quæ hanc Provinciam summo Hierarchæ, & Episcopis divinitus traditam semper recognovit.

Hic ex orbita nos recedere, & nostra destruere clamabit Theologus, quippe qui ineptissime ab infallibilitate jus judicandi, & statuendi arcessere visi sumus, cum dubium non sit Episcopos in fidei causis Judices esse, & certum sit eos posse errare. Quorsum, inquiet, ista tam longe petita? Presbyteri possunt errare, ergo non possunt judicare?

Sed nunquam sic ratiocinati sumus, cum a jurisdictione, a Divino Mandato, ab Episcopali Cha-

Charactere prærogativam illam judicandi, & statuendi dixerimus proficisci, atque Episcopos singulares, immo, & in particulari vel nationali Concilio congregatos (cum totam Ecclesiam non repræsentent) in suis judiciis falli posse fateamur. Ineptissime vero dicetur Eum solum posse judicare, qui nequeat errare. Sed dicimus quam fiduciam in illis sedentibus, & subscribentibus Presbyteris collocare potuissent summi Pontifices? Dum ergo eos adhibuerunt, sollemnitati sententiæ voluerunt consultum, ne scilicet impii in his Conventibus damnati quererentur se non auditos; causam suam non esse actam; furori, iracundiæ, odio Pontificis depositionem suam ferendam acceptam.

Quid si Episcopi ipsi sua majoris momenti decreta, scilicet quæ de fidei aliquo articulo agebant, nec rata, nec firma credebant, nisi Pontificis consensus accederet? Hinc Synodalia Acta Romanam pro confirmatione mittebant, tunc demum executioni danda credentes, cum fuissent illa Pontifici probata.

5. Ast Cleri Romani vigore commovetur Noster ob factum Eugenii I. quem dictus Clerus non est passus prius Sacra facere, quam polliceretur sese Epistolam Petri Patriarchæ CP. plane rejecturum. Rem narrat Anastasius Bibliot. & Noster subdit: *Videsis in hocce Presbyterio Paulum quodammodo in Cephæ faciem resistentem.*

Verum Anastasius dicit: *Et accensus Populus, & Clerus &c.* Videmus igitur hoc in facto non solum Paulum, sed & popellum in faciem Cephæ resistentem. Narratio vero nimis probat, & doleo Nostrum sic exultare, ubi de PP. & Episcoporum

rum dignitate aliquid non nimium digni occurrat. Ecce in popello jam Paulum nobis exhibuit, & resistentem cui autem? Ineptum jocus. Sed sit fides narrationi Anastasii; zelum Cleri ac Populi studium commendamus. Timuerunt enim, ne Eugenius Monothelitarum insidiis circumventus de suorum Decessorum firma constantia remitteret; hinc vi pene illata adversus Pontificem depugnarunt.

Sed quid inde pro assertis Presbyterorum juri-
bus? Monothelitæ causa ceciderant; anathemate in illos animadverterant Eugenii Prædecessores. Rumor erumpit Eugenium recepturum (communio-
nis hoc signum erat) Epistolam hæretici illius Patriarchæ. At eo repente tumultus Cleri & Populi, qui clamant, vociferantur, fremunt se non passuros illum Sacra facturum (secessionis ab ipso hæc erat significatio) nisi Epistolam rejiciat. At hic quantum emicuit, & Cleri, & Populi Christiani pro re Catholica sarta tecta-
que tuenda sedulitas, tantum apparet quoque imbecillitas facti, si ad rem Theologi nostri detorqueatur.

S U M M A R I U M.

1. *Turonensis Synodi insaniam perperam invocat Theologus noster.*
2. *Parisiensis IV. imbecillitas.*
3. *De Concilio Vernensi. Demonstratur hoc ad rem nostram facere, & ex hoc amplius patere, quomodo Oecumenica Concilia Presbyteros admiserint.*
4. *De Presbyteris in partes Episcopi absentis vel mortui vocatis.*

A pag. 72. ad 77.

1. **M**E tædet in his amplius immorari. An persequar Theologum nostrum errantem inter Synodos Gallicanas, Hispanicasque. Subirascor ipsi; etenim præfatus erat pag. 69. se veluti coronidis loco velle nonnulla ex Ecclesia Principe monumenta producere. Quis illic non affirmasset juratus scena illa acta fabulæ finem impositum iri? At ecce Noster, fortasse ut verum in se faciat, quod scriptum est: *Cum consummaverit homo, tunc incipiet*, tanquam nihil hætenus dictum esset, ab integro exorditur.

Ait opportune sibi succurrere Turonense Conc. medio fere sæculo VI. *Ubi artis limitibus Episcopi circumscribitur potestas, cum nihil sine Presbyterio huic moliri permittatur, nihil attentare, ac si quid minus recte gestum fuerit, communi Presbyterorum sententia rescindi.*

O præclarum Concilium, quod plura & majora optatis

optatis affert ! Ejuret Noster, quæ hætenus est professus, nec Presbyteralem potestatem Episcopali, ut sæpius dixit, potestati faciat amplius obnoxiam. An non est manifestissimum subjectionis argumentum, si quæ geruntur, alieni ex nutu arbitrii firmitatem nanciscantur ? Hoc non essent ausi ipsi Presbyteriani ; namque de æqualitate cum Episcopis hi contendebant, sed nunquam se illis majores dixerant.

Quam indignum audire hic Nostrum exultantem exclamare : *Nonne vides hic aggeribus quibusdam Episcopale arbitrium circumsepiri* &c. Proh Synodum totam averſam, & adverſam impudentem hos animos Theologo facere !

Affert ex eodem Canonem 2. decernentem : *Ut si quid questionis aut jurgii inter ipsos Episcopos forte exoriatur, electis ex parte utraque Presbyteris conciliatoribus consopiantur.*

Hoc non improbamus. Factitatum est sæpius, cum magnorum virorum ultro se ingessit copia, licet nulla illi Ecclesiastica dignitate commenderentur. At quid ex hoc ? An Franciscanis Fratribus aliquid juris, dicemus quæsitum, quia Cardinales mortuo Clemente IV. cum ad 33. menses vacatio Sedis esset protracta, Bonaventuræ magno quidem Doctore, sed ex Franciscana Familia simplici Presbytero Pontificis electionem permiserunt, cum facultate seipsum, si vellet, nominandi ? Hoc quid majus de homine possit afferri non video, nec tamen quæsitum ullum jus Franciscanæ familiæ.

2. Operam abutimur, si de Synodo Parisiensi IV. verba faciemus, cui interfuit unus Presbyter suffraganum ferens. Unus Presbyter ? Fortasse ex pri-

vilegio, vel ut testis. Item superfluum est de Synodo S. Aunucharii disputare, cum pateat illam Dioecesanam fuisse. Addit præterea Noster, *Presbyteris judicantibus Episcoporum ipsorum negotia definita reperiuntur*. Probat id exemplo Sapharici Episcopi Parisini, cujus causa composita fuit Ss. Episcopis Medorecho Hiculpho Presbytero, Æterno Archidiacono, ac Castricio Diacono. At vox illa *Composita*, vox non judicantium, sed amice arbitrantium est. Quis scit, an Episcopus ipse in tales arbitros consenserat? Aut ipse elegerat?

3. Quod autem Vernense Concilium jusserit ad Synodum una cum Episcopis Abbates, ac Presbyteros convenire, non miramur; opus enim his habet Concilium vel ad disputandum, vel ad facta contestanda (semper nœniam eandem occurrere cogimur) maxime cum hæ Synodi haberentur ad discutiendas excommunicationes latas, & ad recipiendas querelas eorum, qui injuste vim se passos quiritabant. Quæ negotia quis non videt quanta multitudine convocanda sint expedienda?

Idem dicas de Bracarenſi I. Et Toletanum IV. quod affertur, mirifice nos ab impetitis absolvit; dum enim statuit, *ut vocentur Presbyteri, quos causa probaverit introire*, jam perspicuum est selectis tantum Presbyteris ad Synodos accessum patuisse. Si enim omnibus Presbyteris eo confluere fuisset potestas, quo jure ad hanc constitutionem fuisset deventum? Dispeream, nisi in hunc sensum res accipienda sit, cum in Conciliis Presbyteros videmus sedentes ac subscribentes, itaut semper ratum sit, quod ad ravim usque ingeminavimus, illos scilicet ab Episcopis adductos

Etos Presbyteros, quorum opus esset sive in testificando, sive in disputando; de quo satis, & ad nauseam usque meminimus.

Hinc silentio prætereundum omnino, quod subicit noster de Conciliis ipsis Oecumenicis, ad quæ Presbyteros legimus admissos. Admiraremur Doctissimi nostri candorem, si in hac honestissima Presbyterorum mentione in Conciliis Oecumenicis omisisset illa duo verba *Subscribere*, & *Sententiam* dicere; quæ tamen in ejus gratiam nos benigne interpretamur, ut subscriptio sit testificationis; sententia doctrinæ.

4. Quis dixerit Prælato moriente Ecclesiam mori? Vivit illa in suis Presbyteris, qui demortui in partes, & munera strenue veniunt. An otiosos ministros, & fruges consumere natos sibi illa adlegit? An unius in Episcopi anima positas omnes spes suas illa habet, adeout periclitante illo periclitetur & ipsa? An magni nominis umbra Presbyteratus? At idipsum absente Episcopo, dum fieri contendit Noster, & ad hoc nobis probandum affert Cyprianum scribentem ad Presbyteros, & Diaconos suos, nec non & Hilarium in libello, quem Constantio obtulit, non videt ibi rem ex Delegatione procedere: *Officium meum vestra diligentia præsentet. . . . Vos vice mea fungamini*. Sic Cypr. a quo nec hilum quid discrepat Hilarii libellus.

Utroque pollice favemus Nostro egregie disputanti de dotibus & qualitatibus (ut Canones loquuntur) eorum, qui sunt in Presbyterium cooptandi, & Seminarium Episcoporum dici potuisse vetus Presbyterium fatemur, & molestas, quæ ultro se ingerunt, considerationes fortiter repell-

pellimus, & laudamus impense Canonem, quo Theologus noster hanc l. Partem absolvit *Episcopum in Presbyteri gradum deducere sacrilegium est*; at videat pientissimus Auctor, nequid ex tanta labe, præter & contra mentem suam, egregiis ceteroquin chartis suis leviter adspargatur.

Hactenus, dicam cum Ovidio, sic *pugnaui, ut vincere nollem, Armabam sciens temerarias in mea damna manus, & gladium ipse in mea viscera adigebam*. Quicquid enim vetustis illis Presbyteris detrahebam, id mihi detractum videbam. Nam si veritati aliquis locus, quinam propiores censendi vetustis illis Presbyteris, nisi Parochi? Hoc voce magistra, & triumphali Theologus noster firmissime confirmat, ut videbimus in seqq. Et nescio quo maligno dicendi contra urgente Spiritu sibi in eadem pagina totus contrarius ad Canonicos animarum cura, ut ipse loquitur, spoliatos deflexerit; quo factum est, ut consolationem, quam uberrimam ex ejus Libro capiebamus, in luctum atque atrum mœrorem converterit.

IN

I N H A C

SECUNDA PARTE

OPERIS SUI THEOLOGUS NOSTER
SUSCIPIT DEMONSTRANDUM

JURA PRESBYTERII IN COLLEGIA CA-
NONICORUM FUISSE TRANSFUSA.

§. I.

1. *Theologus noster jacit fundamenta Paro-
chialis Dignitatis :*
2. *Solo nomine a nobis discrepat.*
3. *Omnia, quæ colligit, in Parochorum digni-
tatem incumbunt.*
4. *Pauca quedam de dignitate Parochorum.*

A pag. 78. ad 86.

1. **M**Anet in sententia Clarissimus Theo-
logus noster, & bonam, quam ab
initio pro Parochis induit mentem,
non exuit, imo vehementius con-
firmat in hujus Secundæ Partis exordio. Nam
fatetur pag. 78. *Presbyteros illos (pro quibus ,
& contra quos hætenus est pugnatum) Paro-
chorum partes ad unum omnes expleffe , sive
in eadem cum Episcopo Ecclesia, sive in diver-
sis Paræciis, ubi essent illæ a Cathedrali divulsæ.*
Mox cum multa scitu digna mira dexteritate, &
L
ele.

elegantia attulisset de Diaconis, item de Titulis, quibus Presbyteri, sive Diaconi veluti quidam cardines erant affixi, subdit: *Hi porro Presbyteri sive Cathedrali, sive Titulis affixi, ac veluti Cardinati una cum Regionariis Diaconis unum cum Episcopo constabant Presbyterium illud, de quo tam multa huc usque deduximus.*

Stemus his, neque e via, in quam tutam, & vere regiam nos coniecimus, excidamus. Ergo puriori Ecclesiæ disciplina vigente, cum neque adhuc divinas, & egregie ordinatas Ecclesiastici Regiminis semitas captiosa subvertisset ambitio; cum laboris & operis, sollicitudinum, & periculorum pro salute animarum plenissimum esset Presbyterale ministerium, nec ullus otio, & vanitati pateret accessus, si Presbyterii rem & nomen in illis Sacris Ministris agnoscerimus, & veneramur, quorum eadem erant cum Episcopo consilia, curæ, & studia; jam satis apparet longe a memorato Presbyterio arcendos, nec in hujus unquam jura vocandos illos, quos dispar suæ vitæ instituta ratio jamdudum oneribus illis, & periculis subtraxit. Longe recentior Canoniconum institutio; quibus, dum hæc asserimus, nihil detractum volumus. Sint illi Angelicorum concentuum beati æmulatores; latificent terrestris Hierusalem jugi canore mœnia; decus addant visibili Regno Christi; cave tamen illos Hierarchico huic Principatui accenseas; quibus nec est illud eximium concessum jus pascendi, nec divina juris dicundi in Sacris Tribunalibus facta potestas, nec datum munus exercendi quasdam sacras peculiares functiones. Hinc a connubialibus foederibus,
quæ

quæ ab ipso nascentis Ecclesiæ exordio Presbyteri illi tanquam Angeli assistentes cælesti benedictione firmabant, omnis ipsis fuit interclusus accessus; in quibus tamen vidimus supra quantum natura sua Episcopalis eminuerit auctoritas. Mirabimur ergo illos, prædicabimurque: ast aliis nominibus, uti Capucinos, Recollectas, Dominicanos, & alios hujusmodi, quos suspicimus, arctiori vinculo, quam Canonicos nostros divinæ Psalmodiæ illigatos Regulari Professione detineri.

Verum Theologus noster jam incipit sensim a via deflectere pag. 81. dum memoratis illis Ecclesiæ Ministris vetus constantibus Presbyterium Canoniorum nomen aptissime congruere arbitratur. Sed

Improvissum aspris veluti qui sentibus anguem

Pressit humi nitens, trepidusque repente refugit,

sic ipse statim advertens Canonicos olim vocatos Clericos affixos agrestibus Parœciis; item & Clericos ipsos minores clamat: *Non ista nos notione Canoniorum vocabulum accipimus, cum veteris Presbyterii jura in Canoniorum Collegia transfusa esse demonstrandum suscipimus.*

2. Ego tibi de nomine litem intentare nolo; voca Canonicos, voca Parochos, voca Hybridas, liceat per me. Tu jura Presbyterii ex arcta conjunctione, quam Presbyteri illi in Ecclesiæ Regimine cum Episcopo habebant, arcesseras. Relinquamus nomen, rem teneamus. Dic age, qualis erat illa conjunctio? Num convivii, num car-

L 2

rus,

rus, num matutinæ, vel serotinæ deambulationis? Ego arbitrabar longissime hæc omnia ab Episcopis tunc exulasse. Aliam his injectam curam, aliud negotii datum opinabar. Verbi Divini prædicationem, Sacramentorum administrationem, exemplum bonorum operum, & alia sexcenta huiusmodi, operæ pretium ibi fecisse existimabam. Quod si mentior; si vanitatem loquor, corrige, & senem ut puerum, vel ad Aristarchi supercilium, vel ad Orbilii irati serulam mitte. Interim ubicumque hæc, quæ memorata sunt, invenero, ibi me Presbyterium illud invenisse clamabo. Verum occasione Capituli Sipontini paulo infra tu ipse disertius hæc confirmabis.

Interim quid hic Barbarorum incursiones, armorum strepitus, bellorumque vastitatem commemoras? An defecerunt Miserationes Domini, & occidit illud Presbyterium? Nullo modo. Parce proinde improbo labori, quo Seminaria, semotasque æd:s requiras, in quas adducti Clerici sub oculis Episcoporum, unaque cum ipsis ad communem degendam vitam adigebantur, uti pag. 82. Tyrones obtrudis, ubi a veteranis naviter res geritur? Sumus cum Magistris & Doctoribus Israel, vin' ut istis relictis Elementarios adeamus? Fuerit sapientissimum illud Consilium; res bene, an male cefferit; diu steterit, an in sui ortu ad occasum adproperaverit, nihil ad nos. Ego non is sum, qui maiora viribus ausus, velim tecum ab Africa, & quidem IV. Sæculo quo vixit Augustinus, ad Gallias, & quidem VIII. Sæculo, quo Rongobertus floruit excurrere. Laudo quidem Pipinum, & Carolum M. qui in hac
parte

parte Pastorum incenso studio sunt velificati ; abominor Monachos, quos abiecta severiori disciplina in molliorem Clericorum vitam quereris declinasse ; probo duplicem Canonicorum, quam memoras, classem. Omnia nitide, docte, luculenter. Ast dic de *tribus capellis*, & ostende interim, ubi illi eximii, qui vetus conflagant Presbyterium.

3. Ego, ni fallor, invenio illos in Parochis. Video hos quovis tempore sive : *Cum belli signum Laurenti Turnus ab arce Extulit*, sive *cum Tityrus patula recubans sub tegmine fagi Formosam docuit resonare Amaryllida silvas*, iisdem curis ac illos distentos ; in spem Israel iisdem catenis circumdatos ; in idem pro Christo pistrinum compulsos. Cur cum familiæ herciscundæ quæstio movetur, hos repellis ? Ubi de supremis Tabulis agitur, hos exhæredes scribis ? Si ad hanc Classem revocas, eos Presbyteros, qui Cathedralibus Ecclesiis sub Episcopo serviebant, non repugno, dummodo eo, quo innui, modo servitium illi præstiterint.

Penitioris eruditionis scientissimus, & abstrusioris vetustatis scrutator egregius Theologus noster, dum diverticulum, ut ipse ait, instituit itineri ceteroquin, quod apparat, perutile, me quoque juvat (ne tantam rem omnino prætermittam nostri conquerantur) pauca de Parochorum dignitate præfari. Necessitate argumenti tractum, & tribus verbis ex aliorum placitis, ne nostra nimis extollere videar, rem me exequentem nullus, ut opinor, in crimen vocabit.

4. Non videbitur in Parochorum laudes, cum

L 3

ve-

veritatis dispendio nimis effusus Theodulphus Aurelian. Episcopus, dum primo post Episcopos loco Parochos esse disertissime affirmavit, si verum sit, ut in Apostolorum Episcopos, sic in 72. Discipulorum locum Parochos fuisse suffectos. Unde doctissimus Præsul in suo ad Parochos Capitulari sic monet: *Scitote vestrum gradum nostro gradui secundum, & pene conjunctum esse. Sicut enim Episcopi Apostolorum in Ecclesia, ita Presbyteri ceterorum Discipulorum Domini vicem tenent. Ex illi tenent gradum summi Pontificis Aaron, isti vero filiorum ejus.*

Parisienses etiam Theologi constantissime propugnarunt Parochos datos esse successores 72. Discipulis. Hinc in ordine minorum Prælatorum eos stare, & ab ipso immediate Christo eos obtinere potestatem functiones Hierarchicas exercendi, expiandi correctionibus, prædicationibus illuminandi, perficiendi denique Sacramentorum administratione. Doctrinæ hujus acerrimus extitit propugnator Gersonius, qui illius fundamenta ab ipsis repetit divinis, Evangelicisque literis, tum ex aliquorum PP. calculo vocantium hos nomine *Apostolorum*. Unde Origenes: *Septuaginta & ipsi Apostoli nominati sunt.* Et Chrysostomus: *Erant & alii Apostoli, ut septuaginta.*

Neque hanc singularem unius Gersonii sententiam suspiceris, vel paucis ejusdem Universitatis DD. probaram; nam tota Facultas Parisien. anno 1408. solemni censura perstrinxit Joa: Gorellium Franciscanum opposita propugnantem, ut proinde nemini dubium esse queat eam fuisse sententiam

tiam Theologorum Sodalitii omnium toto orbe celeberrimi, statum, & auctoritatem Parochorum jure fulciri divino, & ipsius Christi institutione; eorum jurisdictionem immediate a Christo dimanare, qui tam immediata missione, quam electione sua Discipulos 72. decoravit, missosque participes voluit divinæ suæ jurisdictionis.

Neque ignotam Veteribus, novamque doctrinam a Facultate illa tanto ardore investitam opineris, cum Conciliorum Patrumque non paucorum eam constet fuisse sententiam Parochos ita Discipulis, ut Episcopos Apostolis successisse. Neque diffiteatur Theologus noster, qui pag. 19. Bellarminum, ejusque affectas in alia omnia discedentes non molliter excipit.

Hæc mihi ex aliorum placitis colligenti occurrat opportune Ilioneus apud Poetarum Principem *Æneid. l.*

*Non nos aut ferro Libycos populare Penates
Venimus, aut raptas ad litora vertere prædas;
Non ea vis animo, nec tanta superbia
victis.*

Quamvis enim certissimum sit Discipulos tota sacra potestate Ordinis sui a Christo instructos, & ad prædicandum missos fuisse, non tamen perspicue demonstrari potest, & administrationem Sacramentorum, & Clavium potestatem eis a Christo immediate traditam fuisse, quam prædicandi provinciam. Evidentissime textus ipse Evangelicus edocet non esse delegatam a Christo ipso potestatem clavium, nisi Petro, & Apostolis. Ab his ergo, & missi, & necessariis mandatis instructi postea fuere Discipuli, quo magis huc illucque per

orbem sparsi Ecclesias fundarent, gubernarentque. Hinc secundas aures darem temperamento Petri Aureoli, de quo pluribus hîc Thomassinus.

Summa est: Parochorum officium divinæ in tantum originis, & institutionis esse, in quantum in Episcopatu includitur, ut in fonte, & plenitudine Sacerdotii, ex qua manant Parochi, ut a fonte rivuli, cujus decursus latissime, & sine detrimento sui effunditur. Non aliter quam Spiritus S. exuberavit plenitudo in 70. Seniores, quos in subsidium Moyfi Deus adoptabat, nihil damni patiente Moyse, ex quo tanta Spiritus copia in alios dispensabatur: *Ut scaturiginis autem, & rivulorum eadem natura est, ita eadem Episcoporum auctoritas est, & Parochorum, divinæque prorsus, quia ipsamet eadem est, quæ Christi.* Hæc Aureoli verba sunt, quæ Catholico sensu accipi debent, ne inde Presbyterianis ansa errores suos confirmandi præbeatur.

In hujus sententiæ, ex qua tantum splendoris Parochorum muneri emergit, confirmationem adducit Aureolus S. Thomam, qui III. Par. Quæ. 67. Ar. 2. eos reveretur, ut secundi ordinis principes Ecclesiæ, utque suffectos 72. illis Discipulis, quos Christus eadem, qua Apostolos, & missione, & jurisdictione illustravit. Pulcherrima sunt, quæ pro Parochorum dignitate possunt ex antiquis Conciliis arcessiri. Carthagin: illud IV. de quo supra, agnoscit in Parochis potestatem Psalmistas, & Cantores creandi. Conc. Emeritense anno 666. id juris Parochis concessit, ut numerum Clericorum Ecclesiæ suæ augerent pro ejus necessitate, & redditibus.

Quid

Quid si Auguftino , & Hieron. teftibus poterant Parochi fideles excommunicatione mulctare? Dubitas? At ecce verba Hieronymi epift. ad Hedib. *Mihi ante Presbyterum federe non licet , illi , fi peccavero , licet tradere me Satanae in interitum Carnis , ut Spiritus falvus fit .* Et Auguftinus epift. 295. meminit Presbyteri , qui Diaconum , & Subdiaconum excommunicaverat ; quibus relatis præclare fubdit hic Thomassin. : *Parochus fine dubio fuit , qui ea feueritate ufus eft.* Hæc ille , & fapienter ; quoniam vigent adhuc in corpore novi juris Canonici luculentiffimæ decretales , quibus dicta potestas Parochis adferitur. Vide Cap. HIS QUI Major. & Obed. & Cap. CUM AB ECCLESJARUM Offic. jud. Ordin. Interpretes agentes. non alio nomine , nifi ex Delegatione Parochos contentiofam illam potestatem habuiffe , refutat Thomassin. memorabile illud addens : *Quod quam facile eft divinare , tam proum eft quæ quis divinando dixerit , repellere.* Et celeberrimus Alteserra multis argumentis demonftrat Parochos olim potuiffe , & nunc etiam poffe in Parochianos fuos excommunicationis fententiam ferre .

Verum hæc ipfe non moror ; five enim Epifcoporum ofcitantia , & fagacitate Parochorum fuerint inuecta , five privilegio , aut tacita illorum conceffione comparata , nihil ad rem . Fateor enim multa interdum conceffa , eademque inde Parochis denegata ex variis Conciliorum placitis , ex quibus modo ampliozem , anguftiozem modo cernimus Parochorum provinciam . Eft unum tamen , quod nulli obnoxium viciffitudini , nulla

tem-

temporum, vel locorum diversitate labefactandum egregium in Parochis mireris privilegium, quod supra omnem celsitudinem illorum extollit fastidium, sublimitatemque commendat: jus scilicet pascendi.

Bis in novo Testamento præceptum pascendi datum legimus, primo cum Christus Petro dixit: *Pasce Agnos meos, pasce oves meas* Jo. XXI. Rursus cum ipse Petrus (& vide quantum apposite; in cujus enim ore vox illa sonare debuit, nisi in ipsius Summi Divini Pastoris primum, deinde in labiis illius Vicarii) *Pascite, qui in vobis est, gregem Dei* Pet. I. Cap. V. Inter omnes secundi Ordinis Sacerdotes Parochis solis jus pascendi colatum est, & soli illi ubique audiunt Pastores; immo (credideris?) Tridentinum, cum de Episcopis & Parochis ageret Sess. XXV. ambos uno Pastorum nomine sacrauit; quod unum sufficiat; ac pigeat scire quicquid aliud pro tanti gradus dignitate monstranda DD. collegerint; unum tamen non tacebo, nempe:

Si Ignatius Mart. ubi supra in Persona Episcoporum præcipit, ut illi Christum ipsum mihi repræsentent, equidem, dum video Episcopum ad Parochiale munus Presbyterum evehentem, jam Christum ipsum videre mihi videor huic dicentem: *Pasce Agnos meos*. Quis ignorat quanta in illo verbo vis, quanta dignitatis amplitudo includatur? Etenim non Conciliis, non Patribus, non Doctoribus id feremus acceptum; e plenitudine potestatis a Christo Ecclesiæ suæ communicatæ hic plenissimus diffluit rivus. Enimvero quemadmodum Apostolis Christus potestatem plenissimam tri-

tribuit ea constituendi, quæ ad novi Spiritualis Regni ædificationem facerent, essentque perpetuo duratura (quo nomine nunquam dicemus Diaconatum humanum esse inventum, quamvis post Christi Ascensionem Diaconos inauguraverint Apostoli; speciale enim de hoc mandatum a Christo traditum suo tempore executioni dandum illos accepisse dicimus:) sic non abs re erit affirmare Summos Pontifices eodem Spiritu Dei (qui Ecclesiam nunquam deserit) agente, Parochias erexisse, Sacrosque ibi collocasse Rectores, quibus amplissimæ illius suæ potestatis particula attribueretur, ut illi creditas sibi oves pascere, immarcescibilem gloriæ coronam a Pastorum Principe percepturi.

Credebam his, quæ hætenus adduxi, nihil excelsius posse afferri; verum tamen a præstantissimis Theologis arguor veluti demisse sentiens de sublimi Parochorum gradu. Hi videlicet non Evaristo, non Fabiano (quos non instituisse, sed restituisse dicunt Parochias persecutionibus disjectas) sed ipsis Apostolis rem ferunt acceptam, idque Paulum sibi voluisse, dum Timotheum hortatus est Presbyteros constituere, hoc est Parochos. Jam quid hoc excelsius poterit afferri?

At imperitum vulgus, cum ista non capiat, neque sapiat, ad illa Canonicalia ornamenta, quæ Cappam, & Rocchetum dicimus, mirabundum intendit oculos, ita ut negligat, aut parvi faciat suum Parochum, confirmeturque in stulta sententia, cum ipsum suum Parochum (pro nefas!) Canonicatui cernit inhiare, & suæ degradationi (talis est transitus ille) libentissime assentiri: non
sic

hic justus æstimator Theologus noster : ingemit , doletque animi discruciatu ob divulsam a Canonicatibus Animarum curam , eamque sapientissimus Vir semper ob oculos in tota sua hac lucubratione videtur habere .

§. II.

S U M M A R I U M .

1. *A recta , in quam se dederat , via incipit deflectere Theologus noster .*
2. *Dignitas Capitulorum , quibus Animarum cura adnexa est .*
3. *Injustissimam causam suscipit propugnandam Theologus noster .*
4. *Nonnulla hanc in rem .*

A pag. 78. ad 86.

1. **D**Elassati sumus in viis , in quas multiplices difficilesque egregius celeripes Theologus noster nos coniecit . Peragravimus ipso duce Africam , Gallias , Germaniam ; Monachos in suis cellulis latitantes invisimus , sollicitavimus , inquietavimus , eosdem molliorem ad cultum deflexos , perque sæcularium cætus vagantes acerrime persecuti sumus . Multorum mores , multas & vidimus urbes ; sinat hîc nos subsistere , neque novam nobis indicat peregrinationem : ab hac non mediocriter metuo : ait enim *differendum de utroque tempore* (pag. 86.) *O invalescentis scilicet , O distracta communionis .*

Re-

Regreditur ad antecessum, notatque discrimen inter vetus, novumque Presbyterium. Præmiserat paulo ante: *in hosce Canonicos de novo procusos veteris Presbyterii jura omnia esse transfusa, hæc ita depicta Canoniorum Collegia, sive Capitula ait Thomassin. Par.I. Lib.III. Cap.9. illum ipsum vetustissimum Clerum censendum est non repræsentare modo, sed esse Episcopi Senatuum, & Concilium, Episcopis suis sociatis, & communis vitæ novo tunc devinctiorem, nec ob solutam modo communionem minus cohærescens, nec pristinis unquam decurtatum prærogativis.*

Perbelle! Juste! ratione scilicet volente, æquitate suadente Canonici de novo procusi veniunt in jura veterum Presbyterorum: & de veteribus quid? Exauctoravit illos Thomassinus fortasse clamans: *Veteres migrate Coloni.* Provocamus ab hac Thomassini sententia: nec indigne feret ipse doctissimus Noster; immo animos addit singularibus illis verbis, pag. 87. *Post sæculum XII. Beneficia ab ordine distrahi cæpta, item pessimo omine in Ecclesiam inducta distinctio Beneficiorum, ut alia curæ forent obnoxia, alia ab hujuscemodi onere libera. Factum est hinc inter alia gravissima incommoda, ut Ecclesiastici cætus viri in ea potissimum oculos animosque intenderent Beneficia, quæ simplicia appellant, otii, turpisque desidii fomenta.*

Quid audivimus? Fomites ergo otii, turpisque desidii simplicia Beneficia? Et non sunt hujusmodi Canonicatus? Hi Canonicatus invadent in jura Presbyterii, & Episcopalis administrationis confortia usurpabunt, & distracti, & divulsi suas non
sen-

sentient decurtatas prærogativas? Obstupefcimus tantarum miraculis rerum; nec cernimus, quomodo hæc stare queant cum his, quæ attexuit Theologus noster pag. 88. ex aurea Congregationis Concilii responsione in causa Sipontini Capituli, in quo S. C. *nihil immutandum censuit in ea disciplina, quæ tantopere antiquis moribus consentiret, cum Parochi ecclesiarum variarum iidem ipsi essent, & ecclesiæ majoris Canonici, ac consiliarii Episcoporum, quod ex sacro Cardinalium Collegio manifestissime apparet.*

2. Felix Sipontinum Capitulum, in quo vere vetusti Presbyterii jura deprehendo: Quæ enim Capitula vel sine animarum cura ab initio sunt exorta, vel illa se levare passæ sunt, quid aliud nobis modo exhibent, nisi miseros cantores, quibus id unum negotii sit datum, ut Choro adsint, & publico horarum penso satisfaciant? Nullam de his, dum sunt collegio adscribendi, inquisitionem agit Ecclesia; nullam sollicitudinem habuit, nec ad eorum scientiam, aliasque quamplures, quas desiderat dotes in illis, qui ad gradum aliquem in populorum salutem eleventur, attendit. Quod manifestissimum indicium est, nullam eos regiminis partem capeßere.

Neque hîc ad precarias, & eblanditas honoris ostentationes, vel si dicere libet, jura gratuitis, & arbitrariis Episcoporum ipsorum placitis, nunc concessa, nunc denegata, & ad nutum stantia, vel cadentia animum velim adjicias; etenim non hîc de his quærimus, neque obstrepentem populum hîc moramur, qui dum Canonicos in sacris Tribunalibus sedentes conspicit, dum tristem cen-

cenfuram in eos, qui Clero sunt adlegendi, vel majoribus ordinibus initiandi, videt exercentes; factos probitatis, & scientiæ eorum subtilissimos pensitatores, iudices severissimos, vel quod magis commovet, hæc eadem in eos, qui ad Parochialis gradus celsitudinem sunt evehendi, arripientes, nescio quid magnum, & sublime opinatur in Canonicatu contineri. Obstupescit etiam aspectu annuli, mitræ, aliorumque hujusmodi; quæ ornamenta, ut sunt egregia venerandæ Episcopalis dignitatis insignia apta ad debitum honorem cello illi gradui conciliandum, sic in Canonicis visa sunt pientissimis quibusdam viris redolere nescio quid ingrati, & a vanitate potius, quam pietate proficisci. Quæ quidem omnia cum in Parochis non offendat, nil mirum, si apud ipsum videatur sicut Canonicis splendor accrescere, sic Parochorum decrescere auctoritas. Verum non ex dolosa hac statera, neque ex his libripendibus res, de qua agitur, est expendenda.

Attamen non hæc ignota Theologo nostro tam digne, tam vere, tam sublime de Animarum cura sentienti. Video nihil optatius ipsi posse contingere, quam si Canonicatus essent præclara illa gemma, scilicet Animarum cura decori.

At (malum) quæ tam crudelis Erinny's consilium repente Doctissimo nostro eripuit? Cur totus subito mutatus ab illo, quem vidimus, subdit: *Nilominus tamen ut ut Canonici illo Animarum curandarum onere peculiari levati fuerint, adhuc tamen Paræciarum totius Diæceseos emnenti quadam, ac generali sollicitudine, ac regimine, eo nimirum, quo Episcopus ipse tenetur,*

tur, una cum eo ex vi sui ministerii obstricti, devinctique sunt.

3. O atrocem sententiam! Ego quidem totus hac audita cohorrui. At lepidi homines facete id totum excipient. Sed quid tandem hîc absoni, inquierit, quid incommodi deprehendis? Præfectus Campaniæ criminum vindex forense ministerium, satellites, lictorem quoque, & spiculatorem ad coercendos improbos assumit: horum opera in persequendis reis, poenisque infligendis utitur; generali sollicitudine, ne quid tota Campania turberetur, una cum illo hi tenentur: dentur, si placet, ædem partes modo, quem Ecclesiasticum regimen recipit, Canonicis: nihil tamen hi in hoc sibi vindicent jure suo. Si quid vero velis dare, accenseas potius precariis concessionibus.

Sed ego, quem hæc cura sollicitum habet, lepidis illis viris dimissis, doleo Episcoporum vicem, si horum res sic (quoad Canonicos) se habent: Ergo ne Canonici *Paræciarum totius Diœceseos eminenti quadam, ac generali sollicitudine, ac regimine una cum Episcopo ex vi sui ministerii obstricti sunt?* Quot ergo in una Civitate Episcopos habebimus? Quinam Canonici illi, quibus tanta credentur? *Generalis sollicitudo? Regimen Parochiarum totius Diœceseos? Idque ex vi sui ministerii?*

4. Sed, Canonici vos, qui tandem? Vobis ne Animarum regimen? Quid hoc nisi novam facere Ecclesiam, & humanam, quod vehementer damnat Cyprianus relatus Caus. VII. Quæst. I. 106. *NO-*
VATIANUS Episcopus non est, qui ... humanam
conat

conatur Ecclesiam facere, & per plurimas civitates novos Apostolos suos mittit, cumque jampridem per omnes Provincias ordinati sint Episcopi in ætate antiqui, in fide integri, in presura probati, in persecutione proscripti, Ille super eos creare alios pseudoepiscopos audet.

Olfacio hîc nescio quid conterminum impudenti huic postulationi. Etenim qua probitatis tessera, quibus necessariis doctrinæ symbolis in Animarum totius Diœcesis regimen invaditis? Ergo ne eo regiminis munere, quo Episcopus ipse tenetur, vos tenemini? At nos non adeo improbi, qui Canoniarum pensum horarum negligimus, imo devote persolvimus. Occurrit autem ibi sæpius Homilia, in qua edocemur. Quamquam in commune nos ad indefessam vigilantia curam adhortetur, specialem tamen populi principibus, id est Episcopis in expectatione, adventuque suo sollicitudinem mandat. Qui sensus est? Nonne omnes nos curare debere, ut vigilantes, & parati inveniamur in adventu Domini? At Episcopi, quia Animarum cura gravati sunt, longe accuratius diligentiusque idiplum debent præstare; his enim specialem Dominus mandat sollicitudinem. Si specialem, nihil ergo hic cum Canonicis commune.

Imo in sollicitudinum plenissimum opus Parochos incumbentes, gestorumque omnium rationem pro modulo suo in adventu Domini reddituros quotquot in eorum Parochiis degunt Canonici suspiciant, ac revereantur, sintque eorum dicto audientes, monitaque per eosdem salutaria recipiant, habeantque pro comperto nullum ipsis super Parochos regimen datum, sed Parochos pro

vi sui ministerii, proque speciali sollicitudine, ac regimine eos sibi tenere subditos atque subiectos. Atque hæc est natura beneficii curati, cui jura illa, si quæ fuerint antiqui Presbyterii intrinsecus conjuncta, nullaue disciplinæ variatione mutanda, si sapimus, asserere atque adscribere debemus, ut proinde tanquam *παράδοξις* exhorrescamus Theologi nostri placitis.

Hinc amabo te, quando Parochi suis juribus exciderunt? Aut quomodo Canonicatus Simplicis procul dubio Beneficia tam valido impetu in Beneficia Curata insurrexere, ut hæc illis fasces submittere, manusque dare coegerint, adeout non Pastores curam habeant Pastorum Domini? Nulla animarum cura insignes, & nullo Sacramentorum, quibus ut arctissimo vinculo Pastoribus suis Christianæ plebes colligantur, conferendorum jure præditi superbe se efferant in eos, quibus honorificentissimum illud Angelicis humeris formidandum onus Ecclesia ipsa imposuit, providentissima cautione, ac tot tantisque in scientiam, in mores, in ceteram agendi rationem inquisitionibus præmissis; quos veluti censores incorruptos ipsa secularia reverentur Tribunalia, ut Catonis ipsius fides labet, nisi Parochi suffragio confirmetur.

Ad hæc: si Sacerdotii dignitas in eo se maxime prodit, ut Ecclesiæ sacerdos filios generet, genitos lacte sanæ doctrinæ enutriat, adolescentes imbuat sanctis moribus, erigat lapsos, erectos piis hortamentis confirmet, ac tandem properantes iter æternitatis, ut feliciter capebant, Sanctissimo instruat Viatico, huncine hæc omnia pro suo munere præstantem Canonico subicies?

Hoc

Hoc est cum, cui jura sunt integra adeo Parochialia, sive, (ut minus latine loquar) cui stat titulus Parochialis, ut muneris sui exercitatione ne per ipsum quidem Episcopum possit interdici, desidiæ castris, qualia sunt Canonorum domicilia, suppones, & præjudicata sententia Canonico Parochum facies obnoxium, scilicet discipulo Magistrum, Pastorem ovi, egregio Imperatori (ut in hanc sententiam loqui solebat perditissimus & diris omnibus devovendus Voltaire) ineptum tyrunculum ?

Longe alia tamen (quod in ipso initio monui, nec monere unquam desinam) ratio est Capitulorum, quibus est Animarum cura adnexa. Canonicos enim Animarum cura oneratos, duces sub Episcopo, & Pastores populorum, & Episcopi Senatum, et si quid amplius dici potest, dicimus, agnoscimus, compositissimis, & clarissimis literis opportune, importune scribimus, & prædicamus, & clarissimo Tractatori nostro quidlibet intra justos limites audenti pro illorum dignitate utroque pollice probamus.

Nonne enim hæc Animarum cura facit, ut sacerdos vere sit & populi Pastor, & Doctor, & organum brachiumque Episcopi vere nominetur ? Quæ cum ita sint, nemo est, quin videat non posse Episcopum, cui cura est communis cum Parochis, iis nimirum Parochis, qui divino jure in partem sollicitudinis vocati sunt, & a quibus ovium salus petitur, quique in severissimo judicio postremo sunt de ovibus rationem reddituri, Episcopum inquam Parochos Canonicis subjicere, & ab his, quibus ignotum omnino, quid onus illud importet, consilia quoad Parochiarum regimina,

postulare, hisque dare tristem in Parochos censuram exercendam? Quid ita? Nonne seipse perquam tristi censura Episcopus constringeret? Et

Quis talia fando

Myrmidonum, Dolopumque, aut duri miles Ulyssis

Temperet a lacrimis?

Attamen hæc grato animo, & æquis auribus excipiuntur. Hinc inhiunt ambitiosi sacerdotes Canonicatibus, contra ea Parochias horreant, Parochosque diris devoveant. Perbelle res cadit scilicet... At non est difficile divinare a quonam hæc spiritu procedant. Sed horrenda illa propositio paulo infra latius discutietur.

§. III.

S U M M A R I U M .

1. *Inquiritur in illa Collegia , seu Capitula tempore communionis inita, & distracta, in qua Theologus noster veteris Presbyterii jura contendit transfusa.*
2. *Quanam Cleri conjunctio cum Episcopo Presbyterium constituerit?*

A pag. 86. ad 90.

1. **A** Collegiis erectis, de quibus late hîc Theologus noster, Canoniorum dignitatem, & præminentiam arcessit: *Tunc*, sunt ejus verba, *scilicet Episcopo potestatem factam, & quæsitam opportunitatem Clerum suum coadunandi, Senatum suum habendi, eosque in omnibus consulendi, quibuscum contubernii, vitæque indivulsa tenebatur consuetudine.*

O male ominatum cœptum, & expirantis ecclesiasticæ probitatis flebile adjutorium illa Seminariorum sensu, quo ea hîc accipitur, erectio! Faretur jam Noster bellorum incendiis, Barbarorum irruptione, litterarum ad exitium vergente studio, collabentis Cleri reliquias piorum Episcoporum opera in Seminaria fuisse conversas, ibique sub Præfulis vigili cura ad pietatis, & eruditionis præcepta Clericos informatos: vitam quippe communem cum Episcopo vivebant. Magnus inde animus Theologo nostro: *Semper ergo (infert) frequentem Senatum Episcopus habebat. Ab his, quippe qui tam arcto fœdere Episcopo contine-*

bantur, non difficile erat Episcopo ipsi consilia exquirere, iisque ducibus, & moderatoribus in Ecclesiæ regimine uti. Addit: Felicitatem tantam a corruptis moribus pulsam exulasse, nec nisi seculo uno perdurasse.

At duo hic habemus, quæ principi causæ, ni fallor, non parum incommodant. Primum enim repugnare videtur Clericos, & Presbyteros in Seminaria compulsos tanti fuisse, ut Episcopus his consiliariis uti potuerit. Diffidebat certe his; idcirco ad censuram vitæ communis illos vocabat, nec eos existimabat, qui plebi moribus, & doctrina possent præluere. Quodnam alias Episcopi piaculum gregem incustoditum relinquere, & vigili sacerdotum cura nudare? Quapropter aliud consilium debuit esse propositum SS. illis Episcopis Seminaria construuntibus, videlicet ut ex illis prodirent sacerdotes, qui populo Dei essent utiles futuri; aliter peccassent, si sacerdotes optimos pessimo publico in Seminaria coegissent.

At dices: optimos quoque sacerdotes in Seminaria accitos, ea tamen conditione, ut, ubi opus erat, illi ad Sacramentorum administrationem, Verbi Divini prædicationem, plebiumque instructionem prodirent. Interim cum Episcopo non otioso non otiosos ipsos consilia communicasse.

Do manus; nec aliter res transigi poterat. Verum non Canonicos, sed Parochos in his presbyteris agnosco. Si enim in pastoralis sollicitudinis partem vocati erant, si plebium bono insudabant, laboresque cum Episcopo subibant, jam si non erant nomine Parochi, at munere, & re: præterea si non omnino desipio, qui fieri potuit, ut veteris

ris Presbyterii jura in Canonicos commearint, neglectis illis, quibus fuerat Animarum cura concredita, qui digniores profecto fuerant e Presbyterio selecti, qui Cleri ipsius sub Episcopo, ut magistri & duces erant conspiciendi, quorum fidei rem tantam iidem Episcopi crediderant? Ubivis potius, quam hinc illudi mihi sinam. Qua fronte hæc nova collegia se supra Parochos extulissent? Non ipsis diem Parochi dixissent? Adeo ne tanta illata injuria obtorpuissent?

Sed sentio nescio quem mihi regerentem, quod odiosa res, odiosumque nomen sint Parochi; superbeque se gerant, atque Episcopo injuriosi non raro deprehendantur; jure ergo factum, ut his relictis Episcopi in Canonicorum Collegia veteris Presbyterii jura transfulerint.

At quando transfulerunt? Quo seculo, in quo Concilio, quo summo Hierarcha adnitente, vel probante? Quid? Transfulerunt Episcopi? Et Episcopi potuere id efficere? Nimirum inductam, Christo ipso docente, ab Apostolis regiminis formam tot seculorum felici successione confirmatam, conclamantibus omnibus, Parochos institutos a jure Divino, Parochosque esse Presbyteros illos, qui proximum, vel (ut barbare dicam) immediatum locum post Episcopum (sicuti Discipuli post Apostolos) teneant, hunc ordinem divinitus institutum, & usu comprobatum invertere, & priora posterioribus commutare, primisque celsa e sede deturbatis, nuperos, & novitios quosdam subrogare ausi fuerunt Episcopi?

Sed frustra laboramus; quandoquidem brevi unius seculi spatio, satente Doctissimo nostro, Collegia illa steterunt; unde communis vita in-

tercidit , Canoniorumque cum Epifcopo defuit contubernium .

Hem ! Effluxit Senatus, laticlaviiue memoria periit . Quis Gracchorum Tribunus plebis inimicam rudi Sacerdotali plebeculæ Senatoriam Canoniorum majeflratem extinxit ? Magnam profecto ab illa Sacerdotum capite cenforum claffe iniit gratiam . Cecidere tunc Presbyterii jura ? Utique exftinctis Canoniciis, penes quos illa erant . Immo manet, æternumque manebit Ecclefie ædificium ; fiat mole fua Ecclefia Senatoriis Canoniorum fulcris licet deftituta . At quærimus, quonam Presbyteralia illa jura concefferunt ? Exftincta non credo .

Ut agnofcatur alterum, quod pofitæ a Theologo noftro fententiæ incommodat ; rogo, illi, qui relinquebantur presbyteri, dum presbyteros, & clericos in feminaria Epifcopi cogeabant, erant ne de presbyterorum genere cenfendi ? erant illi ipfi, quorum inftitutio tam magnifice a Noftro in prima Operis parte exhibita eft, an ad laicorum claffem redacti ?

Erant, dicet utique, fed cum moribus foedati, omnique doctrina deftituti impares effent oneribus facerdotalibus, merito neglecti, & exauctorati manferunt . Aft obfecro, eftne illis fubftantia, & charaeter facerdotalis relictus ? Profecto ; fed his non utebantur Epifcopi . Res ita fit . Nihil tamen eorum foedati mores, nihil prodigiofa illorum infcitia detrimenti poterat facerdotali gradu afferre, nec aliis, qui extra feminaria vivebant, nocere ; & cernimus fane feminaria illa modo frequentiori convictorum numero redundaffe, modo mira laboraffe infrequentia, cum
nu-

numerus ab Episcoporum arbitrio penderet, illisque arbitrariæ ex Episcopi placito prærogativæ, & munia darentur. Cuncta igitur si a precaria proficiscebantur possessione, regulam, & normam futuris imponere non poterant, nec quid alicui, quod sui juris esset, auferre.

Odi precarias concessiones. Quid si Episcopus aliquis Vortumnis natus iniquis me hodie super ceteros evehat, mihiq; splendida quæque munia tribuat, cras auferat? Vidimus non infrequentes scenicas hujusmodi vices. Tum vero quot cachinnis exciperer?

2. Longius a vero nos abripi suspicabitur fortasse non nemo, dum Presbyterorum dignitatem, & jura a sola, quam ad cælum usque extulimus in præcedentibus (quod & in seqq. facitabimus) Animarum cura arcessere visi sumus, quin Seminaria illa curaverimus, aliamque non agnoverimus Presbyterorum cum Episcopo communionem, nisi illam, quæ utrosque in Animarum regimine copularet; quod falso a nobis affirmari dicet ille: quippe vetus Presbyterium, Canonicosque antiquos non sola Animarum cura constituebat. Nempe antiquitus non erat quis a Presbyterio, verusque Canonicus, quod Animarum curam gereret, sed quod ab illo esset Clero, qui in corpus unum cum capite Episcopo coalescebat. Nam & Parochi rustici Animarum curæ erant addicti, nec Presbyterio accensebantur. Unica ergo Presbyterii nota hæc erat plane, quod capiti suo Episcopo velut membra adhærescerent, quod porro cum non jam Parochis, sed solis Canonicis conveniat, qui & olim Animas curabant, modo
hoc

hoc onere abiecto unum cum Episcopo corpus pergunt conflare.

Sed, qui sic ratiocinatur, calum terræ miscere conatur. Scimus enim primis Ecclesiæ temporibus clerum superiorem cujusque Civitatis coaluisse cum Episcopo, & non solum ad spiritalis, sed etiam temporalis administrationis munia vocatum. At communi non utebantur domo, nec mensa, uti nec modo, sed in communi possidebant res omnes Ecclesiæ, quarum partes singulis distribuebantur, itaut cujusque necessitatis, ordinis, & laboris ratio haberetur. Inter se vero devinctissimi erant, & Episcopo clerici majores eo continebantur nexu, qui necessarius erat, ut de temporali, spiritalique administratione eis conveniret.

Nunc vero quoad utrumque desit hæc conjunctio. In illa tamen erat præcipuum, quod spiritalia potissimum attingebat, cum Ecclesiæ indoles a temporalibus abhorreat, nec ea nisi in necessarios, aut utiles usus assumat. Interea videamus, in qua ministrorum classe illa mansit, manebitque Episcopi cum presbyteris conjunctio. Qua quidem in re aut nullam nunc esse conjunctionem Episcopi cum presbyteris, aut in Parochiis urbanis hanc servari affirmandum est. Illud etiam adde non posse hujusmodi conjunctionem cum Episcopo servari, si abstrahatur ab Animarum cura. Cum enim unum Episcopi negotium sit Animarum cura, sit hinc, ut quicum Episcopo non colligit, dispergat. Nos vero hinc Episcopum intelligimus, non aulicum, non equitem, non aliis ἀδικοῖς ἐπαγματοῖς implicatum, cujusmodi Episcopo nullum adhærescere volumus, nisi

nisi qui in memorato opere illi manus porrigat auxiliatrices : quo ad cetera vero adhærescentem non curamus . Etenim , dic sodes , quomodo poterit in unum , corpus cum Episcopo coalescere ille , cui nihil cum Animarum cura ? Cujus aliæ omnino , & toto celo diversæ vi sui ministerii sunt partes ? Immo quomodo non spuria membra illa , quæ nihil in unicum , ad quod destinantur , influunt ministerium ? Quave arte aliena hæc illi inferes corpori ?

At dices : Parochi agrestes curam Animarum habebant , & tamen Presbyterio non accensebantur . Stultus , qui sic ratiocinatur , cum longe seposita , & disparata in idem coarctet punctum , & quod consonat cum eo , quod dissonat , inconcinne connectat , unde incompositam , confusamque vocem emittat : & quidem licuit Theologo nostro Presbyteris Constantinopoli degentibus tanta tribuere pag.46. stricte accipiendo salutationem illis impertitam ab Ephesina Synodo , qua *Comministri* , & *membra Concilii* appellantur . Erant , ait ipse , *hi presbyteri membra Concilii non actu quidem , nam a Concilio aberant , ergo jure , locus quippe quem in Hierarchia obtinebant , jus illis certe tribuebat , ut cum Episcopis adessent , & judicarent* &c. Quanta nostri Theologi benignitas ! Et non licebit idipsum sensu , de quo agitur , ad rusticos illos Parochos transferre ? Nimirum erant a Presbyterio in hoc sensu . Non erant , quia non de illa communi Mensa alimenta percipiebant , sed suæ ab illa Ecclesia , cui erant affixi , sacræ militiæ stipendia merebantur . Quapropter opere Episcopatus proprio , quod est

Ani-

Animarum cura, erant illi maxime Episcopo conjuncti.

Quod si Thomassinus ex Neocæsar. aliisque vetustis monumentis eminentiam presbyterii urbis supra hos agrestes presbyteros late persequitur, id non mirabimur; quin nostrarum in confirmationem rerum jure vocabimus, Parochorum urbanorum supra dioecesanos dignitatem exinde asserentes. Eos etenim, qui probitate, & sapientia magis præstabant, Episcopi seligebant, quos urbanis Ecclesiis præficerent, eos vero, qui minus præ illis erant conspicui, rusticanis oppidis addicebant, quos tamen proficientes, & majoribus virtutum incrementis adauctos in Ecclesiam Matrem revocabant, Presbyterioque urbano accensebant. Vides id apud Cyprianum in Victricio Presbytero.

S U M M A R I U M.

Discutitur horrenda assertio Theologi nostri, quæ opponitur omni juri.

I. **N**on obiter rem transeundam, nec surda aure excipiendam (quæ verba sunt Cyni) proponit nobis Theologus noster. Equidem παρὰδοξα audiivi multa; at hoc nullum neque audacius, neque impudentius. Et nisi foedis quibusvis, stultis, indignis, & ἀλόγους in hac miserrima temporum conditione obcalluissemus, rigidum in lapidem (novum fabulis argumentum) verteremur. Exhorrescat atramentum, ac pudore charta suffundatur, dum exscribo, quod habet hîc pag. 88. Theologus noster: *Nihilominus tamen*, sunt ejus verba, *ut ut Canonici illo Animarum curandarum onere peculiari levati fuerint, adhuc tamen Paræciarum totius Diœceseos eminenti quadam ac generali sollicitudine, ac regimine, eo nimirum, quo Episcopus ipse tenetur, una cum eo ex vi sui ministerii obstricti, devinctique sunt.*

Quamvis ex his, quæ sparsim disputavimus hactenus, refutatum sit evidenter paradoxum hoc, tamen antequam ad alia progrediamur, satius duxi hîc inanitatem absurditatemque malefanæ doctrinæ luculentissime demonstrare. Qua in re desideramus hîc solitam Thomassini (a quo Noster exscripsit) prudentiam. Ergo dicat Thomassinus hæc tam magna, & splendida quibus tamen testimoniis confirmantur? Inducitur nova interea politia juri Naturali, Divino, & Ecclesiastico

re-

repugnans, & præpostero ordine Ecclesia, quæ est, ut castrorum acies ordinata, in maximam (quod absit) confusionem impellitur.

Et primo quidem juri Naturali repugnat illa politia; enimvero parochum ut suum parentem Canonicus venerari debet, quippe abs quo Baptismum recepit, quique ipsum in Christo parturit. At non erat tunc Canonicus inquis. Ostende per Canonicatum hac obligatione liberatum fuisse, ostende per Canonicatum hæc adeo arcta caritatis, obsequii, reverentiæ vincula fuisse dissoluta. O Canonici vos nobiles, nos autem ignobiles, vos divites, nos pauperuli. At respicite petram, a qua estis excili, & cujus ministerio id actum est; mementote ubi, & per quorum symbola, & testimonia ad minores, majoresque Ordines ascendistis, & vos si, quod absit, superbia pertentet, reminiscamini, quid futurum sit in vestris novissimis diebus, quem invocetis, qui SS. Viatico vos reficiat, & Extrema roboret Unctione?

Nec quis importunus reponat! & tu, Paroche, non accipies hæc eadem a simplici sacerdote tibi substituto? Accipiam, si lubet, alias advocabo presbyterum Venafranum, Monachum album, vel nigrum, quo ministro utar, cum SS. Viatico reficiendus, cum inungendus ero: age hoc, si potes, tu Canonicus? Exclude, si placet, Parochum tuum?

Deinde pone decimas Parochis, ut Ecclesia præcipit, persolvendas. Quid? Non solves tu, Canonicus? & tamen ex hoc capite longe majorem sacerdotii Melchisedechiani supra Aaronicum sacerdotium præstantiam, & dignitatem luculentissi-

tissime Apostolus ad Hebr. arcessit; quia Aaron in lumbis Abrahamæ decimatus fuerit, et si quid præterea quæris, quod te Parochialia jura edoceat; de avaritia quoque Canonikorū admoneat, adis pulcherrimam Bonifacii VIII. Constitutionem relatam Cap. AD DECIMAS Restit. Spoliat. in 6.

Adversatur etiam Juri Divino; nimirum pluribus Theologus noster contra Bellarminum supra demonstrare conatus est presbyteros (& magis eos, quos Parochos dicimus) 72. Discipulorum esse successores. Ergo Parochi divina se missione tuentur. Tantus illis nativæ dignitatis splendor affulget. Possunt ne, amabo te, de hoc Canonici, quod tales sint, gloriari? Sed non expedit in eorum originem hîc inquirere. Quid? Audeto quicquid Græcia mendax audet in historia, nunquam tibi simile somnium felix immittet *φωταία*.

Ea tandem assertio refragatur juri Ecclesiastico; namque Ecclesia, quæ Sacramentorum vinculo colligatur, ac dives tanto thesauro gloriatur, & se Filii Dei unicam probat sponsam (extra ipsam enim Sacramenta non sunt, & quæ extorres ministrant, ab ipsa furati sunt) ea Ecclesia, inquam, Sacramentorum, quæ omnibus Fidelibus communia esse debent, ministrationem, veluti Parochorum provinciam, iis demandavit. Hinc baptizet, si placet, filium fratris sui Canonicus Parocho invito; connubialia fœdera inter filiam fratris, aut sororis suæ, vel sororem suam, & alium virum, ut Ecclesiæ minister (sine quo matrimonium non constat) conciliet, firmetque reluctante Parocho. Sed si stet ei sententia hæc
pera-

peragere, supplex Parochum opus est adeat. Hui! Superior inferiorem?

Cum ergo omni juri adversetur assertio Theologi nostri, tota absurda est, & ejus inanitas evidentissime patebit ex seqq.

§. V.

S U M M A R I U M.

1. *Infirmi sunt, quæ ex Hincmaro Rhemensis profert Theologus noster.*
2. *Ex Aldrici Episcopi Senonensis, & Gerardi Cadurcensis frigide argumentatur Theologus idem.*
3. *Quæ ex Christianæ humilitatis Spiritu SS. Præsules gesserunt, non sunt in veritatis dispendium detorquenda.*

A pag. 90. ad 94.

1. **P**OSSEM impune prætermittere ea, quæ ex verbis, aut factis quorundam Episcoporum fuscè in rem suam derivat Theologus noster, cum non universalis Ecclesiæ illa usum, vel προξεν probent, & bona mens alicujus Episcopi suscepta in egregios, & sanctissimos (si fieri potuit) Canonicos de suo jure multum eum decedere siverit, ut in illos uberrime favores, gratiasque contulerit, aut potius vel alterius imbecillitas præfulis hinc, inde Canonicorum sagacitas (avidissimum semper genus illud, quod ex ipso Nostro hic dignoscitur) usurpatione pessima, quæ Episcopi

scopi erant , ad Capitulum trahendi opportunam occasionem præbere potuerint . Ne tamen ea , quæ tanto labore Theologus colligit , spernere videamur , ipsis brevitate , qua fieri potest , maxima , satisfacere aggrediamur .

Inducitur primum Hincmarus Rhemenſis Archiepiſcopus , qui omnia ad Eccleſiæ ſuæ adminiſtrationem ſpectantia Canonicoꝝ conſilio tranſigebat ; *idque doctiſſimus Hincmarus ; quia probe callebat Canonicos eſſe Episcopii Senatum :* religionis huiusmodi Hincmarianæ luculentiffimum profert ſpecimen , *quod cum Abbas nescio quiſ Eccleſiæ fundos ad cenſum ſibi concedi poſtularer , hoc negotium de communi Canonicoꝝ conſilio expediendum cenſuit ſapientiſſimus Archiepiſcopus .*

At ſi quæ excelsa , quæ vere magna , & ſublimia de Parochorum dignitate affert Hincmarus , conferantur cum his , quæ ab eodem pro Canoniciſ colligit Noſter , immane quantum hæc congelacient . Verum ego hominem hunc ut pro Parochis loquentem non curo , ſic nolim , cum de Canoniciſ agit , mihi negotium faceſſat , cum nullum nec dictis , nec factis ejus pondus arbitrer ineſſe . At tu , eruditiffime Vir , noſti Hincmarum ? *Sic notus Ulyſſes ?*

Hincmarus ut ingenio , & juris peritia nulli ævo ſuo ſecundus , ſic ambitione , & ſuperbia ſuprà omnes eminens jura , conſtitutiones , conſcientiam ipſam , & cuncta alia ſuis inſervire ſemel ſuſceptis ſtudiis , & cupiditatibus adigebat . Hic , qui & Summi Hierarchæ ſummam auctoritatem flocci habebat , & nefario auſu juſtas , & legitimas ad Sedem Apoſtolicam appellationes

N

ini-

iniquis molitionibus interturbabat, hic, inquam, religione tanta Capituli sui iussa, consilia, nurus excipiebat? Qui fratris sui filium Hincmarum nomine Episcopum Laudensem, acerrimi ingentis virum, Romanam Sedem iusta de causa appellantem, tam male habuit, ut Laicorum Tribunalium sævitiae opera sua objectum, & per asperissima quæque traductum, oculis (tormenti genus) effossis, miserrime diem supremum obire coegerit, & pro mortui requiete (vide hominis ὑποκρισις) parentalia indixerit, & sacrum ipse multis diebus peregerit. Res non ignotas invado. Nec me iniquum nimis Hincmaro queraris. Ab his enarrandis se non abstinuere ipsi Hincmari laudatores Gallicani historici.

Inter hos convenit Hincmarum Rhemensem Archiepiscopum totum secularibus negotiis occupatum, Ecclesiasticis muneribus, & iis, quæ Episcopalis erant provinciæ, non impigram omnino operam navavisse. Quid frequentissimæ illæ per Regia Tribunalia cursitationes? Quid aulicorum prensationes? Scimus quanta auri vi locus in Regia ipsi patere debuerit; & tamen quid iterati Africanorum edictis conciliorum hac de re cautum fuerit, ipsi non latebat. Hic est Hincmarus ille, cuius effusam in Canonicos suos libertatem, dimidiumque regiminis translatum magnifice extollit Theologus noster.

Sed quid tandem istud? Scilicet noluit Abbas cuidam fundos Ecclesiæ ad censum concedere Canonicis inconsultis: nempe hoc totum? Quid si illi fundi de mensa erant Capitulari? vel communes Episcopo cum Canonicis? Quid si v. ferrimus homo invidiam, odiumque Canonicorum apud

apud abbatem illum, & monachos voluit conflare, cum Canonicos semper infestos Episcopo omnis tradat antiquitas? callidi hominis facta semper aliquid habent reconditi: ludum aliquem ludere volebat Hincmarus, & specie hac honoris Canonicos sibi conciliare, & promereri; etenim clamaſſent alias Canonici: Regiam liberalitatem in cathedralem, & Canonicos splendida fundorum donatione collatam Præſulis improbitate, inconsulta venditione, cenſu, locatione labefactatam.

Sentit imbecillitatem argumenti Clarissimus Noster; hinc firmiora attexit: *Sed res* (sunt ejus verba) *longe gravioris momenti, ut quæ spirituales spectarent disciplinam, cum eisdem communicatas volebat. Eos igitur certiores fecit de canonicis duobus, qui ceterorum deseruerant societatem, utque eos benigne acciperent reſerſos, admonuit. Eadem humanitate utendum scripsit etiam erga Adelgandum Diaconum, pro quo rem etiam Ludovicus precatorias ei per eundem direxerat.*

Mentio Regis hic injecta valde me in ſententia confirmat. Totus aulicus Hincmarus Judaismum ipsum, ipsamque idololatriam Canonicis, illique Diacono quam libentiſſime indulſiſſet, ſi Regis acceſſiſſet commendatio. Credo, quod ſocios illos deſeriores pientiſſimi Canonici detrectabant redeuntes accipere eo, quia erant illi delictorum colluvione polluti. Quis igitur eorum reditum non exhoruiſſet? Aulicis ergo quoad Canonicos, Regi quoad Diaconum obſecuturus Hincmarus ſic Canonicis, bonis utique viris, illudit. Poterat ipſe

solus iniquitatem tantam bibere; at in partem venenati poculi Canonicos vocavit. Et de Hincmaro satis.

2. Profert deinde Doctissimus noster Aldricum Episcopum Senonensem, mox Gerardum Episcopum Cardurcensem religioni sibi ducentes aliquid in ecclesiarum suarum negotiis moliri præter Capituli, Monachorum, quin & Laicorum consilium, & sententiam.

Video nihil amplius Canonicis tributum, qui coæquantur monachis & laicis. Sed hæc quorsum proferuntur? Ergo ne Christiana humilitate insignes Episcopi, qui ex Sapientis eloquio præcipientis, ut nihil sine aliorum consilio aggrediamur, Episcopi, inquam, consilia communicantes cum presbyteris, qui prudentiores aliis videbantur, idque, quando ipsis placebat, qui presbyteri canonici vel non esse poterant, praxim regulamque constantem in Ecclesia figent, ut nefas sit Episcopos hodiernos aliorum consiliis uti, sed tantum canonicos rogare, & consulere debeant?

3. Ubi auditum est ea, quæ a modestia, & caritate proficiscuntur, his, qui virtutes illas (utinam non raro exemplo) exercent, detrimentum posse ingenerare? Novimus quid Episcopalis modestia sibi vindicet. Utinam visibile Jesu Christi Regnum in caritate fundatum ejusdem caritatis semper vehiculis, molibusque per eos, a quibus debet, regeretur! Quot damna ex nonnullorum superbia prælatorum in vestra in Ecclesiam! Nollem multas esse civitates, quæ lacrimabili casu ea non fuerint expertæ! Ceterum, quid exinde queat extundi, non video.

Intentabit alias Summo Pontifici litem Raven-

vennatenſis Antifteſ, & de Primatu contendet, quia Alexander III. ſic Ravennati Epifcopo ſcripſit: *SI QUANDO aliqua tuæ Fraternitati dirigimus, quæ animum tuum exaſperare videntur, turbari non debes. . . . Qualitatem negotii, pro quo tibi ſcribitur, diligenter conſiderans aut mandatum noſtrum reverenter adimpleas, aut per litteras tuas, quare adimplere non poſſis, rationabilem cauſam prætendas, quia PATIENTER SUSTINEBIMUS, ſi non feceris quod præva nobis fuerat inſinuatione ſuggeſtum, Cap. V. Reſcript.*

O dignam Pontificia Majeſtate vocem! Miſeram (quod de Summo Pontifice vere magnus ſummus Pontifex Adrianus VI. dictitabat) prælatorum vicem! Quot dolis, quot technis callidi perditiffimi viri in hos agunt? Ubi errorem deprehendent, corrigant, nec indecorum ſibi putent, ſi frequenter dictum ſuum retractent. Non erubere ſapientiſſimi ipſi legumlatoreſ (& , quod magis mireris, ethnici ipſi) id, ubi opus eſſet, efficere; quanto magis Epifcopus, qui Chriſtianæ humilitatis vi ſui muneris magiſter, & doctor eſſe debet? Attendant hi ad Cap. V. De Reſtit. in Integr. Præſertim (ſic illud) *quia ſententia Romanæ Sedis non negatur in melius poſſe commutari, cum aut ſubreptum aliquid fuerit, aut ipſa pro conſideratione rerum, & temporum, ſeu gravium neceſſitatum diſpenſatione quicquam ordinare decrevit. Et ſecundum jura civilia Principes etiam contra res bis judicatas in Auditorio ſuo reſtitutionem in integrum permiſerunt. Perſpeximus quoque ex data ſententiæ in*

registro dicti Eugenii Papæ reperta, quod primo mense sui pontificatus fuerit promulgata, quando non plene de meritis ipsius causæ videbatur INSTRUCTUS. Hæc Innoc. III. quantus Pontifex! De hoc jure dixeris, quod omnia jura in scrinio sui pectoris asservabat.

Hæc autem propterea commemoravi, ne quis existimaret me adeo dementem, qui negem Episcopum egere consilii; vel adeo improbum & invidum, qui Canonicos velim amotos; imo hos primum, modo aptos nanciscatur, adhibeat Episcopus, contra irruentem quoque superbiæ vim hoc munimine Prælatorum pectora obarmasse non fuerit omnino inutile.

S U M M A R I U M.

1. *Quæ Theologus noster urget ex Episcopis agentibus cum Congregatione Cleri, Parochorum causam juvant.*
2. *Episcopi, qui instar Monasteriorum Diocesim gubernabant, non hic incommo-
dant.*
3. *Quacumque ex parte in antiqui, vel mediævi monumenta oculos conjicias, semper victrix Purochorum causa.*

A pag. 94. ad 97.

1. **M**irabilis est Tractator noster, cujus imis in medullis Canonorum amor infedit, quique adeo hæret in horum contemplatione in uno hoc obrutu mentem defixam tenens, ut quemadmodum ille in fabulis; *¶ Solem geminum ¶ duplices se atrollere Thebas* videbat, sic ipse hos solum in toto Clero cernat, alium præterea nullum neque in cælo sursum, neque in terra deorsum sacerdotem agnoscat, quasi omnes, & omnia unus absorbuertit canonicatus. Quocirca sicubi occurrit sibi legenti CLERUS, solos Canonicos dictos putat, si CONGREGATIO ECCLESIE nominatur, jurat solos illo nomine Canonicos intelligi. Uno verbo: *Suppiter est quodcumque vides, quocumque moveris.* Vellemus pressiore illius vocis significationem. Ecce namque Monachos in claustris sub Abbatum regimine viventes Canonicis

accenset : vocat etiam canonicos Clerum Augustino adjunctum ; inde ab Hincmaro , qui floruit seculo IX. & a Gerardo anno 1090. recurrit ad Alipii , Augustini , aliorumque Africanorum Episcoporum tempora , nulla variantis disciplinæ habita ratione , nullo temporum delectu , cum alii aliis temporibus mores invaluerint , rursus , & eodem tempore diversi mores pro regionum diversitate : commemorat quoque epistolam Cleri Parisiensis ad Guenilonem Metropolitam consentientem *πράξει* Alipii , & Augustini , scilicet Africam cum Gallia connectit , & quasi novum quid exhibeat illa epistola , urget jus Canonico- rum in electione præsulis , quia clerus Parisien- epistolæ auctor est . *Clerus autem ille quis nisi Capitulum ?*

Quis nisi Capitulum ? Inscriptio epistolæ huiusmodi est : *Clerus matris Ecclesiæ Parisiorum, O Fratres cænobii S. Dionysii , ac S. Germani, O B. Genovesæ , ac Fossacensis , diversorumque Monasteriorum unanimitas*. Hui quot Canonico- rum ! Ipsa multitudo vilitatis est argumentum .

Sed infirmis hisce argumentis en aliud decretorium succedaneum , quod & jugulum petit , & de nobis plane conclamatum ostendit ; scilicet Elnensis Concilii anno 1065. edictum caussas ad Episcopi , & Canonico- rum iudicium rejicientis : *Querela ad Episcopum, vel ad ejus Canonicos fiat*.

Quid si hic totum concederem ? An exinde aliquid detrimenti in Parochorum inveheretur dignitatem , & Canonicis hoc munere decoratis aliquid splendoris accederet ? nihil alienius .

Nimirum fuerunt semper alienæ a spiritu Ecclesiæ contentiones , & querelas nonnisi cogente

ne-

necessitate per improbos scilicet mores illatas suscipit illa, pro iis iudices constituit, sustinet, patitur; ejus tamen in his animus non est. Utque Christus familiæ herciscundæ judicium inter duos fratres collitigantes detrectavit; & illa refuge-re vellet tam ecclesiasticos inter se dissidentes, tam laicos querelas adversus ecclesiasticos apud ipsam Ecclesiam instituentes. Quid mirum, si hoc forense ministerium (rem ceteroqui nimis vilem, & abjectam, si ad sacerdotales functiones spectes) Elnense Concilium in Canonicos inferioris utique notæ sacerdotes rejecerit? Et loquimur de strepitu judiciario; maxime autem honorificum, & ab Episcopali dignitate non alienum dissensiones amice componere, & hoc sensu accipimus Elnense, dum ad Episcopum querelas jubet deferri.

Ast fuerit illud honoris indicium, & prærogativa Canonorum argumentum; obtinuit ne idipsum ubique? Ego miror sic Theologum nostrum hæc levicula suspicere, cum videamus his multo majora sequentibus seculis invecita; nam non desert Episcopus Vicario Generali (qui & Clericus esse potest) totum contentiosum Tribunal? Quid interea? Et miraris, si Elnense Canonicis, utique sacerdotibus, partem opere in illo tribuerit?

2. Sed quoniam multi Episcopi ex Monachis assumpti in Cathedrales Ecclesias Canonicos Regulares inducebant, & regularem formam, cui in Monasteriis assueverant (ubi cum consilio, & consensu Capitularium res quæque transigebantur) adhuc vellent servare, hinc effusioris liberalitatis in Canonicos illos argumenta per eosdem Episcopos

pos collatæ conspiciamus : proinde mirari non debemus , si audimus interdum Canonica auctoritate gestum , quod illorum prævio consilio , & consensu fuerit expeditum .

Quid si laici etiam ad ecclesiasticos advocarentur conventus ? Ipse Theologus pag. 92. inducit Aldricum Senonen. *Episcopum censentem nihil de Ecclesiæ suæ statu immutandum præter Capituli sui , imo & Monachorum , ipsorumque etiam Laicorum sententiam*. Hæc longius deducere esset operam abuti , nec nobis curandum , quomodo inter hunc , vel illum Episcopum cum suo Capitulo res se habuerit , cum quisque paterfamilias domi suæ sit moderator , & arbiter , cui modo de jure suo decedere , modo illud persequi integrum sit .

3. Quod tamen me movet , ut in incœpto persistam , quodque facit , ut veluti murum aheneum omnibus objiciam , nec morer Hincmarum , Gerardum , Monachos albos , vel nigros , omnesque , quorum mihi præceptiones , exemplaque , mores , & instituta Theologus noster repræsentat , illud est , sanctum Jesu Christi Evangelium perpetuo in Ecclesia custoditum , ad quod magis , quam ad lydium lapidem , cuncta velim explorentur . Video in hoc summum Pastorem suo cruore oves detergentem , & pro illis animam suam libentissime ponentem . Cerno præterea eundem ad cælos ascendentem , ac Petro , futurisque hujus successoribus ovium curam commendantem : *Pasce oves meas* . Video quoque a Spiritu S. constitutos Episcopos , qui Pastores & ipsi gregem , qui eorum disciplinæ traditus est , regant : *Pascite , qui in vobis est , gregem Dei* . Petr. I. Cap. ult.

Quam

Quam præclarum hoc nomen ! Arbitror, si qui sunt, quibus aliqua beatissimæ illius Provinciæ quantumlibet minima sortitio obtingat, hos naturali, & indivulsa cognatione cum summis Pastoribus copulari, iisdemque pro modulo suo, atque illos sollicitudinibus, periculis, laboribusque distineri. Hos sub quacumque veste, & nomine mihi obtrudas, illos ego semper dicam esse, quos quarimus, Presbyteros, illosque duplici honore dignos clamabo.

Quapropter ostende Seminaria, indica Collegia; coalitæ, vel disjunctæ communionis cum Episcopis propone tempora, percense etiam privilegia, exceptiones commemora, sine me tamen perquam diligenter scrutari, in quibus eximium illum Pastorum deprehendant characterem, quibus nunquam Ecclesia caruit. Si in Seminaria, & Collegia Clerus aliquibus temporibus fuerit compulsus, ibique cum Episcopo communis vitæ vixerit societate devinctus, scito, quod ex his, qui probitate, doctrina, & zelo insigniores videbantur, hos Episcopus difficilioribus rebus gerendis, vel socios secum educebat, vel ut duces mittebat; atque hi erant illi, qui ab ipsis Ecclesiæ incunabulis duplici honore, Apostolo iudice, digni habebantur.

Dum ergo audis honorifica Episcoporum de Canonicis iudicia, ne animum subeat vana, & prorsus inepta, & SS. illis Episcopis indigna nimium persuasio, tanto honore cumulos desides, & fruges consumere natos presbyteros, oculos animumque potius intende in id, quod presbyterii substantia est, Animarum scilicet curam. Hæc (quod nunquam monere desinam) statim sit

fit, quæ pondus, & pondus æqua lance libret: Hi qui in partem sollicitudinis sunt vocati, qui divina sunt Missione conspicui, quibus grex Christi pascendus traditur, hi profecto illi, quibus principem post Episcopos locum nec ipse injustus Catilina denegabit.

Et quoniam a conjunctione Canonicorum cum Episcopo robur causæ suæ arcessit Noster, & jura non violata ex Canonicorum ab Episcopo conjunctione nititur evincere (felicem sortem Canonicorum, quam & Episcopi conjunctio fovet, & separatio auget, ut nescias, an beatiores censendi sint Canonici cum Episcopo conjuncti, an ab eo separati) tantisper hic in iis perpendendis immorandum.

Magna Episcopatus dignitas, de qua innuimus nonnihil supra, nunc autem, quod ad rem præsentem facit, leviter attingimus. Episcopos posuit Spiritus S. Ecclesiam Dei regere, quam ille acquisivit sanguine suo, pascere gregem, pro hujus custodia dies noctesque vigilare, mores corrigere, in Fide confirmare, lapsos erigere, populosque sibi traditos Sacramentorum, & unius ejusdemque doctrinæ vinculo colligare, ut unum sapiant omnes, ut sit credentium cor unum, & anima una, & uno verbo ea, quæ ad æternam salutem comparandam facere videntur, accuratissime moliri; in his omnibus celsi illius gradus sublimitas posita est.

Jam conjunctiores Episcopo illi profecto censendi sunt, qui divino judicio probante eorundem laborum, quos subit Episcopus, consortia suscipiunt, quibus non extraordinaria Missione oneris, aliquid additur, sed ex sui natura totum onus im-

imponitur, quorum eadem prorsus, ac Episcopi sollicitudines sunt, quorum quo periculosior alea est, eo major censenda virtus. Hi autem quinam nisi Parochi? Quos, etiamsi nemo docuerit, vides agnos missos inter lupos; expudoratarum mulierum, ebriorum, aleatorum (quid cetera commemorem?) agminibus obijciuntur; quibus panis doloris est paratus: qui noctem non amplius unam nec quiete possunt transigere: in hos omnium oculi coniecti; caveant, ne sacrum una die non faciant. Cur? quare? (oggannit popellus) Parochus hoc mane sacro se abstinuit? An quid turbatum domi? An aliquo se scelere obstrinxit? Deus immortalis! Quid si contagioso morbo aliquis corripitur? vae Parocho, nisi morboso leto illius aegroti, imo affixus humo, & ponens in pulvere os suum, si humi pauperculus moriens jaceat, donec expiret, hæreat, lapidibus obruetur. Quid plura? Sunt Parochi velut signum ad sagittam positi.

Est & aliud longe periculosius illis ex vi suscepti muneris certamen certandum. Egregie Tridentinum *onus Angelicis humeris formidandum* Parochiale munus appellat. Et Angeli quidem corporis expertes nulla carnis titillatione jactantur; at Parockum assiduis mulierum aditionibus inquietatum nullæ ne inhonestæ aggredientur illecebræ? Non hic (pudet enim) commemoro olentes meretricum fornices, per quos non infrequenter Parochus cogitur cursitare. Dic sodes, quam lata ad perniciem fenestra, quando nocte intempesta Animam agentibus hortator, & auxiliator accurrens seminudas virgunculas cum somno luctantes; mulieres male præcinctas, nec omnino
ad

ad pudorem compositas effugere non potest. Arcta fortasse res domi est. Cetera tenes. Numquam iniquius comparatam concertationem castitati arbitror.

Ad rem. An non Episcopi brachia, cor, oculos, viscera Parochos dices? Nunquid unum, Episcopalis ordinationis fastigio, & universali sollicitudine excepta, Parochus cum Episcopo? Quid aliud tanto molimine intendit Christus, nisi Animarum salutem?

Videamus quænam Canonikorū munera, quænam opere in tanto pars laboris. Me tacente æquus iudicet lector. Et quidem si muneribus & officiis dignitates æstimantur, satis demonstratum est, Parochos iisdem ac Episcopos muneribus onerari. Quomodo ergo non sunt juncti Episcopo? quomodo Episcopi Parochos non eos habebunt, quibuscum omnia, quæ se cura aliqua in Animarum regimine afficiunt, una communcent? Quomodo non una dispicient, cavebuntque, ne quid detrimenti Christiana capiat Respublica? Quare effusæ liberalitatis nonnullorum Episcoporum, quæ hîc a Theologo nostro commemorantur, in Canonicos collata pignora, ego arbitror eo spectare, ut adnexam Canonicatibus laboriosam Animarum curam his amoris significationibus Episcopi illi voluerint remunerari.

Ast quid dicendum de Canonicis Animarum cura spoliatis? Alia horum ratio. Vellem, ne memoria Theologo nostro excidat, quod ipse paulo ante monuit de contentionibus, jurgiis, dissidiis Canonikorū (otiosi profecto erant hi) cum Episcopis de exemptionibus, privilegiis &c. Optarem, ne extarent ista intemperantioris Ca-

no-

nonicorum ambitionis horrenda monumenta. O Canonici, vos ne illi UNUM cum Episcopo? Siccine in leoninam humanam illam societatem tanto foedere cum Episcopo initam vertistis? Pugnaſtis in viscera Matris vestrae, quæ vos Sponſo suo Episcopo Pastori adhærentem gregem eduxit. O Episcopi

Vipereo generi, & graviter spirantibus hydriſ

Spargere quis ſomnos cantuque manuque valebit?

Non bene ergo Canonicis creditur; nec fausto exitu in hos concessiones, & privilegia conferuntur. Egregia hinc Episcopis præceptio, quomodo se erga Canonicos gerere debeant, cum privilegia, & favores illis impertitos in sua ipsi damna verſos plerumque ſentiant. Nihil huiusmodi de Parochis in tota offendimus antiquitate.

S U M M A R I U M .

1. *Discutitur Alexandrina Constitutio , in qua tota Theologi nostri causa triumphat .*
2. *Hujus evertitur ab imo totum fundamentum .*
3. *Frustra Paschalis II. & Callixti decreta invocatur Theologus noster .*

A pag. 97. ad 98.

1. **I**Nflatis altius tibiis , omnibusque collectis viribus exultabundus aggreditur Theologus noster , quod omnium maxime urget , novoque eloquentiæ de singulis vocibus sollicitæ impetû susceptam causam propugnaturus se ipse excitans exclamat : *Age majori , qua possumus , diligentia rem exequamur .* Hinc decet & nos nihil eorum , quæ profert , dissimulare , vel prætermittere , quod ingenuus pudor vetat , & justitia exhortescit .

At principio non abs re esse ait *sapientissimi illius consilii meminisse Paschalis II. qui Compostellano Episcopo auctor fuit , ut tales sibi Presbyteros , sive Canonicos constitueret , qui digne valerent commissa sibi Ecclesiastici regiminis onera sustinere .* Subdit : *indivisam curam Episcopi , & Capituli præ oculis habens Callixtus II. vetuit , ne Archipresbyteri , vel Archidiaconi pro illorum temporum disciplina Clericorum ullum interdicerent Archiepiscopi , vel Capituli injussu.*

375.2

Affert

Afferit celeberrimum Cap. QUANTO his, quæ sunt &c. ubi Alexander III. scribens Hierosolymit. Patriarchæ ait: *Quod ipse Patriarcha & Canonici unum sunt Corpus, ut Ille caput, Hi membra censeantur, ideo non decere, ut Patriarcha omissis membris aliorum consilio utatur in Ecclesiæ suæ negotiis. Et quoniam ille Patriarcha sine consilio Canonorum Abbates, & Abbatissas (vide quanta de re agitur) destituebat, & instituebat, vetat id fieri sine assensu, vel consilio Canonorum suorum.*

Hæc est illa præclarissima Constitutio ALEXANDRINA, quæ prora, & puppis est egregio Tractatori nostro, quam ad ravim usque iterumque iterumque in sequentibus invocat; & ceteris omissis vide qualis, & quantus Pontifex est hic, qui decernit.

2. Hæc, quæ rem conficere videntur, si paulo diligentius inspicias, nihil ad rem facere æquus iudex affirmabis. Doleo ipsos clari nominis Canonistas sic Capitis hujus QUANTO magnifica verba stupuisse, ut ingentem exinde, qualem profecto doctissimus Assertor noster, in Capitula omnia cum Episcopalium jurium detrimento auctoritatem invexerint. Verum insignis hîc fallacia est, & Logico nimis indigna de Genere ad Genus transitio.

Hierosolymitanum Capitulum constabat ex Canonicis Regularibus, qui Mitra, & Baculo utebantur, & PRIORES vocabantur; hi ex suo gremio Archiepiscopum, seu Patriarcham velut Abbatem sibi eligebant, & ad normam Monasticarum Constitutionum Ecclesias Monasterio suo subjectas regebant, quibus Prioribus, seu Canonicis servan-

O

da

da erant sua jura , cum id S. Benedicti regula satis cautum sit . Patriarcha ille non omni ex parte spectatæ probitatis cum constitutos fines esset prætergressus , jure a Pontifice ad officium cogitur , & ad Fratres in consilium adhibendum damnatur .

Dixi : Patriarcham illum non omnino fuisse spectatæ probitatis, nec illi calumniam stuo: ipsi enim ibidem inter alia approbat Pontifex : *In Privilegiis etiam, quod tuam dedecet honestatem, ad majorem auctoritatem, & certitudinem nomina Fratrum tuorum, qui absentes fuerint, tanquam si præsentem fuissent, facis subscribi. . . Et tu exinde quæstionem falsi poteris non immerito formidare.*

Quid autem ex his extundi poterit pro Canonicorum nostrorum mirifica illa , & tanto strepitu decantata Capitis cum Membris compagine? Da alterum hujusmodi Capitulum aut esse , aut fuisse , & nos tibi Capitis cum Membris necessariam conjunctionem ultro fatebimur . Enimvero non habemus hic , nisi bene ordinatum Monasterium ; & Abbatis cum Prioribus individuum , quoad regimen , Ecclesiarum subjectarum conjunctionem , quod peculiaribus Ordinibus illius Constitutionibus firmabatur .

Nihil autem hic de cerebello nostro confingimus . Exploratum enim est , & inter eruditos congruit Patriarchalem Hierosolymitanam Ecclesiam a prima sui Institutione ex Clericis Regularibus fuisse conflata , quod liquet ex Cap. DILECTISSIMIS XII. Quæst. I. præterea in eadem Ecclesia sequentibus seculis observata fuit Regula S. Augustini , ut ostendit Pennotus Lib. II. Histor.

Can.

Can. Cap. 41. Quod hausit ex Cap. 58. veteris historiae Orientalis, cuius haec sunt verba: *Patriarchalis siquidem Ecclesia, quae est Dominici sepulcri sub Monte Calvario Canonicos habet Regulares secundum habitum, & regulam B. Aug. viventes; habent autem Priorem, ad quem cum dictis Canonicis pertinet eligere Patriarcham, qui est illis loco Abbatis. Quod idem testatur Philippus Novarius Lib. III. Chron. Cap. 14. Habet insuper praedictus Patriarcha Abbates, & Priores sibi subiectos, insignia Pontificalia, baculos, & mitras, annulos, & sandalia ex privilegio dignitatis habentes, Domino Patriarchae in ministerio reverenter assistentes.*

Quibus relatis subdit Gonzalez Comment. in Cap. NOVIT num. 4. ibid. (quod est ad eundem Patriarcham, estque ejusdem Alexandri III. & unum erat cum hoc Cap. de quo agimus, & ignoramus, cur eadem Decretalis fuerit in duas divisa) *& temporibus Godofredi, qui Hierosolymam de manibus Saracenorum recuperavit anno 1110. instituta seu ibi restaurata fuit Congregatio Canoniorum Dominici sepulcri, ut late refert Pennotus Lib. II. Cap. 67. Ex quibus apparet recte Alexandrum III. in praesenti decrevisse Patriarcham ipsum Hierosolymitanum caput esse, Canonicos vero S. Sepulcri membra, atque ideo illis inconsultis non debere Patriarcham Abbates, & Abbatissas in monasteriis ipsius Congregationis instituere, seu destituere, ceteraque eis disponere. Atque ita satis credimus factum Alexandrinæ Constitutioni in duas Decretales ibidem divisæ, scilicet in Cap. NOVIT 4.*

His quæ fiunt &c. & in Cap. sequens QUANTO.

3. Triariis deletis fugientes Velites nullum facessunt negotium. Et quidem infirmum est quicquid ex Paschalis II. primum, deinde ex Callixti II. Decretis in suæ Causæ patrocinium arcessit Theologus noster. Horum primus Compostellano Episcopo auctor fuit, ut *tales sibi presbyteros* &c. Quære supra: Alter, *Ut nemo interdiceret*. Ibid.

Quis non videt Paschalem ibi in Parochos digitum intendisse; dum enim meminit Presbyterorum, qui valeant Ecclesiastici regiminis onera sustinere, cumque onera ista potius, Parochi, quam Canonici, ut nude Canonici, sustineant, jam liquido constat illo affici honore Canonicos Curatos. Quænam quæso sunt onera ecclesiastici regiminis? Ego nulla alia agnosco præter illa, quæ Christus constituit, scilicet Verbi Divini prædicationem, Sacramentorum administrationem, sanctæ doctrinæ præceptiones. Hæc omnia Ecclesiæ judicio sunt proprii juris Parochorum. Quod si alia Ecclesiastico regimini vel favor, vel calamitas, bono ne, an malo omine, ad splendorem, an ad perniciem (meum non est judicare) adjunxit, ut equorum, & curruum, conviviorum &c. curam, ea non invitæ a Parochis ablego; sunt enim otiosæ vitæ consentanea, & a Parochorum ingenio maxime aliena.

Quoad Callixtum II. consulat semetipse Auctor noster, recognoscatque ea, quæ in I. Part. scripsit de Excommunicatione in incestuosum Corinthium ab Apostolo lata. Scimus quoque sequentibus temporibus magna cautione Ecclesiam
semper

semper usam in acerrima illa sententia Excommunicationis infligenda; etenim Clerum coadunatum cernimus, ut communi consensu ad executionem deveniretur; ne odium aut privatæ ultionis studium sibi aliquid in illo rigore vindicare viderentur. Explorata sunt hæc, neque nobis ad alia properantibus morasnectere debent, maxime cum supra late de hoc disputaverimus.

§. VIII.

S U M M A R I U M.

1. *Burdigalensis Concilii Sanctio non confirmat sententiam Theologi nostri.*
2. *Pientissimi Cardinalis Poli iudicium quomodo, & de quibus Canonicis intelligendum.*

Pag. 98.

1. **C**onsentaneam Alexandrinæ Constitutioni, ut ipse arbitratur, Burdigalensis Concilii Sanctionem profert Theologus noster edicentem: *Declarat hæc S. Synodus præcipuam in ipsis Ecclesiis auctoritatem ad Episcopos pertinere, eosque consilio, & opera Capitulorum ac Dignitatum juvari ut membrorum capiti cohererentium, & obsequentium.* Attexit deinde: *doctissimum addo & SS. Cardinalem Polum in articulis Reformat. &c. dicentem: Cum Canonicatus, & Præbendas in Ecclesia instituendi ratio, & causa hæc fuerit, ut qui ad eas assumuntur, Episcopo assistant, eumque in munere sui functione consilio, & opera adjuvent, &*

in Divinis Officiis celebrandis Ecclesiæ inserviant.

An Burdigalense, & pientissimus Polus non idem dixissent, si in sermonem de Parochis incidissent? Profecto quo majori caluissent studio, si de Paro horum electione illis ad Episcopos habenda fuisset oratio! Majora quippe Parochis præ Canonicis imponuntur onera, ad graviora, & altiora illi vocantur. Horum sit attente, & devote horas Canonicas persolvere, quod & Carthusiani & litterarum expertes cœnobiorum secretiorum familiæ peragunt, illorum ars artium, scilicet Animarum cura, est propria provincia. Si ergo, qui ad minora eliguntur munera, tantam in Episcopo ex Burdigal. & Polo diligentiam, studium, sollicitudinem excitant, quanto majorem curam, & industriam ab Episcopo Parochorum cooptatio sibi vindicabit? Si de Canonicis, qui e Poli sententia, debent Episcopum in muneris sui functione consilio, & opera juvare, tam graviter pronunciatur, quid dicendum de iis, qui in eodem onere ferendo Episcopo manus porrigunt auxilia-trices? quæ si imbecilles extiterint, jam onus totum in Episcopum recidet, & ferendo impar hic sub fasce expirabit.

Sed nisi de Curatis Canonicis Polus loquatur, desideramus in ejus verbis solitam Poli prudentiam. Dicat quam opera Episcopum Canonici adjuvant? Loquor de regimine Ecclesiæ, extranea non moror.

At peracutus Theologus urget Burdigalensis decretum certus, quod si *præcipua* Episcopo ibi in Ecclesiæ regimine auctoritas asseritur, jam aliqua Canonicis relinquatur potestas, modo scilicet, quem ipse

ipse supra exposuit, exercenda. Quod enim est *præcipuum*, non est solum.

2. Verum si ad has angustias res sit deducenda invocabimus Grammaticos, adibimus Lexicorum Auctores, a quibus admonebimur vocem *Præcipuum* saepe sumi pro *Singulari*. Sic Calepinus, Facciolatus, & alii innixi testimonio Ciceronis Lib. II. ad Attic. *Quod negas præcipuum mihi ullum incommodum impendere*. Sed pudet huc esse deventum. Ceterum & Burdigal. & Polum loqui de Canonicis Animarum cura gravatis, ipsa eorum verba satis indicant. Quanam etenim opera Episcopum alias Canonici adjuvant? Grassetur pestis, morientes Episcopus pro Sacramentorum receptione Canonicis commendet: peream, si hi obtemperent; hinc videor eos audire regerentes hanc non esse suam provinciam.

Quid si peccatis nostris commerentibus huc maiorum ventum est, ut sacratiora ipsa Parochorummunia Canonici quidam ut contemtibilia abhorreant? Quæ monstrosa portenta alibi hisce oculis, hisce auribus hauri! Et piget commemorare. Tunc vero mentem intendens in illud Theodosianum: *Quantum discriminis Ambrosium inter, & Nectarium!* itemque revolvens illud Terentii: *Quantum homini homo præstat*, temperare mihi non potui, quin Capituli nostri Aversani iustissimas laudes & celebrarem, & prædicarem, exclamaremque: O pietas Aversani Capituli! Quantum discrimen inter hos, & Aversanos, Canonicos!

Doctissimus, & quem Bibliothecam ambulantem jure dixisses, Aversani Capituli non ita pridem

dem Decanus RR. D. Ferdinandus Fabozzo, cuius memoria in benedictione est, cum Simulacrum BB. Virginis pauperrimi Conservatorii, cui a Matre Dei nomen inditum est, annuæ supplicationis stata die circumgestaretur, ipse superpelliceo, & stola indutus Parochiali Parochi vice functurus Civitatem lustrabat ante SS. imaginem nunquam sic lætus, quam dum Parochialia munia exercebat. Vir ad omnem Christianam pietatem a sua pueritia egregie comparatus. Tantum RR. Averlani Capituli decus me hinc commemorasse non pœniteat.

S U M M A R I U M .

1. *An Capitulo sit aliquod jus in præmiorum largitione.*
2. *Iustissime deventum ad πρᾶξιν, quæ nunc obtrinet.*
3. *Mira confidentia Theologi nostri, dum in collatione Beneficiorum Curatorum urget Capituli potestatem.*
4. *Ex Constitutionibus Capitular. Aversanis sibi patitur illudi bonus Theologus noster.*

A pag. 98. ad 101.

1. **E**X generica differendi ratione in ipsas rerum species descendit Theologus noster, & refricans tria illa ab initio posita, quæ totam complectuntur Politiam, præmiorum scilicet largitionem, judicia, & pœnarum irrogationem, quæque duo alia comprehendit Legislationem, aggreditur demonstrare hæc ad Capitulum cum Episcopo pertinere. Expectabam hic lugubrem ejulationem, Nostrumque se ad lacrymas excitantem exordiri cum Tragico:

*Quis mea digne deflere potest
Mala? Quæ lacrymis nostris questus
Reddat ædon?*

At ille (grandis fiducia!) exultabundus suum Capitulum nobis pro Croëso obtrudit Irum, & a vetusta Ecclesiæ πρᾶξι, qua ab Ordinatione Beneficia non sejungebantur, argumentum desumit ad ostendenda Capituli jura in præmiorum largitione.

Tunc

Tunc quippe, ait, nullus inconsulto Clero iniuriabatur Ordinibus; quod perinde erat, ac nemini ad Beneficium, sive sustentationem, nisi de Cleri assensu aditum patefacere.

Quid inde, Doctissime Vir? Cedo. Cleri nomine intelligis Capitulum. Putabam nomine illo quotquot erant de Clero designatos, atque indicatos fuisse. Pugnas ergo pro toto Ecclesiastico Coetu. Dicis, quod a vetusta illa non discrepat, novissima hac disciplina. Oppositum cernimus, nam

Collecta vitia per tot aetates diu

In nos redundant; seculo premimur gravi.
Aurea disciplina illa non cadit in hodiernos mores. Difficilem in locum incidi. Imitari vellem Theologi nostri alacritatem, Sed quomodo?

Si buxos inflare velim, ferale gemiscunt;

Tympana si quatiā, planctum mihi tympana reddunt.

At Alexandrina Constitutio; at Innocentius III. a te relati? Sed vidimus quibus illi de Capitulis agant, quorum naturam velle ad nostrorum formam Capitulorum transferre, perinde esset, ac coelum terrae miscere. Tu ipse distractam iamdudum, & abruptam Episcopi cum Canonicis communionem frequentissime memoras: nempe membra a capite divulsa, communionemque penitus deletam cernimus ipsi: & ambitio, scilicet Medea illa corpus hoc in plures, quam Absyrtum illum, dispecscuit partes. Desine porro vetusta urgere, etenim: *Hæc fuerunt olim.* Quocirca clama: *Fuimus Troes.*

2. Igitur tu ingemis Canonicos deturbatos possessione. Atqui non Canonicos, qui nunquam illa
in

in possessione fuerunt, sed totum Clerum spoliatum dico; nimirum caritate frigefcente novam regiminis Ecclesiastici formam, necessitas ipsa non suavit modo, sed coegit omnino induci. Ecclesia namque est in caritate fundata; cui initium medium, finem regiminis dilectionem Christus constituit. Caritate ergo defervescente omnia ruerè, & retro sublapsa referri debuerunt. Quid enim jucundius vetusta illa Ecclesiæ facie? Videlicet Episcopi cum suis Cleris vinculo caritatis colligati, nihil his inconsultis moliebantur. Clerici dicto audientes; hinc Presbyterorum cor unum, atque anima una, & omnis domesticis dissensionibus aditus præclusus, & nullus ambitioni locus, cum unusquisque non quæ sua, sed quæ Christi erant, quæreret; cumque singulis, & omnibus publicum commodum, & communis utilitas proposita foret, erat illa optima profecto regiminis forma.

At caritate inde imminuta, cum ambitionis, & φιλαυτίας spiritus irrepsisset in Ecclesiam, tunc superbe imperatum, tunc omnia turbata: grassanti huic pernicipi boni ingemiscientes, minori malo, ut majus propulsarent, aequievere, & omnia, vel inviti, necessitate cogente a se ablegarunt, vel erepta non multum indolere. Hinc inter Pontificem & Episcopos fuerunt initæ transactiones circa Beneficiorum collationes, institutiones, resignationes; jure ne, an injuria? Jure dico, & quidem optimo; quis alias discordiarum finis? Quodnam esset cum pace, & quiete transactionum negotium? Inducant id, quæ utramque paginam implent in corpore Juris Canonici tot Decretales pertinentes ad Electiones,
Re-

Resignationes, Permutationes, Simoniam, ubi esse clarissimum argumentum nullibi magis, quam in his peccatum fuisse.

Scimus omnes quot clamoribus, contentioni-
busque singulæ ferme civitates personuere, cum
ad Vicarii Capitularis electionem fuerit devenien-
dum. Nimirum ultimos regni fines prætergressi
exteriorum tenus rumores illi caluerunt: Scimus
etiam cursitatum per Regia Tribunalia, nec non
& implorata potentium in aula patrocinia: audi-
vimus lamentabiles una contendentium ejulatus,
quiritantiumque ingentem sibi auri vim periisse.
Et quidnam magni in quæstionem adducebatur?
Ecquinam victoris fructus? *Ολιγοχρονιος* (mo-
mentaneus) dux, qui dum se expedit, dum curso-
res vocat, dum Monialium (humanissimum ge-
nus, & victori, quicumque ille sit, plaudere pa-
raturum) gratulationes excipit, abit dies, odium-
que sui in novum conflat Episcopum.

At finge electionem Episcopi ad Capitulum
spectare; Deus immortalis! tantæ innecterentur
moræ? tantæ objicerentur exceptiones? totumque
ageretur negotium adeo discordibus studiis, ut
nullo profecto civitas potiretur Episcopo? Hoc
non adeo ingens malum; deterius illud esset,
quod Cannensis cladis exempla renovata cerne-
rentur; quæ perpensa a nobis efficiunt, ut liben-
ter, imo hilari animo in præsentī Ecclesiastici
regiminis forma conquiescamus, nilque ultra quæ-
ramus; quandoquidem experientia Magistra di-
dicimus, quam gravis sit, quam tristis, & intol-
erabilis, quæ nobis a nostris irrogatur æqualibus
injuria: contra ea quam æquo animo quicquid
ab Antistite nostro de nobis decernitur sustineamus.

3. Agnoscit Noster (& quis non agnoscit ?) Episcopos Simplicium Beneficiorum collationem ad se traxisse . Verum addit : *In Beneficiis, quibus Animarum cura est adnexa, adhuc Capituli jura intacta manere.*

Quænam jura quæso ? Scilicet *Examinatorum Synodali electione, quæ nisi Capitulo probante nullam habebit firmitatem.* Teneo ; atqui Examinatores illi , qui non sunt de Capitulo (possunt enim ex Regularibus assumi) judicium ferent de Parochiæ collatione incio , vel invito Capitulo ; imo , ut rectius loquar , Episcopus incio , vel invitis , ipsis Examinatoribus , Parochialem conferet Beneficium , cum nihil aliud Examinatoribus sit relictum , nisi approbatos Episcopo præsentare , ex quibus Episcopus , quem volet , eliget . Quid , obsecro , collationi Curatorum Beneficiorum cum nudâ illa Examinatorum approbatione ?

Præterea : pone Episcopum male animatum in illo periculosa alæ negotio errare : finge lupum pro pastore ovibus præpositum , hærebit ne aliqua exinde in Capitulo labes ? Nulla profecto . Cur ? Quia nullus Capituli in electionem illam influxus . Est ergo hoc Nostri felix somnium simile illi , quod paulo ante eidem alacris immiserat *phantasia* profecta ex Glossa *clamante* : *Canoniarum in Ecclesiis Cathedralibus collationem ad Episcopum & Capitulum spectare.* Hoc quidem olim . At nunc ?

4. Verum ipse addit , se olfacere aliquid hujusmodi in Capituli Averfani Constitutionibus anno 1603. editis Bernardino Morra Antistite . Ibi Cap.VII. ubi DE QUALITATE RECIPIENDORUM
aurea

aurea hæc habetur præceptio : *Quia omnis Dignitas in eorum, qui cooptantur, qualitate nititur, accurate cavendum est, ne promiscue omnes, sed certi homines cum doctrina, tum morum integritate præstantes, quoad fieri poterit, deligantur, qui onus sustinere pro dignitate valeant.*

Quid nempe, exclamat Noster, attinebat Capitularibus Constitutionibus hoc caput infercire, si ad unum Episcopum pertineret Canonorum delectus?

O magne Vir sic tibi illudi facile pateris? At ecquando Averfani antistites non dico Canonorum consilium in novorum optione expetivisse, sed ecquando scire datum Canonicis quem in fratrum suorum numerum accipere deberent? At quid membranam occupat caput illud? Noveris Episcopum sibimetipsi egregiam ibi dare præceptionem. Lege & relege omnes Synodos, quam multa hujusmodi occurrent!

Sic habe: Nihil ex veteri Ecclesiæ disciplina quoad beneficia pro Canonicis tibi vindica, quia Clerus non constabat ex Canonicis, quales hodie habemus. Ignoti tunc hi Canonici. Totus ergo Clerus jure illo potiebatur. Nihil ex recenti disciplina. Id liquido constat ex Tridentino, cujus infra longa mentio, & clara demonstratio non fuisse veteris presbyterii jura in nostros Canonicos transfusa.

Quod si penitus animo infedit tuo periodus illa Capitular. Constitut. adspice Synodum nostram, ubi de Canonicis: hinc cernes hos, quos vocas Consiliarios Episcopi; & in quos rerum summam, baculo fortasse excepto [nam mitram
jam

jam cernimus] transfusam contendis; non posse, nili consulto Episcopo sacristam unum loco movere, quod magni imperii specimen recte dixeris. Taceo, quod si pro cujuscunque rei deliberatione Capitularis Canoniorum Congregatio sit habenda, id valde grave foret; nam vel ab Episcopo hujusmodi facultas esset indulgenda, & esset hoc tolerabile; at si a Vicario Generali, ut ibi decernitur, quantum non ferendum, nisi exinde vim Canoniorum arguas, qui ipsi Episcopo sint tericulamento.

S U M M A R I U M.

1. *Perperam Theologus noster Clerum, de quo in inflictione pœnarum jura meminere, ad solos Canonicos coarctat.*
2. *Rursus ex spiritu Ecclesiæ, & ineluctabili ratione evincitur Parochos longe eminere supra Canonicos.*
3. *Præscriptionibus inter se pugnantes Episcopi, & Canonici satis declarant, quantum fuerit a primævo Ecclesiæ spiritu discessum, & quanta exinde Parochorum gratia.*

A pag. 101. ad 104.

1. **U**Rget aliud Caput, quod est DE JUDICIIS, PŒNARUMQUE INFLECTIONE doctissimus Noster : invocat Africanum Canonem edicentem : *Nullius causam, nisi Clero præsentato ab Episcopo audiendam.* Addit, *similia constare ex Decretalium jure.* Præscribit enim, *ut Episcopi de criminalibus causis non cognoscant, nisi coram senioribus Ecclesiæ.* Iterum Alexandrinam tam magnifice supra commemoratam adducit constitutionem. Subiicit Romanos Pontifices idem semper urfisse, *Disciplinæ sollicitos, scilicet ut omnia de fratrum peragantur consilio, satis persuasos sapientiam in consilio habitare, ac nemini propriæ prudentiæ innitendum.* Exclamat [& optime] *quam sanctæ Præceptiones istæ, quibus*

*quibus concordia caput inter & membra per
belle fovetur .*

2. Pergebam securus , sed hæc ultimâ verba quasi injecta manu me retinent , & tanquam non satis supra fuisset demortuæ Parochorum conditioni parentatum , luctum instaurant , cum Noster vetusti Presbyterii jura in Canonicos exclusis Parochis transfusa contendat . Ergo ne inspecta hodierna Ecclesiastici regiminis forma abscissa omnino membra sunt Parochi ? Nulla ne concordia Episcopum inter , & Parochos ? Soli Canonici gaudere illa prærogativa debebunt ? Scilicet ut *lupis , & agnis quanta sortito obrigit* , tanta Episcopo , & Parochis discordia est .

At dum ex vetustis recentia argumentari volumus , id in primis videndum , num substantialis intercesserit mutatio , quæ paritatem ire non sinat , & illationem ex consequenti abrumpat . Ecce tota vis argumentationis in eo stat : *Quod clament iura cognoscendum de criminalibus coram Senioribus , quod Episcopi non debeant relictis membris aliorum consilio in Ecclesiæ negotiis uti , quod omnia de fratrum peragantur consilio .*

Theologus noster SENIORES illos vult esse Canonicos , Canonicos vult esse MEMBRA Episcopi , FRATRES ejusdem Episcopi vult esse Canonicos ; nec videt *Seniores* illos esse Parochos , cum tunc omnino ignota Canonicorum , prout hodie accipitur , esset conditio ; nec cernit quosnam Alexandrina Constitutio vocet membra Episcopi [de his fuse nos supra] nec advertit nomine Fratrum intelligi Curatos , sive illi Canonici , sive Parochi sint , & ab uno sensu ad alte-

P

rum

rum gradum faciens excurrit ad Canonicos nostros, qui toto caelo distant ab illis, & in hos Canonicos nostros confert quaecumque Senioribus, Membris, & Fratribus Episcoporum jura tribuunt. Neque hucusque id voluit Noster advertere, nec unquam demonstravit quomodo tanto post tempore exorti, quales videmus, Canonici possint ad se trahere, quæ de aliis dicta fuere.

Dic, obsecro, in quo nostri Canonici possint Episcopi membra censerī? Ego cum dico EPISCOPUM, intelligo Doctorem, intelligo Evangelii Tubam, Praedonem, justitiæ Hortatorem, & Sectatorem bonorum operum, Pastorem, qui paratus sit pro ovibus suis animam ponere; quæro hujus membra. Obtrudis mihi homines, ad quorum unum si nocte intempesta accesseris tres panes, aut unum rogaturus, sævissimas ille excitabit tragœdias. Si doceri cupiveris, si puerum fidei rudimentis imbuendum adduxeris, si Sacramenta petieris, ne tu ineptissimus, qui contendis? Caput illa debet pro suis membra agnoscere, quæ strenuam ipsi in munere suo operam præstant. Cum autem ad Parochos ex vi muneris sui ea omnia spectent, sintque illi in his Episcopali gradui eo, quo strictius excogitari nequit, vinculo illigati, tanti muneris participes. jure primum illis post Episcopum dandum locum supra ceteros omnes de Clero non invitatus fateris. Non ab equis, & curribus, non a comitatu, ac convivis Episcopum spectamus, sed ab Evangelico illum iugo metimur, a Sacerdotis magni, magnique Pastoris partibus aestimamus; hinc eum, qui sit illi maxime in his conjunctus prædicabimus, mirabimurque, illius capit

pitis membrum, illius fratrem agnosceremus omnino. Proinde quantum supra terram eminent coelum, tantum supra eos, qui de Capitulo sunt, extolli Parochum iustissime dixeris.

Inferes rectissime Canonicos, ex quo desierunt esse curati, non amplius habendos quoad Ecclesiasticum regimen Episcopi membra: varias pro temporum varietate subeat Disciplina vicissitudines; immobile tamen, & omnino immutabile erit, quod essentiam Ecclesiastici regiminis, & Sacerdotii naturam constituit. Quomodo ergo feres Theologum nostrum in alia omnia discedentem, & sua destruentem? Confer, quæ de Animarum cura egregie disputaverat, cum his, quæ habet hîc; *Canonici*, ait, *Animarum curandarum sunt onere levati*; ast quid aliud hoc, nisi gradu excidisse? Quid monstri obtrudit, dum contendit Canonicatum simplex utique beneficium, ut ipse fatetur, præstare Curato? Ergo ne oves in Pastorem virgam arripiant? Difficile est Satyram non scribere.

3. Antequam hinc discedamus, non erit inutile tantisper immorari in his, quæ Noster ipse gemebundus innuit: *Episcopos scilicet inter, & Canonicos acerrime pugnatum, nempe quando in isthæc sacra collegia pestifera pervasit ambitio. Tunc enim dissociatis animis solidam jurisdictionem utraque pars ad se corripere, & totam complecti probrose tentavit.*

Et in hoc Canonicorum imprudentia se prodidit. Ignotum ipsis consilium Sapientis: *Ne contendas cum potentiore te.* Concertationem quisnam vidisset iniquius comparatam? Quid mileri Canonici contra Episcopalem potentiam? His de

dimenso vivendum. Ecce fratrum filii nudipedes, filia maritos exposcentes, sorores male calceatae, domus mœror, & turpis egestas, fortia ne supeditabant arma, quibus pugnam tantam possent pugnare? Sed paulo infra ostendemus iustissime se in hoc Episcopos gessisse.

Subdit Noster: *Quod Episcopi in Jure Ecclesiastico dicundo, criminibusque coercendis ab suo consortio paulatim Canonicos segregantes nunquam denique constitere, donec eos omnino de Tribunali repulerint.* Affert Fagnanum id refundentem in Canonicorum ignorantiam.

Displicet hæc macula Canonicis inusta, & miror lenitatem Nostri Fagnano parcentis, nec unum quidem pro Canonicis verbum facientis. Ego autem cum maximi habeam Canonicos nostros, omnique honore dignos existimem, Fagnanum sic impune dimittendum non arbitror. Ergo non Canonicorum ignorantia id tribuendum, sed in paupertatem Canonicorum, & in duritiem consanguineorum refundendum dico; qui consanguinei oculum sibi potius erui, quam nummulum de corbona extrahi patiuntur, & lites, quæ suorum successoribus prodesse poterunt, abhorrent. Alio quippe ardore pugnamus pro domo nostra, quam pro Parochia nos Parochi, vel pro æde Capituli, vos Canonici: unde fit, ut segnes semper evadamus, ubi arma sumere debemus pro Parochiali, vel Capitulari aliquo jure, præsertim si pro nugis pugnandum sit, cum nostra nostris transmittamus; Præbendas, & Parochiales redditus precario, & in dies possideamus; dumque cernimus alios atatis nostræ annos numerantes invadere paratos locum, de quo nos propediem mori de-

defurbabit; nescio quomodo ira exardescimus in ipsa, quæ possidemus; tantum abest, ut jura, & accessiones nostris velimus invisis augere successoribus. Hæ causæ, non ignorantia Canonico-
rum.

Et hæc quidem prout vulgaribus efferuntur sermonibus, disputavimus. Ceterum si verum amamus, dicemus nullam justæ querimoniæ causam despoliatum Presbyterium afferre posse, nec clamare illiberaliter secum actum. Quid enim aliud Episcopi fecerunt, nisi ut rivulum illum auctoritatis, qui in memoratos Presbyteros excurerat, ad fontem suum Episcopalis scilicet plenitudinem potestatis revocarent? cum satis constet gratis jura illa in Presbyteros ab Episcopis collata, quæ justa deinde urgente ratione necessitas ipsa auferri non suaserit modo, sed & coegerit.

Absolvit totum hoc de JUDICIIS, ET PŒNARUM INFLICTIONE negotium Clarissimus Noster singularibus illis verbis: *Si vera sunt, quæ hic oggerit Fagnanus ignorantia Canonicos postulans, in Episcopos recidit culpa, quos vehemens suspicio gravat, doli mali, perinde ac si eo consilio ignaros Capitulo adlegerint, ut solitarie ipsi rem gererent, secluso Canonico-
rum consortio.*

At quid diceret, si ea Capituli alicujus natura sit, & conditio, talis ab initio posita compago, & structura, ut nulla possint ratione contra Episcopum (quod avertat Deus) quomodolibet insipientem hiscere Canonici. Sic comparatum est cum Averfano Capitulo, quod infra evidentissime demonstrabimus. Utinam domestica non fuisset id calamitate edoctus.

Sed quid , prudentissime Vir , ex hac lugubri consideratione pro Canonicis evicimus ? Audivimus Cleri jura : at totum Clerum non constant soli Canonici , sensimus Seniores commemoratos , sed inficiaberis hoc nomine Parochos cohonestandos ? Profecto in hos magis , quam in Canonicos honorifica illa cadit nominis acceptio . Si de re , ut veritas postulat , decernere velimus , hoc imprimis in animum nobis inducere debemus : Canonicos , ex quo decoxerunt , h. e. vel suadente desidia , & mollioris vitæ genere capti , vel periculo deterriti , Animarum curam a se abjecerunt , nihil prorsus ex vetusti illius Presbyterii jurbus sibi posse vindicare . Presbyterium illud totum quantum erat , unice Animarum saluti , non suis commodis inserviebat . Qui ergo eandem nunc viam terunt , qui ex vi muneris sui idipsum agere debent omnino , hi nullo dubio Presbyterii illius successores censendi sunt . Et licet nunc alia prorsus regiminis Ecclesiastici sit facies , & unus sit magister noster Episcopus , nullamque idcirco de hoc movere debeamus quæstionem , attamen *si Reliquias Danaum , ac immitis Achillis* quærere velimus , has umbratili , & expirante quadam ratione in Parochis debemus agnoscere .

Et profecto nunquam ab his turbatum . Hi sub Episcopo , quæ sua erant , impigre exequabantur ; nullus discordiis aditus : omnia summa pace transigebantur : modestissimi illi Sacerdotes aliis detinebantur studiis : Verbi Divini prædicatio , instructio plebium , Sacramentorum administratio , Populorum salus totos occupabant . Utinam his steterisset semper res Christiana institutis .

§. XI.

S U M M A R I U M .

1. *Quæcumque splendida, & magna de Canonicis Theologus noster prædicat, Tridentini auctoritate exsufflantur.*
2. *Luculentius Parochorum dignitas elucescit.*

Pagg. iisdem.

1. **D**Esertorem me ferme susceptæ justæ causæ fecerat divina Theologi mei eloquentia, cujus

Addidit invalida robur facundia causa.

Commotus sum, dum ipsum audiui flebiliter deplorantem Canonicos de Tribunali deturbatos. Visus sum & ipse illorum vicem dolere. At nunc me colligo, idque in primis curo, ne injuriosus, & blasphemus audiam.

Profecto, quæ peculiare Episcopi vel sua facilitate, & miti ingenio de suo jure decedentes Canonicis indulserunt, vel hi illorum favente oscitantia sibi arrogarunt, non sunt hujusmodi, ut nos, vel pro Episcopis, vel pro Canonicis sententiam universim dicere cogant. Quando enim aliquorum facta, vel dicta normam regulamque universitati præscribere? Solius Ecclesiæ vis, & potestas illa est, ut omnes dictis audientes reddat, nisi prævaricatoribus, & iniquis velint contradicentes accenseri.

Ergo sepositis consuetudinibus, quarum nonnisi

vitiosissimi potuerunt esse natales, peculiariumque Synodorum, quæ intemperię quandoque dictarunt, Statutis, totam hanc Canoniorum causam ad S. C. Tridentini normam exigamus, inquirentes, an ex hujus sententia stare queant magna illa, & splendida, quæ in Canonicos confert doctissimus Noster. Justum profecto judicium, æqua hæc postulatio. Ecquis enim opinabitur Ecclesiam se injulte gessisse? Innoxios spoliasse? Video interim pientissimam matrem totam in Canoniorum correptionem incubuisse. Altum de Parochis silentium, evidentissimum argumentum non ab his, sed peccatum ab illis: imo dicendum Canonicos, ex quo Canonici, ut nunc sunt, esse coeperunt, nunquam talibus juribus præditos fuisse. En sensum Ecclesiæ de Canonicis.

Tridentinum Sess. VI. Cap. III. Refor. vult. *Excessus subditorum quocumque sint illi privi- legio muniti inquiri, corrigi, puniri ab Ordinario loci.* Nullum hæc olfacio capituli, vel seniorum, quicumque sint illi, ne remotum quidem influxum.

Ibidem cap. IV. *Capitula Cathedralium nullis exceptionibus, consuetudinibus, sententiis tueri se possint, quominus a suis Episcopis per se ipsos solos, vel illis, quibus sibi videbitur adjunctis toties quoties opus fuerit visitari, corrigi, emendari!*

Hem! *Per se ipsos solos, vel illis, quibus sibi videbitur &c.* Fortassis non mirum; nam agitur de toto capitulo, & judices de gremio capituli in ipsum capitulum vocare id certe non congruum, non æquum. At nullo pacto; namque
agitur

agitur non solum de Capitulis collective sumtis, sed & de singulis Canonicis . Verba Concilii sunt: *Capitula, illorumque Personæ* .

Solus Episcopus memoratur, ejusque licentia, ubi Sess. 25. cap. 3. de Reg. agitur de novis Monasteriis erigendis, altum de capitulo silentium; consilium, vel consensus hujus ne nominatur quidem .

Ibidem cap. IV. de Reform. ubi Missæ sunt ob nimium numerum redigendæ ad pauciores, traditur Episcopis facultas id agendi, sed in synodo Diocesana . Hic videbantur omnino commemorandi Canonici . Eget Episcopus in re tanta consilii . Consiliarii adsunt scilicet Canonici . Rejiciuntur . Deveniendum vero ad synodum .

Tristis lectio Canonicis nostris se objicit ex cap. VI. ibidem . Multa dicta erant de capitulis, sed omnia hac coronide clauduntur: *Hæc autem omnia, & singula in iis Ecclesiis locum non habeant, in quibus Episcopi, & eorum Vicarii ex constitutionibus, vel privilegiis, aut consuetudinibus, sive concordis, seu quocumque alio jure majorem habent potestatem, auctoritatem, ac jurisdictionem, quam præsentis decreto sit comprehensum, quibus Sancta Synodus derogare non intendit* .

At agimus de capitulis exemptis, quæ sic male habentur ? I nunc, & vetusti Presbyterii jura in Canonicos transfusa recense . Quam tristis illa Vicarii mentio ! Quid si mitratum me Canonikum pyris vesci Calaber juber hospes ? At Vicarius est . Est parere necesse .

Cap.X.

Cap. X. ibid. edicatur designandos a Synodo iudices, qui delegentur a Sede Apostolica, & videbantur omnino constituendi Canonici. At non constituuntur. Sivissent boni Patres Tridentini Canonicos hac honoris umbra potiri.

Sed omnem exsuperat fidem, quod Cap. XII. statuitur: *Scilicet, ut Episcopis, & Parochis, qui tenuioribus præsunt Ecclesiis, omnes, & singuli pro caritate Christiana, debitoque erga Pastores suos munere de bonis sibi a Deo collatis large subveniant, idque ad Dignitatem tuendam Pastorum suorum, qui pro eis invigilant.*

At ubi Canonici? Prætermittuntur ut non necessarii. Una classe, uno ordine Episcopi, & Parochi censentur: sunt *PASTORES, Præsunt: eorum DIGNITATEM* tueri debent populi: nihil medium, interjacens nihil Episcopum inter, & Parochos.

Non modicam quoque maculam Canonicorum splendori offusam cerno ibid. Cap. IV. ubi præscribitur ratio procedendi contra clericos concubinos: præcipit S. Synodus, *ut cognitio non ad Archidiaconos, non ad Decanos, sed ad Episcopos pertineat.* Subsistamus hic; verum nimis est, quod Noster præmonuit Canonicos de tribunali deturbatos, scilicet in quod (ego addo) vel nunquam, vel injuste ascenderant.

2. Maxima Parochorum dignitas hîc se luculentius exerit, cui omnia decora vi sua, suaque intrinseca conditione ita inhærent, ut nullo poterint furoris hostilis turbine concuti, nulla temporum vicissitudine labefactari, nullo infuscarî

livore. Integra sunt his quæcumque Christus ipse in Discipulorum tribuit personis.

Obiter quoque adverto (quod non in infimam justæ Parochorum laudationis partem vocabis) quod cum pientissimi posteriorum seculorum scriptores concordibus animis in Canonicorum desidi-
diam, superbiam, avaritiam insurgant, & vel leni, & lamentabili, vel acri, & concitato stylo maxima ex non omnino integra Canonicorum vivendi ratione in Christianas plebes emergentia mala commemorent, altum illis est de Parochis silentium: argumentum evidentissimum, pulcherrime his operam suam stetisse, eosque pro virili arduo muneri suo adlaborasse.

S U M M A R I U M.

1. Theologus noster egregius sui ipsius confutator.
2. Occasione Synodorum, de quibus late hic Theologus noster, demonstratur, quanta se circumvenerint censura Canonici, dum Animarum curam abjecerunt; idque ratione, & Tridentini auctoritate evidentissime evincitur. Quanta Parochis ex horum consideratione dignitatis accessio.

A pag. 104. ad 113.

1. **M**agnus plane Vir Theologus noster, quocum redeamus in gratiam necesse est. Lusimus hactenus, pag. 111. in fine habet: *Hanc porro disceptationem concludamus verbis doctissimi Gersonis confid. XII. qui licet jus suffragii decisivi in Conciliis minoribus etiam Prelatis asserat, quales sunt Curati; & Hierarchæ [erant olim tales Presbyteri omnes] sic suam sententiam egregie temperandam censet: Dicamus postremo, quod licet ea, quæ statim dicta sunt, consonare videantur juri Divino, & observationi priorum Conciliorum, & rationi; nihilominus Concilium potest certis de causis, & ad tempus constitutere voces definitivas in pluribus, vel paucioribus.*

Non est animus mihi, quæcumque hic Gersonius assert, probare. Ex dictis supra evidentissime
fime

time est confirmatum. simplices presbyteros nunquam suffragii definitivi jure in Fidei controversiis fuisse potitos. Et Gersonii doctrina sibi non cohæret; si enim juri Divino, & observationi priorum Conciliorum, & rationi consonum sit presbyteros ea prærogativa gaudere, quomodo illa poterant per concilia spoliari? Quæ enim causa tam justa, & efficax esse poterit, quæ jus Divinum, constantem universalis Ecclesiæ usum, & ipsam rationem abrumpat, perdat, evertat. Sed ad mentem Theologi nostri rem hanc transigi volo.

Fateris (ipsum alloquor) quod Curati sunt Prælati minores, & Hierarchæ. Dicis, quod erant olim tales omnes presbyteri. Ergo Presbyterium illud soli constabant Curati. Dum ergo pro Presbyterio pugnavimus, pro Parochis ego, & tu arma tulimus. Novum, & adscitum Canonico-
rum genus fuit: non mediocriter ab illis in Ecclesia turbatum. Tu ipse hos discordiæ, & ambitionis extulisse vexillum commemoras; per hos sanctissimam pulcherrimamque societatem discissam ingemis. Cum Canonici (tua verba sunt pag. 110.) *se se Episcopis immorigeros, & consumaces præstare cœpissent, exemptiones affectare, ac liberiores vivendi rationem inire &c.* Quomodo Presbyterii jura in his hæsisse dicemus? Animarum curam, vel abjicientes, vel ipsa se levare permittentes, non se ad ovium conditionem demisere? Oves ergo se nunc Canonici hi agnoscant, audiantque fidum Pastorem clamantem:

*Parcite oves nimium procedere, non bene ripæ
Creditur.*

2. Fu-

2. Fusissime totam hanc de synodis disputationem exequitur Noster. Multa nos supra præocupavimus. Urget in primis ille Canoniceorum (satius dixisset presbyterorum) in conciliis sive provincialibus, sive diocesanis subscriptiones: affert BENEDICTUM XIV. id non diffidentem longo edito Synodorum, quibus presbyteri subscribere, catalogo. Verum Exorcistæ subscripti hæc non eo, quo vult Theologus noster, sensu accipienda luculentissime indicant.

Quando autem negavimus nos presbyteros, vel habere, vel unquam habuisse jus suffragii decisi-
vi in Fidei Controversiis; non venit nobis in mentem jus illud idcirco denegandum presbyteris, ne in Aerii insaniam declinemus. Hoc neque diximus, neque dicemus, cum etiam si verum esset presbyteris jus illud competere, adhuc sat longo intervallo ab Episcopali eminentia illorum distaret dignitas, Catholicæque veritati suum staret robur jure divino Episcopos presbyteris antequam statuente. Id ex eo arcessivimus, quia soli Apostoli, quorum vices modo, quem supra posuimus, Episcopi gerunt, Fidei testes a Domino positi fuerunt. Hi propriè & primario sub Summo Hierarcha ad regendam Ecclesiam a Spiritu S. admoti fuerunt.

Cum vero Sacerdotes curati (sive Canonici, sive Parochi vocentur) in sollicitudinis partem ab Episcopis adsciscantur, decurratque in hos ab ipsa Episcopalis potestatis plenitudine profectus jurisdictionis rivus non exiguus, his (ut ad rem veniamus) locus in Synodis dandus. Et profecto si disciplinæ consulendum, si abusus corrigendi, quosnam potius exquires, nisi illos, qui gregem
de

de facie nōscunt, qui irrepentes licentias, priusquam erumpant, sagacissime olfaciunt, qui populos intus, & in cute plenissime callent; ad quos, ut legitimos probatosque pastores, spectat oves ad salubria pabula ducere, & quorum propria provincia est, ea longe, lateque amovere, & avertere, quæ animabus ad æternam salutem properantibus impedimento esse queant. Uno verbo: quorum est videre, ne quid detrimenti res Christiana capiat.

Ego pro comperto habeo Capitula illa, quæ ad synodos vocata commemorantur, animarum curam adnexam habuisse, nec aliam, dum neglecta sunt, querelæ justam proferre potuisse rationem, nisi hanc, nempe quod pastores, rectoresque populorum (quod nefas esset) excluderentur. Nisi hoc se clypeo munissent, non adeo faciles votisque suis obsecundantes experti fuissent Canonici illi summos Pontifices.

Porro cum disciplinæ studium, morumque correptio sit synodorum diocesandarum scopus, cumque illi legitime corrigendi munus in iis capeffiant, qui moribus ipsi incorruptis ornantur, apparet hinc nulli Ecclesiastico Ordini melius, quam Parochis aditum in synodis patere, quibus Parochis ex vi muneris sui est singularis probitatis indicta necessitas; absit invidia verbo, nullus inani gloriæ locus. Dic sodes, nonne monstri loco habebis imperitum, vecordem, impium Parochum? Quantum exinde Ecclesiastico decori detrimentum! Quæ labes! Quanta in publica commoda pernicies! Quodnam populi scandalum! Hui! Magister, qui nec inter discipulos honesto possit esse loco! Otiosus & dormitans in ipso
cer-

certamine signifer! pro infatuatum salem! lupum pro pastore! cæcum pro ductore! quot clamoribus ædes, forum, templa ipsa personarent!

Finge, quod absit, ineptum presbyterum inter Canonicos referri. Nihil turbatum domi, nihil in Ecclesia inconcinni, & extraordinarii video. Tacebit ille ex Salomonis consilio, & pro sapiente reputabitur; nulla enim illi est loquendi injecta necessitas, neque ex ambone, neque ex altari eum Divini Verbi præconem muneris ratio postulat. Peccet (quod Deus avertat); nocturnis virorum, & mulierum confabulantium cœtibus se immisceat, morosis exinde delectationibus foedatus domum revertatur; hic sacro se mane abstinebit, qui emissitiis observatorum oculis non patebit, nullique actuum suorum rationem reddet. Absit, vel adsit Choro, perinde est; nec hilum quidem ex ejus absentia Choro decedit. Quid enim, si octo, quid si septem psallant? At expe hęc in Parocho.

Jure ergo Tridentinum Sess. XXIV. Cap. II. Reform. omnes animarum curam habentes diocesanis synodis cogit adesse; & nota illa verba: *Quicumque sint*, & rationem affert; *quia animarum curam habent*. Hoc adeo verum est, ut si nonnulla sublimia, & splendida Canonicis tribuantur, tum in vetustioribus, tum in Tridentino ipso Concilio; ut si *Doctores* audis, *Magistros* in Theologia, *Licentiatos* in Jure Canonico, scias id totum animarum curæ Canonicatibus adhærescenti tribuendum. Hęc postulat, ut Canonici Ecclesiæ Senatus dici possint; hęc Consiliarios Episcopi efficit; hujus vi super alios omnes de Clero jure eminent.

Ne

Ne id gratis a me obtrudi dicas, adi ipsum Tridentinum Sess. XXIV. Cap. 12. Ref. *Cum Dignitates* [sunt verba Tridentini] *in Ecclesiis præsertim Cathedralibus ad conservandam, augendamque Ecclesiasticam disciplinam fuerint institutæ, ut qui eas obtinerent, pietate præcellerent, aliisque exemplo essent, atque Episcopos opera, & officio juvarent; merito, qui ad eas vocantur, tales esse debent, qui suo muneri respondere possint.*

Sed de quibus dignitatibus loquitur? In quas quæso dignitates tam magna, tam illustria Concilii verba diriguntur? An idipsum de omnibus Canonicatibus prædicabimus? Nullo pacto. Aperitissime se explicat Concilium; subdit enim illico: *Nemo igitur deinceps ad dignitates quascumque, quibus animarum cura subest, promoveatur, nisi qui saltem XXV. suæ ætatis annum attigerit, & in clericali ordine versatus, doctrina ad suum munus exequendum necessaria, ac morum integritate commendetur.*

Profecto magnum quid importat illa animarum cura, vides *Doctrinam* requisitam *ad suum munus* exequendum; vides *morum integritatem*; qui ad has dignitates aditum sibi moliantur, vult S. Synodus, ut ubi fieri potest, sint magistri in Theologia, seu doctores, aut licentiati in Jure Canonico.

Quid autem si nulla sit adnexa animarum cura? Nihil hujusmodi. Alia longe ratio horum Canonicatum: En verba Concilii: *Ad ceteras autem dignitates, vel personatus, quibus animarum cura nulla subest, clerici alioquin ido-*

Q

nei,

nei, §. XXII. annis non minores adsciscantur.

Non postulare quid amplius ab illis, qui essent minoribus Ordinibus initiandi. At cur non aliquid amplius ab illis Canonicis? Scilicet quia non sunt *Animarum cura* conspicui. Non instituti ad *conservandam, augendamque ecclesiasticam disciplinam*; non ad *juvandam Episcopos opera*, §. officio: eorum partes, & munera sunt Domino statis horis psallere. Nullum præterea vi Canonatus ipsis onus imponitur.

S U M M A R I U M.

1. *Habita Vicarii Capitularis mentione inquiritur, an ex hac decantata illa Capitulorum jura firmentur.*
2. *Adimitur larva, & solæ nugæ patent.*

A pag. 112. ad 113.

1. **V**ix, imo ne vix quidem, verbis exprimi potest, quantam imperitorum oculis of- fundat caliginem, in quantum illos vertat stu- porem sollemnis hæc per Canonicos Vicarii, quem Capitularem vocant, electio. In ipsius majestatis arcem tunc invalisse Canonicos arbitratur popel- lus, & magnam exinde eorum amplitudinem Theologus noster nobis objicit mirandam, cum ad eos, Episcopo e medio abeunte, Ecclesiæ tota, quanta est, devolvatur procuratio. Ad tantam celsitudinem rite, recteque nos præparaverat, si- gnificans, monensque qualem, quantamque Ca- nonicorum necesse omnino sit esse virtutem, cum in eos Episcopalis sarcina sit transferenda. Hinc sapientissime a majoribus constitutum affirmat, ut ad Canonicos, vita perfuncto Episcopo, pa- storalis cura abiret, quippe qui diuturna cum Episcopo consuetudine ad pastorale munus tam probe informati censendi sunt, ut illis difficile non sit Episcopos agere, manumque ad Ecclesiæ clavum admovere citra ullum gregis discrimen.

Jure obstupescimus & ipsi hæc audientes, ta- lem, imo majorem omnibus inesse Canonicis

Q 2

vir-

virtutem credimus, vel optamus. Episcopum tamen non esse intra illas angustias coarctandum credideram, ut a Canonicis suis consilia necessario exquirat. Arbitrabar posse aliunde sibi consulere. Et contra Canonicos videbam ubique in hoc præscriptum, & consuetudinem, quam Episcopus allegat: *Quod in inquirendis, puniendis, corrigendis subditorum suorum excessibus consilium Capituli sui minime teneatur requirere, non esse reprobendam* Bonifacius VIII. me docuerat *Cap. NON EST Consuet. in 6.*

Pergamus: *Episcopo ad plures abeunte* (sunt verba Theologi nostri) *Episcopalis solida jurisdictio, atque Ecclesiæ gubernatio recta in Capitulum pleno jure concurrat.*

Egregie! Consistamus hîc, & ne tria verba inter Nos commutemus, amicabili, [quod jura probant] compositione rem transigamus. Sciscitor, an Sede vacante Canonici possint in communi Ecclesiam regere? Utrique negabis, cum districtissime cautum sit quantocius eligendum Vicarium, in quem omnis auctoritas conferatur. Nihil ergo Canonici moliri poterunt? Nihil omnino. Non ergo recidit in eos sarcina illa, cui ferendæ tantum virium comparavimus? Sunt immunes; est Capitulum *gens felix, & libera legum* regiminis. Dic oro: an constituto jam Vicario, possint reliqui Canonici procuratori Ecclesiæ aliqua ex parte se immiscere? Vicarii judicia, sententias, decreta in examen vocare? Non possunt hiscere contra, quia tota jurisdictio est penes illum Vicarium.

Audio; at cum in unum Capitularium fors illa sit casura, decet, ut omnes oneri ferendo pares sint?

sint? Nequaquam; quia potest alius non Capitularis eligi in Vicarium. Et tunc quid de Canonicis? Altum silentium; nullo sunt loco.

O rem miserrimam, & desendam! Tam male igitur audire Canonici, ut illis saltem per orbem habenas moderari sit interdictum, sed statim ad unius electionem sit deveniendum? Quarendus subito magister, ne discipuli tumultuentur; dux inveniendus, ne gregarii milites in mutua corruant vulnera. Non ergo in hos vetusti Presbyterii jura dicam transfusa. Quid enim æquius, quid rationi magis consentaneum, quam in commune collatis in unum consiliis, viribus junctis, animisque sociatis strenue, quæ instant, expedire? Sic vetusto illi presbyterio comparatum; hi apud ipsum mores; hæc agendi ratio.

2. At jurisdictio tota est radicaliter penes Capitulum. Ab hoc illam accipit Vicarius. Hoc profecto auditu magnum quid sonare videtur; sed si ad rationis lancem expendas meras nugas deprehendes, & Ixionem nubem pro Junone amplectentem. Sciscitor, quid illa radicalis jurisdictio? Erumpet ne in actum? Scilicet in hunc unum, ut ad electionem concurret. Poloni sibi regem constituebant. Populus a se in regem jus omne transferebat. Regalium omnium dominium radicaliter erat in quovis de plebe ipsa vili, cerdone, lanio, sutore. Hos ne tu intuitu insignis illius radicalis Regalium dominii flocci tunc fecisses?

Sed his penitus omissis dicemus electionem Vicarii Capitularis totius Cleri esse provinciam. Ad confusionem tamen vitandam; item ne mo-

ræ necerentur, & facilem exitum tantum inveniret negotium, ad Capitulum esse devenum; iccirco quia Capitulum facile in unum cogi posset. Hinc visum est, ut per allatas causas Capitulum in hoc actu totum Clerum repræsenteret. Id non abs re visum est, cum Capitulis, quando in id consilii ventum est, Animarum erat cura adnexa. Urbanorum tamen Parochorum supinam hinc simplicitatem miramur, qui tam patienter, ne dicam stulte nullam sui rationem in tanta re haberi sunt passi, quando, & ubi Canonici animarum curam abjecere. Fortassis fuit id a Christiana modestia profectum, ne scilicet ipsi viderentur dominantes in Cleris.

Dixi: *Urbanos Parochos*; horum enim potissimus in Ecclesiastico regimine apud Episcopum locus; major quoque honoris gradus. Hi proprie cum Episcopo PRESBYTERIUM illud, de quo tam multa huc usque. Hi Consilarii illi, illi laborum, & Episcopalis sollicitudinis consortes, in quorum electione majus probitatis pondus, uberior doctrinae suppelex, publico quoque totius populi suffragio commendata virtus attendebatur. Vide, quam honorifico loco hi positi censebantur, quantum supra alios Sacerdotes eminebant. Per vetustum Neocesarense Concilium anno 313. edixit: *Presbyteri ruris in Ecclesia Civitatis Episcopo praesente, vel Presbyteris urbis ipsius offerre non possunt.*

Ceterum ex eo, quod Capitulo hodiernis moribus jus eligendi Vicarium illum est delatum, nullus suspicetur exinde Canonicis esse aliquid auctoritatis in Parochos quaesitum, vel his esse illos eminentiores; sicuti ex eo, quod in summi
Pon-

Pontificis electione soli jure suffragii gaudent Cardinales, non inferes Cardinalitæ dignitati Episcopalem Potestatem esse subjectam; majorem illam, hanc minorem.

¶ XIV.

S U M M A R I U M.

Canones, qui Theologo nostro meminisse sunt visi de consensu, vel consilio Canonorum in Ecclesiastico regimine, non id intendunt, quod ipse contendit.

A pag. 113. ad 119.

1. **J**Am a pag. 109. minitatus fuerat Noster: Nonne Ecclesiasticum novissimum jus, quale in Libris Decretalium prostat, Episcopalem potestatem limitibus quibusdam coërcuit, eamque Canonorum consensui illigavit quibusdam in capitibus, quæ inferne dabuntur (nisi potius in satis paucis rebus libertatem Episcoporum compresserit, quæ tota prius ab omnium consensione pendebat). Potuisset modestius hoc (mendacium ceteroquin) efferri. Odi audax hoc loquendi genus, ubi de SS. Episcopis agitur.

Hic autem pag. 113. Fidem liberaturus veluti egregius Imperator aciem instruit, copiasque educit justo terrori (loquor in ejus sensu) grassanti Episcopali licentiæ futuras. Enumerat longo censu jura Capituli, quibus veluti injectis frenis Episcopi compensatur potestas. Magno se judice tuetur, quandoquidem a solido veterum, novo-

Q 4

rumque

rumque Canonum armario non futilia deprimit bellica tormenta.

Ergo ait 1. Canonicos decisivi suffragii jure potiri in alienatione rerum Ecclesiasticarum, quæ ad Cathedralē pertinent Ecclesiam. Hanc quippe alienationem Episcopus sine Canonicis irritō conatu molitur. Sic *Caus. XII. Quæst. II.* & alibi sapius.

Advertat Noster hoc esse de toto Clero cautum, accensendumque veteris juribus presbyterii. Certe tunc Canonici nulli instar eorum, qui nunc sunt. Caller egregie Noster recentiores juris Pontificii constitutiones, quibus nec Episcopis ipsis, nec Canonicis, nec alii cuicumque inconsulto Rom. Pontifice permittitur illa alienatio. Celebris est in hoc Pauli II. Extravagans **AMBITIOSE**.

2. Agnoscit casum potestatis hujusmodi Canoniorum in administratione bonorum, & reddituum Ecclesiæ, quæ si communia Episcopum inter, & Capitulum sint, ad utrumque spectat administratio. Advocat Cap. *NOVIT*, Cap. *QUANTO*, Cap. *EA NOSCITUR* his, quæ fiunt &c.

Ego id non arbitror Capituli juribus accensendum. Inter ipsos enim latrones servandum credo vulgatum illud: *Quod omnes tangit, ab omnibus debet approbari*.

Profert 3. Scilicet: Suppressio Canoniorum, ac Beneficiorum etiam legitima favente causa sine Capituli consensu Episcopo non permittitur Cap. **CUM ACCESSISSENT** Constit.

Si Canoniorum rem agerem, nunquam Cap. hoc adducerem. Prodit enim aliquid sinistri de Canonicis. Ibi Tullenses Canonici statuunt, ut
abro-

abregetur in suo Capitulo Primiceriatus , & redditus inter ipsos Canonicos distribuatur . Sed nolim male de illis Canonicis suspicari ; fortasse erant Canonicatum redditus diminuti , & proinde congruam Canonicis illis non præstabant sustentationem , & idcirco non ex avaritiæ spiritu , sed necessitatis vi ad hoc devenere Cónonici Tullenses , & statutum illud Pontificia muniendum auctoritate curarunt . Quomodo enim alias sivisset Pontifex Primiceriatum aboleri in Ecclesia Tullensi , & reddituum Dignitatis illius inter ipsos Canonicos distributionem ?

Non video tamen , quid hinc pro asserta illa Canonicorum prærogativa . Ediderunt Canonici statutum de suppressione Primiceriatus . Ignoramus , an Episcopi consensus accesserit . Ast accesserit , vel non , perinde est , quia statutum illud imbecille , & infirmum sua natura a Pontificis confirmatione robur accepit .

Urget 4. In adnexione unius Ecclesiæ alteri Ecclesiæ , quam sine Capituli consensu Episcopo licere jura non permittunt Cap. TUA NUPER his , quæ fiunt .

Mirum , quod doctissimus Noster ubicumque CLERUS nominatur , continuo ad Capitulum cum Cleri ipsius exclusionem recurrit . En verba cit. Cap. *Alterius quæstionis solutio ex Epistola Leonis Papæ colligitur evidenter , in qua legitur : Ne quis Episcopus de rebus Ecclesiæ quidquam donare vel permutare , vel vendere audeat , nisi forte aliquid horum faciat , ut meliora prospiciat , O TOTIUS CLERI tractatu , atque consensu id eligat , quod non sit dubium Ecclesiæ profuturum . Irrita enim Episcoporum donatio ,*
ven-

venditio, & commutatio rei Ecclesiastica erit absque conniventia, & subscriptione Clericorum.

Vides CLERUM. At hujus Cleri nomine Capitulum intelligitur, inquiet Noster, cum totius Cleri jura fuerint in Canonicos translata. Id modo negamus, & Clero tantum illatum detrimentum nunquam suspicabimur. Quis enim adeo segnes, & sui oblitos credet Presbyteros, ut sua sibi jura eripi a Canonicis tam patienter permiserint? Non his victoria castris stetit; non ab hoc imbelli milite debellatum est. Major ingruit hostis. Corrupti mores, caritas imminuta, superbia cunctas dominata per oras, sapientissimam Matrem Ecclesiam adegere, ut novam inveheret disciplinam, & ad summi ipsius Hierarchæ moderationem cuncta revocaret, a quo nihil justitia metueret, & tumultuosis improborum coitionibus obviam iretur, a quibus frequentissime sacratiora ipsa jura vim patiebantur.

Proinde ne ad nauleam usque idipsum iterumque iterumque moneamus, superfluum est VETUSTI CLERI prærogativas ad præsentium temporum rationem exigere, & ab illis decorem, nobilitatemque Clero nostro conciliare. Illa temporis illius disciplina fuit. Non ignoramus mutationibus ea, quæ disciplinæ sunt, esse obnoxia. Non igitur Clerum commendabimus, nisi ab intrinseca, & quæ nulli pateat vicissitudini, potestate, quæ quanta in Parochis sit, vel cæcus videt.

Levissima porro sunt, quæ a quinto usque ad ultimum hic attexit Theologus noster; scilicet Capituli consensum requiri, si Ecclesiæ auctoritas minueretur. Hoc nolim ego, & illum assensum
reji-

reijicio, cum numquam Ecclesiæ minui deceat auctoritatem. Quod si vis ingruat, adsit, vel absit assensus ille, nihil ad rem.

Item in negotio, ubi forte Cathedralis Ecclesiæ detrimentum timeatur num.VI. Cui eodem modo occurrimus.

Tum VII. ut Seminarium in ædibus Canonicis erigatur, quod sane ibi extrui nequit sine Canonicorum consensu. Hoc vero notandum, quasi liceat alicui me ex ædibus meis invitum exturbare.

Rursus VIII. in Canonicorum, qui Supernumerarii dicuntur, creatione; & demum si velit Episcopus Animarum curam, quæ integrum Capitulum tangit, uni certæ personæ, aut dignitati perpetuo adnectere, Capituli consensus requiritur ex Trident.

Patet responsio: jus omne interdicit, ne misero novæ ambages struantur, nova dissensionum seges pareretur, cum satis sit misero Canonico ferre eos, quos in Capitulo invenit, novos hostes, qui satis divexatum illum discrucient, invehere non modo illiberale, sed sævum omnino & inhumanum est.

Et quoad animarum curam credebam de re, quæ fieri non posset, præceptionem dari. Quis enim sibi oculos suffodi voluntarius pateretur. Quis se gemma tam conspicua fineret despoliari? Factum tamen videmus domesticos intra parietes, O stultitiam singularem, nullis, quæ satis sint, lacrymis deffendam! Scite ceteroquin, id a Tridentino cautum. Præstat enim eum, qui invitum rem tantam (animarum curam) pertractat onus,
a se

a se rejicere , ut alteri , qui diligentius munus illud sit gesturus , pateat locus .

Ex his abunde satisfieri potest omnibus illis , quæ Noster deducit ex casibus , in quibus capituli consilium Episcopus tenetur exposcere . Clerus ille , ad cujus consilium Episcopus clericos ordinat , non est capitulum , cujusmodi hodie accipitur . Desinamus tandem vetustos Canones scrutari , jejunemus , & ploremus gratias agentes . Misericordiæ Domini , quia non sumus consumiti . Quasi ignoremus eo jure in sacris Ordinationibus hodie potiri Episcopos , ut non solum Capituli , & Parochorum consilia , si velint , non exquirant , sed & celent , si lubet , Canonicos , & Parochos nomina etiam eorum , qui sunt initiandi .

Quis non pulcherrime callet secretam inquisitionem in mores promovendorum Episcopum agere ? Ut proinde si Archidiaconi postulationem attendamus , cum instat : **POSTULAT SANCTA MATER ECCLESIA** : rursus cum Sponsorem se exhibet illis verbis **QUANTUM HUMANA FRAGILITAS &c.** nos non possumus non ingemiscere , & veteris illius disciplinæ desiderio inflammari . Impius autem insignem hîc ludificationem admitti blaterabit , cum Archidiaconus ne de facie quidem promovendos illos , pro quibus interpellat , & se vadem tanta securitate spondet , agnoscat . Nos interim piam Matrem Ecclesiam rectissime ritum illum servare , & retinere clamabimus , ut scilicet vetusta , & hominum malitia cogente mutata aurea praxis illa non omnino oblivioni mandetur , & moribus emendatis spe erigamur , ut
illam

illam revocare Misericors & Omnipotens Dominus dignetur.

Non oportebat iterum in scenam adducere Alexandrinam Constitut. in Cap. NOVIT QUANTO, licet enim prora & puppis sit illa pugnantibus pro Capituli prærogativis, ejus tamen sensum fufissime supra profecuti sumus, ut fastidiosum sit de eadem re toties audire.

IN INQUISITIONIBUS, ET CONDEMNATIONIBUS Clericorum, & Sacerdotum consilium Capituli exquirendum probat Noster ex Cap. SI QUID Dist. 86. Quod universo Presbyterio ibi tribuitur, ad solum Capitulum feliciter trahit doctissimus Noster, nec videt ex inveſta Vicariorum Generalium institutione quanta sit illi disciplinæ illata calamitas, ut inutiliter proinde, ne dicam ridicule, de his nunc quæstio instituatur.

Ne ex stulto me prorsus insanum faciat altius insidens menti meæ lugubris consideratio jurium (eo tamen, quem supra posuimus, sensu) vetusti Presbyterii, occurrat memoriæ meæ sequentium temporum iniquitas, dum scilicet prisca illa modestia longe fugata, non ultra inviti homines Sacerdotio inaugurandi ad altare pertrahebantur, sed pecunia, sed gratia ad Ecclesiasticos gradus sibi viam improbi muniebant. Quid boni ab hujusmodi Sacerdotibus expectasses? Clamoribus, odiis, invidia, sectis, æmulationibus, contentionibus omnia personuerunt. Ipsa Concilia fausto exitu non claudebantur. Vide Gregor. Nazianz. in Epist. ad Procop.

Justissimo proinde Ecclesiæ judicio ad hanc regiminis formam deventum est. Quod si ipsi boni, & pii viri in hoc aliquid offendant, id humanæ

na-

naturæ vitio tribuendum, cum nihil esse queat ab omni parte beatum, & intolerabilis præsumptionis illud sit velle omnia prorsus mala ab hac universitate longe remota Cap. QUANTUS ARROGANTIE XXIII. Quæst. 4. 15.

Pergit Noster, & Canonorum prærogativas persequens subdit: *Indulgentiæ non per alios, quam per Episcopos indicuntur adhibitis duobus de Capitulo ex Tridentino.*

Papæ! Hoc vere magnum dices. En Tridentini verba Sess. XXI. Reform. 9. *Indulgentias, aut alias Spirituales gratias, quibus non ideo Christi Fideles decet privari, deinceps per Ordinarios locorum adhibitis duobus de Capitulo publicandas esse decernit* (S. Synodus). Scilicet adhibentur duo Canonici ad ornatum, & decorem publicationis illius, ut si Parochus baptismum nobili infantulo ministraturus Alba, & Piviali ornatus, longo Clericorum choro stipatus e secretario prodiret.

Robur Capitulari jurisdictioni, & dignitati conciliat Theologus noster ex eo, quod sint præcipuæ Canonorum partes in Diocesana Synodo. Hujus enim sanctiones firmitate carere, si inconsulto Capitulo promulgentur, affirmat. Profert Lucium Ferrarien. Sed hic ait: *Episcopus prudens, antequam Synodi decreta promulget, debet prius in privatis congressibus a viris doctri- na, prudentia, ac pietate præstantibus, & deinde ex obligatione a Capitulo Collegialiter condunato consilium exquirere.*

Justum, & humanum id. Quod autem ex obligatione sic teneatur Capitulum exquirere, ut hujus deficiente consilio, nullus Synodalibus constitutio-

tutionibus valor constet, id Episcopis non facile probabitur; & voluissē, ut firmioribus hoc argumentis Noster roborasset. Scio sæpius a S. Congreg. decisum, cleri consensum non requiri in Synodalibus constitutionibus firmandis.

Fingamus publico malo Episcopum nullis doctrina insignibus Canonicis stipatum Synodum velle habere. Evocavit simplices Presbyteros sapientia præstantes, cum his consilia contulit, constitutiones conscripsit. Omnibus deinde, quorum interest, ad Synodum accersitis, decreta rite recteque promulget; nullus reclamatur; plaudant omnes, an Lucius Ferrar. Synodum hanc, quia nullæ in ea Canoniorum industriæ, expungeret? Vir anææ frontis, & ferrei stomachi, si auderet.

S U M M A R I U M.

1. *Castigatur licentia cujusdam veteratoris indignis modis Affisios excipientis.*
2. *Injustissime his aditum ad Canonicatum præcludi.*
3. *Demonstratur omni momentorum genere hos ceteris paribus præferendos in ascensu ad Canonicatum.*
4. *Florentissimus hodie Cathedralis Aversanæ Affisiorum cœtus.*
5. *RR. D. BERNARDI CAROBENE Affisii Elogium.*

A pag. 121. ad 124.

1. **E**Piscopis in ordinem redactis, Canonicorum majestate firmata, imperioque adaucto, Parochis clanculum, & per cuniculos subversis, ad multiplex, totumque proprium RR. Capituli Aversani decus æternæ memoriæ mandandum, triumphalem calamum convertebat Theologus noster, cum nescio quis veterator pulcherrimi Operis invidia tactus, odium tanto Viro apud universos conflaturus, tristes duas hic inseruit pagellas, in quibus spectatissimus, & omnibus nominibus celebrandus Affisiorum, vulgo Hebdomadario- rum, Aversanæ Cathedralis Ordo immaniter dive- xatur, proscinditur, laceratur. Equidem non agnosco hîc Theologum meum: aliena manu, & satis hostili maculosum pannum hunc affutum pro com-
 perto habeo. An mihi in animum inducam do-
 ctissi-

ctissimum, modestissimumque hominem sui oblitum felle, & veneno tumentem extra justitiæ, æquitatis, pudoris septa delatum potuisse in immerentium perniciem tam graviter incumbere? Theologum tantum ponere mendacium spem suam, frigide ratiocinari, inepte concludere? Non ergo Theologum meum convenio, sed putidum illum calumniatorem, qui nitidissimum doctissimi Nostrî Librum ingenti hac labe fœdavit.

Splendide mentitur in ipso exordio, dum Assisios nobis repræsentat per Regia Tribunalia curstantes de Canonicatu contendentes. Res ita se habet. Assisii miris, variisque modis oppressi, cum de angusto satis, quod ipsis constitutum fuerat, dimenso temporum iniquitate imminutum viderent, nec modo Sacræ Militiæ omni jure debita denegarentur stipendia, sed & necessaria subtraherentur alimenta, cum neque demissæ iteratæ preces, neque per gravissimos totius urbis viros interposita apud eos, qui rerum potiebantur, officia valerent, bonis omnibus hortantibus, Episcopo probante Regium adiere Thronum calamitatis suæ indolentes, auxiliumque lapsis in rebus postulantes. Hoc totum. Quas contentiones comminiscitur, quæ somniat veterator ille Tribunalia?

2. Sed Helenam illam, illud Idolum, scilicet Canonicatum Assisii concupiere?

Proh nefas! *Tanta ne vos generis tenuit fiducia vestri Assisii?* Vos ne illum . . . Et postulavissetis vobis regnum? Quomodo in Canonicatum adspicitis insuperabili vos objice longe prohibente? *Siquidem longissimi temporis præscriptione factum* [ait Adversarius] *ut Assisii ad*

R

Ca-

Canonicatum præcludatur accessus. Antiqui mores ostendunt abs re Ecclesiæ non esse hujusmodi homines ad altiore hunc gradum provehere. Uno, aut altero tempore unus, aut alter Aristes eorum aliquos altius ascendere jussisset. Id vero nec contigit unquam, nec pro rerum humanarum conditione contingere unquam potest.

Exhorrescat cælum. Quanta in tribus verbis iniquitas! mendacium imperitia, tum communis sensus depravatio, tum Ecclesiasticorum graduum odiosa, foeda, detestabilis investa imago. Pudet cetera persequi. Mentitur, dum a nullo Antislite Assisiorum ullo tempore aliquem ad Canonicatum dicit evectum. Consulat Tabularium Episcopale; frequentissimi occurrunt Assisii ad Canonicatum omni tempore a variis Præsulibus promoti. Qua fronte oppositum tam secure pronuntiatur?

Tu ne præscriptione pugnas? O egregium mercatorem, qui in sacratiora Ecclesiæ jura, omni jure conculcato, hanc invehit regulam, & cui ignotum, quibus munitam conditionibus tum Ecclesiastici, tum Politici Legumlatores præscriptionem voluerint. Adeat tyrunculos Legulejos; ediscat versiculos:

*Non usucapies, nisi sint tibi talia quinque:
Bona Fides, justus Titulus, Res non vitiosa
Quod Res tradatur, & Tempus continuetur.*

Dispeream, si non decem pro quinque hic desint requisita. An unum, & modicum probrum fuerat illud: *Hereditate possideamus Sanctuarium Domini*, ut necesse fuerit addere: *præscriptione hereditatem Domini dissipemus.*

Verum se hoc argumento peti sentient honestissimi Canonici nostri, quorum nullum ab omnibus

bus

bus retro seculis Episcopalibus insulis decoratum novimus. Deus immortalis! In Italia quot oppida, tot Episcopatus, & tamen horum nullum ne Apuliæ quidem Episcopulum ula vidit ætas. Scio unum tantum (idque nostris diebus factum) ex Canonicis nostris prodiisse Episcopum. Sed ille jure non erat Canonicus censendus. Nam de Episcopatu tutus eo, quod omnes norunt consilio, ad Canonicatum accessit. Præscriptum est ergo quoad Episcopatum contra RR. Capitulum Averfanum? Quis feret?

Tristatur communis sensus, dum audit cœtum unum Assisiorum excludendum a Canonicatu. Quæ fieri id poterit? Tantum in sublime attollitur hæc dignitas, ut qui ab Episcopatu, a Cardinalatu, imo, & Summo Pontificatu non excluduntur, a Canonicatu arceantur?

Quis cælum terræ non misceat, O mare cælo?

Quantum injusta de Ecclesiasticis gradibus exhibetur imago, dum hi probis Presbyteris interclusi nuntiantur; cum probitate, & doctrina ad sublimia quævis in Ecclesia singulis viam muniri constet inter omnes. Et in hoc injuriosum se præbet Theologo nostro ineptus scriptor, dum Hierarchiam nervose ab illo ad Tridentini sensum propugnatam ipse mancam, & debilem facit exclusione Assisiorum, quasi non essent hi uncti oleo. Si enim ad Canonicatum evehi nequeunt, jam nullo loco sunt; jam extra Hierarchiam illam constituentur. Si autem vi Diaconatus, vel Presbyteratus ad Hierarchiam pertinent, semper ad altiora illis debet ascensus patere; cum inauditum sit aliquem alicujus Ecclesiæ ministerio

addictum ineluctabili necessitate immobilem detineri in eo, quem primum cepit, gradu, nec posse ad altiorem in eadem Ecclesia ascendere.

At quo tantum meruere nefas, quo Numine laeso Assisii a Canonatu excluduntur? Nempe Quod decere minime videatur, ut qui deserviendo instituti sunt, ad imperandum continuo arcessantur, quemadmodum indecorum certe existimaretur, si Judicum Apparitores in Tribunalibus statim nullo alio interjecto gradu ad jus dicendum advocarentur.

O vocem sacrilegam miscentem sacra profanis! Os durum! Ergo Canonici ad imperandum? Christus non venit ministrari, sed ministrare. Magister, & Dominus lavat pedes Discipulorum; clamat: Ego sum in medio vestrum, quasi qui ministrat; & imperant Canonici? En Christi Vicarius Petri Successor vocat se Servum Servorum Dei?

Quomodo modestissimi nostri Canonici mala omnia non imprecabuntur nebuloni illi, qui talia de ipsis prædicat? Quomodo pientissimus Theologus noster subtili disquisitione non inquireret, quinam is, qui sibi talia impingit? Imperant Canonici? Ego video Caonicos, quodrum nullum cerno hujus Imperii vestigium. Erit forsitan imperium novi generis. Adii Bartholos, & Baldos, edidici tria Imperii genera. Nullum in hos cadit. Et quibus imperant? Scilicet Assisiis, qui deserviendo sunt instituti.

O miserrimum Assisiorum genus, cui a natura ipsa servitio premi comparatum est! Quamvis autem in servorum conditione nulla sit differen-

cia

tia ex Instit. Imper. quia tamen est ordo quidam inter servos quoad officia, & munera, quæ alia aliis honestiora esse solent, dic sodes, cujusmodi servi sunt nostri Affisii? Num atriensès, num culinarii, num a pedibus? Et si quid foedis sit ediffere. O frontem hominis!

Et quid in hoc vultu poterit flagrare ruboris?

Imperant Canonici? Nemo unquam verbum asperius audivit. Saltem uni Domino servirent Affisii; non adeo infelix eorum esset conditio; nam teste Claudiano:

. . . . Discrimina quædam

Sunt famulis, splendorque suus, maculamque minorem

Conditionis habet, Domino qui vixerit uno.

Unus servit 30. dominis, cum ex Evangelio duobus servire non possit.

Neque dicat id verti non debere in ipsorum contumeliam Assisiorum, cum perhonorificum sit Ecclesiæ servire, nam aliud est Ecclesiæ, aliud Canonicis servire, & textus ipse totus contumeliosus iniquum Scriptoris consilium prodit. Ergo Canonici, qui Ecclesiæ deserviunt, ad Episcopatum promoveri non poterunt? Vah. . . Si ergo idem est in Affisiis servire, cur a Canonicatu arcentur? Non ergo Ecclesiæ, sed Canonicis deservire sunt nati. O fortunatam Canonicorum sobolem, cui tantum bonum domi nascitur!

Verum non insignis vappa ego, qui insanienti homini irascar? Hominem ex insano sanum fieri posse? Dupliciter insanus, qui contendit. Rideamus, & jocemur, incidimus quando in rem di-

gnam salibus facetiisque. Quam pulchrum illud: Judicum Apparitores in Tribunalibus ! Risum tenere non possum. Indignabuntur tamen optimi Canonici nostri. Hi enim advertent se iudices omni jure cogi posse ad justum salarium Apparitoribus illis, deservientibusque suis decernendum; alias quivis in unum Assisiorum male vestitum, & pejus peculiatum incidens clamabit cum illo apud Comicum:

*Apparet servum hunc esse domini pauperis
Miserique ;*

Et probum non recidet in ipsum Canonicum ? irascetur certe Theologus noster. Ipse enim magnum causæ suæ præsidium posuit in inscriptione Synodicae Epist. Ephesinae Synodi, ubi Episcopi simplices Presbyteros Constantinopoli degentes *Comministros suos, & Compresbyteros* vocant, & hic vult Assisios dici *Servientes*, & hoc nomine a Canonicis vocandos. Vide hominis confidentiam !

At axiomatis loco ponit : *ex doctissimis, & probitate maxime conspicuis seligendum eum, qui Canonicus inauguratur.* Probe. At seligitur ? Sunt omnes ejusmodi ? Possunt ; at non possunt Hebdomadarii, *quia cantus ad scientias comparandas ineptos reddit.* Toto enim Marte in eantum incumbere debent, & *ars longa, vita brevis.* Quot annorum spatium ea cantus pericia Hebdomadariis nostris stetit ?

Nolo hîc alium iudicem, nisi Theologum nostrum. Ipse, qui tam solleter vetusta monumenta versavit, & in illis antiqui Presbyterii jura rimatus est, exponat, quando musicæ, & lascivis mu-

musicorum modulationibus, quibus addiscendis pene tota vita impar, in Ecclesia vetustis temporibus locus, & quando auditum Affisios ex vi sui muneris musicos agere debere? Scio ab omnibus Conciliis sequioris ævi (Doctores prætereo) edici, ut si quæ musica adhibeatur, non sit lasciva, nec choreis potius, quam choro congruens, sed gravis, & movens pios affectus.

At ineptus calumniator, qui in minimis tenuissimisque rebus ita labitur, ut aliis miserandus, aliis irridendus esse videatur, id non sapit. S. Leonem II. quia musicis eruditus fuit, in Averfanorum album Canonicorum referri vetuisset noster Scriptor. Bonus scilicet homo Ecclesiastici, devotique cantus peritiam totum hominem occupare debere arbitratur. Quod quid aliud est, quam tristi censura omnes, qua veteres, qua recentiores SS. Antistites notare, qui Clericis omnibus serio eantus notitiam præcipiunt. Romani ipsi Pontifices, quin Reges idipsum ursere, & in ipsas barbaras regiones, quibus veræ Fidei lumen esset illatum, continuo Ecclesiasticorum cantum invehendum curarunt, cum ex devota illa modulatione pii excitentur affectus, & ad cælestia animus dirigatur. Testis locupletissimus Augustinus in suis Confessionibus.

Verum Gregorius Magnus inducitur cantoribus munus Presbyteris, & Diaconis interdicens, & in solos minores Clericos illud rejiciens. Misere me hominis istius. Si indignum majoribus Ordinibus cantum æstimabimus, jam Canonici ipsi nunquam cantabunt. Aderunt tanquam idola choro, vocem tamen non emittent, & de his jure dicetur: *Os habent, & non loquentur.* At

R 4

quid

quid facies, si Canonicos non cantantes fructus suos non facere jura clamant, neque hos benignissimus ipse absolvit Diana. An innocentes Canonici, qui ad indignitatem tantam, qualis est cantus, Assisios Sacerdotes compellant? Nullo modo.

Gregorius igitur accipiendus est de cantu illo theatri, de lascivis illis modulationibus, de quibus supra meminimus, quas non solum ab Assisiis non postulamus, sed ab his longe repellimus, damnamusque in Subdiaconis, & ipsis minoribus Clericis. Fortasse Diaconi, & Presbyteri illi, cum exquisitis, & longo usu comparatis modulationibus assuevissent, non facile dediscere poterant, quod didicerant diu, & quamvis sapius moniti in idem recidebant, idcirco Gregorius illis omnino cantu interdixit, & in minores Clericos, qui nullam ætatis suæ partem in dictis studiis contriverant, canendi munus rejecit. Conjecturam firmant Gregorii ipsius verba, quibus queritur illos gravioribus curis nuncium dixisse. Quod nisi dicamus, jam asserere cogemur Divinam psalmodiam Gregorium in Presbyteris damnassee.

Quam ridicule a Collegiis illis, in quibus ad concentum adolescentes informantur, argumentum desumit insperatæ in litteris, & scientiis progressionis in Assisiorum cœtu! Quid Clericis nostris cum illis commune? Litteris illi operantur, scilicet ut elementarii evadant, & legere tantum sciant, ut cum filiis lanionum, aurigarum, tonforum factum videmus. Tu hos cum Clericis conferes, quos sub optimorum magistrorum vigili adcuratone positos, censoribus in dies sol-

sollicitantibus, examinаторibus terrentibus, Episcopo urgente scimus naviter in litteras incumbere?

Sed hæc quid reficamus, cum oppositum manifesta prodat experientia? Nonne vides ex spectabili illo Assisiorum ordine urbanos, & diocesanos Parochos extitisse quamplurimos? Si ad Curatum Beneficium (scis quanta ad istud suppellectile opus, scis quantæ probitatis, scientiæ tessera ad illud accessus pateat). Omni tempore sub omnibus Episcopis Assisii sunt promoti; quæ nova isthæc in te incessit religio, ut hos crude, & illiberaliter a Canonicatu longe arceas, & extermines? Ast tu, qui zelo zelatus es pro Reverendissimo Capitulo, nec ad Canonicatum vis ullum promoveri, nisi doctissimum, age fare, si doctissimus semper in Canonicum eligitur? Abjice, injuste libripens, stateram dolosam; quid pondus, & pondus tractas? Verum hoc non tuum: videat ille, cujus est videre.

Verum vilis nimium Assisiorum originaria conditio. *Canonicis in gravioribus Ecclesiæ negotiis occupatis, doctrinaque suæ radiis alibi errorum, & ignorantiae tenebras dispellentibus, jam elanguerat chorus ex illorum absentia. Quasii ergo Clerici, qui Canonicas horas in choro persolverent. Altioribus muneribus impares isti, nec ea scientiæ, quæ in Canonicis requirebatur, suppellectili divites ad canendum sunt adsciti. Maxima ergo ordinis perversio, si ima summis commutare velimus.*

Hæc gratis asseruntur. Si verum amamus, dicemus focordiam, inertiamque Canonicorum institutioni Assisiorum aditum parasse. Illi hereditatem

tatem sine sacris affectu, cum loco moveri non formidarent segnius munere suo fungi; raro adefse choro, modo stomachi, modo capitis imbecillitatem causari; hinc mira canonici penſi incuria, altum in Eccleſiis ſilentium in iſtis ſolemniſſimis diebus: ingens populi ſcandalum; cumque nulla poſſent via Canonici ad officium revocari, factum eſt, ut alii iſtis darentur ſuccenturiati, qui iſtorum abſentiam vigili, & accurata ſua præſentia emendarent. Spes certe his tuta data eſt in Canonicorum locum ſuo tempore veniendi. Ecquis alias adeo inſanus, & ſui oblitus, qui ſe, ſuamque operam pro teruntio locaret? Qui ſpem omnem ſic crudeliter ſibi pateretur intercepti?

Hæc evidentiffime monſtrant non niſi injuſtiſſime a Canonicatu Aſſiſios excludi, nec Capitulum tanti eſſe, ut novam hanc in Aſſiſios irregularitatem invehat, cum neque ex delicto, neque ex defectu queat illa in numeratos cadere Presbyteros; quin caveant pauci illi Capitulares, qui in oppoſitum nituntur, ne in ſeipſos ex lenitatis defectu tantum arceſſant malorum.

Quid ſavius excogitari poteſt, quam velle nullo loco eos haberi, per quos illius, quæ ſurſum eſt Hieruſalem, viva nobis repræſentatur imago; qui Dei laudes jugi canore prædicaturi, ſive

Tempore, quo ſiccos cancer adurit agros,
ſive

Cum riger horrendo perfida bruma gelu.
Templum ſtatis horis adeunt, ibique longas per moras aſcenſiones in corde ſuo ad Dominum præparantes, in carne mortali ſe Angelos nobis exhibent; et ſi ſapimus, eorum voces nobile nobis

ad

ad cælestia incitamentum auribus haurientes red-
damur, & ipsi *almæ Sionis æmuli*.

3. Sed nunc, quod caput est, non solum in-
justissime excludi a Canonatu Assisios, sed cæ-
teris paribus præferendos esse omnibus tenendum
est. Quod & nunc omni momentorum genere
confirmandum suscipimus.

Hominum societate coalita ipsum jus Naturale
si vetat ulli nocere, suadet, ut illis simus magis
propitii, in eosque, ceteris paribus, vividiores
amoris, & beneficentiæ significationes conferamus,
qui propius nos attingunt: sic ad esum Agni
vicinum vocandum edixit Deus. Quo animum
intendens Petrus, dum agit de novi Apostoli
cooptatione, clamat vocandum unum *ex his*,
qui nobiscum sunt. Consideratione dignissima est
vox illa NOBISCUM. Quantum sibi nomen apud
illos Fideles pepererant Joseph ab Arimathæa, &
Nicodemus apparando Christi funus! Synagogam,
Concilium, Pontifices impavide, & palam illo
pietatis officio damnaverant, & mortuo cum sui
apud totam illam gentem honoris detrimento tam
splendide parentaverant: & ille quidem *nobilis*
Decurio, & *ipse dives*; Nicodemus autem illi
non secundus: & hos præter quot erant alii oc-
culti discipuli Domini? An arbitraris hos solos
120. tunc fuisse credentes? Et tamen Petrus cla-
mat eligendum unum *ex his, qui nobiscum sunt*.
Et justissime quidem, cum nulla unquam sit vi-
cino ne remota quidem offensionis causa inferen-
da; quod significavit ille Sapiens, dum dixit:
Cum vicino nunquam in gratiam redeundum.
Magnum profecto crimen vicino se exhibere mo-
le-

lestum, hoc enim Claudiano teste acerrime vindicaret ipsa

. . . . *Pellita Getarum*

Curia.

Age; quinquam Canonicis magis proximi, quam Affisii? Unum, idemque studium utrumque tenet ordinem. Canonici, audivimus supra ex Van-Espen, ad hoc instituti sunt, ut laudes Domino decantent; plus in hoc sibi vindicant, plus audent Affisii, & horum quilibet poterit Decano, vel Præcentori ingerere:

Numinis ejusdem cultor uterque sumus.
Cogita quantum (etiam ambitione proscrip-
ta, longeque fugata) ingenuus Affisii pudor commoveatur, & qualem justa spes moerorem concipiat, dum ipse, qui minus palmo uno a stallo Canonici abest, æternum immisericorditer prohibeatur, veniat alter longinquis advectus ab oris in alienam irrumpat messem, & labores non suos comedat. Si hæc contumelia non est, quid est contumelia?

Hocine est humanum factum, aut incœptum?
calamitatem ex se magnam vicinitas ipsa majorem multo sævioremque facit. Leandrum impotenti amore deperibat Hero; jure queritur:

Nec mare, nec spatium, nec nos via separat ingens;

Exigua prohibemur aqua.

Unum Tantalum ingeniosa Fabula finxit. Nil atrocius potuit illa comminisci. Tu, nisi Affisiorum egregia obsisteret virtus edocta cuncta, quæ terram sapiunt spernere, non unum, sed plures Tantolos nobis repræsentares.

Vide

Vide quantum Naturali juri adverferis, dum Affisiis ad Canonicatum aditum præcludis. Nec minus peccas in jus Divinum. Audi insignem illam Domini præceptionem Parabolæ appositione firmatam, ubi uni ex convivis dicitur: *Amice ascende superius*. In hanc sententiam locum hunc Sacri Canones accipiunt. Cogita cuinam hoc dicatur; scilicet uni ex illis, qui mensæ affidebant. Assident, infimo quamvis loco, Affisii mensæ Canonicorum. Mensa mystica est Sacer Chorus, ubi variis ex Scripturarum penu ferculis pascitur animus. Ambulant cum Canonicis in domo Domini cum consensu. Ergo nunquam uni eorum dicetur: *Amice ascende superius*? Ergo semper unicuique horum dicit Canonicus: *Sede scabellum pedum meorum*?

Area est Ecclesia; vinea quoque. Constat ex Evangelio. De illa prout in choro reperitur maxime proprie dicitur: *Animalia tua habitabunt in ea*, his cibis debetur, & ipse Deus dicit *non alligandum os bovis triturantis in area fruges tuas*. Hanc vineæ partem colendam susceperit Affisii. Hic pingues botri, hic vinum meracissimum. Ut quid alibi paleas, ut quid alibi dissipatas cisternas quærere compellentur Affisii? In hac area fruges triturantur; hic non alligandum os triturantis. Ergo ejicientur extra vineam Affisii jejuni, vel in ipsa vinea fame enecti peribunt? Nullum ne his pomum novus annus educabit? In area ipsa sub fasce laborum gravati disrumpentur? *Heu pietas, heu prisca Fides!*

Quid plura? Ergo semper injustam duramque novercam experientur hi pientissimam Matrem Ecclesiam? Desipis, si injustæ, & turpi huic desol.

locum suspicioni . Mens Ecclesiæ est , ut Assisii suo tempore in Canonicorum sedilia involent ; vacantia Canonicorum occupent stalla . Ex quo nobis etiam non dicentibus , facile deduces , & juri Ecclesiastico ex diametro adversari indignam illam assertionem , qua Assisiis Canonicatu interdicitur .

Ecce Cælestinus Papa I. ad Episcopos Galliæ anno 423. relatus cap. NULLUS Dñs. 61. Ecclesiæ sensum nobis aperuit : *Hibeat unusquisque fructum suæ militiæ in Ecclesia , in qua suum per omnia officia transigit ætatem . In aliena stipendia minime alter obrepat , nec alii debitam alter sibi vindicare audeat mercedem . Et vide quantum in hoc stet firmiter : Sit facultas clericis retinendi , si se viderint prægravari , & quos sibi ingeri ex transverso agnoverint , non timeant refutare .*

Nulla hîc opus Glossa : incurrit in oculos stupidi cujusvis apertissima , & cedro digna sententia . Hanc si commentandam susciperemus , profecto de illius videbimur robore diminuere . Scio Cælestinum loqui de eligendo in Episcopum . Sed nihil id incommodat ; idem enim de eligendo in Canonicum , in Parochum , & ad quemlibet gradum promovendo dixisse censendus est , cum eadem ubique victrix militet ratio .

Imo & potior , & pro Assisiis nostris longe efficacior hîc se exerit ratio . Si enim ex Apostolo : *Nemo militat suis stipendiis unquam* ; si ex Sacris Canonibus : *Ecclesiasticis utilitatibus defudantes Ecclesiastica dignum est consolatione gaudere* ; jam Assisii , qui tam longa die pondus diei , & æstus , nulla adhuc eos sequente mercede

por-

portarunt ; si suis stipendiis militarunt non exiguï , sed longi temporis decurtu ; quis nisi injustissimus eos Canoniatu dixerit excludendos ?

Quod si adhuc istud displicet , cerne quantam in Ecclesiastico regimine ordinis perversitatem , qui secus sentit , agnoscere cogatur : injustitiæ Præsules , amentix reos ipsos peraget Assisios . Per gradus ad Ecclesiastica munia , & dignitates aditus comparatur , nec quis momento summus fieri debet . Qui ordinem hunc abruptit , non injustus ille ? Qui sibi ita illudi patitur , ut asse minus operam suam æternum locet spe sine progrediendi , nonne amens ille , imo insanus ?

Equidem dum hæc perpendo , non video , an ullus Ecclesiasticorum ordo in vinea Domini laborantium esse queat , qui de Canoniatu jure cum Assisiis contendat . Extraordinarios casus prætereo ; rem , ut vulgo obtinet , dispiciamus .

Parochum senio fatiscentem , & arduo muneri ineptum redditum , qui Canonicorum Collegio vellet adscribi , non increparem . Emeritum bellatorem militiæ labore perfunctum , sed nunc cui genua labant , caligant oculi , & plurima in toto corpore mortis regnat imago , in castra quietis se recipere conantem natura ipsa , & omnia jura non rejicient . At id de omnibus Parochis accipies ? Hos Assisiis indiscrete præferes ? Vah ineptum Parochum , qui indignitate tanta dignitatem suam prostituit , & Curato Beneficio simplex , quale est Canonicatus , præponit , illudque hujus ergo dimittit . Neque hic timet Dominum , dum novus Esau hæreditatem sibi præripi patitur libenter ; stolam gloriæ abjicit , & a Summo , in quem Dei miseratione ascenderat , loco ad imade-

delabitur, scilicet *de equo ad asinum*, ut loquitur S. Petrus Damianus. Hunc stultum stulte patientem Episcopus, si sapit, *vinclis, & carcere frænnet*. Nil ergo a Parochis in hoc timeant Assisii.

Verum in Canonicatus petitione primas esse partes eorum, qui in inclyto Seminario nostro operam suam collocant in informandis ad humaniores litteras, vel graviore disciplina convictoribus, si dixerit aliquis, hunc continuo tamquam injuriosum egregiis illis Magistris, & Doctöribus dignis modis increpabimus, ejusque insaniam refellemus. Ergo ne eloquentiam, Divinum donum, scientiasque longo usu totque vigiliis, & laboribus comparatas hi perdendas didicerint, nec in plateis aquas suas dividunt? Hos præclaros fontes intra se concludent? Ecquis eloquentiæ ecquis scientiæ in Canonicis usus? Quisnam illos consulat? Quando eorum vox in Foro, in Templis audietur? Non hos elegit Dominus per quos salus fiat in populo suo. Ascetarum his partes tributæ. Ad Animarum curam vocentur clarissimi illi Professores. Hic dignus campus eorum virtuti patet. Hunc excolant, cum sint egregie illi excolendo instructi.

An negotium Assisiis nostris faceissent Monialium Confessarii? Nequaquam; modestissimi hi hominum: nunquam ab his turbatum: non clamabit:

... Melicerta perisse

Frontem de rebus ...

Neque unquam oppressus Assisius ejulabit cum Zacharia: *Videat Dominus, & requirat Paralip. XXIV. 22.* Sed manifesta res est, ut proinde

de quicquid fuerit) ab illa parte obiectum, id lepore magis elevandum, quam contentione frangendum videatur.

4. Et hæc quidem pauca de Affisiis, & pro Affisiis nostris innuisse non fuerit omnino inutile, tum in obsequium veritatis, qua nihil nobis antiquius esse debet, tum in gratiam ipsorum Affisiorum, quorum quo infeliciores, si ad fortunæ bonæ spectes, nunc conditio est, eo majus ex probitate, modestia, & omnibus Christianis virtutibus decus elucet. In his

Nil fessa reliquit

Officii virtus

Major in adversis micuit

Et quamvis in dies omnia in deterius prolabantur, pejoresque nos avis vitiosior ætas eduxerit, horum portento vere mirabili procedentibus temporibus majus ex solida virtute factum est decus. Profecto si aliquando hujus ordinis aliqua extitit juste comparata gloria, nunc illa florentissima est, neque ullam arbitror fuisse ætatem, in qua digniores Sacerdotes illi ordini inventi fuerint adscripti. Scio ipsos propter eximiam animi submissionem non secundis auribus hæc excepturos.

5. Temperare tamen mihi non possum, quin fulgentissimum non solum Ordinis illius, sed totius Aversani Cleri lumen, decus, & ornamentum commemorem R. D. BERNARDUM GAROBENE. Hujus summam spectatissimam virtutem nec ipsa tota eloquentia Tulliana digna posset oratione complecti. In ipso flore juventutis assiduis innocentiae argumentis traductæ is

S

cam

eam vitæ rationem instituit (quæ & constanter tenet, & in dies miris solidæ virtutis processibus cumulat) quæ non solum egregium cunctis esset exemplum, sed ingens spectaculum omnium seculorum fama, encomiisque dignissimum.

Non hic victum, cultumque in primis horridum, & asperum commemoro, non dies, noctesque fletibus junctas, tum non interrupta jejunia, tum nihil de quotidiana precatione remissum; vulgaria hæc, neque in tanto viro ad summum perfectionis apicem grassante, ut nova, vel magna dices recensenda. At age ex hoc uno, quod memoro, vide Hominis ingenium. Quinquaginta ferme sunt anni, cum dictus **Heros** in album Hebdomadariorum hujus Cathedralis est relatus. Gaudet hoc privilegio Capitulum Averfanum, ut in duas turmas Canonici cum Hebdomadariis æque divisi, qua Hebdomada una turma choro astet, altera ferietur. At Noster tot annorum spatio nunquam seriatus est. Matutinis, Vespertinisque horis quotidie interfuit novo, & omnibus retro seculis inaudito prodigio; cumque Canonici vix absoluto horarum penso *non secus, ac si Diabolus eos flagellis persequeretur* (habes hæc apud Van-Elpen) *celerrima fuga se ab Ecclesia proripiant*. Hic non discedit de Templo; domus illi nulla, nisi Templum: hic veluti mundo emortuus, & Christo conscriptus inter incommodæ illius habitationis, quas suspicari potes, acerbitates, cælestem vitam transigit, noctesque vel genu flexo, vel facie humi strata coram SS. Tabernaculo ducit insomnes. Viventis

tis ἀποδείξωσι credo Angelos ipsos jamdudum celebrasse . Felix hoc nomine , & omnibus prærogativis decorandus Assisiorum Aversanorum Ordo . Felix , & hæc pars , quæ tanti Viri elogio clauditur .

DEVENIMUS TANDEM AD TERTIAM PARTEM
PRÆCLARISSIMI THEOLOGI NOŒTRI,
CUJUS INSCRIPTIO EST :

CAPITULI AVERSANI CONSTITUTIO,
AC STATUS .

[illegible]

1. 2. 3. 4. 5. 6. 7. 8. 9. 10. 11. 12. 13. 14. 15. 16. 17. 18. 19. 20. 21. 22. 23. 24. 25. 26. 27. 28. 29. 30. 31. 32. 33. 34. 35. 36. 37. 38. 39. 40. 41. 42. 43. 44. 45. 46. 47. 48. 49. 50. 51. 52. 53. 54. 55. 56. 57. 58. 59. 60. 61. 62. 63. 64. 65. 66. 67. 68. 69. 70. 71. 72. 73. 74. 75. 76. 77. 78. 79. 80. 81. 82. 83. 84. 85. 86. 87. 88. 89. 90. 91. 92. 93. 94. 95. 96. 97. 98. 99. 100. 101. 102. 103. 104. 105. 106. 107. 108. 109. 110. 111. 112. 113. 114. 115. 116. 117. 118. 119. 120. 121. 122. 123. 124. 125. 126. 127. 128. 129. 130. 131. 132. 133. 134. 135. 136. 137. 138. 139. 140. 141. 142. 143. 144. 145. 146. 147. 148. 149. 150. 151. 152. 153. 154. 155. 156. 157. 158. 159. 160. 161. 162. 163. 164. 165. 166. 167. 168. 169. 170. 171. 172. 173. 174. 175. 176. 177. 178. 179. 180. 181. 182. 183. 184. 185. 186. 187. 188. 189. 190. 191. 192. 193. 194. 195. 196. 197. 198. 199. 200. 201. 202. 203. 204. 205. 206. 207. 208. 209. 210. 211. 212. 213. 214. 215. 216. 217. 218. 219. 220. 221. 222. 223. 224. 225. 226. 227. 228. 229. 230. 231. 232. 233. 234. 235. 236. 237. 238. 239. 240. 241. 242. 243. 244. 245. 246. 247. 248. 249. 250. 251. 252. 253. 254. 255. 256. 257. 258. 259. 260. 261. 262. 263. 264. 265. 266. 267. 268. 269. 270. 271. 272. 273. 274. 275. 276. 277. 278. 279. 280. 281. 282. 283. 284. 285. 286. 287. 288. 289. 290. 291. 292. 293. 294. 295. 296. 297. 298. 299. 300. 301. 302. 303. 304. 305. 306. 307. 308. 309. 310. 311. 312. 313. 314. 315. 316. 317. 318. 319. 320. 321. 322. 323. 324. 325. 326. 327. 328. 329. 330. 331. 332. 333. 334. 335. 336. 337. 338. 339. 340. 341. 342. 343. 344. 345. 346. 347. 348. 349. 350. 351. 352. 353. 354. 355. 356. 357. 358. 359. 360. 361. 362. 363. 364. 365. 366. 367. 368. 369. 370. 371. 372. 373. 374. 375. 376. 377. 378. 379. 380. 381. 382. 383. 384. 385. 386. 387. 388. 389. 390. 391. 392. 393. 394. 395. 396. 397. 398. 399. 400. 401. 402. 403. 404. 405. 406. 407. 408. 409. 410. 411. 412. 413. 414. 415. 416. 417. 418. 419. 420. 421. 422. 423. 424. 425. 426. 427. 428. 429. 430. 431. 432. 433. 434. 435. 436. 437. 438. 439. 440. 441. 442. 443. 444. 445. 446. 447. 448. 449. 450. 451. 452. 453. 454. 455. 456. 457. 458. 459. 460. 461. 462. 463. 464. 465. 466. 467. 468. 469. 470. 471. 472. 473. 474. 475. 476. 477. 478. 479. 480. 481. 482. 483. 484. 485. 486. 487. 488. 489. 490. 491. 492. 493. 494. 495. 496. 497. 498. 499. 500. 501. 502. 503. 504. 505. 506. 507. 508. 509. 510. 511. 512. 513. 514. 515. 516. 517. 518. 519. 520. 521. 522. 523. 524. 525. 526. 527. 528. 529. 530. 531. 532. 533. 534. 535. 536. 537. 538. 539. 540. 541. 542. 543. 544. 545. 546. 547. 548. 549. 550. 551. 552. 553. 554. 555. 556. 557. 558. 559. 560. 561. 562. 563. 564. 565. 566. 567. 568. 569. 570. 571. 572. 573. 574. 575. 576. 577. 578. 579. 580. 581. 582. 583. 584. 585. 586. 587. 588. 589. 590. 591. 592. 593. 594. 595. 596. 597. 598. 599. 600. 601. 602. 603. 604. 605. 606. 607. 608. 609. 610. 611. 612. 613. 614. 615. 616. 617. 618. 619. 620. 621. 622. 623. 624. 625. 626. 627. 628. 629. 630. 631. 632. 633. 634. 635. 636. 637. 638. 639. 640. 641. 642. 643. 644. 645. 646. 647. 648. 649. 650. 651. 652. 653. 654. 655. 656. 657. 658. 659. 660. 661. 662. 663. 664. 665. 666. 667. 668. 669. 670. 671. 672. 673. 674. 675. 676. 677. 678. 679. 680. 681. 682. 683. 684. 685. 686. 687. 688. 689. 690. 691. 692. 693. 694. 695. 696. 697. 698. 699. 700. 701. 702. 703. 704. 705. 706. 707. 708. 709. 710. 711. 712. 713. 714. 715. 716. 717. 718. 719. 720. 721. 722. 723. 724. 725. 726. 727. 728. 729. 730. 731. 732. 733. 734. 735. 736. 737. 738. 739. 740. 741. 742. 743. 744. 745. 746. 747. 748. 749. 750. 751. 752. 753. 754. 755. 756. 757. 758. 759. 760. 761. 762. 763. 764. 765. 766. 767. 768. 769. 770. 771. 772. 773. 774. 775. 776. 777. 778. 779. 780. 781. 782. 783. 784. 785. 786. 787. 788. 789. 790. 791. 792. 793. 794. 795. 796. 797. 798. 799. 800. 801. 802. 803. 804. 805. 806. 807. 808. 809. 810. 811. 812. 813. 814. 815. 816. 817. 818. 819. 820. 821. 822. 823. 824. 825. 826. 827. 828. 829. 830. 831. 832. 833. 834. 835. 836. 837. 838. 839. 840.

Journal of Management Studies, 19(1), 67-80.

LUGUBRIS LAMENTATIO
FLETUSQUE MÆRENS

S U P E R

CONSTITUTIONE, AC STATU
RR. CAPITULI AVERSANI.

A pag. 124. ad finem.

MAgnum operæ pretium fecisset Theologus noster, si ut in prima, & altera operis sui parte egregium se nobis purioris solutæ orationis exhibuit Magistrum, sic in tertia hac, quid in arte poetica valeret, (valet autem plurimum) significasset. Nobile poeseos argumentum non fuerat pedestri committendum sermoni: *Herói res erat ista pedis*. Tunc enim *quidlibet audendi permissa poetæ licentia*, augentibus omnia Musis, feliciter eventu votis respondente, tota hæc peracta fuisset Fabula: Plaudite clamasset ille: plausus ingeminassemus & ipsi.

Maximus RR. Capituli Aversani splendor, gloria immortalis, decus æternum, si ad Canonicos, qui illud nunc conflant ad eos; quoque, qui omni tempore conflarunt, animum adjicias. Et præteritos quidem nunquam intermoritura fama commendat; præsentis vero (Deus immortalis!) quis non miratur?

S 3

Ex

Ex his qualis

Quantaque se nostris attollit gloria rebus!
 Quamplures ex his ad miraculum docti! Omnes
 reliqui non vulgari scientia instructi, omnes
 vero, & singuli compositissimis meritis, exi-
 mia prudentia, & prisca probitate spectabiles.
 Nullus projectæ adulationis, a qua magis, quam
 a morte, abhorreo, me reum peragat. Res nulli
 ignotas loquor.

Quæ cum ita sint, discrucior animi, dum col-
 legio structuræ suæ vitio undique fatiscenti, nul-
 lo nativæ, & ingenitæ nobilitatis decore instru-
 cto, tales, tantosque viros video aggregatos. Aliis
 fastis, aliis tabulis erant hi adscribendi. Vidit id
 Sapientissimus noster Antistes (quem nominasse,
 laudasse est) Excellentissimus Dominus Franci-
 scus del Tufo, calamitatem eorum doluit, &
 pro virili se totum ad illos augendos, honoran-
 dos, extollendos comparavit. Quæcumque splen-
 dida, quæcumque magna, quæcumque sublimia
 possunt ab Episcopali culmine proficisci, in hos
 congeffit. Felices tanto Præsule Aversani, felix,
 ac si cum Poëta jocari libet, ipso Persarum Re-
 ge beatior Canonice nostrorum Ordo.

His poterat esse contentus Theologus noster;
 at ipse totus in elogium constitutionis capituli
 nostri effusus, dum quidquid, & Thrafo in Fa-
 bulis, *Quicquid Græcia mendax audet in hi-*
storia, longe superat, videat, ne se aliis præbeat
 irridendum. Etenim in tanta horti hujus egestate

*Quis credet, quod bruma rosas innoxia servet,
 Quod gelidi rubeant alieno gramine menses,
 Verna nec iratum timeant virgulta Bootem?*

Nos

Nos profecto pietatem, & officium in Capitulum suum probamus, laudamus, commendamus. Si enim, historicorum Principe teste, datur hæc venia antiquitati, ut cuncta miscendo exordia sua faciat augustiora, cur & Nostro id inurbane, & illiberaliter denegabimus?

Quamvis autem eorum, quæ ab aliis, maxime quæ a vetustis chartis, refert Historicus, se non præstet sponforem, attamen id ipsi curandum est, ut verisimilis sit narratio, ne apud stupidos ceteroquin homines verba facere, & incautis illudere velle videatur. Id egregie in hac parte efficiendum a Nostro arbitror.

Ergo id in primis tanquam, quid maxime eximii, & mirabilis, imo singularis loco prærogativæ Capitulo nostro apponendum censet, *quod fuerit illud exortum, antequam huic Civitati primus daretur Episcopus*, scilicet ut ipse loquitur: *Ante caput enascerentur membra* pag. 126. & pag. 128. exclamat: *Compertam habemus ante Episcopatum ipsum presbyterii Aversani constitutionem, & quidem pastoralis cura decorati, ita ut peculiari prorsus exemplo Principi Senatus præiverit.*

Me terret hujus corporis acephali figura. Triste initium, & jura me edocent difficile esse bono exitu terminari, *quæ malo sunt incobata principio.*

En dissidentia in æternum a capite membra.

Omnia naturæ præpostera legibus ibunt.

Sed videamus, quomodo rationes Noster incat. *Aversa*, ait ipse, *condita est anno 1030. Raynulfus Urbis parens ac fundator tantum non*

mœnia absolvit, cum de Ecclesia Matre construenda, ministris arcessendis, usque largo censu ditandis cum primis cogitavit. Siquidem ex Diplomate Jordani II. anno 1121. constat Raynulphum hunc primum Aversæ Comitem complura speciosissima prædia in Ecclesiam S. Pauli Aversanam, ejusque Clerum regali plane munificentia contulisse. Raynolphus fato concessit anno 1047. Primus Aversanis Episcopus datus est Azolinus a Leone IX. consecratus anno 1050. tribus post Raynulphi obitum annis. Solum ergo presbyterium toto illo viginti ad minus annorum intervallo pastorem curam neophytæ Ecclesiæ istius gessit.

At certissimum est 70. ad minus post Raynulphi obitum annis prima Aversanæ Ecclesiæ fundamenta esse jacta a Riccardo Capuæ Principe, & Aversæ Comite, qui Riccardus cum anno 1119. Aversani Templi ædificationem aggressus, & biennio post viam esset universæ carnis ingressus, cum inceptum opus ad exitum non potuisset perducere, Jordanus ejus filius, & successor absolvit, quod historicorum consensu testatur, & patet ex versibus, qui adhuc supersunt in minori janua dictæ Basilicæ:

*Princeps Jordanus Riccardus Principe natus,
Quæ Pater incæpit prius, hæc implenda
recepit.*

*Et profecto tanta, quod omnes sciunt, assiduorum moles bellorum incumbens, nondum firmata Raynulphi securitas non videntur opportunum valde locum religioni in efferatis illis animis potuisse relinquere, ut templum ingens,
lon-*

longum ministrorum chorum, largum censum, & alia quæ commemorantur, statuere potuerint.

Si quod ergo exiguum interim templum construxit Raynulpus, jam illud presbyteris suis, militumque capellanis tradidit; nondum enim tunc confluentium asyli, quod postea apertum est, beneficio alienigenarum copia convenerat. Res inter arma, exercitusque colluvionem gerebatur, ut necesse non fuerit missionem sacram Presbyteris illis impetrare.

Et hæc quidem in ipsis primordiis. At vero post publicam rem ordinatam, post civium numerum novis in dies, asyli præsertim beneficio, accessionibus auctum pristinis se res Ecclesiastica non potuit angustius continere. Necesse fuit igitur Presbyteros legitima missione insignitos accire. Id a viciniore Episcopo impetratum omnino mihi persuadeo, ne horrendam labem contra fas, jusque omne nascenti egregiæ civitati nostræ adspergamus. Conjectura, quam proponit Theologus noster, scilicet ab Antistite Neapolitano huc missos presbyteros mihi valde arridet; quæ propter eam ab ipsomet mox refelli ægre fero; scilicet metuit clarissimus vir, ne ea posita Sedi Neapolitanæ subdita, vel saltem suffraganea nostra dicenda sit Ecclesia, quod prorsus falsum esse patet ex Calisti II. Bulla agente, quod ab ipso fere sui principio Aversana Ecclesia Romanæ adhasit Ecclesiæ; unde Romana sibi Ecclesia eam tamquam specialem Filiam specialiter vindicavit. Verum hunc paucorum esse timorem, res ipsa evidenter ostendit. Sed est id paulo altius repetendum.

Edi-

Edixerat Can. XII. Chalcedonense Conc. *Ut si quæ Civitas, vel excisa, vel habitatorum copia fuisset destituta, jam proximus Episcopus eorum, qui reliqui essent, curam susciperet, quousque illa civitas restauraretur, vel rursus incolarum multitudine augeretur.* Porro certissimum est Atellanæ Civitati nostram successisse Averfanam, utpote in Atellano territorio constructam, & novam Atellam ab initio vocatam. In Chronico Cavenfi Tom. IV. Histor. Principum Longobard. pag. 334. hæc habentur: *Extruxerunt (Northmanni) aliam urbem Atellam, quam postea dixerunt Adversam inter Neapolem, & Capuam, eo quod in medio adversabatur ipsis.* In Chronico quoque Farfensi apud Clariss. Muratorium Tom. II. pag. 647. extat Bulla anni 1059. cui subscriptus invenitur Gothifredus Atellanus; & in vetustissimis quibusdam membranis, idem antistes interdum se Atellanum, interdum vero Averfanum nominat Episcopum, ut fide dignissimus Tabularii Episcopali Averfani custos me fecit certior.

Revixit ergo Atella in nostra urbe; in illius jura hæc successit. Atellanos in consortium, societatem, gremiumque suum excepere Northmanni. In eorum solo hanc posuere; illius nomen huic indidere. Quid ergo metuemus ab Neapolitano antistite? An ex paucorum, vel plurimorum missione presbyterorum suffraganeam sibi subditamque contra receptos mores, contra ecclesiastica statuta nascentem fecisset Ecclesiam, & Civitati, quæ dominatrix surgebat, spiritualis servitutis notam ausus esset inurere? Injustus, & illiberalis, si contendisset.

Hæc

Hæc an omnino gratis afferantur, judicet lector; meliora in tanta monumentorum penuria non succurrunt. Certe hæc minus cum ratione pugnant, quam quæ affert Noster.

At ex Jordani diplomate constat Raynulphum complura speciosissima prædia in Ecclesiam S. Pauli Aversanam, ejusque Clerum Regali plane magnificentia contulisse. Audivimus longum censum. At id expenderit Noster, qui pag. 138. (scilicet post tanti temporis accessionem, post tot donationes) adhuc tenuissimos vocat Ecclesiæ redditus. Utrumque enim ipsemet diversis licet in pag. scripsit.

Et quoniam de redditibus hic incidit sermo, doleo Aversanos Episcopos non bene in hoc excipi a Theologo nostro. Quid enim illud, quod habet ipse pag. 133. ubi sermonem habens de dissociata communione Episcopum inter, & Capitulum affirmat, quod *Istud jacuisset, nisi privati homines pro sua pietate fundos in ipsum contulissent, quibus ejus constat dos universa*: & pag. præcedent. scripserat: *Vides Castrum Patriæ, ac Lacum Episcopo, & Clero suo conjunctim cecisse, quæ postea dissociata communione in Episcopi unius potestatem cecidere.*

Ergo ne Episcopi Aversani non sua occupaverint? Ergo ne Capitulum despoliavere? Nullum foedius latrocinium; nulla magis injusta occupatio, si res sic fuisset transacta. Profecto maxime impius, qui id primus ausus esset; nequiores, qui scelerata successione alienarum rerum sibi dominium mala fide comparassent. Ergo ex Evangelio omnes fures, & latrones? Uno verbo: Omnes prorsus Aversanos Episcopos æternis cruci-

ciatibus addixisset avaritia . Hoc egregium dices Averſanæ Cathedralis ornamentum; hoc noſtræ Urbis & Capituli, quod commendandum ſuſcipimus, decus immortale nominabis. Verum, quod inſtat, agamus.

Si ea, quæ ſuſe diſputat hic Theologus noſter, ſerio expendamus, videbimus primævos Cathedralis noſtræ Canonicos nihil revera aliud fuiſſe, niſi Parochorum urbanorum Congregationem. Et ſic quidem illorum temporum diſciplina ferebat, cum nondum a Beneficiis Ordo, & Animarum cura fuiſſent diſtracta. Eorum numerum, ait ipſe, primo illo institutionis tempore vetuſtis deſtituti monumentis definire non poſſumus. At anno 1331. duodecim fuiſſe comperimus ex quadam Permutationis pagina. Dubitat autem, an hic numerus quatuor etiam Dignitates complecteretur; in quod proſecto ſollicite inquirendum non arbitror. Puto enim aliam horum duodecim, aliam Canonico- rum, prout poſterioribus invalere temporibus, rationem habendam. Honeſtiſſimo illos *Parochorum* nomine indicarem, ſuaque illis jura inconcuſſa manſiſſe opinor, cum in Capitulum innu- mera Clericorum turba irrepiſſet: quod quomodo contingere potuerit, habes luculentiffime ex Noſtro hic.

Et quidem lugubrem nimium illius Capituli faciem cernimus anno 1449. Proſtat in ipſo Canonico- rum Archivo luculentum illius anni monumentum, cujus hæc ſunt verba: *Cum Averſana Cathedralis Eccleſia a ſuo principio exili- bus fuiſſet, & ſit dotata redditibus, quoad com- munem Canonico- rum, Clerico- rumque menſam licet ii ſint diverſis gradibus, voce, loco, &*
quo-

quotidianis distributionibus distincti, tamen nec distinctus extitit numerus Canonorum, nec Beneficiatorum Clericorum, nec etiam Præbendarum distinctio, aut ordinatio habetur. Et nonnulli ex antecessoribus Episcopis propter penitentium importunitatem tot, & tantos Canonicos, & Clericos beneficiatos in ipsis gradibus instituerunt, & ordinaverunt; quod quasi sic ipsorum excrevit immensitas, ut nequeunt se ex Ecclesiæ proventibus exilibus sustentare Ecclesiam ipsam deserentes, victum propriis manibus quærere compellantur, & ad regimen Ecclesiarum Casalium Diœcesis assumantur, magno cum Divini cultus detrimento, ideo dominus Jacobus Episcopus Aversanus convenit cum suo Capitulo, & statuerunt, quod Canonici sint decem, & octo, inclusis in eisdem Decano, Cantore, Archidiacono, & Subcentore.

Ne tamen in minimum Capituli nostri dedecus id vergere quis suspicetur, imo magnæ hoc illius gloriæ adscriptum volo. Ecquis enim ignorat, quod

..... *Diffuasor honesti*

*Luxus, & humanas oblimat copia mentes;
Provocat, ast segnes animos, rerumque re-
motas*

Ingeniosa vias paullatim explorat egestas.

Ecquis enim ignorat quod

Semper inops quicumque cupit

Et quod

Vivitur Exiguo melius; Natura beatis

Omnibus esse dedit, si quis cognoverit uti.

Ast quid hîc Poesis? Cur adeo frequenter importuna irrepit? An quod apposite hîc per Theolo-

logum nostrum erat agendum ; ineptissime ineptus ego aggrediar ? An potius ingentem mœrorem meum ex illa , quam commemoraturus sum tanta RR. Capituli Aversani (quod ego maxime diligo) calamitate conceptum Musæ levaturæ occurrunt non evocatæ , meque incommoda viginti & octo dierum (tot enim sunt , ex quo has nœnias imprudentissime occentare cœpi) scriptione labefactatum , immodicisque his , fervente ætate , caloribus perustum , erigendum refrigerandumque suscipiunt ?

Quid tibi venit in mentem, Petre Ursine, nova illa ordinatione , melius dicam inordinatione RR. Capituli Aversani ? Siccine per te *egressus est a Filia Sion omnis decor ejus ? Abstulisti omnes magnificos a domo Domini*. Habebamus in pauperulo illo S. Pauli Collegio egregiam antiqui presbyterii imaginem. Jacobus enim , qui supra Episcopus , decem , & octo Canonorum numero Capitulum definiverat ; his , quod consequens erat , Animarum cura concredita . Hi Urbani illi Parochi , quos tantopere vetusta extollunt Concilia , tantamque supra ceteros Presbyteros omnes eminentiam tribuunt . Hos sollicitudinis pastoralis socios bonos ille Jacobus sibi adscivit . Hos partem magnam Episcopalis celsitudinis dixissem , cum horum consiliis , curis , laboribus , Ecclesiasticam rem stetisse nullus dubitaverim .

At quæ (malum) intemperię Petrum Ursinum antistitem Aversanum in Collegium S. Pauli incitarunt ? Is anno 1597. novam invexit formam , quæ Capitulum illud perdidit , possumdedit , delevit . Canonicos , quos *Dignitates* vocant , actuali Animarum cura spoliavit ; inferioris ordinis ministros

nistros duodecim Canonicis adscripsit ; miro calliditatis invento totum illud corpus arctissimo servitutis vinculo sibi , suisque in æternum successoribus fecit obnoxium . Hæc Ursinus .

Heu furis incensus agor ; mihi terra dehiscit.
 Excelsum illum Dignitatum gradum Canonicos tenentes Animarum actuali cura spoliare ? Proh nefas ! Hos ipsos spoliatos ludibrium exhibere Vicario Curato ? Placuit enim in unum hunc Vicarium omnia Parochialia jura transferre , & decerni , ut Dignitates illæ hunc adjuvare ipso jubente Vicario tenerentur . Hui ! Ad nutum ergo Vicarii excelsæ illæ Dignitates ! Quid si Decanus Animarum zelo fervens pueros rudimenta fidei Quadragesimæ tempore velit in principe templo edocere ? Vicarii negligentiam vel inscitiam emendare ? Expellet illum Vicarius Curatus : quomodo huc intraſti , inquiens non te jussi . Res non ignotas loquor . Factum id ævo nostro , & ad Ecclesiasticum tribunal lite delata sententia secundum Vicarium lata est .

Ergo Archidiaconus fratris sui filiolum non baptizabit ; non aderit præcentor , non subcentor nuptiis sororis , vel fratris sui benedicturus , quia vetat Vicarius Curatus . Episcopus interdicet illis jure confessiones excipiendi Sacramentales ; idque non novum , neque insolens .

Ego maximi semper feci Theologum nostrum propter ejus summum ingenium , tamen ex his , quæ occasione Sipontini Capituli supra attexuit (ubi de Animarum cura dignum tanto viro sensum suum aperuit) tantum accessit ad existimationem , ut mirarer locum fuisse augendi in eo , quod mihi jampridem cumulatum etiam videbatur .

tur. Probe intelligit ipse quanti sit Animarum cura; & idcirco Canonicis ademtam tam frequenter ingemit; queriturque.

At vos RR. Canonici (mortuos alloquor, & vide hominis stultitiam, quem in mortuos vis doloris urget) cur non magis luctum habuistis, dum talia moliebatur ingentis animi vir Petrus Ursinus? cur non junctis viribus omni conatu objecistis vos murum pro Capitulo? ita ne vobis illudi passi estis? Et quas obsecro tantæ innovationis justas causas afferre potuit Episcopus Ursinus, ut ab illis moribus, qui tot sæculis invaluerant, ab eo jure, quod justissimum per tot annorum spatia visum erat, juste recederetur, nisi vestram. . . Quid dicam?

Ergo ne vilis visa est Canonicis illis Animarum cura, herile otium sanctis laboribus præferendum censuere, nec viderunt stulti quanto vulneri in Capitulari corpore inde locus. Picas, & Corvos (ecquid enim aliud relictum Canonicis, Animarum cura sublata, nisi strepere?) impune in Capitulum referet, si placet, Ursinus. Non sit alicui incommoda sessio; loqui possit ille, hunc egregium habebimus, Ursino dante, Canonicum.

At (veritati suus constet honor) non omnes Canonici id æquo animo tunc tulere. Horum nonnulli (maxima hæc laus) ut Sacerdotes se esse monstrarent, & libentissime, quæ sacerdotis sunt, arripere, se Parochis adjungere, & auxiliatrices his in Parochiarum regimine manus porrexere. Sic in Libris Parochialibus Ecclesiæ, cui servio, S. Andreæ Apostol. invenio RR. D. Maurum dell' Amorosa Canonicum Presbyteralis Ordinis

dinis Æconomum agentem in dicta Ecclesia sunt & in aliis hujus Civitatis Parochialibus Ecclesiis exempla hujusmodi.

Mirantur quoque nostri Canonici tunc temporis facilitatem, qui nihil commoti sunt de XII. illorum inferioris ordinis ministrorum exaltatione, nec intelligunt, quid fieri potuerit, ut non viderint boni illi Canonici, quantum de sua dignitate decederet ex multiplicato Canonici numero, cum *ipsa multitudo*, ut Tertullianus ait, *sit vilitatis argumentum*, & optimum quodque rarissimum sit. Indignum quoque videbatur XII. illos, qui in quarto Stallo sedebant ad primum, non indignantibus illis, ascendere, & venerabile CANONICORUM nomen fortiri.

Audivi & nonnullos indignantes, clamantesque, o imbecilles semper Canonici Aversani! saltem aliquid juris usurpatione, contentione, præscriptione, dolo bono, astu, calliditate, furto, rapina (quid amplius) vobis comparavissetis. Nihil omnino? Penitus spoliati, egentes. . . .

Habent nonnihil dignitatis alia alibi Capitula. In aliquibus Archidiaconus jure suo in promovendorum mores inquit. Eos dum ordinibus initiandi sunt, multis ante diebus Episcopo præsentat; probandos, vel improbandos significat. Item eminet inter Examinatores Synodales in Candidatorum ad vacuas Parochiales Ecclesias implendas experimentis (*concurfus vocant*) & duplici gaudet suffragio. Alibi Canonicus Thesaurarius perpetuus est, & suo Marte rem gerit. Est alibi Canonicatus, cui Mogialium cura est adnexa. Nihil ibi Vicarius Generalis sibi arrogat. Sunt & Capitula, in quibus ipsi Canonici ali-

T

quibus

quibus mensibus vacantes Canonici his, qui sibi placeant, inconsulto, & sapius invito proprio Episcopo, conferant, placitoque Confratres sibi adsciscunt.

Quid horum in nostro perillustri Capitulo? Adinvenit Ursinus (forsitan divini Numinis afflatu, idque publico bono; hoc enim hujus urbis indoles, moreque postulabant) viam, qua sibi totum Aversanum Capitulum perpetuæ servitutis vinculis devinciret, Canonicosque bene subactos suis obnoxios traderet successoribus. An non arctiori compede gravantur, majorique terrore premuntur Canonici Subdiaconi, & Diaconi ipsis minoribus Clericis? His iratus si forte Episcopus aditum ad majores Ordines intercludit: habent illi, quo se solentur ad secularia vota regressum; non adeo cruenta injuria est. At quimpatiens animi motus, quales ejulatus, & querimonæ, quot in omnibus conventibus & apothecis susurri, si Subdiaconus, vel Diaconus ille Canonicus ad Presbyteralem Canoniciatum non evehitur? Cogita ambitionis virus; expende lucri intertrimentum; cerne alium te minorem ad altiora conscendere; ob oculos tuos res agitur; saltem abesses; at quotidie cogeris adesse. Ubi lacrymæ quæ tantæ descendæ calamitati pares sint?

Dic obsecro, quid intentatum relinquet Subdiaconus ille, aut hic Diaconus Canonicus? Hunc trepidare, concurrere, præsto esse, assentiri... Ille venali lingua gemino Trojæ bellum exorditur ab ovo: in omnia se vertit miracula rerum. Hem! Stallum non mutat: infamis manet. Jam vero Presbyter Canonicus dies numerat senioris illius, qui Dignitate, ut vocant, potitur.

Inqui-

Inquirit sollertissime in ejus valetudinem . Ast Presbyter iste Canonicus imperitus est , vappa est . Nihil id incommodat , quandoquidem ablata est Animarum cura , ingens inde Præsuli facultas , cui vult , gratificandi . Ingens spes ipsi Theriæ ad primam , imo , quod magis placet , ad secundam dignitatem evolandi .

Hæc injustissime dici ipse sentio . Equis enim in generosos pientissimorum animos Canonicorum nostrorum hoc cadere posse suspicabitur vilis animi vitium , ut tantâ se velint ambitionis labe foedari , quæ ipsos in æternum perdat . Ego tamen dicere volui talem esse Capituli nostri constitutionem , hunc statum , ut satis ampla peccandi ex hac parte præbeatur materia , & fortia ad delinquendum , incitamenta , incautis obijciantur , adeoque nisi bene firmata , & undique tuta Canonicorum nostrorum probitas consisteret , certe in his non mediocriter illa offenderet sæpissime .

Vides interim quam iniquo loco res posita sit . Vides , qui laquei Episcopo tendantur . Nisi hic vir sit , nisi heroica præditus virtute , quomodo se a diabolicis ambicioforum artificiis expediet ? Sed immortales Deo gratias agere debemus , quod eum nobis Antistitem dederit , ad quem perfidia accessum habere non potest : qui justo pondere cuncta expendit , qui singulari sapientia columbæ simplicitatem cum serpentis calliditate mirabili nexu conjungit , nec blasphemetur facit nomen Domini , ut ipsi perditissimi viri exclamare cogantur inviti de tanto Episcopo : *Bene omnia fecit .*

At quid si præstantissimo hoc nostro Episcopo

ad altiore gradum eveſto, primisque, ut dignus est, Ecclesiæ ministeriis admoto, alius nobis detur Antistes, quem invidiosæ delatorum insurrectiones in Capitulum incitent? Quonam se jure Capitulum tuebitur? Canonicos omnes ille ex Episcopali Palatio fugabit; illis jure excipiendi sacras confessiones interdiceret, & qui maximus terror est, arcebit longe. Latio, h. e. a Monialium monasteriis, nec sacrum quidem in harum Ecclesiis illos facere permittet; censura in Clericorum mores spoliabit; auferet quæcumque honoris speciem præferunt. Poteritne Capitulum hiscere? jus, vel saltem consuetudinem prætere? Scimus quomodo Averſani Episcopi rem gesserint. Consuetudine nil Canonicis nostris datum.

Nolim laudis loco Capitulo nostro apponi, quod memorat doctissimus Noster, scilicet quod quo tempore eligendi Episcopi Capitulis facultas erat, Canonici nostri in alienigenas suffragia contulerunt, sicque postulante Capitulo inaugurati sunt in Episcopos Averſanos Adam de Bingo Ambianensis Diocesis, Petrus de Bolonnesio Canonicus Bellovacensis, Joannes Barenſis Cantor; in quo nostratum modestiam commendat Theologus noster.

Verum diceret quis cum S. Ambrosio: *Non mediocris invidia proditur, quæ civicæ caritatis oblita* in alienigenas, suis neglectis, causas amoris, & benefacta convertit. Dispeream, si de nomine saltem noti erant Canonicis nostris hi, qui commemorantur. In manu forti educti illi de angustia locorum huc advolarunt. At Canonicis nostris postulantibus. Utique, vi tamen cogente

... *Suf-*

. . . Suffragia quippe peregit
*Judex illa timor ; victum ratione salutis
 Justum, & depulsum jacuit formidine re-
 ctum.*

Si hoc non placet, habes aliud, quod me tacente probe calles.

Mirabilius illud, quod de FEUDALI JURE additur, scilicet *Simon Sclavius habitator Aversæ se & alios antecessores suos fuisse homines confitetur CONGREGATIONIS S. PAULI.*

Hoc non vota pati, non fingere somnia possent. Verum hoc ipse Theologus, dum ædificat, destruit: recolat, quæ scripsit pag. 134. ubi memorat: *In Cathedralibus Ecclesiis duo conflata corpora, Canonorum scilicet, & confratrum Clericorum; illa constanti vocabulo Collegia dicta, hæc Congregationes: nec excidat memoria, quæ scripsit pag. 136. ubi relato quodam instrumento anni 1142. infert: Quid quæso evidentius desiderabimus, ut in eadem Matrice Aversana, Congregationem scilicet, & Collegium fuisse agnoscamus, illam Clericorum Congregationi inscriptorum, qui FRATRUM vocabulo veniebant; hoc Canonorum a Congregatione memorata immane quantum dissimile.*

His positis, ecce anno 1223. *Simon Sclavius habitator Aversæ Civitatis se, & alios antecessores suos fuisse homines confitetur Congregationis Ecclesiæ S. Pauli &c.* pag. 141. Quid Congregatio cum Capitulo? Ergo Clericorum Congregationi jus Feudale hic adjudicatur. Et argumentum probat nimis. Pauperculæ Congregationi Clericorum jus Feudale?

T 3

At

At fortasse defierat tunc CONGREGATIO CLERICORUM. Omnia in Capitulum concesserant; ipsum quoque nomen non ea, qua prius accipiebatur, notione? Minime quidem. Consulat seipse Noster pag. 136. ubi hæc habet: *Et hi quidem Congregationis Fratres Clerici uno inclusi domicilio vitam duxisse videntur; nam supererat adhuc anno 1226. domus & palatium memorata Congregationis; nimirum eo prorsus anno Thomas de Nigra Aversanus offert prædictæ Congregationi annuum redditum tarenorum quatuor.* Florebat ergo anno 1226. Congregatio Clericorum. Sclavius anno 1223. se suosque antecessores fuisse homines confitetur Congregationis Ecclesiæ S. Pauli; ergo non Capitulo, sed pauperculæ Clericorum Congregationi jus illud adjudicandum. Hoc quis feret? Notum ceteroquin, quo sensu hæc sint accipienda.

Miratur nitidissimus Historiographus P. Orsi, quî fieri potuerit, ut luce Evangelica ubique rutilante sexto incipiente sæculo in Montis Casini cacumine adhuc & Apollinis simulacrum a montanis illis coleretur, & Idolatria in ipsis portis, si ita loqui fas sit, Romanæ Urbis (quæ Religionis centrum) grassaretur. At quid dixisset audiens doctissimum Nostrum Aversanæ Urbis ornamenta recensentem, id summæ illius laudis loco ducere, *quod numquam fuerit Idololatræ superstitione polluta, quod in Christi Fide fundata fidelis in ipso suo natali surrexerit.*

Hem! Hoc scilicet deerat nuperæ Civitati undecimo sæculo extructæ, ut etiam Idololatria fœdaretur. Et ubi tunc Idololatria in tota Italia? *Ast nequeunt, inquit, aliæ Civitates hoc se nomine*

mine gloriari ; fuerunt enim aliquando Idololatria pollutæ .

Quando? Scilicet in illo tempore quando nondum magnum illud Pietatis Sacramentum , Filii Dei Incarnatio , fuerat peractum , antiquissimæ Civitates Idololatriæ dominanti tunc religioni inserviebant .

Libentissime Theologum nostrum in nostræ Civitatis laudes effusum accipimus . Pugnamus & nos pro Patria , & confidentissime ; quandoquidem fato concessit festivissimus Sannazarius, nec potest doctissimo Nostro ingerere, quod Poggio Florentino :

Dum Patriam laudat, damnat dum Poggius hostem

Non malus est civis, nec bonus historicus.

Utinam alios a Northmannis habuissemus parentes ; fuissent aliis manibus hujus Urbis mœnia extructa . Fuit illis in deliciis honesto utile præferre ; hinc insignes sædifragi , ignotum , nec sanctum apud illos amicitiae nomen . Est id historici poetæ contestatione notissimum . Consonant coævi Scriptores .

Hæc tamen non incommodant ; moribus enim , & virtute homines censemus , nec superstitioni locum damus . Quid enim accepta a majoribus decora proderunt , si degeneres ipsi inveniamur ?

Ceterum habet nunc Averfanum Capitulum egregium , quo jure se jactet ; & super alia omnia se efferat decus , doctissimum Canonicum Theologum D.VINCENTIUM PESCE, quo nostra

Urbs alias inter caput hæc tantum extulit Urbes ,

Quantum lenta solent inter viburna cupressi ;

Rejicimus hinc Tragicum canentem :

Ultima cæli sidera Pisces ;

Etenim hujus nostri sunt maxima ,

Primaque cæli sidera Pisces .

Amplissimæ laudationis rerum nostrarum Argumentum is unus esse potest , idque satis , & omnium instar . Est enim Theologus hic Vir ingenio maximo , & systematico , dignus , qui omnium judicio prædicetur (ut de S. Isidoro Tolletana Synodus) Doctor egregius , in sæculorum sine doctissimus , & cum reverentia nominandus.

EXCITATORIUM
AD PAROCHOS URBANOS
LUSUS PASTORALIS.

REs agitur vestra, o Socii! jam proximus ardet
Upilio; en Lycidæ vastis magalia flammis
Collucent propius, Boreasque incendia miscet;
Jam penitus totam Arcadiam confidere in ignes
Adspiciam; properate citi, mora nulla, furentem,
Pastores, talem a caulis avertite pestem:
Sit monuisse satis. Quid majus namque Menalcas
Ipse senex possum? Rebus succurrite lapsis,
Vos juvenes, quibus in viridi stant corpore vires;
Vos o vos, servate gregem, servate bubulcos
Vos lacrymis affusa genas, laniata capillos
Nomine quemque vocans Amaryllis spectat, &
agnos,

Heu niveos agnos vobis, foetasque capellos
Commendat. Clamantem quisnam Amaryllida
spernat?

Si vos tanta tenent vestrarum oblivia rerum;
Nullus amor pecoris tangit, si vilis habetur
Mulctra, tridens, liquidi, vel pressi copia lactis,
Ast donum egregium cali, quo tota superbit
Arcadia, exultantque audito nomine silvæ,
Respicite o saltem lugentem Amaryllida; cunctis
Gaudeat illa suis calathis, rubrisque lapillis,
Incolumesque suas servet bene tuta corollas.

RESPON-



R E S P O N S I O N E S

A D A P P E N D I C E M

T H E O L O G I N O S T R I .

CUm adhuc sub prelo essent postremæ hujus Opusculi pagellæ, allatum est Clarissimum Theologum nostrum Appendicem quandam ad Librum suum edidisse . Illico Typographum monendum curavi , ut manum de tabula, donec quid illud rei esset, viderem. Vidi ; lætatus sum . Divinando conjeceram Theologum nostrum ejuraturum aliquando, quæ de forma Regiminis Ecclesiastici scripserat pag. 8. Factum . Vide quam splendide de Pet. i Pontificio , deque Romana Cathedra hic loquatur . Ad Italogum Theologorum calculos , quos abjecerat , eum rediisse patet : *Nimirum* (sunt ejus verba pag. 152.) *non aliter schismati , ac dissensionibus , quæ forte oborirentur , obviam iri poterat , nisi uno Capite , unitatis Centro , constituto , ac MONARCHICI Regiminis forma .*

Gravissime totum Clerum affecerant , quæ de Jure Presbyterorum in Controversiis Fidei attexuerat . Prædixi eum in Pianæ Bullæ aspectu manus statim daturum . Aspexit . Manus dedit ; luculentissime rectum suum sensum hic aperit . Scio pientissimos homines adhuc desiderare hîc solitam Theologi nostri Christianam humilitatem . Voluissent

sensit hi, ut Noster errati sui ingenuam edidisset confessionem; se quæcumque in eam sententiam dixerat, velle indicta habenda; neque ad *Incompletam Potestatem* (ridiculum sane effugium) se recepisset. Ast ego de Theologi mei fama sollicitus, his repono, illum veritati, & muneri suo cumulatissime satisfacisse. Ceterum Lectores meminerint oportuisse Theologum nostrum magnum Oratorem insistere vestigiis Oratorum maximi, qui sic de se Lib. II. de Orat. *Confiteor me si qua premat res vehementius, ita cedere solere, ut non modo non abjecto, sed ne rejecto quidem scuto fugere videar; sed adhibere quamdam in dicendo speciem, atque pompam, & pugnae similem fugam. Consistere vero in meo præsidio sic ut non fugiendi hostis, sed capiendi loci causa cessasse videar.*

Sed his omiſſis, illud certe nullo pacto ferendum nobis videtur, Theologum nostrum perſtare adhuc in ſua ſententia de Presbyterio in Canonicos transfuſo: *Siquidem, inquit, hujus occasione diſputationis illud in nos intorqueri audio; cum nimirum vetus Presbyterium aſſeruerimus ſolis Animarum curatoribus conſtituiſſe, id eſt Parochis, Parochos, quibus ſolis Animarum cura hæſit, non Canonicos, qui illam diu jam abjocere, illi Presbyterio, ejuſque Juribus legitime ſucceſſiſſe. Quod vere dici videretur, ſi vetus Presbyterium, Canonicosque antiquos ſola Animarum cura conſtitueret; quod nonniſi falſiſſime affirmari poteſt.*

Itane? *Falſiſſime?* Quam pronus eſt Noster in brutis fulminibus jaciendis! Salmoneum in fabulis notiſſimum mihi videre videor. Huic jocoſe

Te ingereret Erasmus: *Si Deus esses, nos omnes ad Tartarum detruderet.* Verum quæ ipse *falsissime*, nos verissime dici in toto Opusculo evicimus. Adeat §. III. Part. II. ubi plenissime confutata inveniet omnia, quæ hîc habet.

Sed quæ est ista, rogo Te, tam subita, tamque mirabilis mutatio, ut ab Animarum curatoribus in Canonicos Animarum cura spoliatos evolarit Presbyterium? Idem Episcopus, iidem Curati, idem Regimen; nihil accessit, nihil decessit; neque enim quidquam accidit, quod Presbyterii naturam intrinsecam immutavit, vel cur istud id esse, quod antehac fuit, poenitere debeat. Presbyterium totum quantum erat in Animarum salutem cum Episcopo incumbebat. Incumbunt nunc Parochi. Presbyterium unum cum Episcopo corpus conflagrat. Conflant Parochi. Horum cum Episcopo necessariam conjunctionem audiet mox ab eodem, quem in deliciis habet; & ad quem paulo post confugit Noster, non ignobili Theologo Ludovico Habert. Dic quid, amota Animarum curatione, regiminis, quid negotii in Ecclesia Prælati superfit? Nempe hoc totum, ut ad salutis æternæ portum Animæ in hoc seculi pelago fluctuantes dirigantur. Qua ergo via Canonici nostri, quibus nullæ oves concreditæ sunt, quos nulla sacræ doctrinæ tradendæ attingit necessitas, quibus nullum ex vi muneris sui Sacramentorum ministrandorum onus impositum; uno verbo nullus ad sacratissima illa penetralia Pastorum propria patet accessus, in Presbyterium irrepent? Nemo est adeo vaser præstigator, qui id mihi persuadere possit. Quod si alia munia, peregrina illa quidem, & dicam modeste,

regi-

regimini ipsi ἀδίκον, & ἐξώτικα huc revoces, vide ne HUMANAM, quod Cyprianus initio memoratus detestatur, Ecclesiam facias. Tædet semper eadem recantare. *Ne ultra crepidas sutor*. Canonicas horas voce, & corde psallant Canonici. Hoc unum eorum munus. E Presbyterio seipsi eiecere, dum Animarum curæ nuntium miserunt. Hæc unus veri amor, & susceptæ disputationis ratio a nobis expressit.

Est maxime molestus Theologus noster, dum hîc a pag. 173. dulcissimum illud somnium suum (an toties de eadem re audiemus?) nobis narrat verbis illis: *Ceterum etsi Canonici hodierni Ministeriali, ut ita dicam, Animarum curæ nuntium miserunt, eminentiorem tamen curam retinere. Si enim Episcopo in Pastoralis sollicitudine, sive consilio, sive consensu præsto esse debent, non id est nobiliori quodam modo, non unius Paræciæ tantum, sed Diœceseos totius talem gerere curam, qualem gerit Episcopus ipse?*

Evigilabit Noster, si quis in aures Ei insusurabit, nonnihil de his, quæ nos majore voce clamantes, attulimus. Irascitur tamen, ut ad me delatum est, Theologus noster Parochis. Hos injuria conqueri, nec nisi injustissime Opusculo suo litem intentasse clamat, & in nullo læsos, illiberaliter tantas excitare tragædias; Episcopos potius, ait Ipse, nonnihil potuisse commoveri; Parochos nequaquam.

O bone vir, tantumne de Parochorum stupore tibi promiseras? An quod hîc habes Parochialem dignitatem penitus non evertit? *Si Canonici Animarum cura spoliati, adhuc tamen Paræciarum*

ciarum totius Diœcesis eminenti quadam, ac generali sollicitudine, ac regimine, eo nimirum, quo Episcopus ipse tenetur una cum eo ex vi sui ministerii obstricti sunt, & devincti, jam sunt Parochi sub regimine Canonorum; Canonicis præcipientibus subditi obtemperabunt; hos vice Dei supra caput suum positos reverebuntur. At quo Sacramento obstricti? Quando se illis devovere? An non sufficit unus Prælatus? Gravio- re sub regno, multiplicatis dominis, ærumnæ increbrescent, & superbe imperabitur? At, inquit, Canonici præcipiunt sub Episcopo, una cum Episcopo. Itane bardi illi, ut id, quo tendat, non perspiciant? Ergo celeripes ille, (vulgo Cursor) dum ad me Episcopi mandata perfert, dicam me esse sub regimine Celeripedum?

Verum, quod magis mirari subit, ad Ludovicum etiam Habert nos provocat. Sed is loco, quem laudat, scilicet cap.VI. (non 7. Typographi error est) ea de Parochis habet, quæ si ipse audiet, non mediocrem animi mœrorem inde capiet. Ea hîc perstringamus; neque id omnino inutile, quandoquidem jubente Excellentissimo Antistite nostro, Theologiæ Candidati Clerici nostri, sive in florentissimo Seminario, sive extra hujus Theologi scripta terunt, eaque illis optimi Magistri explanant.

Is igitur principio Capitis illius cum dixisset: Ex Presbyteris alios potestate jurisdictionis ordinariæ gaudere, ut Curatos seu Parochos, alios carere, quales plerique, qui ordinantur sub titulo Patrimonii, aut paupertatis, ut Monachos, & Religiosos, addit posteriores locum non obtinere in Hierarchia, nisi modo imperfecto, *utpote qui*
non

non habeant Subditos, quibus imperent, quosque ex statu suo, seu proprio officio ad DEUM adducere teneantur. Contra vero (sunt etiam ejus verba) priores positi sunt regere Ecclesiam Dei, & pascere Gregem Christi, subditos habent, in quos Sacrum Principatum perfecte exercent, ac proinde Ordo eorum est vere, ac plene Hierarchicus. Vides expungi ex Hierarchia Canonicos.

Propugnat: Parochos esse institutionis divinæ, & ex permultis tum S. Scripturæ tum veterum Scriptorum testimoniis rem conficit; confirmatque ex Trid. Sessione 23. Can. 6. *Concilium definit (en ejus verba) in Ecclesia Catholica esse Hierarchiam Divina Ordinatione institutam, eamque constare Episcopis, Presbyteris, & Ministris. Atqui Presbyteri eo loci non possunt intelligi, nisi Parochi, siquidem alii vel jurisdictionem habent, vel non: Si primum, ejusmodi jurisdictionis est delegata, ac proinde non eis competit jure Divino, sed ex Episcoporum beneplacito, nec sufficit ad constituendam Hierarchiam, ut diximus cap. II. Si secundum, subditos non habent, nec proinde Sacrum Principatum exercent. Iterum exulare jubentur a Hierarchia Canonici.*

Tenet: Jurisdictionem Parochorum esse immediate a Christo, & multis in hanc sententiam adductis subdit: *Quare qui Parochum spernit, Christum spernit, & qui potestati ejus resistit, Dei ordinationi resistit, a Deo quippe est potestas illa quoad institutionem primariam, & ideo divina ab omnibus (audiant hæc, & intento digito notent, si qui Canonici, qui secus sentiunt)*

sentiunt) *eiuslibet gradus veneranda , sed ab Episcopo imprimis fovenda , ac tuenda , utpote sibi maxime necessaria ; quomodo enim caput etiam valentissimum ad nutum movebit corpus , si organa sint impedita ? Sic se haberet sanctus , & multus laboris Episcopus , si potestas Parochorum iners , & veluti laxata jaceret ; totaque Diœcesis tanquam corpus Paralyticum sub sano capite cerneretur , nisi intensa , ac nervosa Parochorum auctoritas , & sollicitudo votis Episcopi obtemperaret .*

Pergit paucis interjectis : *Inde etiam discant Parochi , quæ cum Episcopo debeat esse eorum conjunctio , quæ animarum consensio , quæ communicatio spiritus , nimirum qualis requiritur caput inter & membra organica ad corporis unitatem , valetudinem , & pulchritudinem : etenim membra capiti non cohæreant , corpus non erit unum : laxata sint , & a suis sedibus mota ; corpus erit deforme : influxum a capite non recipiant ; obstructis spirituum meatibus , deficiet virtus corporis , & actio . Talem cogita Ecclesiam , nisi membra ejus non solum fidei , sed & caritatis vinculo constringantur . Si enim Pastores privatis studiis a se invicem dissideant , non erit una ; si ordo inter eos a Christo institutus , & apta eorum compositio non servetur , peribit decor ejus , & formæ Hierarchicæ dignitas ; si alio , quam capitis , spiritu ducantur , non stabit divinum illud robur , adversus quod portæ inferi prævalere nequeant .* Hæc omnia Ludovicus Habert .

Vides solis Parochis conjunctionem illam cum Episcopis tribui : vides Parochos esse membra

V.

Epi-

Episcopi : vides in hos solos Ecclesiæ regimen sub Episcopo incumbere. Quæ si vera sunt, quomodo stabunt, quæ ipse Habert, & ex eo Theologus noster propugnant de Senatu Episcopi in Canonicos Animarum Cura carentes translato? Sint (liceat per nos) Canonici Senatus Episcopi eo tamen sensu, quem initio nostri Opusculi posuimus.

Fastidiosi essemus, si quæ de Jurisdictione Capituli, Episcopo e vivis sublato, fusissime disputavimus §. XIII. Par. II. hic regerere vellemus. Ea fortasse demonstrabunt non esse *admiraculum præclarissima*, quæ ex Card. de Luca in Adnotatione hic affert Noster, & somnia illum narrare, dum totum jus Cathedriticum tam in *Habitu*, quam in *Exercitio* remanere penes Capitulum confidentissime affirmat. Nimirum hæc evertuntur ex his, quæ de Visitatoribus, seu Interventoribus Noster ipse commemorat, quibus frigide occurrit, dum clamat *illam Disciplinam nec semper, nec ubique viguisse*; nec videt interim quantum causæ suæ incommodent illa, quæ ipse ultro fatetur de Africa, & de Gallia &c. & de Metropolitibus; quasi tot SS. & doctissimi Episcopi non viderint *illam consolidationem, illudque jus non decrescendi*, quod arcessit Eminentissimus de Luca, dum dicit, *quidquid illud nunc sit Capituli, non ex Privilegio, vel speciali delegatione, sed ex ipsius rei natura descendere*.

Desinat interim Noster Capituli potestatem, Sede vacante, urgere. Detur id necessitati quoad illum unicum actum, de quo nos fusc loco cit. An Pontificia Sede vacante affirmaveris
po.

potestatem, quæ in Pontifice erat, ad Cardinales recidere, quasi integrum sit his novos Religiosos Ordines probare; in Sanctorum numerum aliquos referre; anathemate falsas doctrinas percutere, & alia hujusmodi? Nihil prorsus: ad solam Pontificis electionem fas est illis devenire.

Grave at nobis est excidisse memoria Theologo nostro Capitula tunc temporis ex Parochis, tota quanta erant, constituisse, Parochosque Presbyterium illud conflasse. Id ipsemet disertissime sæpius fassus est; atque proinde dum memorabili ausu ad nostros Canonicos detorquet, quæ de Presbyteris Animarum cura insignibus, Canones, priscique Antistites prædicant, caveat, ne apud irritabilem Prætozem ii, quorum interest, ipsi diem dicant.

Verum id fortasse metuens Noster in munitissimam arcem se recepit, postibusque hanc affixit denuntiationem: *Totius rei summa* (sic ipse pag. 176.) *huc redit demum. Ab Apostolicis usque temporibus Ecclesia senatum habuit Presbyteris compactum, Episcopo suo assidentibus... sed Tridentinis PP. fixum, ratumque est hunc locum, hunc senatum hodiernos Canonicos implere. Hi igitur veteri illi Presbyterio succedunt legitime, inque hos illorum jura, ac privilegia hæreditario quodam titulo transfunduntur.*

O ineluctabile argumentum! plane Achilles est invincibilis; jugulum petit. Nuper scitulus quidam clericus adolescens minoribus Ordinibus initiandus, rogatus ab Examinatore, An Ostiarius esset Sacramentum, omni asseveratione affirmavit, addiditque Catholica id Fide renen-

dum. Obstupuit Examinator. At ille: Ecce tibi ἀποδεικτικόν argumentum. De Fide est Ordinem esse Sacramentum, gratiamque conferre. Florentinum dubitare non finit. Sed Tridentinum sub anathematis poena edicit Oſtiariatum esse Ordinem. De Fide ergo est. Oſtiariatum esse Sacramentum. Risimus omnes. Dispeream si dissimile sit Theologi nostri argumentum.

Sed joci omissis admittimus Senatum illum, quem ab Apostolicis temporibus Ecclesiam habuisse commemorat; dicimus illum ex Parochis fuisse constatum. Negamus Tridentinis PP. fixum, ratumque esse hunc Senatum, eo sensu quem accipit Noster, hodiernos Canonicos implere. Secum ipsum pugnaret alias Concilium. Ostendimus §. XI. Par. II. Quid de hodiernis Canonicis Tridentinum compositissimis litteris expresserit. Ex illis patet non solum laticlavium, ut Senatoribus, sed & annulum, ut Equitibus fuisse Canonicis nostris detractum, ut nec Senatores, nec Equites sint illi his temporibus censendi. At vocat *Senatum*. Habes in nostræ I. Partis principio, quomodo id accipiendum. Hierusalem post Delicidium *Sanctam Civitatem* vocat Evangelista.

Fortasse commotus est Noster, & ex arce spem conventionis nobis injicit. Libenter accipimus. Non enim nos contentiones, non bella delectant, & dum arma apparabantur, nunquam non pacem potius optabamus, canentes cum Poeta?

*O ducum cunctis potior triumphis
Alma Pax nobis comitata faustis
Gaudiis adsis, relevans profundo
Pectora morbo.*

Audi.

Audimus jucundam vocem Nostri: *Hæc cum affirmamus* (sic ille pag. 175.) *non illud nobis propositum est, ut nostrates Canonicos contentione facta Parochis anteferamus, aut hos illis vicissim Parochis animarum cura extollit, quæ sane dignitatum summa est, quæ supra mysticum Christi Corpus mortali homini conferri possit.* Beasti. Satis hæc; ne alterum quidem, amabo te, verbum adjicias. *Si summa dignitatum* Parochos exornat, age, habe Canonicis tuis quidquid libet. Accurre ad Tullianæ eloquentiæ flumina, ut hos prædices; invoca in eos, qui de his non alte sentiunt, Demosthenis fulmina. Liceat per nos; semper *summa erit Parochorum dignitas.*

Sed Conventionis capita proponit Noster pag. eadem. I. Canonici sunt Episcoporum Consiliarii super regimine, curæque ipsius recta administratione. II. Consiliarii sunt non ad arbitrium adsci i, sed ex necessitate in multis saltem Capitibus, quæ in unum locum congestimus Par. II. pag. 100. III. Quod in Capitulum Sedæ vacante omnis Episcopalis jurisdictio recidit. IV. Quod Canonicis Episcopus, immo commune jus præfens, potestatem ampliat Clavium, Canonico nimirum Pœnitentiaro. V. Quod Magisterium doctrinæ sacræ tradendæ munus ipsis solemnitus, ac præcipua quadam ratione conceditum est, Canonico nempe Theologo. VI. Canonici, non vero Parochi, una cum Episcopo ad Concilium Provinciale conveniunt. VII. Denique quod ipsi, præ aliis simplicibus Sacerdotibus, frequentius destinari soleant ad gravissima omnium munia. Hic memorat *Examinatores Synodales*; ait quod

Canonici aliquando in Ecclesiastico Tribunali judicent de ipsis Parochis. Addit delicatissimum Monialium regimen, in quo plerumque Canonici vicariam operam præstant Episcopis. Concludit tandem: quodque rem magis confirmat, mos invaluit, ut Parochi sibi ad Capitulum aditum patefieri postulent, atque ad Canonatus ascendant; Canonici nunquam fere ad Parœcias descendant.

R E S P O N D E M U S,

Ad I. Utique, sed ad Episcopi arbitrium.

Ad II. Negamus ex supradictis.

Ad III. Responsum est paulo supra, & alibi sæpius.

Ad IV. Pœnitentiarius vulgo audit Parochus Parochorum.

Ad V. Læceat per nos; meminerimus tamen Parochos magistros in Israel.

Ad VI. Nisi modestia vetaret, regereremus quæ de Afsisiis ignotus ille pulcherrimi Operis Theologi nostri conspurcator habet, ubi nominat *Apparitores*. Latissime supra expendimus, quæ Parochorum partes in Synodis. Et quomodo calere poterunt Canonici abusus, & quibus in partibus disciplina sit reparanda, ceteraque, quorum in Synodis necessaria tractatio est, cum sint Animarum cura spoliati, cum Gregem, cui medeantur, non habeant?

Cum ergo ex eorum absentia nihil de publico bono decedat, expedit, ut Episcopum ad Synodum Provincialem euntem comitentur. Assumuntur enim ad decorem Episcopalis Dignitatis.

tatis. Et jure quidem cum ex Cap. DE CETERO 7. Cleric. non resident. Canonici dicantur esse *in servitio Episcopi*. O rem miserrimam! o Senatum!

Ad VII. Quando placet Episcopo. Et quoad *Moniales* (quando hic rei cardo vertitur, & has propter non minus, quam pro Helena illa Argivi, Troesque delirabant, insaniunt Parochi, & Canonici)

..... *Longa est injuria, longæ
Ambages, nec summa sequi fastigia rerum
Exedit*

Examinatorum *Synodali*um negotium expedivimus §. IX. Part. II. Piget refricare, quæ late disputavimus, cum de his ageremus; sed illud non animadvertisse videtur Theologus noster eos, qui ad experimenta (vulgo *Concursus*) accedunt, nondum esse Parochos. Præterea Parochi, imo simplices Presbyteri, & Regulares (modo sint Examinatores Synodales) Canonicos ipsos, qui Præbendas, ut vocant, Theologalem, vel Pœnitentiariam ambiunt, expendunt, probant, vel improbant. An tu non aurificis statera, sed populari quadam trutina hos tunc dices examinari? Uti rogas; res tamen conficitur. Stomachantes hæc scribimus. Vide quo nos impellit Noster.

Quod *Tribunal* memorat? Estne aliquod Tribunal proprium Capituli, in quo de capite; vel fortunis, solis agentibus præsidentibusque Canonicis, Parochi periclitentur? Anne de Ecclesiastica Curia loquitur? Teneo. At non ignorat agere ibi pro Fisco posse simplicem Clericum, & judicem ipsum, scilicet Vicarium Generalem, posse

illo munere fungi, modo sit Prima Tonsura initiatus.

Prælatitia quæ jactat *insignia*, habeat Canonicis suis; non invidemus; miramur magis, quomodo sic insanitum sit. Optandum maxime esset, ut Canonici nostri nunquam ornamentorum illorum pulchritudine adeo capti, & incensi fuissent.

Quod autem Canonici nunquam ad Paroecias descendant; Parochi vero Canonicatus anhelent, id unde fiat in hoc Opusculo satis, & sæpius indicavimus, memineritque Noster stultorum infinitum esse numerum; ac si his omnes ætates, regionesque abundarunt, nunc mirum est, quantum uberior copia excreverit ubique.

Interea Noster non secus ac si defossam invenisset thesaurum, *ignotum argenti pondus, & auri*, exilit gaudio, dum videt in Thomassinio suo ex Concilio Emeritensi permissum Episcopis, ut Parochos ad Canonicatum transferrent, & consecratoria, quæ inde laudatus Auctor deducit, avidissime arripit, & plenum Thraonica gloria longissimum Thomassini textum excribit.

Me ad insaniam adduceret Scriptor hic. Paulo ante *inauditam novitatem* opproberaverat Emeritensi, cuius Constitutionibus nullo pacto stare poterit Noster; unico enim impetu everunt, quæ ipse herculeo labore pro suis Presbyteris, Diaconibusque undique corrasit. Thomassinus ex pravo semel posito Principio pejora deducit consecratoria, oblitus sui, oblitus Lectorum. Nonne pluribus, & frequenter firmaverat, & ad nauseam usque ingeminaverat Thomassinus, Canonicos tum temporis veros Parochos fuisse?

Quid

Quid igitur hic habemus, nisi Rurales Parochos factos Urbanos Parochos? At vide intolerabile σφαλμα! Quæ Canonicis illis, ut Parochi erant, tribuuntur in omnibus huiusmodi monumentis, Thomassinus, & Noster ad hodiernos Canonicos Animarum cura spoliatos detorquent. Consulemus Jctos, qua actione a nobis sint illa repetenda.

Bona videbatur pax oblata, diuturnam idcirco eam speravi futuram. Sed Noster videtur ad ingenium redire; etenim pag. 177. hæc habet: *Hic finem facere constitueram cum mihi obnuntiatum de aliquibus in exposita Presbyterii doctrina, ut ut innumeris auctoritatibus firmata, non satis mihi consentientibus, perinde ac si Parochis injurius fuisset, quos Presbyterio expulerim. Ad istorum igitur gratiam ineundam, age O Parochos etiam quoquo modo fas est, in Presbyterium admittamus.*

Sanus ne es? Te e Presbyterio, in quod invaseras, Parochi deturbarunt; conditiones accepisti; Tua tibi habere jussus es, & Tu ad Parochorum gratiam ineundam, Parochos etiam quoquo modo fas est, in Presbyterium admittis? Apage te cum ista ingrata gratia. Rursus rricaris; distintiuunculas comminisceris; præmittis: *Neque enim omnia tanquam imperitis Lectoribus enucleanda tum censui.* At enucleasses; vides enim Parochos non recte asssecutos sensa tua. Sed non poteras enucleare: nondum enim ACUTISSIMI INGENII VIR, atque ad conciliandas partes APPRIME COMPARATUS NICOLAUS CALDORA S. T. M. tibi distinctionem illam suppeditaverat. Ea quanti pretii sit, in præ-

præfenti difcutere non vacat ; judicent alii , videantque Theologiæ ne , an Canonicae egeris ? Tum fi hujusmodi Metaphyficæ Abstractiones hic poffint obtinere . Bonam interim mentem fuaviffimi Caldora (paucis a diebus fum huic in amicitia junctus , eumque plus oculis meis amo) laudamus . Mitiffimi ingenii Vir eft dignus , qui ametur .

Eft quoque dignus qui ametur , Theologus nofter ; ipfi ex parte gratulamur , ipfumque de hac Appendice valde amamus .

Sed antequam hinc abfcedamus , eft unum , quod omnino monitos volo Lectores , illudque tacitus omnino prætereire non poffum . Singularis meus erga Theologum amor effecit , ut ipfum perquam honorifice in hac tota Lucubratione exceperim , multasque ei paffim laudes impertiverim ; ejus enim opus *pulcherrimum* , ipfum vero *doctiffimum* fæpius appellavi , & quod magis mirandum , cum is in Pii Sexti Bullam impegifset , *innoxium Pianæ Bullæ violatorem* ipfum dixi . Tantum abfuit , ut vel hominem , vel ejus operam intemperantius profcinderem ; id enim & nefas erat , & a meo valde abhorrebat ingenio . At cum nuper accepiffem viros & ufum rerum peritiffimos , & doctrina præftantes extitiffe , qui de Theologi libro ufque adeo non bene fenferint , ut affirmaverint illum & Transalpinum quid redolere , & dignum effe , qui juxta cenfuræ nota multetur , illico me non levis fufpicio , metusque inceffit , ne eandem , quam Opus , Operis etiam laudator invidiam , offenfionemque fufciperet . Quæ cum ita fe habere intelligerem , mihi ipfe deeffe nolui , nec committere , ut nulla animi
mei

mei significatione indubium facerem, mihi nunquam id consilii fuisse, ut quæcumque eo in libro reprehensione aliqua digna inveniri acciderit, ea ipse laudibus illi attributis probare ulla ratione voluerim, qui omnia, quæ hic scripsi, summi Ecclesiæ Hierarchæ iudicio, & S. Romanæ Cathedræ Sententiæ omni animi demissione subijcio.

Quod ad *εγκωμιαστικόν* autem illum ineptissimi Epigrammatis auctorem attinet, primo ridiculum ejus sub geminati B. siglis delitescendi studium satis mirari non possumus; deinde ipsi gratulamur, quod Jansenistarum morem tenere, eorumque imitari exempla laudi sibi fore duxit; monendum denique ducimus, quod si non singuli, plerique certe de Clero, quem sugillat; possunt ei ingerere

*Et nos tela etiam, ferrumque haud debile
dextra*

*Spargimus, O nostro sequitur de vulnere
sanguis.*

Æneid. XII. 30.

Ego tamen Theologi vicem doleo, qui sive Epigramma illud domi sibi natum aliquem conduxerit, cui commodaret, & quem tanquam fabulam doceret (qui scilicet rumusculi in Urbe percrebuerunt) sive ab alio, qui de suo turpissimam per assentationem illud cudisset, libentissime acceperit, vulgandumque curarit, numquam certe non pessime existimationi, famæque suæ consultum ivit. Nos autem, qui id, quidquid laboris est, nonnisi veritatis amore suscepimus, ne injuriam etiam per jocum fortasse veritati illatam, inultam patiamur, ad ejus normam puti-

titulos illos exigentes versus, hoc pacto, necnon
per jocum, atque risum castigandos, immutan-
dosque censuimus.

EPIGRAMMA INCERTI
ILLIUS AUCTORIS BB.

*Jura Sacerdotii dum prima ab origine ducis,
Et vera illius munia quemque doces,
Nil nisi communem Cleri jam pene labantis
Causam agis, in proprio quem cupis esse gradu.
Hinc tua, Vincenti, perdocta, ac plena nitoris
E Clero quisquis carpere scripta volet,
Se certe aut Latii prodet sermonis egenum,
Aut proprii ignarum juris, O officii.*

R E P O N I M U S.

*Jura Sacerdotii dum prima ab origine ducis,
Et falsa illius munia quemque doces,
Nonnisi communem Cleri rem pene labantis
Perdis, quem proprio dejicis usque gradu.
Hinc tua, Vincenti, fucati plena nitoris
E Clero quisquis carpere scripta volet,
Se certe haud Latii prodet sermonis egenum,
Haud proprii ignarum, juris, O officii.*

LECTORI BENEVOLO.³¹⁷

ANtequam, amice Lector, libelli hujus lectionem attingas, illud tibi semel prædictum scias, in eo usque adeo operarum vitio, quibusdam præsertim in locis, corrupta omnia esse, ac depravata, ut mirum videri debeat, si te ad necem usque non fatigent, atque excrucient. Adeo bonorum votis, quibus felicia, faustaque omnia Operi adprecabantur, partim scilicet pro sua ipsorum in me nihil tale merentem voluntate, partim pro incensissimo, quo tenebantur, veritatis studio, importunum nescio quod typographicum veluti fatum intercessit. Reliquum est ut acceptam ab Opusculo hanc, ut ita dicam, calamitatem, tu humanitate tua imminutam quodammodo, ac levatam esse velis. Vale.

ERRATA

Pag.9. lin.17. hic debent
 21.l.18. Adversarii nostri
 24.l.32. exurgent
 26.l.10. ex si
 30.l.19. elegantissime
 43.l. 8. Exquitur
 44.l. 1. poena est
 53.l.16. timore
 65.l. 6. Hoc vero
 1b.l. 7. de quo agimus.
 68.l. 4. sulcipere
 72.l. 3. prosroget
 1b.l.25. ententia

CORRIGE

hi debeant
 Adversarii Theologi nostri
 exurgerent
 si ex
 elegantissime
 Exequitur.
 poena non est
 tumore
 Hoc vere
 de quo agimus?
 suscepere
 proroget
 sententia

| | |
|----------------------------|----------------------|
| 73 l. 4. Quoscumque | Quascumque |
| 1b.l.18. op̄eræ | opere |
| 74 l. 2. pollice probamus | pollice subscribimus |
| 77 l. 3. dicatedo | decedendo |
| 1b.l.31. <i>Provisoria</i> | <i>Provisorias</i> |
| 87 l.28. indictos | inditos |
| 90 l.11. fuisse | fuiſſet |
| 1b.l.33. Ducis | Duces |
| 91 l.34. infiederit | infederit |
| 96 l. 5. apte | aptæ |
| 1b.l.21. infe itas | infelicitas |
| 104 l. 3. industriam | industrium |
| 105 l.23. Ecclesia | Ecclesiæ |
| 110 l.23. ignari | ignavi |
| 114 l. 4. in nulla | in nullo |
| 116 l. 7. homanam | humanam |
| 1b.l.29. Presbxteros | Presbyteros |
| 118 l.17. Subscriptis | Subscriptiones |
| 1b.l.31. quas ad | quos ad |
| 119 l.14. vocatas | vocatos |
| 120 l.22. fociis quas | Sociis quos |
| 1b.l.24. dictum | dictu |
| 1b.l.27. divisas | divisos |
| 122 l.22. Officiaies | Officiales |
| 123 l. 5. inquiram spem | inquiram . Spem |
| 124 l. 1. nostro | Nostro |
| 1b.l. 7. questione | quæstione |
| 1b.l.29. illicita | illicia |
| 125 l. 2. imperiret | imperitet |
| 126 l. 3. Episcopi centum | Episcopi centum ; |
| 127 l.30. Straregum | Strategum |
| 128 l. 5. Burgurnia | Burgundia |

ERRATA

CORRIGE³¹⁹

| | |
|---|---|
| 135.l. 8. Μαρία | Μαρία |
| 141.l.30. non receptio | novi receptio |
| 143.l.15. eunuchus | eunuchi |
| 144.l. 9. si iudicium | si iudicium |
| 173.l.10. novo | nodo |
| 199.l. 9. Purochorum | Parochorum |
| 200.l.14. Parimorum | Parisinorum |
| 212.l. 1. sequens | sequent : |
| 217.l.26. suum Capitulum
nobis pro Cœlo obtru-
dit Irum | Irum suum Capitu-
lum nobis pro Cœ-
lo obtrudit |
| 224.l.11. gratia | gloria |
| 247.l.28. compensatur | compescatur |
| 255.l.12. reclamatur | reclamat |
| 261.l. 5. fœdis | fœdius |
| 263.l.22. Ecclesiasticorum | Ecclesiasticum |
| 265.l.10. pateat). Omni | pateat) omni , |
| 266.l.20. numeratos | memoratos |
| 273.l.19. extitit | extitit |
| 286.l.25. bonus ille | bonus ille |
| Ib.l.32. possumdedit | possumdedit |
| 290.l.16. regressum | regressum |
| Ib.l.17. at qui | at qui |
| 295.l.11. quandoqueem | quandoquidem |
| 297.l.13. capellos | capellas |



